



BIBLIOTECA NAZ.  
Vittorio Emanuele III

**XLIII**

**C**

**51**

**NAPOLI**







ATTICA BELLARIA,

SIVE

LITTERATO-  
RVM SECVNDÆ  
MENSÆ, AD ANIMOS  
EX CONTENTIONE, ET LASSI-  
tudine studiorum lectiunculis exqui-  
sitis, iucundis, & honestis relaxan-  
dos.

SYNTAGMATIS X.  
EXPLICATÆ.

*Pars secunda.*

AVCTORE

IACOBO PONTANO

Societatis IESV.

*Biblioth.  
neapol.*



*Donum prot. 174  
for. Iesv -*

AVGVSTÆ VINDELICORVM,

*Typis Andreae Apergeri, & impensa Ioannis  
Hertsroy.*

ANNO M. DC. XVII.



ATTEST

LITTE

RM

RECEIVED

OF THE

SECRETARY

OF THE

NAVY

ATTEST

SECRETARY

OF THE

NAVY

ATTEST

SECRETARY

OF THE

NAVY

ATTEST

SECRETARY

OF THE



Handwritten signature or initials in the bottom left corner.

Handwritten signature or initials in the bottom right corner.

Handwritten text below the signature in the bottom right corner.





AD MODVM  
R. P. N. MVTIO  
VITELLES CO, SO-  
CIETATIS IESV PRÆPOSI-  
TO GENERALI

Salutem, & longitudinem dierum.

**E**st publicatam primam  
Bellariorum meorum par-  
tem, quia confidebam la-  
bori meo quantocunque,  
qualicunque; aliquid fauoris,  
& gratiæ impertitum iri à multis, etiam  
doctis; & quia hoc genus materiæ non  
varium modò, sed & latissimè fusum cer-  
nebam, nec in eo alium ante me versa-  
tum memineram (licet de plerisque Syntag-  
matis separatim libelli circumferantur)

cœpi ad alteram partem conficiendam a-  
 nimum appellere; eoq; id impensius, quod  
 in priore euentus spei meæ, Deo iuuante,  
 feliciter responderat. Confeci, atque adeo  
 parcus nō fui, ut illa se antegressæ prope-  
 modum æquauerit: si minus sua mole vi-  
 cerit. Circumspicienti autem mihi cui nam  
 pro Veteri more libros condentium hoc o-  
 pusculum inscriberem, ac velut Patrono  
 in tutelam traderem, statim R. P. T. oc-  
 currit, à qua prius illud obuus, quod aiūt,  
 ulnis exceptum, & cum voluptate legi  
 cœptum, ex humanissimis tuis literis præ-  
 clarè didici. Quamobrè dubitare nequeo,  
 quin & hanc partem, antecedentis quodā-  
 modo consanguineā, & germanam eodem  
 honore dignaturus sis. Hac similiter solli-  
 citudinibus, ac molestijs ingentibus, &  
 plurimis sub tanta oneris magnitudine  
 defatigatum alleuabit. & sudorem abster-  
 get; ac velut dulci quodam vino amara  
 cura-

curarū temperabit. Restat vſitata in hiſ-  
ce nuncupationibus clauſula; nempe ut me  
R.P.T. meosq; in litteraria paleſtra labo-  
res, præteritos, & futuros commendam:  
ſub umbram alarum tuarum confugiam,  
tibiſque ſouendum, ac protegendum totū  
pectore me committam. Bene valeat, &  
Societatem noſtram, uti cœpit, pie, man-  
ſuetè, diligenter, ac prouidenter, Deo au-  
ſpice, quam diutiſſimè adminiſtret. Au-  
guſta, Kalend. Quintil. M.DC.XVII.



CONCESSVS R. P.  
PROVINCIALIS.

**S**ecundam Partem ATTICO-  
RVM BELLARIORVM à Iaco-  
bo Pontano Societatis nostræ  
confectâ, atq; à destinatis ar-  
bitris lectam, & approbatam, ego MEL-  
CHIOR HARTELIVS, Societatis IESV  
per Superiorem Germaniam Præpositus  
Prouincialis, ex auctoritate admodum R.  
P. N. Generalis, MVTII VITELLESCHI  
in apertum proferri permitto. Cuius rei  
fidem manu mea subscribendo, & subfig-  
nando facio. Augustæ, Kalend. Aprilis,  
M. DC. XVII.

*Melchior Hartelius.*




## Ad Lectorem.



*Vae de hoc genere scripti  
mei dicenda habui, ea in limi-  
ne Partis primæ exposui : quæ  
te legisse arbitror, ut hîc itera-  
re eadem minimè sit necesse.*

**SYNTAGMATA** aliquot eiusdem notæ sunt,  
cuius in priore, puta, *Historia, Ritus, Mira-  
mirorum, Sales, &c.* Quis enim vnus liber  
tantæ molis, ut omnes, non dicam historias,  
sed historiolas selectas, & lepidiores, item con-  
suetudines, mirabilia in rebus, & dictæria com-  
plectatur? Accesserunt autem noua quedam (ut  
ex Indice subiecto mox videbis) in quibus VIII.  
Dialogi nostri, & variarum lectionum liber:  
quæ omnia tibi, ni fallor, non minus, quàm prio-  
ra illa Syntagmata, ubi gustaueris, complace-  
bunt. Quare, si me audis, quoties consuetis stu-  
dijs tuis (cuiuscunque tandem disciplina secta-  
tores, nullam excipio) ad lassitudinem te dedisti,  
ne arcus nimium tensus rumpatur, his eum  
Bellariis remitte, ac refice, & has lectiunculâs

pro testudinis, & cithara pulsu habeto: quæ  
quidem te non solum excogitabundo, ac toruū  
tuentē (ut studiis immersi, & absorpti esse con-  
sueuerunt) renidentem, verū etiam doctum  
vnā, & prudentem efficient: ut mihi harum re-  
rum tibi proxeneta, ac parario triplicem gra-  
tiam debiturus videare. Vale, & secundam  
editionem Primæ partis emendatiorem utique,  
& probandam magis expecta



## INDEX SYNTAGMA- TVM.

- I. *Historia.*
- II. *Ritus, & consuetudines prisca.*
- III. *Mira mirorum.*
- IV. *Sales, siue iocationes, ubi & Epigram-  
mata.*
- V. *Miscella.*
- VI. *Variarum rerum quaestiones.*
- VII. *Auctaria, seu Mantisa.*
- VIII. *Ex Patribus Latinis, & Græcis breuius  
Anthologia.*
- IX. *Dialogi VIII.*
- X. *Variarum lectionum liber adoptiuus.*

SYN-

# SYNTAGMA PRIMVM. HISTORIÆ.

## I. Fulgineum vrbs quomodo recepta:

**V**Rbs est Italiae in Vmbria, nomine Fulgineum, quæ sub Eugenio IV. Pont. Max. ad Romanam Ecclesiam redijt hoc modo. Fecerunt eius regulum olim, vicum sanctum, spiritu prophetico prædicitum consuluisset, an regno suo posteritas aliquando priuanda esset: illumque respondisse, priuandam, cum boues circum mœnia ciuitatis volarent. Quod cum impossibile videretur, æternum sibi, familiæque suæ imperium tyrannus promittebat. Verum nepotibus regnum tenentibus Ioannes Vittellensis Alexandrinus Patriarcha eò cum copijs profectus, vbi obsidere urbem aggressus est, explicatis vexillis, in quibus insigne, siue symbolum par bouum, qui vento flante, & vexilla agitante volare quodammodo videbantur, magnum oppidanis metum incussit. Erat enim cunctis optimatibus notum vaticinium: nec multis post diebus ciuitas dedita est, quæ vsque in hanc diem Romanis Pontificibus paret: tyranni dissipati sunt. Ex lib. 2. Comment. Pij II. de rebus memorabilibus.

## II. Oculorum continentia. Alex. M.

Valent. Iun. Imp.

O Brutus formosæ fæminæ animis infirmioribus iaculum est, rete est, ignis est, exitium est: quo ij videlicet consauciantur, inuoluuntur, aduruntur, & perire incipiunt. Quare qui hæc mala vitare cupit, cum vitare decet simulacra, & pabula amoris, iuxta Lucretium, quorum hoc primum est, visus inquam. Suadet idem Sapiens noster. *Ne aspicias virginem, ne forte scandalizeris in decore eius, Ecclesiast. 9.* Non falso dixit de poetis Græcis quidam, hæc esse arma mulierum, formam puta egregiam, quibus pro clypeo, & hasta vtantur, ferrumque, & ignes deuincant. Laudandi igitur oculi pudici, & continentes, in ijs præsertim, quorum quo impunitior, eo plerumque solutior est in omni genere, in hoc autem potissimum peccandi libertas; vt sunt Principes, Reges, Imperatores. Commendatur Alex. M. qui ad filias Darij, quas captiuas tenebat, eximia pulchritudine virgines visendas inuitatus recusauit, quod diceret, se, qui viros vicisset nolle vinci à mulieribus. Præsa- giebat quid sibi ex aspectu futurum esset. Vxorem Darij simul cum filiabus, & regis matre captam, semel tantum vidit, dum matrem visurus veniret, eximiâque formæ eius pulchritudinem non libidinis habuerat inuitamentum, sed gloria. Q. Curtius lib. 4. Commendat talem temperan-

perantiam quoque D. Ambrosius in concione funebri de Valentiniano iuniore, quem pater ex Iustina Ariana fœmina susceperat; cui frater Gratianus, ex Seuera eidem antea natus, imperio Italiz, & Africæ cesserat.

*Scenica cuiusdam forma, ac decore deperire Roma adolescentes nobiles nuntiabatur. Iussit eans ad comitatum venire. Missus pretio deprauatus sine mandati effectu rediit. Alterum misit, ne voluisse emendare vitia adolescentum, & non potuisse videretur. Datus est obtrectandi aliquibus locus. Deductam tamen nunquam aut spectauit, aut vidit. Postea redire precepit; ut & omnes agnoscerent irritum eius non esse mandatum: & adolescentes doceret ab amore mulieris temperare, quam ipse qui potuit habere in potestate, despexerat. Et hæc fecit cum adhuc non haberet uxorem, & tamen exhiberet sibi tanquam vinctus coniugio castitatem. Quis tam dominus serui, quam ille corporis sui fuit? Quis tam aliorum arbitrer, quam ille sue censor atatis?*

### III. *Amalasuenta Regina Italia laus, & mors indignissima.*

**T**Heodoricus Ostrogothus Italiz rex prole mascula carens, filiam unicam Amalasuentam vocabulo (malè quidam Amalasuntam) reliquit: quæ patre mortuo regni gubernationem suscepit. Hanc mulierem à multis rebus diuina propemodum prædicatione extulit grauis, &

illustriſis auctor Caſſiodorus, eidem Theodorico ab episto-  
lis, lib. Variar. 10. ep. 4. ad Senatum  
urbis Romæ. In ipsa eſt, inquit, decus regnorum  
omnium: in ipsa noſtra originis ſlos bonorum. Quid-  
quid fulgemus, ab eius claritate ſuſcipimus: quan-  
do non ſolum parentibus laudem contulit; ſed ip-  
ſum quoque genius humanitatis ornavit. Quis poſ-  
ſit ſufficienter edicere, quanta pietate, quanto mo-  
rum pondere decoretur? Diſcerent proſectò nova  
philoſophi ſi viderent; & minora libris ſuis fateren-  
tur condita, quam huic cognoscerent attributa. In  
tractatibus acuta: ſed ad loquendum ſumma mo-  
deratione grauiſſima. Hinc eſt quod eius doctrina  
mirabilis per multiplices linguas magna ubertate  
diffunditur: cuius ingenium ita paratum reperitur  
ad ſubitum, ut non putetur eſſe terrenum. In libris  
Regum regina Auſtri veniſſe legitur ad diſcendam  
ſapientiam Salomonis: hic Principes audiant,  
quod ſub admiratione cognoscant. Paucis verbis  
ſenſus clauditur infinitus, & ſumma facilitate com-  
ponitur, quod ab aliis nunc ſub longa deliberatione  
formatur. Beata reſpub. quæ tanta Domine guber-  
natione gloriatur. Hoc obſequio digniſſime domi-  
namur. Nam cum tante prudentia parco, cunctis  
virtutibus obſecundo. Sub tali ſiquidem monitore  
regni pondere non gravamur: dum ſi quid ſit noti-  
tate incognitum, fiet nobis eius inſtructione cer-  
tiſſimum. Quam aut interrogando melius ſenti-  
mus: aut eius imitatione proſicimus. H. J. J. J.

Non facile aliam mulierem Principem tam  
eximie

eximiè laudatam inuenias. Hæc orbata filio Athalarico, quem Eucharis item Gotho, viro nobilissimo genuerat, & regni consortem, licet adhuc tenerum assumpserat, Teodahado item Gotho secundis nuptijs sese copulauit. Qui homo ingratiſſimus splendorem tantæ virtutis, & excellentiæ non ferens, & illius præſtantiam ſuam dedecus interpretans, miſeram in inſulam lacus Vulſinenſis eiecit, & tribus Gothiſ, quorum propinquos ipſa ob filiam malè educatam, atque corruptum interfici iuſſerat, ſuo ipſorum arbitrio morte multandam tradidit. Quæ immanitas mæſtitudine & Italos, & Gothos omnes affecit. De hac Procop. de bello Gothorum. Ioan. Mag. Gothicæ Hiſtor. lib. 10. cap. 6. & 8.

*IV. De Theophylacti, Patriarchæ Conſtantinopolit. Schiſmatici, & Caligulæ Aug. hippomania, ſeu profano, & inſano equorum ſtudio.*

**F**ilius hic fuit Romani ſenioris Imp. & eunuchus: qui cum ſedecim natus annos contra ſacrorum Canonum præſcriptum Eccleſiæ gubernacula viſſurpare cæpiſſet, nihil eorum quæ peſſima ſunt intentatum reliquit. Tanto certè equorum deſiderio tenebatur, ut eorum ultra duo miſſia poſſideret. iſis alendis perpetuò erat intentus: neque fœnum ipſiſ proponebat: ſed pomorum fructus, piſtacia, palmulas, vuas paſſas, aliaque huiuſmodi: quibus etiam vinum  
fragrans



Sapientissimum Consulem. *Agè, agè Lector, usque excrea Queso hercle usque expenitis faucibus.*

Notandum, & sensibus imis (res est non parua) reponendum, quod de talibus, eorumque similibus, magis nomine quàm re ipsa Episcopis, vanissimis scilicet studijs, & actionibus occupatis aduersas Luciferianos scribēs ait D. Hieronymus. *Vt sal omnem cibum condit: nec est aliquid tam suane, quod absque eo gustum demulceat: ita mundi totius, & propria Ecclesia condimentum Episcopus est. Qui si infatuatus fuerit siue per negationem, siue per heresin, siue per libidinem, & (ut semel dicam) per uniuersa peccata, à quo alio poterit condiri, cum ipse fuerit omnium condimentum?*

*V. Flavius Iosephus quàm honorificè, & liberaliter Romæ ab Imperatoribus, & Imperatrice habitus.*

Iosephus non modo vir sapiens, & eruditus, verum etiam in armis strenuus fuit, & in bello Iudaico multa fortitudinis, ac prudentiæ militaris exempla contra Romanos edidit: & ob id Vespasiano, ac Tito eius filio non modo vita, verum etiam beneficijs, & honoribus magnis dignus est visus. Omitto quæ in illum captum adhuc in Iudæa contulerunt. Narrabo ipsius verbis, quemadmodum postquam cum Tito Romam venit, tractatus fuerit. Ut verò in urbem peruēnimus, multis Vespasianus me dig-



natus est beneficijs. Nam donatum ciuitatis iure diuersari iussit in ædibus, quas ipse antequam Imperator fieret habitauerat, pensioneque honorauit annua, nihil de benignitate subtrahens donec viueret. Varijs appetitus inuidorum calumnijs, omnes euasi Dei prouidentia. A Vespasiano præterea dono accepi in Iudæa latifundium, mansitque mihi perpetua Cæsarum benenolentia. Nam defuncto Vespasiano Titus successit, qui in eodem quo pater honore me semper habuit: nec ullis aduersum me accusationibus unquam credidit. Post hunc Domitianus maioribus etiam me cumulauit honoribus. Nam & accusatores meos Iudæos capite punijt, & seruum Eunuchum, filij mei pædagogum me criminatum puniri mandauit: & quod est honorificentissimum, immunitatem prædiorum, quæ in Iudæa habeo, mihi concessit. Domitia porro Cæsaris vxor, nunquam mihi benefacere destitit.

*VI. Menecratis medici fastus, & arrogantia non ferenda. Philippi Regis in eum technæ. Nestorii inflatio.*

**D**Escribit hanc fusius Athenæus lib. 7. ex quo contractius Adrian. Iunius, adagio, Nihil ad medicorum arrogantiam. Ex eo nos ad verbum. Menecrates Syracusanus Iouis cognomen stultè vsurpabat, velut qui sua arte vitam mortalibus, exemplo Iouis, daret: quo nomine

ne gloriabundus veluti cœtum quendam consentientium deorum sibi asciscebat eos ipsos, quos comitali morbo obnoxios sanitati restituerat, sacramenti lege obstrictos, iussosque famulantium more subsequi, hunc Herculis habitu, illum Mercurij chlamyde, caduceoq; instructum; rursus alium Apollinis, alium Æsculapij amictu: quū interim ipse Iupiter præ omnibus emineret, purpureo paludamento, aureaq; corona conspicuus, manuq; sceptrum tenens, pedibus crepidatus. Neque stetit intra hosce fines vecordia hominis, sed in maius etiam erupit, quando ad Philippum Macedonum regem per litteras in hunc modum scripsit. *Menecrates Iupiter Philippo salutem. Tu quidem Macedonia rex es; ego verò Medicina. Tu sanos quum vis perdere potes: at ego egrotos servare in vita: & bona valetudine præditos, qui mihi obsecundauerint ad extremam usque senectutem incolumes, & integros tueri. Quapropter te Macedones armis stipāt, me verò victuri: siquidem illis Iupiter ego vitam largior.*

Huius insanæ bellæ proteruiā tribus verbis castigasse contentus fuit Philippus, hæc tantum illi rescribens. Philippus Menecrati *ὑγιαίνων*, id est, sanitatem mentis. Eidem ad cœnam vocato cum assecla deorum suorum comitatu, medio in trichnio, loco editiore mensam adornari iusserat, magnifico, & sacrorum apparatu: instructa insuper media in mensa ara, in qua fru-

Ætuum omnis generis primitiæ adolebantur: ita ut quum cæteris conuiuiis fercula varia apponerentur, huic cum asseclis suis pueri thymiamata, libaminaque, qualia in sacris solent, adolerent. Qua ratione exceptus, cum nihil inferretur quod esurient placaret, irrisus, ludibrioque omnium, sannisque traductus, è conuiuium cum suis proripuit se indignabundus. *Ælian. lib. 12. cap. 51.*

Non admodum dispar insolentia, & superbi-loquentia fuit Nestorij Constantinopolit. Episcopi, qui in prima statim concione his verbis Imp. Theodos. iuniorem compellauit, & se deum quendam fecit. *Da mihi, ô Imp. terram ab hæreticis liberam & puram, & ego tibi calum reddam. Tu mihi hæreticos extirpa, & ego tibi in Persis delendis adero.* *Niceph. lib. 14. cap. 31.*

## VII. Adulatorum aliquot exempla.

**A**Thenæus scriptor πολυμαθής, & lectionis infinitæ, libro VI. longa narratione ex antiquorum historiis qui, quorum regum, & quomodo adultores fuerint ostendit. Ex qua narratione nos pauca, & saltuatim, delectandi lectoris decerpemus. Clisophus Philippi assentator, increpante rege quod semper aliquid peteret, obliuisci se dixit. Equum saucium, quem Philippus donauerat, cum vendidisset, eo interrogante ubi nam esset, ex vulnere, inquit, venijt: quasi dicere voluisset, periijt. Cum ex oculato prodijt, eodem

quem oculo fasciis obligato : ac rursum cum cruce  
oblatus regi, ac luxatum fuisset, ipse eodem  
cruce claudicans in publicum exijt. Si quem ci-  
bum aërem ori Philippus admoueret, vultum  
Clisophus contrahebat, quasi eo quoque mor-  
deretur. Arcadion Achæus odio Philippi spon-  
te solum verterat. Quem apud Delphos conspe-  
ctum aduocans Macedo, quamdiu profugiturus  
es, inquit, ô Arcadion? Quoad, respondit ille, ad  
eos peruenero, quibus Philippus ignotus sit. Ad  
id responsum Philippus risit : Arcadionem de-  
inde ad cœnam inuolauit, vnde inimicitia de-  
posita fuerunt. Cum Alexander à musca se com-  
punctum quereretur, ideoque muscas grauitè  
abigeret, ex adulatoribus Nicesias quidam tum  
præsens, alijs profecto muscis, inquit, hæ, quæ  
tuum sanguinè degustarunt præstantiores mul-  
to futuræ sunt, ac strenuiore. Chirosofophus as-  
sentator Dionysij, cum procul ridentem Diony-  
sium vnà cum familiaribus videret, & ea quæ di-  
cebantur minimè audiuiſſet, interrogatus quam-  
obrem risisset, respondit, vobis credebam, esse  
risu digna quæ dicta sunt. Plures etiam Diony-  
sio eius filio assentatores fuere. Ille quia Diony-  
sius minus oculis perspicax esset, inter cœnan-  
dum obtusè cernere se fingentes, apposita fer-  
culâ tanquam visu non discernèrent, temere  
contrectabant, quoad manum Dionysius ad pa-  
tinas perduceret. Cum sputaret Dionysius, fa-  
ciem sputo conspergendam obijciebant, sali-  
uam,

uam, & quæ vomitu egresserat delingentes, eaque melle dulciora esse affirmantes. Qui cum Hierone cœnabant amici, ac familiares de industria à cibis quos appetebant aberrabant: ut cum manum illorum ad patinas Hiero, qui hebeti aspectu erat, perduxisset, acutius cernere quam ipsi videretur. Athenis oratores qui rempub. administrabant, Chremonidio bello populo assentantes dixerunt pro concione, cum Græcis esse communia cætera: at viam qua in cælum itur, solos Athenienses nosse. Anaxander vnus ex assentatoribus Alexandri, cum rege iter faciens, ut stupendo fragore, inopinatioque intonuit, omnibus pauore consternatis dixit, Hoc cine fecisti, Alexander Iouis fili? Epicrates Atheniensis apud regem Persarum cum legatum egisset, multisque muneribus ab eo cumulatus esset, absque vilo pudore tam apertè, & insolentè regi est adulatus, ut dixerit, quotannis ad regem qui mittantur creandos esse populi suffragijs legatos nouem potius, quam totidem summos in repub. gubernanda magistratus. Nicetas Alexandri assentator cum sumpto medicamento regem cruciari torminibus videret, quid o rex nobis fiet, inquit, quando vos deos hæc tormenta premunt? Adde his ex 3. Diodori.

Apud Æthiopas rege claudicante eius amici claudicabant: eo moriente se interficiebant, cap. 1. Cic. in Lælio. *Assentatio quamuis perniciosissima, nocere tamen nemini potest, nisi ei, qui eam recipit,*

*cipit, eaq̃ delectatur. Ita fit, ut is assentatoribus patefaciat aures suas maxime, qui ipse sibi assentatur, & se maxime ipse delectat.*

### VIII. Clarissimarum ciuitatum occasus.

**S**eruius Sulpitius Iureconsultus eloquentissimus, in illa elegantissima, & prædulci epistola, qua M. Tullium propter obitum filię Tullię mœstum, & afflictum suauissimè consolatur, & hunc casum æquo animo ferendum non leuibus argumentis demonstrat, urbium quoque illustrissimarum meminit, quarum euersiones, & ruinæ nos inouere debeant, ut homines charos, quorum vitam natura fragilem, ac breuem fecit, mortis fato perire, nobisque eripi aded dolendum non putemus. Verba annumerabo. *Quæ res mihi non mediocrem consolationem attulit, volo tibi commemorare, si forte eadem restibi minuere dolorem possit. Ex Asia rediens, cum ab Ægina Megaram versus nauigarem, cœpi regiones circumcirca prospicere. Post me erat Ægina: ante Megara, dextra Piræus: sinistra Corinthus: quæ oppida quodam tempore florentissima fuerunt, nunc prostrata, & diruta ante oculos iacent. Cœpi ego met mecum sic cogitare. Hæc, nos homunculi indignamur, si quis nostrum interit, aut occisus est, quorum vita breuior esse debet, cum uno loco tot oppidorum cadauera proiecta iaceant. Vis ne tu te, Serui, cohibere, & meminisse hominem esse na-*

*tum?* Quod dicit de florentissimus quondam oppidis, & nunc cadaveribus, illustrari potest ex Arcadicis Pausaniæ, quolibro, octauo scilicet, multas & præclaras vrbes ad nihilum fortuna redactas his verbis indicat.

Megalopolis quidem ipsa magna alacritate, & conspiratione Arcadum, omnia sibi ad spem optimam de nouâ vrbe proponentium cecidit, veteribus iam omnibus ornamentis, ac pristinis opibus amissis, magna iam ex parte inter ruinas & rudera iacet. Quæ res nullam mihi omnino admirationem affert, cum sciam noui semper aliquid fata moliri, & arbitrato suo Fortunam æquè valida atque imbecilla, neq; minus orientia quàm occidentia impotenti quadam necessitatis vi urgere ac ferre. Nam & Mycenæ, quæ vrbs Troicis temporibus Græciæ cunctæ imperabat, & regis Asyriorum Ninus funditus deletæ sunt. In Græcia verò Thebæ, quæ sibi olim Græciæ principatum vindicabant, ad arcem iam vnâ, & non ita multos incolas redactæ, vetus nomen vixdum seruant. Iam verò quæ cunctas olim vrbes opum magnitudine antecellebant Ægyptiæ Thebæ, & Minyarum Orchomenos ne mediocres quidem nunc priuati hominis opes adæquant. Delos commune olim Græcorum conciliabulum tantopere iam deserta est, vt præsidio templi amoto, quod Athenienses mittunt, hominibus, si Delios tantum numeres, prorsus orbata sit. Babylon Chaldææ omnium quas unquam



quam sol aspexit urbium maxima, iam nihil præter muros reliqui habet: quod ipsum de Tirynthe Argolica vrbe euenit. Hæc inquam ad nihilum Fortuna redegit.

Quomodo vrbes, seu ciuitates more hominum mori ab auctoribus dicantur, & quibus modis earum mors contingat: quomodo item nasci cum conduntur, & renasci cum restituntur, eruditè docuit Petrus Faber Semestrium lib. 1. cap. 8. & 9. à pag. 39. Congruentia dictis Sulpitij Seneca ad Polybium cap. 20. Et rursus epist. 71. Omnes quæ vsquam rerum potiuntur vrbes, quæque alienorum imperiorum magna sunt decora, vbi fuerint aliquando quæretur. Enumerate omnes fatorum vias longum est: hoc vnum scio, omnia mortalium opera mortalitate damnata sunt: inter peritura viuimus.

*IX. Cimonis Atheniensis liberalitas, & beneficentia prædicanda. Item Pisistrati benignitas.*

**O**Mnium litteris, & linguis digna sunt, quæ Cimon Miltiadis filius Atheniensis in hoc genere præstitisse apud summos auctores Aristotelem, Plutarchum, Theophrastum, Æmili-um Probum legitur. Nos narrationem Atheni ex lib. 12. haustam ex Theopompo in medium afferemus. In agris & hortis suis qui fructus custodirent nullos esse permisit: vt è ciuibus qui vellent ingressi fructus legerent: & si quid egerent,



rent, quod in suis possessionibus proueniret, asportarent ut collibuisse. Præterea domum suam omnibus ille communem exhibebat, parata semper frugali cœna, quæ multis hominibus satis esset: ut tenuis fortunæ ciues, & inopes accedentes, & ingressi cœnarent. Illis etiam fauebat, qui quotidie ab eo quidquam poscerent: & cum per ciuitatem ambularet, duo vel tres adolescentuli eum comitari solebant, cum minutis nummulis, quibus imperabat, si quis obuius egeret, ei stipem ut erogarent. (Probus. *ut si quis opis eius indigeret, haberet quod statim daret: ne differendo videretur negare.*) Eum quoque tradunt mortuis sepeliendis pecuniam contulisse: ac sæpe cum ex ciuibus aliquem malè vestitum aspiceret, adolescentum cuipiam ex ijs, qui sequebantur mandauisse, ut suam cum eo vestem commutaret. (Probus. *Sæpe cum aliquem offensum fortuna videret minus bene vestitum, suum amiculum dedit. Nulli fides eius, nulli opera, nulli res familiaris defuit, multos locupletauit.*) Pisistratum scribit idem Athenæus sua item prædia, & hortos nullis custodibus munuisse, ut volenti cuius liceret illis frui, quod exemplum sibi Cimon proposuerit. Verùm magnitudine virtutis multis eum partibus superauit.

Fructus liberalitatis est, ut ait M. Tull. 2. de finibus, beneuolentiam sibi conciliare, & quod aptissimum est ad quietè viuendum, charitatē. Ne sit tamen temeraria liberalitas, & benefi-

centia

centia. Videat etiam quibus det, & quibus potius, aut amplius det. Democritus cum cerne-  
ret quendam quibuslibet promptè ac inconfi-  
deratè largientem, Malè, inquit, sic tibi, qui Gra-  
tias virgines effecisti meretrices. Maxim. serm.  
8. Sapienter Seneca, vt omnia, epist. CXX. *Sunt  
virtutibus vitia confinia, & perditis quoque ac tur-  
pibus recti similitudo est. Sic mentitur prodigus li-  
beralem: cum plurimum interfit, vtrum quis dare  
sciat, an seruare nesciat. Multi sunt qui non do-  
nant, sed proijciunt. Non ego voco liberalem pecu-  
nia sua iratum.*

*X. De Rege Mithridate, eiusque libris  
de remediis morborum, parricidiis, & interi-  
tu. Martialis iocus.*

**M**ithridates ille vndeiginti regnorum Rex,  
post tot bello deuictas gentes, singulari  
studio arcana morborum remedia conquisiuit,  
deque ijsdem Commentarios, quos in thesauro  
sui scrinio reconditos seruauit, doctè conscrip-  
sit. Hos Pompeius victor regia præda potitus in  
triumpho pop. Rom. ostentauit, ac Lencio Pom-  
pelo liberto suo negotium dedit, vt hosce de re  
medica Mithridatis libros latinitate donaret:  
quò populus Romanus ex tanti regis thesauro  
pharmaca haberet, quibus morbis suis medere-  
tur. Ab eodem rege singulare antidoton contra  
venena, morbosque omnes contagiosos Mi-  
thridaticum, ad nòminis eius immortalitatem

est à pharmacopœis appellatum. Hic idem Rex totidem linguis loquebatur, quot nationibus imperabat, de quarum numero variant Scriptores. Matrem, fratrem, tres filios, totidem filias interfecit. Hauſto veneno mori non potuit, propter quotidianam pharmacorum consuetudinem, inquit Appianus, quibus se contra venena præmunire solebat, quæ nunc quoque vocantur Mithridatica. Cuius consuetudinis eum pœnituit. Quamobrem dux quidam Gallorum Bituitus regatus eum occidit. Vide Plin. lib. 25. cap. 2. Gell. lib. 17. cap. 16. Per comparisonem huius Mithridaticæ consuetudinis venena cum antidotis vsurpandi, ne quâdo venena sibi necis causa administrata nocerent, faciet in Cinnam quendam, ob paupertatem nunquam saturum ludit Martialis lib. 5.

*Profecit poto Mithridates sape veneno,*

*Toxica ne possent sibi nocere sibi.*

*Tu quoque caustisti cœnando tam malè semper*

*Ne posses vnquam, Cinna, perire fame.*

## XI. Pocula de craniis hominum.

**B**Arbarum prorsus, & inhumanum factum, quod Scythæ etiam parentum, & amicorum perpolititis capitibus à morte, & inauratis dicuntur bibere soliti; vt minus mirum videatur, aduersus hostes eiusmodi immanitatem fuisse vsurpatam. Nam & Bulgarorum dux Crumus victoria

etoria elatus Nicephori caluariam argento induxit, eaque pro calice vtens, inde sociis propinauit. Zonaras Tom. III. Caput etiam L. Posthumij, postquam hic cum XXV. armatorum millibus occubuisset, & cum toto exercitu fuisset deletus, Boij ouantes templo intulerunt, ex calua, auro cælata sacrum poculum facientes templi Antistitibus, quo in sollemnibus libarent. Sed & Cures Piezenigorum princeps Sualislaò Rhutenorum Principe ex insidijs interfecto, ex cranio eius poculum confecit, auro circumdato, cum hac inscriptione. QVÆRENDO ALIENA, PROPRIA AMISIT. Ex Liuij lib. 23. Strabone lib. 7. & alijs.

Fecit idem Alboinus Longobardorum Rex, sed infælici exitu. Historiam ex Sigonij lib. 1. de regno Italiæ commemorabimus. Alboinus in matrimonio Rosimundam Chunimundi Gepidarum regis, quem quondam in prælio interfecerat, filiam habebat. Quodam die cum in conuiuio plus solito lætus liberiore illi genio propinaret, poculum, quod de cranio patris eius condiderat, porrigi iussit, atque ipsam, vt hilariter cum patre suo biberet, inuitauit. Cuius vocis sceleritate icta mulier, subito animū iracundiz impotentem ad necē parentis, & mariti contumeliā uelciscendā conuertit, ac, re cum Helminge, & Peredeo familiarib⁹ regis cōmunicata, ambos muliebri astu, blanditijsq; in perniciē, exitiūq; regis armauit. Ita non multo post, vbi res à mulie-

re compositæ ad insidias, instructæque satis fuerunt, vir fortissimus, ac multarum gentium victor, incautus, ac somnum capiens domestica uxoris fraude, atque intestina familiarium conspiratione extinctus est. Paulus Diacon. de gest. Longobard. lib. 2. cap. 28. Adde Plin. lib. 7. cap. 2. Priores anthropophagos, quos ad Septentrionem esse diximus, decem dierum itinere supra Borysthenem amnem ossibus humanorum capitum bibere, cutibusque cum capillo pro mantelibus ante pectora uti Isigonus Nicænsis prodidit. De Saracenis Guibertus hist. sacræ lib. 8. Exempto vertex à capite serra diuiditur, idemque in modum poculi regi Damasceno, à quo hæc gerebantur, ad terrorem nostrorum, quasi exinde bibituro conficitur. Vide Isidorum Etymol. lib. 11. cap. 10.

*XII. Reges qui illustres Bibliothecas collegerunt. Typorum utilitas. Cosmus Magnus Dux Etruria.*

PLacidum, modestum, elegans ingenium Petri Victorij, & qui ex eruditissimis eius scriptis elucent suauissimos mores, Nestoreamque facundiam semper amaui, & in eo legendo frequens fui: cui rei lucubrationes meæ fidem faciunt. Suppeditabit igitur nobis etiam hoc tempore, quæ ad Bellaria nostra locupletanda, & ornanda pertinere videbuntur. In epistolis itaque suis, commemoratione amoris, beneuolen-

tiæ aliorum in se, & sui in alios refertis, lib. 1. c. pist. 18. de rebus à me propositis ad verbum ita differit.

Laudati meritò ab omnibus semper fuerunt, qui copiosas Bibliothecas construxerunt, ac magnum numerum optimorum librorum sub vnum tectum contulerunt. Id autem priscis temporibus opulenti multi, fortunatique homines, ac summi reges studiosè fecere, vt Polycrates Samius, Pisistratus Atheniensis, Nicærates Cyprius, Eumenes atque Attalus, magnificentissimi Pergami reges, atque elegantissimi quique reliquos omnes, & Aristotelis bibliotheca empta, & Athenis, Rhodoque infinita librorum vi Alexandriam comportata (quater centena milia, vt traditum est memoriæ, collegit, teste Constantino Manasse) in hoc studio superauit, Ptolemæus Philadelphus: nec non Romani Imperatores: ipsi enim quoque laudis huius, & gloriæ valde cupidi extiterunt: vt multitudo ingens bibliothecarum Romæ quondam fuisse perhibetur.

Et tamen qui huic rei studuerunt, hominibus tantum, qui illic viuerent, profuerunt: sed ne ijs quidem plenam, atque integram utilitatem attulerunt. Neque enim commode semper possunt erudiri, suisque studiis aptè custoditos in illis libros tractare. Qui autem formis imprimendos fideliter curant, in toto quasi orbe terrarum bibliothecam struunt, ac multo magis

commoditatibus studiosorum seruiunt : patu-  
erim enim & illos parare, diligenter emendatos, &  
vlibus ipsorum accommodatos quæunt.

Neque tamen tu ( Cosme Medices ) ab hac  
quoque laude vacuus es: quamvis verioris, noua  
ratione parandæ viam inueneris. A Clemente  
namque VII. Pont. max. magnificè inceptam  
bibliothecam, inchoatam tamen, imperfectam-  
que relicta absoluis, ac magnis sumptibus ædi-  
ficas: nec ornamentis tantum ipsius, pompeq;  
indulges: verum etiam illam sedulo suppleas, ac-  
curata librorum conquisitione; congerisq; il-  
luc omnes, qui ad te amatorem summum ipso-  
rum, ab ijs, qui tibi gratificari cupiunt, defe-  
runtur. Hactenus Victorius. Elogium, ni fallor,  
eiusdem Cosmi habes apud Iouium in militari-  
bus lib. 7. postremum.

Multos libros congerere, vix fuit privati ho-  
minis, aut census, cum tarda, & impendiosa de-  
scriptio esset: donec utilissima hæc Typogra-  
phia rem in compendium misit. Ptolemæi au-  
tem Bibliothecæ præfuit Demetrius Phalereus,  
exul à suis Athenis, vir scriptis, & factis illustris,  
& quem rex benigne habitum adhæc, & maio-  
ra ministeria admouit. Lipsius Syntag. de Bi-  
bliothecis cap. 1. & 2.

*XIII. Ludouicus Gallie rex à Saracenis  
captus, & redemptus. Eius in hostem  
iustitia.*



**I**ntegerrimus, atque Christianissimus Galliarum Rex Ludovicus ictus desiderio ingenti Hierosolymæ, regionisq; totius, quam Dei filius hominem indutus olim pedibus obijset, & cruore suo tinxisset de manibus impiorum recuperandæ, copias non contemnendas collegit, eoque profectus, ac primum in Aegyptum delatus, Damiatam (olim Pelusium) expugnauit. Post iniquo loco multitudine Saracenorum circumuentus, simul cum Carolo, & Alphonso fratribus captus est. Veruntamen cum Gallis Saraceni præter expectationem satis humanè egerunt, maiestate regis illecti, & mitigati. Itaq; pax facta, hac conditione, vt Rex vrbe Damiatæ decederet: quinquies centena millia penderet. Et quia tantam pecuniam Galli bello attriti ex templo facere non poterant, Sultanus honoris gratia de tota sorte centum millia sponte rescuit. Aurum ei pro portione appensum est, de residuo obsides dati: demum persolutum, & ab Aegypto discessum est. Sed dum expeditius pondere quàm numero Saracenis pecuniæ darentur, & decem millia per iniuriam eorundem Galli retinerent, ideoque velut sollertes eo compendio exultarent, postquam id rescivit optimus, & æquissimus rex, qui non pluris faciebat mala lucra, quàm damnum ipsum, excanduit, iussitq; Philippum Montfortium curare, vt quamprimum integra summa ex fide bona hostibus refunderetur, ad tantam fidem, & iustitiam obstupesc



stupescantibus barbaris, & quotquot aderant. Itaque quantum regis ærario decessit hac impensa, tantum iustissimæ vicissim gloriæ accessit. Ioan. Sireus in Chronicis cap. 42. & 50. & ex eo Forcatul. de imperio Gallor. lib. 2.

*XIV. Mirum de partu numeroso,  
& de infantulo.*

**H**is temporibus quædam metetrix vno partu septem puerulos enixa, belluis omnibus mater crudelior in piscinam proiecit necandos. Hoc si cui impossibile videtur, relegat historias veterum, & inueniet non solum septem infantulos, sed etiam nouem unam mulierem simul peperisse. Et hoc certum est maximè apud Aegyptios fieri. Contigit itaque vt rex Aegelmundus dum iter carperet, ad eandem piscinam deneniret. Qui cum equo retento miserandos infantulos miraretur, hastaq; quam manu gerebat huc illucq; eos inuerteret, vnus ex illis manu iniecta hastam regiam comprehendit. Rex misericordia motus, factumque altius admiratus, eum magnum futurum pronunciat: moxq; eum è piscina leuari præcipit, atque nutrici traditum, omni studio mandat alendum. Et quia eum de piscina, quæ eorum lingua Lama dicitur, abstulit, Lamisio nomen imposuit. Qui cum adoleuisset, adeo strenuus iuuenis effectus est, vt bellicosissimus extiterit, & post Aegelmundi funus regni gubernacula rexit. Paul.

Diacon.

**Diacon.** de gest. Longobard. lib. 1. cap. 15. Aliam mulierem vno partu XXX. proles dedisse refert Tatianus aduersus Græcos. Plin. de prodigiosis partibus lib. 7. cap. 3. Tergeminos ( id est, 3.) nasci certum est, Horationum, Curationumque exemplo: supra, inter ostenta ducitur, præterquam in Aegypto, vbi fœtifer potu Nilus. Annis proximis, supremis D. Aug, Fausta quædam è plebe Ostiæ duos mates, totidem fœminas enixa, famem quæ consecuta est portendit haud dubiè. Reperitur & in Peloponneso quinos quater enixa, maioremque partem ex omni eius vixisse partu. Et in Aegypto septenos vno vtero simul gigni auctor est Trogus. Vide & Gell. lib. 10. cap. 2.

*XV. Regina, & Rex Persarum Constantinopoli Christiana sacra susceperunt.*

**C**Irca hæc tempora ( Constantini, filij Heraclij ) Regis Persarum coniux nomine Cæsara de Perside exiens cum paucis suis fidelibus priuato habitu, propter Christianæ fidei amorem Cōstantinopolim venit. Quæ ab Imp. honorificè sulcepta, post aliquot dies, vt desiderabat, baptismum consecuta, & ab Augusta de sacro fonte leuata est. Quod vir eius Persarum rex audiens, legatos Constantinopolim ad Augustum direxit, quatenus sibi vxorem suam redderet. Imperator audiens, remque omnino ignorans, legatis respondit. De regina quam queritis,

ritis, fatemur nos nihil scire, præter quod ad nos huc aliqua mulier priuato habitu aduenit. Tum Legati. Si placet vestro conspectui, volumus hanc quam dicitis mulierem videre. Quæ cum iussu Imperatoris aduenisset, mox ut eam conspiciunt, ad eius vestigia prouoluuntur, ei que venerabiliter, quod eam suus vir conquereret, suggerunt. Quibus illa respondit. Ite, renuntiate regi vestro & domino; quia nisi sicut ego iam credidi, ita & ipse in Christum crediderit, me iam ultra consortem thori habere non poterit. Quid multa? Reuersi Legati omnia regi renuntiant. Qui nihil moratus, cum LX. millibus Constantinopolim pacificè ad Imp. venit, à quo gratanter, & satis dignè susceptus est. Qui cum vniuersis in Christum dominum credens, pariter cū omnibus sacri baptismatis vnda perfusus, & ab Augusto de fonte leuatus, Catholica fide confirmatus est: multisque muneribus ab Augusto honoratus, accepta sua coniuge lætus, & gaudens ad suam patriam repedauit. Paul. Diacon. de gest. Longobard. lib. 4. cap. 52. Huius tam insignis historiæ haud equidem scio, an vllus præterea meminerit. Diaconum fabulam narrare non crediderim.

### *XVI. Cupido immortalitatis apud Sinas.*

Infantiæ quidam morbus viros primores, & in præcipuis magistratibus constitutos inuadere solet: magno siquidem studio, & ardenti desiderio

serio à magistris stolidissimis discunt, quo pacto nunquam moriantur. Et postquam quas sperare poterant opes, ac dignitates sunt consecuti, hoc vnum sibi ad beatitudinem deesse arbitrantur; quam in rem proinde omnem conatum confecerunt, suntque illis magistri tanto chariores, quanto ipsa immortalitas alijs rebus antecellere existimatur, & acrioribus igniculis excitat ambientes. Nec facile hoc morbo ægrotantes ad sanitatem reuocantur. Ac tametsi quotidie immortalitatis venditores mortalitatis debitum exsoluere videant, nihilo tamen magis mouentur vt insanire desinant: quod putent se sæliciori fortuna fortasse vsuros: & quod alijs nocuit, sibi forsitan profuturum, neutiquam credentes supra humanam naturam id esse. In Sinicis Annalibus legi regem ex antiquioribus vnum hac dementia laborasse, vt non sine mortalis vitæ detrimento istam immortalitatem quæreret, id quod illis sæpe contingit. Is quorundam impostorum arte iam sibi poculum parauerat, quo hausto sibi vitam sempiternam promittebat: nec ab intimo amico suo ab eo exhauriendo vllis rationibus, & consilijs deterreri poterat. Cum igitur rex fortè vultum auertisset, ille poculum clam arripuit, & impigrè exhausit. Excanduit ex templo rex, & iam stricto mucrone mortem illi intentabat, quod sibi immortalitatis poculum eripuisset. Cui amicus intrepidè. Quid? cum ego immortalitatis poculum ebsbe-

rim, tu mihi vitam eripi posse arbitraris? Sanè, si eripi potest mihi, nullum crimen admisi, ut qui tibi non immortalitatem eripuerim, sed fraude & impostura te liberarim. Rex his auditis acquieuit, & amici prudentiam, qua ab errore reuocabatur collaudauit. Nicol. Trigautius noster de Christiana expedit. apud Sinas lib. 1. cap. 9. Mandemus memoriæ quod legimus apud Senecam Natural. Quæst. lib. 6. cap. 2. Nullum est maius solatium mortis, quam ipsa mortalitas. Nullum autem omnium istorum, quæ extrinsecus nos terrent, quàm quod innumerabilia pericula in ipso sinu sunt.

*XVII. Mulier ἀθυρόγλωσσο, seu incontinentis linguae.*

**M** Catonem pœnitebat unquam secretum aliquod mulieri credidisse. Est enim leuis, inconstans, loquax, & arcani proditrix natura muliebris. Hoc periucundo quodam exemplo lib. de Garrulitate grauissimus iuxta, ac sapientissimus auctor Plutarchus confirmat, cuius hæc est oratio. Romæ compluribus diebus quiddam serium, & arcanum agitabatur in senatu, de quo cum variasset hominum suspicio, mulier quædam, alioqui proba quidem, & pudica, mulier tamen, cœpit maritum precibus, ac blanditijs sollicitare, ut arcanum impertiret tacituræ, silentij fidem lacrymis, iureiurando, dirisque imprecationibus in caput suum polli-

pollicens. Addidit querimonias illas, sollemnes, quod maritus uxori fidem non haberet. Ibi Romanus, quò mulierculæ stultitiam redargueret, simulat se victum uxoris precibus. Deceueram, inquit, tacere, sed vincor. Audi igitur, sed tacitura. Portentum horribile, quod à sacerdotibus nuntiatum est; coturnix auream galeam in capite gestans, lanceamque ferens, volare visa est; & hac de re consultat senatus, ambigentibus auguribus, vtrum boni quippiam, an mali monstrum hoc portendat. Tu verò caue ne cui dixeris. Hoc dicto ibat in forum. At mulier velut urgeret abortus, nacta ex ancillas unam, quæ prima occurrerat, cœpit ea præsentē verberare pectus, vellere capillos, clamans obiter. Heu mi vir, heu patria, quid calamitatis imminet nobis? his rebus ancillam ultro prouocans, ut quid esset mali percunctaretur. Percunctatur illa: hæc narrat rem omnem, & addit clausulam solemnem garrulis omnibus: caue quisquam ex te sciat, sed sile. Mox ancilla dominæ similis unā de conseruis nacta, rem illi denarrat de coturnice. Illa vicissim amanti suo, qui forte aderat, communicat. Itaque breui fabula ab alijs ad alios transfiliens deuenit in forum, tanta celeritate, ut præueniret eum qui cōmentus fuerat. Quum enim quidam notus illi factus esset obuius, modò ne, inquit, è domo venis in forum? Modò admodum. Nihil ne igitur audisti? Nihil. Sed est ne noua rei quippiam? Coturnix, inquit, cum

C 3      & lancea,

lancea, galeaque aurea volare visa est, atque hæc de re senatus cogitur. Ille verò ridens, Euge, inquit, vxor mea, quam probè abs te curatum est, vt arcanum tibi creditum me præcurreret in forum? Mox igitur adit primores, & exposita fabula ciuitatem, ac senatum inani trepidatione liberat. Deinde domum reuersus expostulat cum vxore. Hæus bona mulier, perdidisti me. Senatus enim rescivit arcanum hoc ex ædibus nostris prodisse in vulgus. Itaque cogor incontinentis linguæ tuæ dare pœnas, & abire in exilium. Illa verò conturbata primùm inficiari: mox, nonne hoc, inquit, cum trecentis audiisti? Quos mihi trecentos narras inepta? Quū tu me defatigasses precibus, & lacrymis ut indicarem arcanum, ex tempore commentus sum quidquid tibi credidi, videlicet quò periculum facerem quàm esses linguæ continentis. Prudenter ille quidem, qui citra grande periculum sumpsit experimentum vxoriæ fidei, non aliter quam qui noua vascula volentes explorare num quā perfluant, aquam infundunt, non vinum, aut oleum, ne magno constet experientia.

Plaut. Aulularia Eunomiam Megadori sororem inter alia sic loquentem fingit.

*Quanquam hand falsa sum, nos odiosas haberi.  
Nam multum loquaces omnes merito habemur.  
Nec mutam profecto repertam vllam esse  
Hodie dicunt mulierem nullo in saculo.*



XVIII. *Divinator ludus factus.*

**H**enricus Angliæ rex, eius nominis VII. divinatorem, seu vatem quendam Astrologicum deridere maluit, quam aut diris punire supplicijs, aut etiam e medio tollere. Ex astorum igitur rationibus regem eo anno moriturum ille prædixerat. Id ubi rex rescivit, hominem accersit, rem honorificis verbis dissimulans. Inter cætera sciscitatur, num ex astris certa prænuntiari possent. Aiebat. Num ipse eius artis peritus esset. Annuebat, sperans tanto pluri se apud regem fore. Dic ergo mihi, inquit rex, ubi tu futurus es his festis, quæ imminet, Domini natalitijs? Hærebat. Quum urgente rege negaret se posse certum prædicere; itaque, subiecit rex, ego sum artis quam tu petitor: nam scio te futurum in turri ( sic enim vocant locum munitum Londino imminet, in quo servantur quos volunt esse in tuto ) simulque innit ut duceretur. Illic ubi satis refrigerat dinandandi calor, cum risu dimissus est. Eras. in Lingua.

XIX. *DetraCTOR, & loquax prudenter correctus.*

**R**ex Britannia quodam e proceribus in conuiuio multagarriente in Prælatum quendam prædiutem, & commemorante quot genera ciborum, quot missus ad vnius mensam inferrentur,



rentur, finxit se mirari hominis ingluuiem. De-  
 tractor quò magis delectaret regem hac fabula,  
 quam existimabat esse perfacetam, studio exag-  
 gerabat omnia, non parum etiam, ut fit, affingens  
 veris. Iam ubi tempus esset interpellandi blate-  
 ronem, rogabat rex, Prælatum ille num gigas es-  
 set, aut cyclops. Respondit, esse mediocri sta-  
 tura. Ventrem igitur, inquit rex, habet præua-  
 tum. Ait hac parte non multum præcellere ca-  
 teris. Quoniam igitur, subiicit rex, recondit  
 tantum ciborum? Mihi non fit verisimile quod  
 narras. Hic rabula constrictus, non solus, inquit,  
 hæc comedit, o rex; habet conuiuas multos, &  
 familiam numerosam. Phy, exclamat rex, quid  
 igitur noui narras, si multos habet cibos qui  
 multos alit? Alioqui quidquid abs te dictum est  
 in Prælatum, possis & in me dicere. Hac arte  
 rex castigauit inepti conuiuæ stultam loquacita-  
 tem. Eras, ibid.

## XX. Mors cuiusdam ventris.

**A**Nnis abhinc multis habitauit in quadam  
 Germaniæ haud ignobili ciuitate vir nobi-  
 lis, in magnis diuitijs, cui deus venter erat: cra-  
 pulæ enim, & ebrietati vacabat noctes & dies.  
 Quam profusione, & luxuriam magno demum  
 luere coactus est. Totis namq; artibus ad sum-  
 mam infirmitatem, & ægritudinem redactus,  
 præcordijs etiam putrescentibus, medici operam  
 serò licet, & frustra requisit, ac non ita multo  
 post

post Parca misero stamen abruptit. Cumq; corpus humaretur, affuit etiam quem adhibuerat medicus. Qui interrogatus à pluribus, quid causæ fuisset, cur tam breui hinc emigrasset; An vos isthuc nescitis? inquit. Ingens fames, ac sitis eum occiderunt. Ad hoc responsum illi stupefe, ac dicere contrà, vinenti quod ederet, ac biberet semper abundè suppeditasse. Quomodo ergo fame, ac siti interire potuerit? Sed ego, occurrit medicus, illum nunquam adeo esitanti, ac potitanti vidi, quin plus esuriret ac sitiret, magisque ac magis se ingurgitaret. Qua viâ morte captus est. Ex Germanico.

Bene M. Tull. pro M. Cælio. Vitium ventris, & gutturis non solum minuit ætatem hominibus, sed etiam aufert. Et Medicorum verbum est, Plures occidit gula quàm gladius. Quæ aduersus hoc vitium disputantur à Francisco Patricio de Repub. lib. 5. cap. 8. ne pigeat legere.

## XXI. *Prætor paganus honore superbit.*

**E**Xiguum pagum rustici X. incolebant, è quibus vnus aliorum nouem Schultesius, seu Schultetus, vt vulgò appellant, seu Prætor creatus, fortè vicini oppiduli balneas adiuit, ubi rusticum, quicum adolescens equos in pascuis custodiuerat lauantiem reperit. Is socio veteri nouum honorem cum fausta appreciatione est gratulatus. Cui Dominus Prætor humaniter gratijs

gratius actis, admirabundus super magistratum suo, quid censes, inquit, amice mi? Cum una equitum pascere, & in pratis simul versaremur, quis credidisset, aut diuinasset talem virum me euasurum, & ad tantam dignitatem ascensurum? Tamen si ob id spiritus non tollo: licetque mecum agere & colloqui libere, ac familiariter, ut cum quouis priuato agricola. Ex Germ.

Cupiditas honoris, & gloriae etiam in infimorum, & agrestium animis inest, quando natura omnes excellentiam appetimus, & qualicunque etiam imperio gaudemus. Atque haec est illa tunica, quam extremam nos exuere Plato dixit. Facilius quippe affectus ceteri deuincuntur. Τὴν κενοδοξίαν ὡς τελευταίον χιῶνα ἢ ψυχὴν πρὸν καὶ ἀποτίθειναι.

## XXII. Vinum aqua mistum.

AD fallendum, pecuniamque malis artibus, & sycophantiis cumulandam quasi in fallaciarn, & stropharum gymnasio aliquo docti, Inueniuntur multi cauponum. Qui inter ceteras fraudes, dum Saluatorem æmulari conantur, ut aquam in vinum conuertant, contra vinum potius in aquam, quaestus faciendi egregij μεταμορφώσαι commutant; ut de mensura quoque adulterata nihil dicam. Ita se gerebat, de quo narrabimus vicanus caupo. Quodam tempore compotandi causa ad eum conuenerunt homines non inurbani, & qui cum Cretensi Cretizare scient.

rent. Petunt ab eo vt aquam, & vinum, vtrumque separatim apponat, vt suo quisque arbitratu diluat. Infit ille non sine stomacho. Cui vinum meum displicet, eo licet abstineat. Vinum est planè iustum, ac bonum, & Rhenense quidem. Bene tu, excipit vnus de sodalibus: Rhenense est, quia per Rhenum natans, multum ex eo bibit. Hic exandescere caupo, & eos promendacibus accusare. Egresso illo dolum compotiores struunt: pisciculos duos tresue, secum fortasse allatos, aut è patina sumptos (fundulos vocant) in cantharum immittunt. Redit; vinum inde in vitrum defundit, vt solent diuersoribus facere hospites; pisciculos innatare cernit, & in hæc verba erumpit: Hercle, nunc quod res est ipsa res manifesta me confiteri cogit: vinum aqua permiscui: vnde enim pisciculi in vinum? Ita iuxta adagium, cum vulpibus vulpinatus est, & artem arte delusit. Ex German.

### XXIII. *Pauperis amici testamentum mirificum,*

**I**N Toxaride dialogo Lucianus vnum Græcum, alterum Scytham de Amicitia, apud vtroque magis colatur, exemplis ex vtraque parte quiniò contententes inducit. Ex Græcis primum hoc est. Eudamidas Corinthius Aretæo Corinthio, & Charixeno Sicyonio amicis utebatur, & iis quidem opulentis, cum ipse pauperrimus esset. Hic vita decedens testamentum reliquit, in specie

ciem deridiculum. Sic enim in eo scriptum erat. Lego Aretæo quidem matrem meam alendam, atque in senectâ fouendam: Charixeno verò filiam meam elocandam cum dote, quanta ab illo dari maxima poterit. Erat autem illi mater anus, ac filiola iam matura nuptiis. Si quod autem interim acciderit alterutri, huius quoque partem, inquit, alter habeto. Huiusmodi lecto testamento, qui tenuitatem quidem Eudamidæ nouerant: at amicitiam quæ illi cum his viris intercesserat, ignorabant, rem pro ludo iocoque ducebant. Nemo certe aderat, qui non cum risu discederet, quod eiusmodi hereditatem Aretæus, & Charixenus essent accepturi, faelices videlicet: atque ita dicebant. Si quidem persoluent Eudamidæ, superstitæ etiam ipsi hereditatem tradent mortuo. At hæredes quibus ista erant legata, ut audierunt, venerunt illico, agnoscentes, rataque facientes ea, quæ erant testamento mandata, itaque Charixenus quinque duntaxat dies superstitæ, diem obiit. Aretæus autem optimus successor factus, tum illius, tum suo ipsius suscepto onere, & matrem aluit Eudamidæ, & filiam non ita pridem elocauit, ex quinque talentis quæ possidebat, duobus in propriæ filiæ dotem, duobus in amici filiam erogatis. Ac nuptias amborum eodem die fieri voluit.

Qui amicum verissimum, & sincerum munus habet, magnum thesaurum magna seruandum cura est adeptus. Rem utique possidet. ulci si-

nam, sanctissimamque, qua una post virtutem solam nihil homini melius in hac vita seu natura, seu casus aliquis, seu labor, ac studium dedit. Dulces sunt parentes, dulces filii, dulces fratres, possunt tamen amarescere: nec ideo parentes, filii, fratres desinunt esse: at amicus solus (dum sit verus) dulcis, & charus esse non desinit. Petrarcha Dial. LII. De amico fideli.

*XXIV. Factum amici quantavis predicatione dignum.*

**N**Arrationi antegressæ apud eundem scriptorem altera statim subiungitur, quæ plus etiam varietatis, admirationis, delectationis habet. Exemplum autem amici qualem multis è millibus non inuenias. Commonstrabatur mihi in Italia patriæ nomine Legatum agenti vir decorus, procerus, ac diues, ut apparebat (Zenothemis Charmoleus, Massilia oriundus.) Assidebat illi vxor in rheda iter facienti, cum alioqui deformis, tum dimidia, nempe dextra corporis parte manca, alteroq; capta oculo, teterimum quoddam, & refugiendum tericulum. Deinde cum mirarer, si decorus ille cum esset, ac venustus, sustineret eiusmodi mulierem sibi adiunctam: is qui mihi eum commonstrabat causam exponit, quare in id matrimoniû incidisset: nouerat enim compertè omnia, nam ipse quoque Massiliensis erat. Menecrati, inquit, huius fœdæ patri amicus erat Zenothemis, viro diuiti ac honora-

honorato, ipse iisdem rebus par. Deinde aliquā-  
ro post facultatibus exutus est ex condemnatio-  
ne Menecrates: quo tempore infamis, & ad ca-  
pessendos magistratus inidoneus est iudicatus à  
sexcentumviris, tanquam qui sententiam ini-  
quam pronuntiasset. Grauitur itaque ferebat  
Menecrates: primum quod esset condemnatus:  
deinde quod è diuite pauper: postremo quod  
ex nobili repente factus esset infamis, & reiecti-  
tius. Ac præter cætera cum ipsa discruciat filia  
iam nubilis, utpote annos nata decem & octo,  
quam necum omni quidem patris substantia,  
quam ante condemnationem possederat, digna-  
tus fuisset quisquam ingenuus, ac pauper facile  
accipere, quæ tam infelici esset forma. Quin &  
concidere dicebatur, idque circa lunam crescē-  
tem. Hæc ubi apud Zenothemin deplorarat,  
bono, inquit, animo esto Menecrates. Neque e-  
nim ipse egebis rebus necessariis, & filia tua di-  
gnum aliquem suo genere sponsum inueniet.  
Atque hæc elocutus, statim apprehensa illius  
dextera deduxit domum. Ibique opes, quæ illi  
multæ erant, partitus est cum illo: ac cœna pa-  
rari iussa, conuiuium accepit amicos, & in his Me-  
necratem, veluti iam è necessariis cuiuspiam per-  
suasisset, ut puellam in matrimonium acciperet.  
Postquam autem conuiuium peregerant, libas-  
sentque diis, tum vero plenum illi calicem por-  
rigens: accipe, inquit, Menecrates à genero  
symbolum affinitatis posulum: nam hodie du-



Curus sum ego filiam tuam Cydimacham: dotem autem iam olim accepi, talenta quinque & viginti. Illo respondente, absit, ne feceris, ô Zenothemi; neue ipse vsque adeo insaniam, vt te neglectum, qui & iuuenis es, & formosus, conspiciam cum deformi puella, ac debilitata conjugatum. Hæc, inquam, illo loquente, hic sponsam adiunctam tollens in thalamum abduxit. Ex eo tempore cum ea vivit supra modum diligens, &, quemadmodum vides, circumferens. Ac non solum nō pudet matrimonii, verumetiam perinde atque glorians de eo, sic ostentat: propterea quod negligit corporis formam, ac foeditatem, adhæc opes, & famam: tantum amicitiationem habet. Quanquam pro his iam illi gratiam retulit fortuna ad hunc modum. Puelluse enim formosissimus ex illa deformissima susceptus est. Neque diu est, quod tollens hunc pater intulit in curiam, frondibus oleaginis coronatum, ac pullis amictum, quod plus miserationis suo conciliaret. At infans arridebat iudicibus, manibus complodebat. Itaque curia commota super illo, remisit mulctam Menecrati. Atque ille iam rei, famæque restitutus est, eiusmodi patrono vsus apud iudices:

*XXV. Othonis M. & Othonis III. Imp. p.  
aduersus fontes iustitia memorabilis,  
& huius exitium.*



**C**um ad ordinandam Rempub. in Italiam veniret cum exercitu Otho, cui res tot fortiter gestæ Magni cognomentum peperere, quodam coeum fœmina conuenit quæ se per vim ab homine lasciuo virginitate spoliata lamentabatur. Imp. se illius iniuriam pro sua ducere, & in pudicitia ereptorem, ubi rediret vindicaturum promittere. Quid si obliuiscare meit subdit illa. Tum intendens digitum in propinquum sacellum, hoc, inquit sacellum promissum monebit. Compositis igitur negotiis cum longo po tempore eodem rediret, in Germaniam reuersurus, ad conspectum ædiculæ mulieris recordatus, eam acciri, & accusationem iterare iussit. Quæ stupratori iam nupta, & ex eo aliquot liberorum mater facta, cum se illi ignouisse diceret, Imp. per barbam Othonis, & solebat, iuramentum concipit, Impudicum illum regia bipenni sua emendatum iri. Nec mora, conquistum capite multauit. Crantzius in Metropoli.

Quam porro diligeret iustitiam similiter auo nepos Otho III. rerum Italicarum auctores testantur. Ego historiam ex lib. 7. de Regno Italiæ Caroli Sigonii recitabo, vnde id liquidò cognoscatur. Eo in agro Mutinensi agente, res exempli memorabilis incidit. Maria Augusta Comitem Mutinensem in amorem pellicere sui conata, postquam libidin reluctari suæ vidit, ira furens, se ab illo de stupro tentatam apud Otho-

nem

nem in simulauit. Eius rei admonitus Comes, totum, ut erat, coniugi suæ mulieri prudentissimæ patefecit; se citius milles moriturum, quàm tantum Imperatoris dedecus patefacturum. Proinde eam precibus omnibus obtestari, ut forti, atque imperterrito animo apud eum mortui innocentiam sui purgaret. Neque ita multo post Comes irati, & creduli Imp. iudicio condemnatus pœnas capite dedit. Conuentu inde populis ad Roncalias instituto, quo die ius viduis dicebatur, mulier processit, atque ex lege Imp. ipsum ad supplicium, quoddam maritum suum iniuste necasset, postulauit. Qua voce audita, mirabundus Otho, At tu, quonam pacto viri tui quam iactas innocentiam comprobabis? Cui illa. Candenti lamina: atque mox inspectantibus omnibus ferrum ignitum iussu Othonis allatum sine vlla offensioneprehendit. Ea re Otho confusus, se quidem pœna dignum esse dicere, verùm ad eam subeundam spatium postulare. Tum mulier tribus vadimonijis dilatis, Atqui, inquit, ego supplicio Reginae contenta sum, cuius nefaria calumnia maritus est meus oppressus. Otho muliere collaudata, Regnam igne cremari iussit; mulierem verò propter dilata sibi vadimonia quatuor in Etruria castris donauit. Huius iudicij Godefredus est auctor. Crantzius quoque Saxoniæ lib. 4. cap. 26. Carolus Sigonius de regno Italiæ lib. 7. Hanc historiam profere Lipsius quoque lib. 2. Monit. & Exempl. Politi-

cor. cap. 9. eamque fabulæ similiorem iudicat, cum tamen ibidem à bonis auctoribus scriptam testetur, quo minus de eius veritate ambigendum fuit.

Cæterum hic Imp. indignum vitæ exitum est consecutus. Nam ut Crescentem Consulem Romanum maiestatis damnatum suspendio affecit, illius vxor, quæ ipsum spe regnandi ad amorem sui pellexerat, discessu eius ex Italia dolens, venenatum chirotecaram simulatæ amicitiae munus ad eum misit: quo ille sensim infectus, XII. Kalend. Februarias apud Paternum, ex vaticinio sancti viri (Romualdi) exinguitur. Ibid. Sigon. & alij.

## XXVI. *De pugna Pharsalica.*

**P**Vgnam hanc luculentissimè descripsit Dio clarissimi nominis historicus lib. 41. In ea Cæsar, & Pompeius ambitiosissimi mortales de summa imperij decertarunt. Verum nos ex ea descriptione pauca duntaxat huic Synragmati inferemus. Itaq; suos vterque milites multis verbis cohortatus est, omnibus quæ ad præsentis pugnae sortem, ex eaque euentura attinebant, in medium adductis. Similis tamen vtriusque fuit oratio: etenim idem vterque propositum sibi habentes, ac de iisdem rebus verba facientes, quod vterque aduersarium suum tyrannum, se vindicem libertatis nominabat, nullam diuersa differendi materiam habebant. Ergo ex altera  
parte

parte mortem, captiuitatem, omnium rerum  
amissionem: ex altera salutem, dominium, om-  
nium rerum possessionem proponebant: deni-  
que extrema mala aut inferenda hostibus, aut  
ab alijs accipienda esse docebant. His dictis ani-  
mos ciuium cohortati, subditis quoque, & so-  
cijs spe melioris, ac metu deterioris conditionis  
ostenso, inter se prælio homines gentiles inui-  
cem, contubernales, eodem victu, ijsdemque  
fœderibus vfos commiserunt. Quorsum verò  
attinet sortem reliquorum deplorare, cum ipsi  
duces, ante summa inter se necessitudine denin-  
cti, quique multa inter se arcana communica-  
uerant, multas res communi consilio confecer-  
ant, affinitatem olim contraxerant, eundemq;  
infantem alter ut pater, alter vt auus dilexerant,  
tum pugnam nihilominus conseruerunt: atque  
id vinculum consanguinitatis, quo eos natura  
adstrinxerat, inexsatiabili dominandi cupidita-  
te dissoluere, diuulsere, dirupere? qua effectum  
est, vt Roma de seipsa, ac contra seipsam pugna-  
re, ac vincendo vinci cogeretur. Postquam di-  
rectæ sunt acies, non extemplo concursus est:  
sed quia eadem ex patria, ijsdem à penatibus  
profecti essent, armaturaque, & ordinibus si-  
milibus vterentur, initium pugnae facere, mu-  
tuasque cædes edere verebantur. Erat vtrinque  
altum silentium, ingensque mœstitia: neq; aut  
progrediebatur quisquam, aut sese commoue-  
bat: sed exanimorum instar, oculis in terram de-

fixis constiterant. Ibi Cæsar, & Pompeius veritine, si diutius ea quies militum durasset, languidior eorum vis fieret, aut in gratiam copiarum inter se redirent, confestim classicum cani, clamoremque militare tolli iusserunt. Tantum absuit, ut militum animos hoc accenderet, ut cum tubas eundem vtrinque cantum sonare, suosque clamore, & lingua inter se convenire audissent, eo magis se eiusdem gentis, generisque esse cognoscerent. Itaque lacrymæ, luctusque eos occupare. Tandem ab auxiliarijs initio pugnae facto, ipsi quoque congressi sunt. Qui e minus pugnabant, quia quos sagittis, iaculis, fundisque suis peterent ignorabant, minori malo conflictabantur: at legionarij milites, equitesque pugnam acerbissimam depugnare: quia comminus concurrentes, ita ut exaudiri etiam voces mutue possent, hostes agnitos vulnerare, nominatimque compellatos trucidare, interque recordationem communis patriæ spolia legere opus habebant, &c. Eadem ferme tradita sunt memoriæ ab Appiano, lib. 2. bell. civil. ubi hoc amplius. Fertur illacrymasse utrumque, puta Pompeium, & Cæsarem ante conflictum.

XXVII. *Trium servorum in heros, & filij in patrem fides, & charitas.*

IN illa proscriptione civium, quam Triumviri Octavius, M. Antonius, & M. Lepidus exercuerunt

uerunt, herum suum quidam seruus in cauer-  
nam abstruserat, quem cum indicio alieno iam  
iam periturum animaduerneret, vestem cum eo  
suam permutauit, herilique cum habitu percus-  
soribus occurrit, ac pro suo ipse hero occisus est:  
herus autem abeuntibus illis, quum se cum quē  
uoluissent occidisse crederent, aliud effugit. Ali-  
us quidam similiter omni habitu suo cum domi-  
no suo permutato, ipse in lecticam opertam se  
coniecit, in eaque ab suo domino uectus est. In  
hos cum emissarij incidissent, seruus ne uisus  
quidem ab ijs iugulatus est: dominus autem tan-  
quam famulus aliquis esset, dimissus. Q. Cice-  
ronem Marci fratrem filius occuluit: ac quan-  
tum in ipso fuit, seruauit. Nam & occultauit  
patrem ne inueniri is posset: & quum in qua-  
estionem adductus, omnibus tormentis interro-  
garetur, nihil enunciauit. Sed pater re cognita  
miratus simul ac miseratus filiū, ultro in publi-  
cum prodijt, ac se occisoribus exhibuit. Dio li.  
47. In ezde tot millium Thessalonicensium, à  
Theodosio M. imperata, etiam seruus quidam  
hero suo, quo benigno usus fuerat, quum is ad  
mortem duceretur, opem ferens, seipsum ad  
necem alacri animo obtulit. Niceph. lib. 12.  
cap. 40.

### XXVIII. De diuite avaro.

**D**E diuitibus, ijsdemque tenacibus, sordi-  
dis, & auaris haud ita verè quis autumane-

rit, eos multam habere pecuniam, cum inde ne corpori quidem suo, nedum alienis benefacere audeant: ut meritò dici contrarium possit, eos à multa pecunia haberi. Magis enim habentur, quàm habent, magisq; possidentur quàm possident. Pecunia illis deus est: huic sacrificant, hanc adorant. Noui quendam de isto genere, qui cum ex hæreditatibus ædes, villas, facultatesque multis millibus æstimatas acquisisset, essetque ære alieno plane liber, nihilominus, ut à fide dignis audiebam, domi suæ tam parcè ac duriter viuebat, ut nunquam ad satietatem comederet; veruntamen in mensa aliena dentes exercere, & ambabus malis expletis vorare egregiè nouerat. Idem equum sibi emerat, qui cum noctu ederet, sonum edentis ille, dum cubat in cubiculo exaudiens, quid sit hoc ab uxore quaerit. Respondet, equum esse, qui pro natura noctu appetentius, & largius edere consueuerit. Sciscitatur num id omnes equi, & semper soleant. Illa, omnes, & semper. Tum vir, valeat equus. Nam si & noctu, ut interdiu, pasci vult, vnde mihi tanta pabuli copia? Vendam, etsi dimidio minoris, quàm steterit. Miserum, qui bonis suis uti nesciebat. Si equus hic excrementa equina esitare, & meram auenam excernere potuisset, ne magno quidem eum vendidisset. Ex Germanico.

Sacri scriptores, & externi, philosophi, oratores, poëtæ, historici, omnes demum sapientes auaritie



avaritiam, ut aliud vitium nullum, detestantur. Avaro nihil scelestius, dictum à Siracide. Paulo avaritia est idolorum servitus. *Avarus*, inquit Augustin, *velut infernus omnia deuorans, vellet nullum hominem esse, ut omnia solus possideret.* Ac proinde Avarus nisi cum moritur, nihil rectè facit, ut scripsit Mimographus.

### XXIX. *Clementia, & largitio Maximiliani I. Imp. in peculatores.*

**M**aximilianus I. non solum de imperio laudabiliter administrato, verum etiam de lenitate, & placabilitate aduersus criminosos merito vsque hodie commendatur. Diu iam bellum cum Venetis gerebat, cum pecunia ad exsoluenda militi stipendia egere cœpit. Quocirca vnde vnde conquirendam, & redigendam curabat. Summa erat confecta non mediocris: sed ea in tantum exercitum non sufficebat. Cum itaque omne illud aurum in conclauis Cæsareo super mensam fuisset effusum, stabat fortè ad fenestram Imp. cubito caput fulciens, & secum sollicitè voluens, qua ratione ad retinendos militum animos commodè impenderetur. In eo conclauis præter vnum de interioribus aulicis, & consiliariis nemo præsens aderat. Hic, cum putaret somno victum Imp. & tanta copia nummum aureorum suo fulgore oculos ei feriret, suspensò in digitos gradu sensim accedit; manum implet, & in crumenam immittit. Ani-



maaduertit, & dissimulat negotium Imp. paulo-  
 que post ad hominem conuersus. Quid videtur?  
 inquit, Ecquid liberet tibi de isto aceruo pugil-  
 lum tollere? Quid peculator? Decorum seruat:  
 modestè recusat; genua inflectit; gratias inge-  
 res agit. Cui Imp. Si id bona venia mea fieri pos-  
 sit, cur tu id nolis? Agedum accede, & manu be-  
 ne plena recede. Dum id facit Consiliarius, & ad  
 crumenam tendit, Imp. apprehenso eius bra-  
 chio, deponere ait, istos aureos super mensa, & ex-  
 pone item quos antea in crumenam coniecisti,  
 iuxtaque colloca, vt admiremur, cum eos nu-  
 merantes viderimus, si vno captu tantum, quan-  
 tum altero sustuleris, & artem æqualiter capien-  
 di bene noueris. Quis dubitet, hunc in scelere  
 ab Imp. deprehensum fuisse vehementer con-  
 sternatum? Prouoluit se mox ad pedes eius: per-  
 deum, & maiestatis illius clementiam delicti re-  
 missionem, & salutem obsecrat. Posthabendam  
 illo tempore iustitiam ratus Imp. supplicem so-  
 latur, surgere, & quod ceperat retinere sibi, ac de  
 cetero nihil tale committere iubet.

Hanc historiam, vt sequentes de duobus re-  
 gibus latinè conscriptas ferri nihil ambigo, & ex  
 ipsis fontibus eas adducere maluissim vtique.  
 Sed quoniam libri ipsi latini non suppetunt, ex  
 Germanico vertere, quàm lectorem tam iucun-  
 dis narrationibus fraudare præoptavi. Profert  
 de peculatore isto eandem historiam Philipp.  
 Camerarius in Operis succisus, cap. 65, sed mul-

to aliter. Nostra narratio mihi videtur fidelior. Facilius enim fuit de mensa aureis nummis plena, quam de poculo manum, aucto Imperatore implere.

**XXX.** *Persimile factum Alphonsi Regis in furem annulorum.*

**R**EX Aragoniz Alphonsus aliquando accubiturus, prius, uti mos est, aquam manibus accipere voluit. Annulos suos pretiosos, ne maderent, digitis abstrahit; seruandos ex circumstantibus proximo, ut solebat, daturus. Tum fortè inter colloquendum vni procerum suorum tradidit. Qui ratus regem nihil pensi habuisse cui custodiendos annulos commisisset: aut fortassis etiam ob multas, & graues curas, qualibus magni Principes semper exercentur, facile oblitum cui eos commiserit: quandoquidem absterfis manibus non reposcerit (in qua opinione illum confirmauit, securumque reddidit, quod iam aliquot dies, immò hebdomades, immò menses effluerant: nec interea vel ipse rex, vel quispiam alius mentionem ullam horum annulorum fecerat) de credito restituendo nihil laborauit. Ad finem annus procedebat, & Rege iterum discubituro, annulosque deposituro, ac manus abluturo, propius accessit is, qui pridem, eosdem ab illo suscepturus. Obseruauit Rex minimè sincerum viri obsequium, & ei hæc verba insusurravit. Contentus esto

annulis prioribus : nimium concupiscis : isti valebunt pro aliis. Ex Germanico.

Hunc quoque vti superiorem occasio fecit furem. Dignus vterque qui in cruce pasceret coruos, ni magnanimi Principes, & auri contemptores dum parcent humanitatis & clementiæ, quam dum puniunt iustitiæ laudem maluissent.

### XXXI. *Ludouicus XI. Rex Francorum, & eius pediculus.*

CONuentum cogerat frequentem rex Ludouicus ex Principibus, & primoribus totius regni sui, ipseque ornatu splendidus, ac regio visendus astabat. Ecce autem in veste eius holoserica, supra humeros pediculus grandis, ac præpinguis conspicitur. Quem cum demere nemo pro reuerentia maiestatis auderet, vnus aliquis de infimis aulicis propius se admouet, sperans posse sic auferre, vt lateret. Sensit rex propinquum : causam percundatur cur ad se tam propè accesserit. Ille pauitans, & tremens, prædamque adhuc primoribus digitis conclusam tenens, factum confitetur; veniam audaciæ suæ, & impunitatem precatur. Hic rex, cur se hanc rem celatum voluerit? Quia veritus sum, inquit, palam, ac non dissimulanter id facere, atque offendere, cum pediculos habere mendicorum sit. Iterum rex, cur velis occultare veritatem? Nunquid non coram deo omnes mendici sumus? An non quotidie quibus indigemus

quis-

quisque pro statu, & conditione sua à deo petere, & mendicare cogimur? Statimque huic viro, postquam abiectionem, & inopiam eius intellexit, CCC. coronatos numerati mandavit. Ex Germanico.

Bene locavit operam. Wer wolt ymb diß gest nit lausen. Hæc historia si minus vera, at verisimiliter conficta est, iuxta præceptum Horatianum, *Ficta voluptatis causa sint proxima veris.*

## XXXII. De quodam plano, seu impostore.

**P**Ervagabatur regionem quandam Germaniæ homo sanus, ac robustus, cæterum laboris fugitans, & otii ac desidii in primis amans. Hic quod minore negotio alios ad libenter, & liberaliter sibi largiendum permoneret, sinistrum brachium sordidis, ac sanie imbutis panniculis sibi obligauerat. Narrabat se nescio quod sectatum opificium, in itinere à viarum infessoribus vestitu, & rebus omnibus despoliatum, in brachio insuper atrocissimè vulneratum. Quare se compulsum bonorum hominum implorare misericordiam, quorum beneficentia mercedem solvere vulnerario posset. Alibi porro alias brachij obuoluti causas comminiscebatur. De variantibus huiusmodi responsis, & de furtis eius, quæ in ædibus aliquot custode vacantibus illum admisisse suspicio erat, ad Præfectum eius no-

honorato, ipse iisdem rebus par. Deinde aliquā-  
 ro post facultatibus exutus est ex condemnatio-  
 ne Menecrates: quo tempore infamis, & ad ca-  
 pessendos magistratus inidoneus est iudicatus à  
 sexcentumviris, tanquam qui sententiam ini-  
 quam pronuntiasset. Graviter itaque ferebat  
 Menecrates: primum quod esset condemnatus:  
 deinde quod è diuite pauper: postremò quod  
 ex nobili repente factus esset infamis, & reiecti-  
 tius. Ac præter cætera eum ipsa discruciat filia  
 iam nubilis, utpote annos nata decem & octo,  
 quam ne cum omni quidem patris substantia,  
 quam ante condemnationem possederat, digna-  
 tus fuisset quisquam ingenuus, ac pauper facile  
 accipere, quæ tam infelici esset forma. Quin &  
 concidere dicebatur, idque circa lunam crescē-  
 tem. Hæc ubi apud Zenothemin deplorarat,  
 bono, inquit, animo esto Menecrates. Neque e-  
 nim ipse egebis rebus necessariis, & filia tua di-  
 gnū aliquem suo genere sponsum inueniet.  
 Atque hæc elocutus, statim apprehensa illius  
 dextera deduxit domum. Ibique opes, quæ illi  
 multæ erant, partitus est cum illo: ac cœna pa-  
 rari iussa, conuiuio accepit amicos, & in his Me-  
 necratem, veluti iam è necessariis cuiusdam per-  
 suasisset, ut puellam in matrimonium acciperet.  
 Postquam autem conuiuium peregerant, libas-  
 sentque diis, tum verò plenum illi calicem por-  
 rigens: accipe, inquit, Menecrates à genero  
 symbolum affinitatis poculum: nam hodie du-

Eturum sum ego filiam tuam Cydimacham: do-  
 tem autem iam olim accepi, talenta quinque &  
 viginti. Illo respondente, absit, ne feceris, ô Ze-  
 nothem; neue ipse usque adeo insaniam, ut te  
 neglectum, qui & iuuenis es, & formosus, con-  
 spiciam cum deformi puella, ac debilitata con-  
 iugatum. Hæc, inquam, illo loquente, hic spon-  
 sam adiunctam tollens in thalamum abduxit. Ex  
 eo tempore cum ea vivit supra modum diligens,  
 &, quemadmodum vides, circumferens. Ac  
 non solum non pudet matrimonii, verum etiam  
 perinde atque glorians de eo, sic ostentat: pro-  
 pterea quod negligit corporis formam, ac fœ-  
 ditatem, adhæc opes, & famam: tantum amici-  
 rationem habet. Quanquam pro his iam illi gra-  
 tiam retulit fortuna ad hunc modum. Puellus e-  
 nim formosissimus ex illa deformissima susce-  
 ptus est. Neque diu est, quod tollens hunc pater  
 intulit in curiam, frondibus oleaginis corona-  
 tum, ac pullis amictum, quod plus miserationis  
 suo conciliaret. At infans artidebat iudicibus,  
 manibus complodebat. Itaque curia commota  
 super illo, remisit mulctam Menecrati. Atque  
 ille iam rei, famæque restitutus est, eiusmodi pa-  
 trono usus apud iudices:

*XXV. Othonis M. & Othonis III. Imp. p.  
 adversus fontes iustitia memorabilis,  
 & huius exitium.*

Cum

**C**Um ad ordinandam Rempub. in Italiam veniret cum exercitu Otho, cui res tot fortiter gestæ Magni cognomentum peperere, quodam coeum fœmina conuenit quæ se per vim ab homine lasciuo uirginitate spoliata lamentabatur. Imp. se illius iniuriam pro sua ducere, & in pudicitia ereptorem, ubi rediret vindicaturum promittere. Quid si obliuiscare meit subdit illa. Tum intendens digitum in propinquum sacellum, hoc, inquit sacellum promissum monebit. Compositis igitur negotiis cum longo po tempore eodem rediret, in Germaniam reuersurus, ad conspectum ædiculæ mulieris recordatus, eam acciri, & accusationem iterare iussit. Quæ stupratori iam nupta, & ex eo aliquot liberorum mater facta, cum se illi ignouisse diceret, Imp. per barbam Othonis, & solebat, iuramentum concepit, impudicum illum regia bipenni sua emendatum iri. Nec morâ, conquistum capite multauit. Crantzius in Metropoli.

Quam porro diligeret iustitiam similiter auo nepos Otho III. rerum Italicarum auctores testantur. Ego historiam ex lib. 7. de Regno Italiae Caroli Sigonii recitabo, unde id liquidò cognoscatur. Eo in agro Mutinensi agente, res exempli memorabilis incidit. Maria Augusta Comitem Mutinensem in amorem pellicere sui conata, postquam libidin reluctari suæ vidit, ira furens, se ab illo de stupro tentatam apud Otho-



nem inſimulauit. Eius rei admonitus Comes, totum, vt erat, coniugi ſuæ mulieri prudentiſſimæ patefecit; ſe citius millies moriturum, quàm tantum Imperatoris dedecus pateſciturum. Proinde eam precibus omnibus obteſtari, vt forti, atque imperterrito animo apud eum mortui innocentiam ſui purgaret. Neque ita multo poſt Comes irati, & creduli Imp. iudicio condemnatus pœnas capite dedit. Conuentu inde populis ad Roncalias inſtituto, quo die ius viduis dicebatur, mulier proceſſit, atque ex lege Imp. iplum ad ſupplicium, quoddam maritum ſuum iniuſtè necaſſet, poſtulauit. Qua voce audita, mirabundus Otho, At tu, quonam pacto viri tui quam iactas innocentiam comprobabis? Cui illa. Candenti lamina: atque mox inſpectantibus omnibus ferrum ignitum iuſſu Othonis allatum ſine vlla offenſione prehendit. Ea re Otho conſuſus, ſe quidem pœna dignum eſſe dicere, verùm ad eam ſubeundam ſpatium poſtulare. Tum mulier tribus vadimonijs dilatis, Atqui, inquit, ego ſupplicio Reginae contenta ſum, cuius nefaria calumnia maritus eſt meus oppreſſus. Otho muliere collaudata, Regnam igne cremari iuſſit: mulierem verò propter dilata ſibi vadimonia quatuor in Etruria caſtris donauit. Huius iudicij Godefredus eſt auſtor. Crantzius quoque Saxoniæ lib. 4. cap. 26. Carolus Sigonius de regno Italiæ lib. 7. Hanc hiftoriam profere Lipſius quoque lib. 2. Monit. & Exempl. Politi-



cor. cap. 9. eamque fabulæ similiorem iudicat, cum tamen ibidem à bonis auctoribus scriptam testetur, quo minus de eius veritate ambigendum fuit.

Cæterum hic Imp. indignum vitæ exitum est consecutus. Nam ut Crescentem Consulem Romanum maiestatis damnatum suspendio effecit, illius vxor, quæ ipsum spe regnandi ad amorem sui pellexerat, discessu eius ex Italia dolens, venenatum chirotecarum simulatæ amicitiae munus ad eum misit: quo ille sensim infectus, XII. Kalend. Februarias apud Paternum, ex varicinio sancti viri (Romualdi) exinguitur. Ibid. Sigon. & alij.

## XXVI. De pugna Pharsalica.

PVgnam hanc luculentissimè descripsit Dio clarissimi nominis historicus lib. 41. In ea Cæsar, & Pompeius ambitiosissimi mortales de summa imperij decertarunt. Verum nos ex ea descriptione pauca duntaxat huic Syntagmati inferemus. Itaque suos vterque milites multis verbis cohortatus est, omnibus quæ ad præsentis pugnae sortem, ex eaque euentura attinebant, in medium adductis. Similis tamen vtriusque fuit oratio: etenim idem vterque propositum sibi habentes, ac de iisdem rebus verba facientes, quod vterque aduersarium suum tyrannum, se vindicem libertatis nominabat, nullam diuersa differendi materiam habebant. Ergo ex altera  
parte

parte mortem, captiuitatem, omnium rerum  
amissionem: ex altera salutem, dominium, om-  
nium rerum possessionem proponebant: deni-  
que extrema mala aut inferenda hostibus, aut  
ab alijs accipienda esse docebant. His dictis ani-  
mos ciuium cohortati, subditis quoque, & so-  
cijs spe melioris, ac metu deterioris conditionis  
ostenso, inter se prælio homines gentiles inui-  
cem, contubernales, eodem victu, ijsdemque  
fœderibus vfos commiserunt. Quorsum verò  
attinet sortem reliquorum deplorare, cum ipsi  
duces, ante summa inter se necessitudine denin-  
cti, quique multa inter se arcana communica-  
uerant, multas res communi consilio confecer-  
ant, affinitatem olim contraxerant, eundemq;  
infantem alter ut pater, alter vt auus dilexerant,  
tum pugnam nihilominus conseruerunt: atque  
id vinculum consanguinitatis, quo eos natura  
adstrinxerat, inexsatiabili dominandi cupidita-  
te dissoluere, diuulsere, dirupere? qua effectum  
est, vt Roma de seipsa, ac contra seipsam pugna-  
re, ac vincendo vinci cogeretur. Postquam di-  
rectæ sunt acies, non extemplo concursum est:  
sed quia eadem ex patria, ijsdem à penatibus  
profecti essent, armaturaque, & ordinibus si-  
milibus vterentur, initium pugnae facere, mu-  
tuasque cædes edere verebantur. Erat vtrinque  
altum silentium, ingensque mœstitia: neq; aut  
progrediebatur quisquam, aut sese commoue-  
bat: sed exanimorum instar, oculis in terram de-

fixis constiterant. Ibi Cæsar, & Pompeius veriti ne, si diutius ea quies militum durasset, languidior eorum vis fieret, aut in gratiam copiarum inter se redirent, confestim classicum cani, clamoremque militare tolli iusserunt. Tantum absuit, ut militum animos hoc accenderet, ut cum tubas eundem utrinque cantum sonare, suosque clamore, & lingua inter se convenire audissent, eo magis se eiusdem gentis, generisque esse cognoscerent. Itaque lacrymæ, luctusque eos occupare. Tandem ab auxiliarijs initio pugnae factæ, ipsi quoque congressi sunt. Qui e minus pugnabant, quia quos sagittis, iaculis, fundisque suis peterent ignorabant, minori malo conflictabantur: at legionarij milites, equitesque pugnam acerbissimam depugnauere: quia comminus concurrentes, ita ut exaudiri etiam voces mutarum possent, hostes agnitos vulnerare, nominatimque compellatos trucidare, interque recordationem communis patriæ spolia legere opus habebant, &c. Eadem ferme tradita sunt memoriæ ab Appiano, lib. 2. bell. ciuil. ubi hoc amplius. Fertur illacrymasse utrumque, puta Pompeium, & Cæsarem ante conflictum.

**XXVII.** *Trium seruorum in heros, & filij in patrem fides, & charitas.*

**I**N illa proscriptione ciuium, quam Triumuiro Octavius, M. Antonius, & M. Lepidus exercuerunt

uerunt, herum suum quidam seruus in cauer-  
nam abstruserat, quem cum indicio alieno iam  
iam perituum animaduerneret, vestem cum eo  
suam permutauit, herilique cum habitu percus-  
soribus occurrit, ac pro suo ipse hero occisus est:  
herus autem abeuntibus illis, quum se cum quibus  
voluissent occidisse crederent, aliud effugit. Ali-  
us quidam similiter omni habitu suo cum domi-  
no suo permutato, ipse in lecticam opertam se  
coniecit, in eaque ab suo domino vectus est. In  
hos cum emissarij incidissent, seruus ne visus  
quidem ab ijs iugulatus est: dominus autem tan-  
quam famulus aliquis esset, dimissus. Q. Cice-  
ronem Marci fratrem filius occuluit: ac quan-  
tum in ipso fuit, seruauit. Nam & occultauit  
patrem ne inueniri is posset: & quum in qua-  
estionem adductus, omnibus tormentis interro-  
garetur, nihil enunciauit. Sed pater re cognita  
miratus simul ac miseratus filium, ultro in publi-  
cum prodijt, ac se occisoribus exhibuit. Dio li.  
47. In eade tot millium Thessalonicensium, à  
Theodosio M. imperata, etiam seruus quidam  
hero suo, quo benigno usus fuerat, quum is ad  
mortem duceretur, opem ferens, seipsum ad  
necem alacri animo obtulit. Niceph. lib. 12.  
cap. 40.

### XXVIII. De diuite avaro.

**D**E diuitibus, iisdemque tenacibus, sordi-  
dis, & avaris haud ita verè quis autumaue-

rit, eos multam habere pecuniam, cum inde ne corpori quidem suo, nedum alienis benefacere audeant: ut meritò dici contrarium possit, eos à multa pecunia haberi. Magis enim habentur, quàm habent, magisq; possidentur quàm possident. Pecunia illis deus est: huic sacrificant, hanc adorant. Noui quendam de isto genere, qui cum ex hæreditatibus ædes, villas, facultatesque multis millibus æstimatas acquisisset, essetque ære alieno plane liber, nihilominus, ut à fide dignis audiebam, domi suæ tam parcè ac duriter viuebat, ut nunquam ad satietatem comederet; veruntamen in mensa aliena dentes exercere, & ambabus malis expletis vorare egregiè nouerat. Idem equum sibi emerat, qui cum noctu ederet, sonum edentis ille, dum cubat in cubiculo exaudiens, quid sit hoc ab vxore quærjit. Respondet, equum esse, qui pro natura noctu appetentius, & largius edere consueuerit. Sciscitatur num id omnes equi, & semper soleant. Illa, omnes, & semper. Tum vir, valeat equus. Nam si & noctu, ut interdium, pasci vult, vnde mihi tanta pabuli copia? Vendam, etsi dimidio minoris, quàm steterit. Miserum, qui bonis suis uti nesciebat. Si equus hic excrementa equina esitare, & meram auenam excernere potuisset, ne magno quidem eum vendidisset. Ex Germanico.

Sacri scriptores, & externi, philosophi, oratores, poetæ, historici, omnes demum sapientes auari.

auariciam, vt aliud vitium nullum, detestantur. Avaro nihil scelestius, dictum à Siracide. Paulo auaritia est idolorum seruitus. *Auarus*, inquit Augustin, *velut infernus omnia deuorans, vellet nullum hominem esse, vt omnia solus possideret.* Ac proinde Auarus nisi cum moritur, nihil rectè facit, vt scripsit Mimographus.

**XXIX. Clementia, & largitio Maximiliani I. Imp. in peculatores.**

**M**aximilianus I. non solum de imperio laudabiliter administrato, verùm etiam de lenitate, & placabilitate aduersus criminosos merito vsque hodie commendatur. Diu iam bellum cum Venetis gerebat, cum pecunia ad exsoluenda militi stipendia egere cœpit. Quocirca vnde vnde conquirendam, & redigendam curabat. Summa erat confecta non mediocris: sed ea tantum exercitum non sufficebat. Cum itaque omne illud aurum in conclauis Cæsareo super mensam fuisset effusum, stabat foris ad fenestram Imp. cubito caput fulciens, & secum sollicitè voluens, qua ratione ad retinendos militum animos commodè impenderetur. In eo conclauis præter vnum de interioribus aulicis, & consiliariis nemo præsens aderat. Hic, cum putaret somno victum Imp. & tanta copia nummum aureorum suo fulgore oculos ei feriret, suspensò in digitos gradu sensim accedens, manum implet, & in crumenam immittit. An-

mauertit, & diffimulat negotium Imp. paulo-  
 que post ad hominem conuersus. Quid videtur?  
 inquit, Ecquid liberet tibi de isto aceruo pugil-  
 lum tollere? Quid peculator? Decorum seruat:  
 modestè recusat; genua inflectit; gratias ingen-  
 tes agit. Cui Imp. Si id bona venia mea fieri pos-  
 sit, cur tu id nolis? Agedum accede, & manu be-  
 ne plena recede. Dum id facit Consiliarius, & ad  
 crumenam tendit, Imp. apprehenso eius bra-  
 chio, depone, ait, istos aureos super mensa, & ex-  
 pone item quos antea in crumenam coniecisti,  
 iuxtaque colloca, vt admiremur, cum eos nu-  
 merantes viderimus, si vno captu tantum, quan-  
 tum altero sustuleris, & artem æqualiter capien-  
 di bene noueris. Quis dubitet, hunc in scelere  
 ab Imp. deprehensum fuisse vehementer con-  
 sternatum? Prouoluit se mox ad pedes eius: per-  
 deum, & maiestatis illius clementiam delicti re-  
 missionem, & salutem obsecrat. Posthabendam  
 illo tempore iustitiam ratus Imp. supplicem so-  
 latur, surgere, & quod ceperat retinere sibi, ac de  
 cætero nihil tale committere iubet.

Hanc historiam, vt sequentes de duobus re-  
 gibus latinè conscriptas ferri nihil ambigo, & ex  
 ipsis fontibus eas adducere maluissim vtique.  
 Sed quoniam libri ipsi latini non suppetunt, ex  
 Germanico vertere, quàm lectorem tam iucun-  
 dis narrationibus fraudare præoptavi. Proferet  
 de peculatore isto eandem historiam Philipp.  
 Camerarius in Operis succisuiis, cap. 65, sed mul-



—to aliter. Nostra narratio mihi videtur fidelior. Facilius enim fuit de mensa aureis nummis plena, quam de poculo manum, aucto Imperatore implere.

### XXX. *Persimile factum Alphonsi Regis in furem annulorum.*

**R**EX Aragoniæ Alphonsus aliquando accubiturus, prius, uti mos est, aquam manibus accipere voluit. Annulos suos pretiosos, ne maderent, digitis abstrahit; seruandos ex circumstantibus proximo, ut solebat, daturus. Tum fortè inter colloquendum vni procerum suorum tradidit. Qui ratus regem nihil pensi habuisse cui custodiendos annulos commisisset: aut fortassis etiam ob multas, & graues curas, qualibus magni Principes semper exercentur, facile oblitum cui eos commiserit: quandoquidem absterfis manibus non reposcerit (in qua opinione illum confirmauit, securumque reddidit, quod iam aliquot dies, immò hebdomades, immò menses effluerant: nec interea vel ipse rex, vel quispiam alius mentionem ullam horum annulorum fecerat) de credito restituendo nihil laborauit. Ad finem annus procedebat, & Rege iterum discubituro, annulosque deposituro, ac manus abluturo, propius accessit is, qui pridem, eisdem ab illo suscepturus. Obseruauit Rex minimè sincerum viri obsequium, & ei hæc verba insusurravit. Contentus esto

quisque pro statu, & conditione sua à deo petere, & mendicare cogimur? Statimque huic viro, postquam abiectionem, & inopiam eius intellexit, C C C. coronatos numerati mandavit. Ex Germanico.

Bene locavit operam. Wer wolt vmb diß gelt nit lausen. Hæc historia si minus vera, at verisimiliter conficta est, iuxta præceptum Horatianum, *Ficta voluptatis causa sint proxima veris.*

### XXXII. De quodam plano, seu impostore.

**P**Ervagabatur regionem quandam Germaniæ homo sanus, ac robustus, cæterum laboris fugitans, & otii ac desidii in primis amans. Hic quò minore negotio alios ad libenter, & liberaliter sibi largiendum permoneret, sinistrum brachium sordidis, ac sanie imbutis panniculis sibi obligauerat. Narrabat se nescio quod sectatum opificium, in itinere à viarum infessoribus vestitu, & rebus omnibus despoliatum, in brachio insuper atrocissimè vulneratum. Quare se compulsum bonorum hominum implorare misericordiam, quorum beneficentia mercedem soluere vulneratio posset. Alibi porro alias brachij obuoluti causas comminiscebatur. De variantibus huiusmodi responsis, & de furtis eius, quæ in ædibus aliquot custode vacantibus illum admisisse suspicio erat, ad Præfectum eius no-

men

men defertur. Iubet adduci : ex præfente vti ſeres habeat cogniturus. Et quia annis virentem videt, eius calamitatem miſeratur, hortaturque, habeat bonum animum : omnibus eius ſanitatem cordi futuram ſpondet. Vulnerarium ad malum inſpiciendum, & curandum illicò accerſit. Repugnat dolifabricator : ſolutionem brachii coram eius nobilitate deprecatur, ne exhorreſcat; ſiquidem aſpectu ſit fœdiſſimum. Inſtat Præfeſtus, & pateſcunt ſycophantiæ, inueniturque brachium ſiniſtrum tam ſanum atque dexterum. Quamobrem in carcerem abripitur, & ad maleſicia ſua ultro, citra quæſtionem enuntianda bonis verbis inducitur. Quæ tam multa enuntiauit, vt idoneus patibulo iudicatus, paulo poſt ſuſpenſus ſit. Ex German.

### XXXIII. *De facinoroso, in cuius tergo per publicum virga moriebantur.*

VRbini in Italia reus pro admiſſis virgarum ſupplicium cædēte carnifice luebat. Is cum forte cæ duceretur, quæ Doct̃or quidam, vir honoratus conſiſtebat, cœpit ille miſerabiliter laceratum, & nihilominus tardè procedentem conſpiciens miſerari, ac dicere, Infælix, & ſtolide, quid gradum acceleras, quò citius cruciari deſinas? Reſtitit, & conuertens ſe ad Doct̃orem, eumque toruè intuens reus, Quid tua refert, inquit, vtrum ego lentius, an citatiùs incedam? Quando tu quoque virgis per urbem cæſus fue-

gis,licitum erit tibi progredi vt placuerit: ego  
nunc vt mihi complacitum est progredior. Ex  
German.

### XXXIV. *Fatui responsum neu- tiquam fatuum.*

**A**D opes suas exaggeratas, ad potentiam, &  
magnificentiam suam toti mundo proden-  
dam, & ostentandam, Princeps quidam splen-  
dida, & sumptuosa ædificia moliebatur, quorum  
pars camerata, pars loqueata, pars in excelsum,  
pars in longum longius producta, omnia sum-  
mo artificio à summis architectis, pictoribus, &  
magistris perfecta, & illustrissimè exornata. For-  
te euenit, vt simul Satrapas aduentitios, & To-  
parcharum legatos secum haberet, quos per o-  
mnia visum, ac lustratum circumduxit. Erat ei-  
dem in mancipio multorum leporum morio,  
seu fatuus. Hunc quoque interrogauit, ecquid  
placerent structurę tam nobiles, ac fornices præ-  
sertim tam ampli, & columnę tam insignes. Qui  
exemplò, Domine frater (sic enim Principem  
consueuerat appellare) tu te architectum incõ-  
parabilem existimas, & existimari ac prædicari  
cupis. Agedum, aspice ( & aperit fenestram,  
Principemque manu prehensum eò perducit, &  
cælo digitum intendit) hic te longe superat. Ve-  
rus ne sum? In ambitu domus huius ad firman-  
dam, & constabiliendam ædificationem tu co-  
lumnas tot supponere debuisti: hic autem in  
tanti

tanti operis immensitate nullis columnarum fulcimentis indiguit. Hunc , Domine frater, hunc,inquam, Magistrum, & Architectum dici, & in eo gloriari patiare. Tuæ molitiones cum tua gloria ad illius machinas, & gloriam merissimæ nugæ sunt. Ex German.

XXXV. *Leuissima de caussa regno donatus.*

**H**arnes homo mediocris fortunæ, sed singularis ingenii inaudito more ad regnum peruenit. Siquidem incredibilis amor in Frotonem suum adegit procures de regno consuluros, vt decernerent, illum fore regem, qui cæteros honore defuncti regis nemini impenso præcurreret. Certabant enim vniuersi cumulare defuncti gloriam. Ille quidem commemoratione rerum gestarum, diis immortalibus mortuum æquabat: alius iustitiam eius attollens, templo etiam honorandum decernebat: Harnes verò, vir industrius, poetices in patria lingua peritissimus, epitaphio condito regis memoriam apud posteros perennandam censuit. Itaque cum editum ab se carmen in illum recitaretur, adeo vniuersis complacuit in eo, vt omnes honore impenso superasse diceretur. Mox illi corona cum regio nomine defertur. Hoc verò carmen Saxo noster latinè reddens, in eam formam quæ sequitur transfudit.

*Frotonem Dani, quem longum vivere vellent,*

*Per*

*Per seæ defunctum rura tulere diu :*

*Principis hoc summi tumultum cespite corpus ,  
Æthere sub liquido nuda recondit humus.*

Hoc epitaphium à Danis regno compensatum est, imperiique pondus paucarum litterarum donatum est contextui. Tam exili impendio ingens præmium stetit. Crantzii Daniæ lib. 1. cap. 33.

Beneficium istuc, & donationem hanc prope immensam pro re nihili magnopere Seneca vituperaret, qui Alex. M. veteranum militem patris sui, beneficium aliquod ab se petentem urbe donauit ; & tanti muneris inuidiam refugienti dixit, Non quæro quid te accipere deceat , sed quid me dare: Alex. inquam, ut vrsanum , & timidissimum acriter reprehendit. Refert enim quid, cui, quando, quare, ubi, & cætera, sine quibus facti ratio non constat. Vide lib. 2. de Benef. cap. 15. & 16.

### XXXVI. *Contumelia sapienter tolerata, quin & beneficio pensata.*

**C**Azimirus in Polonia, Dux, seu Palatinus, Sendomiriensis cum aulico quodam suo equite Ioanne Conario aleam ludebat, animi delectandi gratia. Incensum utrinque vincendi studium, in profundam nocte ludum producebat. Pertæsi deinde ludi , & vigiliarum , vno iactumman reliqui ludunt. Vincit Cazimirus, & argentum non modicum auferens , palma ma-

nus in faciem à Conario cæditur: qui noctis beneficio elapsus, & postridie inuentus ad Cazimirum adducitur. Clamantibus ibi cunctis, eum capitis pœnam commeruissè, qui Principis maiestatem minuisset. Minimè gentium, inquit Cazimirus, eum occidi oportet, qui dolore grandis iacturæ incogitans deliquit: & cum fortunam, à qua damno affectus erat vlcisci non posset, in me fortunæ alumnus commotus est. Ego magis in culpa sum, qui conditionis meæ, & dignitatis oblitus, eum ad ludendum prouocaui. Non modò igitur eum absoluo; verum etiam gratias ago, quòd me ictu illo admonuit, ne quid indignum Principe in me admitterem; neu me ludo, aut vlli rei leui, ac inhonestæ deinceps darem. Sic igitur Cazimirus seuerior in se ipsum quàm in alios iudex, homini, à quo tam indignè læsus erat, vltro veniam tribuit. Quin & argentum omne quod ludo acquisierat, ei restituit. Cromeras rerum Polon. lib. 6.

XXXVII. *Factum, & responsum  
memorable S. Antonii  
de Padua.*

Cum in ciuitate Podiensi ( forte Paduensi )  
Guardiani ministerio fungeretur, erat illic  
Notarius quidam omnino lubricus, carni, &  
mundo totus addictus. Eum quoties præteriret



vir dei, nudato capite coram illo genu flectebat. Ille verò existimans id in sui irrisionem, & contumeliam fieri, animo perturbabatur, dabatque modis omnibus operam, ne illum vnquam obuium haberet. Sed cum die quodam insperatò eum transiret vir sanctus, & ita, vt diximus, erga illum se gereret, exacerbatus homo dixit, Nisi timerem deum, gladio te percuterem, quando ita me ludibrio habes. Quid sibi vult istuc, quod coram me poplitem flectis? Respondit vir beatus. Ego me libens deo martyrem obtulissem, sed illi non placuit. De te autem ipse mihi reuelauit, præclarum te martyrem fore. Oro itaque vt vbi ad martyrij agonem perueneris, memor mei esse velis. Hoc ille audiens risit. At non multo post tempore Episcopus Podiensis cum multis aliis profectus est Hierosolymam, vt Saracenis Christum prædicaret. Et ecce diuinitus permotus Notarius ille, venditis rebus suis omnibus, cum eo iter ingressus est. Cum autem peruenisset ad Saracenos, & Episcopus sic satis frigide conciones haberet, semel quidem, & iterum, & tertio Notarius dissimulauit. At tandem instar beati Vincentii increpat Antistitem, quod ita frigide fidem Christi & prædicet, & propugnet: diuinoq; afflatus spiritu, cum multo feruore cœpit docere Saracenos, Christum esse verum deum, & dei filium, Mahometem autem esse filium Satanz, & perditionis. Quod illi non ferentes rapiunt hominem, & per triduum diris

suppliciis excruciant. Cumque iam ad mortem duceretur, exposuit fratribus, Antonium id prædixisse, quod ipse martyr futurus esset. Fuit ea res populo occasio, multa deinceps reuerentia beatum Antonium prosequendi. Surius Tomo 4. ad Iunij diem XIII.

**XXXVIII.** *Caroli M. corpus, linguarum, & artium peritia, aliaq. nonnulla.*

**C**orpore fuit amplo atque robusto: statura eminenti, quæ tamen non excederet: nam septem suorum pedum proceritatem eius constat habuisse mensuram: apicis capitis rotundo: oculis prægrandibus, & vegetis: naso paulum mediocritatem excedente: canicie pulchra: facie lata, & hilari: unde formæ auctoritas, & dignitas tam stanti, quam sedenti plurimum congruebat. Cervix quamvis obesa & breuior, venterque videretur projectior, tamen hoc cæterorum membrorum celabat æqualitas. Incessu erat firmo, tantaque habitudine virili: voce clara, sed quæ minus corporis formæ conueniret: valetudine prospera, præter quod antequam decederet quadriennio crebris febribus corripiebatur: ad extremum etiam vno pede claudicabat. Erat eloquentia copiosus, & exuberans. Nec patrio sermone contentus, etiam peregrinis studebat: in quibus latinam ita perdidicit, ut ea æ patriâ lingua orare sit solitus, Græcam verò me-

ius intelligere quàm pronuntiare poterat. At-  
 tes liberales studiosissimè coluit, earumq; do-  
 ctiores plurimum veneratus, magnis extulit ho-  
 noribus. In discenda Grammatica Petrum Pisa-  
 num Diaconum senex auduit: in cæteris disci-  
 plinis Albinum, quem alii Alcuinum nomi-  
 nant: alium Diaconum è Britannia, virum vnde-  
 cunque doctissimum Præceptores habuit, apud  
 quem & Rhetoricæ, & Dialecticæ, præcipuè ta-  
 men Astronomiæ discendæ plurimum & tem-  
 poris & laboris impendit. Assiduè exercitabatur  
 equitando ac venando. Natandi tam peritus, vt  
 nullus ei certaret. In cibo & potu temperans:  
 sed in potu præcipuè. Corpori suo noxia esse je-  
 iunia sæpe querebatur. Conuiuabatur rarissimè,  
 & hoc præcipuis tantum festis, cum magna ho-  
 minum frequentia. Circa pauperes sustentan-  
 dos, & gratuitam liberalitatem erat deuotissi-  
 mus: nec solum in patrio regnò, verum etiam  
 trans maria in Syria, Aegypto, Africa, Hieroso-  
 lymis, Carthagine, Alexandria, vbi Christianos  
 iam sub Saracenis egestate premi compererat.  
 Ob hoc maximè transmarinorum regum amicitia-  
 zas expetebat, vt Christianis sub eorum domi-  
 natu degentibus, refrigerium aliquod proueni-  
 ret. Colebat præ cæteris sacris locis apud Ro-  
 mam B. Petri Apostoli Ecclesiam, in cuius do-  
 naria magnam pecuniæ vim conegessit, &c. Ex  
 Crantzij Saxon. lib. 2. cap. 7. & 8.

Patrem habuit Pipinum, qui ob egregiam

suppliciis excruciant. Cumque iam ad mortem duceretur, exposuit fratribus, Antonium id prædixisse, quod ipse martyr futurus esset. Fuit ea res populo occasio, multa deinceps reuerentia beatum Antonium prosequendi. Surius Tomo 4. ad Iunij diem XIII.

**XXXVIII.** *Caroli M. corpus, linguarum, & artium peritia, aliq̃ nonnulla.*

**C**orpore fuit amplo atque robusto: statura eminenti, quæ tamen non excederet: nars septem suorum pedum proceritatem eius constat habuisse mensuram: apicis capitis rotundo: oculis prægrandibus, & vegetis: naso paulum mediocritatem excedente: canicie pulchra: facie læta, & hilari: unde formæ auctoritas, & dignitas tam stanti, quam sedenti plurimum congruebat. Ceruix quamuis obesa & breuior, venterque videretur proiectior, tamen hoc cæterorum membrorum celabat æqualitas. Incessu erat firmo, tantaque habitudine virili: voce clara, sed quæ minus corporis formæ conueniret: valetudine prospera, præter quod antequam decederet quadriennio crebris febribus corripiebatur: ad extremum etiam vno pede claudicabat. Erat eloquentia copiosus, & exuberans. Nec patrio sermone contentus, etiam peregrinis studebat: in quibus latinam ita perdidicit, ut ea ac patria lingua orare sit solitus. Græcam verò melius

lius intelligere quàm pronuntiare poterat. Artes liberales studiosissimè coluit, earumq; doctores plurimum veneratus, magnis extulit honoribus. In discenda Grammatica Petrum Pisanum Diaconum senex audiuit: in cæteris disciplinis Albinum, quem alii Alcuium nominant: alium Diaconum è Britannia, virum vndeunque doctissimum Præceptores habuit, apud quem & Rhetoricæ, & Dialecticæ, præcipuè tamen Astronomiæ discendæ plurimum & temporis & laboris impendit. Assiduè exercitabatur equitando ac venando. Natandi tam peritus, ut nullus ei certaret. In cibo & potu temperans: sed in potu præcipuè. Corpori suo noxia esse ieiunia sæpe querebatur. Conuiuabatur rarissimè, & hoc præcipuis tantum festis, cum magna hominum frequentia. Circa pauperes sustentandos, & gratuitam liberalitatem erat deuotissimus: nec solum in patrio regnò, verumetiam trans maria in Syria, Aegypto, Africa, Hierosolymis, Carthagine, Alexandria, vbi Christianos iam sub Saracenis egestare premi compererat. Ob hoc maximè transmarinorum regum amicitias expetebat, ut Christianis sub eorum dominatu degentibus, refrigerium aliquod proueniret. Colebat præ cæteris sacris locis apud Romanam B. Petri Apostoli Ecclesiam, in cuius donaria magnam pecuniæ vim conegessit, &c. Ex Crantzij Saxon. lib. 2. cap. 7. & 8.

Patrem habuit Pipinum, qui ob egregiam

Pontiff. aduersus Lombardos nauatam operam  
 primus Christianissimi cognomentum tulit. Ob  
 eximia in Christianam religionem, sedemque  
 Apostolicam merita à Leone III. Pont. max. Imp.  
 est appellatus, & Romæ ab eodem inunctus &  
 coronatus, acclamante pop. Rom. CAROLO  
 AVGVSTO, MAGNO ET PACIFICO, à DEO  
 CORONATO VITA, ET VICTORIA, Idibus  
 Decemb. anno M. DCC. Egnatius lib. 3.

**XXXIX.** *De Amasi rege Aegypti, quid  
 oraculis fecerit, & de lege quadam eiusdem  
 capitali.*

**F**ertur Amasis, priuatus adhuc potandi, iocandi-  
 que cum dicacitate studiosus, & vir  
 neutiquam rerum agendarum anxius fuisse. Et  
 quoties eum potantem, ac se oblectantem ne-  
 cessaria defecissent, solitum circumeundo fura-  
 ri: & quum reposceretur ab ijs qui dicerent  
 eum ipsorum habere pecuniam, ac negaret, ad-  
 duci solitum ad oraculum, quodcunque in eo  
 loco erat: & frequenter ab oraculis conuictum,  
 frequenter absolutum. Postquam deinde asse-  
 cutus est regnum, ista egit. Quicumque eum dii  
 furti absoluerant, horum templa neque curæ  
 habuit, neque vlla re ad ornamentum donauit,  
 neque adiens sacrificauit, tanquam nihil mere-  
 rentur, quod falsa responsa redderent. Qui au-  
 tem eum pronuntiauerant furem, hos tanquam  
 verè deos, nec mendacia reddentes oracula ma-  
 ximè

xlme coluit. Præterea hanc legem apud Aegyptios condidit ut quorannis unusquisque apud Præsidem cuiusque loci demonstraret unde viveret. Quod qui non fecisset, aut demonstrare vitæ suæ rationem iustam non potuisset, hunc morte mulandum. Solon autem Atheniensis sumptam hanc legem ex Aegypto pro Atheniensibus promulgavit, quæ illi semper vrsunt, lege sanè inculcata. Herodot. lib. 2.

*XL. Argiuorum, & Lacedæmonum  
pro agro Thyrea dimicatio.*

**P**ER id tempus & ipsi Spartiatis inclderat cum Argiis contentio de agro, qui Thyrea dicitur. Quem locum, etsi terra Argolicæ partem, tamen Lacedæmonij interceptum tenebant. Etenim Argiuorum est quidquid regionis Mælea tenus ad occasum vergit in continente: & insulæ tam aliæ, tum vero Cythera. Quum ergo Argiui suo territorio intercepto auxilium ferrent, ibi ab utrisque in colloquium ventum & conuentum est, ut triceni utrinque dimicaret, & utri superiores extitissent, eorum regio foret, atque ambo exercitus in suam uterque terram discederent, nec permanerent dum dimicaretur: ea scilicet causa, ne, si adessent, parti succumbenti auxilium sui ferrent. His conuentis in diuersa digrediuntur. Ex utrisque delecti viri, qui relictæ sunt conflixerunt: atque illis quidem ut æquo Marte pugnantibus, ex sexcentis tres omnino



omnino reliqui fuerunt, idque noctis interuentu; ex Argiuis duo Alcinor, & Chromius, qui tanquam victores Argos cursu contenderunt: ex Lacedæmonijs vnus Othryades, qui spoliatis Argiuorum cadaueribus, eorum arma ad suorum castra detulit, & se in suo ordine tenuit. Postero die vtrique re audita affuerunt, sibi victoriam vindicantes: Argiui quidem, quod suorum plures superfuisse dicerent: Lacedæmonij verò, quod qui eorum superfuerant, fugissent; fins autem perstitisset, & hostium caesos spoliasset. Ex contentione tandem concurrentes pugnant: ac postquam multi vtrinque ceciderunt, Lacedæmonij vincunt. Quo ex tempore Argiui tonsis capitibus, quum antea necessarid criniti essent, legem condiderunt, se deuouentes, ne prius comam alerent, neue mulieres aurum ferrent, quàm Thyreas recuperassent. His è diuerso legem tulere Lacedæmonij, vt in posterum comati essent, quum antea non fuissent. Othryaden, qui vnus è trecentis delectus reliquus fuisset, aiunt pudore Spartam reuertendi ob socios interfectos, illic apud Thyreas sibi mortem consciuisse. Herodot. lib. 1. Valer. lib. 3. cap. 2. Suidas. Meminit historiz Ouid. quoq; 2 Fast. in laudibus Termini.

*Si tu signasses olim Thyreatida terram,*

*Corpora non leuio missa trecenta forent:*

*Nec foret Othryades congestis tectus in armis,*

*O quantum patriæ sanguinis ille dedit?*

XLI. *Aqua Igne maior deus.*

**O**lim ferunt Chaldaeos Ignem deum suum celebrare volentes passim circumtulisse, ut cum omnibus prouinciarum dijs compararetur & is à quo ille victus esset, ab omnibus iudicaretur deus. Acceterarum nationum dij, cum ex ære, argento, ligno, lapide, similiue materia confecti essent, facile ab igne consumebantur. Itaque ignem vbique vincere necesse erat. Eo audito Canopi (in Aegypto) sacerdos callidum inquit consilium. Fictiles hydriae continuis minutis foraminibus interpunctae conficiuntur, ut per foramina illa aqua turbida colata limpidissima reddatur. Harum hydriarum vnā accepit, & foraminibus cera obturatis, varijs coloribus depictam, & aqua repletam, pro deo collocauit & veteris statuae caput amputatum, quae ferebatur gubernatoris Menelai fuisse, accuratè impositum, simulacro illi adiunxit. Adsunt Chaldaei, accenditur ignis: cera, qua obturata erant foramina, liquescit. Hydria sudante, & per foramina destillante aqua ignis extinguatur. Sic calliditate sacerdotis Canopus Chaldaeos vincit, & ex eo aqua pro deo colitur. Suidas in verbo Canopus.

Extat inter opuscula Plutarchi Dissertatio, Aqua an ignis sit utilior. Vide quae pro utroque elemento argumenta afferantur: &, si placet, meum quoque Progymnasma, seu Dialogum X. primae partis Voluminis.

*XLII. Vnde natum adagium, Nihil ad  
Parmenonis suem.*

**P**Armeno quispiam fuit, ex eorum hominum genere, qui nostris etiam temporibus varias animantium, & hominum voces ita scitè imitantur, ac repræsentant, ut audientibus tantum, non etiam videntibus veræ, non imitatæ voces videantur. Neque desunt quos hoc artificium maiorem in modum delectet. Parmenon igitur hac arte vulgò ut iucundissimus, ita etiam celeberrimus fuisse perhibetur: quem cum reliqui conarentur æmulari, ac protinus ab omnibus diceretur illud, *ἔν μὲν, ἀλλ' ὄδ' οὐκ ἐστὶν πρὸς τὴν παρμένοντος*, hoc est. Rectè quidem, sed nihil ad Parmenonis suem: quidam prodijt, verum porcellum sub alis occultatum gestans. Huius vocem cum populus imitaticiam esse crederent, statimque, sicut solent, reclamarent, *τί ἔστιν αὐτῇ πρὸς τὴν παρμένοντος*; Quid hæc ad Parmenonis suem? vera sue deprompta, ac palam ostensa, refellit illorum iudicium: utpote non ex vero, sed ex imaginatione profectum. Paræmiographus ex Plutarch. Symposiackōn lib 4. Quæst. 1.

*XLIII. Apellis, & Protogenis pictorum  
concertatio.*

**S**Citum est inter Protogenem, & Apelleim quod accidit. Ille Rhodi vivebat: quod cum Apelles adnavigasset, audis cognoscendi ope-

sa eius, fama tantum sibi cogniti, continuo officinam petijt. Aberat ipse: sed tabulam magnae amplitudinis in machina aptatam picturae anus una custodiebat. Hæc Protogenem foris esse respondit, interrogauitque à quo quæsitum diceret. Ab hoc, inquit Apelles: arreptoque pericillo lineam ex colore duxit summæ tenuitatis per tabulam. Reuerso Protogeni quæ gesta erant anus indicauit. Ferunt artificem protinus contemplatum subtilitatem, dixisse, Apellem venisse: non enim cadere in alium tam absolutum opus: ipsumque alio colore tenuiorem lineam in illa ipsa duxisse, præcepisseque abeuntem; si redisset ille, ostenderet, adijceretque hunc esse, quem quereret, atque ita euenit. Reuertitur enim Apelles: sed vinci erubescens, tertio colore lineas fecit, nullum relinquens amplius subtilitati locum. At Protogenes victum se confessus in portum deuolauit, hospitem quærens. Placuitque sic eam tabulam posteris tradi, omnium quidem, sed artificum præcipuè miraculo. Consumptam eam constat priore incendio domus Cæsaris in palatio, auidè ante à nobis spectatam, spatiosiore amplitudine nihil aliud continentem, quam lineas visum effragientes, inter egregia multorum opera inani similem, & eo ipso allicientem, omni que opere nobiliorè. Apelli fuit alioqui perpetua consuetudo, nunquam tam occupatum diem agendi, ut non lineam ducendo exerceret artem, quod ab eo in

proverbium venit, puta, Nulla dies sine linea.  
Plin. lib. 35. cap. 10,

#### XLIV. *Libuſſa Bohemorum Regina.*

**M**orauia reges aliquando etiam in Bohemos imperium tenuerunt. Igitur Croci Regis vnica filia Libuſſa, moriente patre virgo cepit administrare paternam ditionem, tam prudenter, vt rex diu nullus in gente desideraretur. Ita circumſpexit omnia, adeo iustitia insignis erat; vt nemo sub illa quereretur se suo destitutum: adeo scelerum vltix, vt nemo impune peccaret. Mansissent proceres sub femina diutius: sed mortalem prospicientes, semen regium ex illa affectabant. Diu tamen nemo super ea te appellare audebat granem feminam. Sumpsere audaciam nonnulli ex maioribus, vt voluntatem procerum, & totius populi consensum atq; desiderium explicarent. Illa toruo primam vultu intuita referentes, Quid est, inquit, quod vobis desit in hoc rerum statu, vt regem desideretis? Nihil, inquiunt illi, si te immortalem haberemus; nunc, quoniam communi omnes sorte sumus defecturi, quum te carere iam debemus, semen ex te regium expletet pro te populi desiderium: aut, si minus expletet, vel mitigaret ingentem tui nominis affectum. Dissimulabat aliquandiu populi desiderium casta mulier: tam illam delectabar thoros sine socio, tam castibatur illi inhaerebat. Sed quum finem non fa-

cerent

acerent, illa siue oraculo commonita ; siue suis  
deserviens nutibus ( si forte in rustica plebe virū  
iam delegisset, cui ipsa imperaret ) iussit ornari  
candidum, cui insidere proficiscens solebat, gra-  
darium : illum sequi praeuntem procures iubet.  
Apud quem ille consisteret quiescens, si ferrea  
de mensa refici hominem conspicerent, regem  
mox suum consalutarent : nam illum se dignari  
maritum, quem fata iumento imperantia mon-  
strarent. Sedulo curant iussa Regina : sternunt  
iumentum, & permisso illi frano liberum sinunt  
praeire, ipsi ponē sequuntur, observantes quō  
vadar. Abibat in agros viam non parvam, nec  
per solita gradiebatur itinera ; sed compendia  
quærens, ibat in directum per nemora, per du-  
meta, per agros : donec ipso iam meridie depre-  
henderet hominem ex labore fessum, se ad refe-  
ctionem in agro, quem ararat reponentem. Ver-  
terat aratrum, & ferrum ex sulcō splendescens  
attrito in planitiem positum pro mensa habe-  
bat. Cum cerneret hominem iumentum, stetit  
immobile, nusquam divertens, aut circumspi-  
ciens. Comites recolunt quod Regina de ferrea  
mensa illis denuntiasset : voto se potitos inter-  
pretantur, & gaudent. Mox sciscitantur de no-  
mine, Primislao sibi nomen esse ait. Surge, in-  
quunt, protinus, & tibi stratum hunc equum  
ascende : Regina te demoratur futurum regem,  
futurum sibi maritum. Ille rogat ne sibi illudant,  
se sua sorte contentum vinere. Urgent recusantem,

tem , & quo erat habitu inultum equo imponunt, & ad Reginam perducunt, narrantes quid repererint. Illa fato monstratum virum completur , & pro regia dignitate suis nudatum vestibus ornat. atque thoro dignatur. Krantzius Vandaliz lib. 1. cap. 17. Aneas Sylvius, Dubravius.

### XLV. *De Gilmere Vandalo, regni incubatore.*

**H**Vnerico filio Genserici regis Vandalorum in Africa defuncto, regnum capeffuit Hildericus Genserici nepos. Cuius cognatus Gilmer regnum inuadit, domino suo , & omnibus familiaribus eius in vincula conlectis : & vt crimen tyrannidis à se amoueret, ad Iustinianum scribit, se non regnandi cupiditate imperium inuasisse ; sed quod Hildericum ad id administrandum naturà minus aptum esse viderit. Rescribit Imp. se non conquieturum, nisi & iniusta vi oppressum vindicaret, & tyrannum ultus fuerit. Itaque patricium Belisarium ex oriente, ubi cum Persis bellum gerebat, accersitum, cum manu validissima , & magna classe, omnibus copiis, cum summo imperio in Libyam mittit. Quo cognito Gilmer fratri Amatæ mandat, Hildericum cum suis, quos in custodia tenebat, statim è medio tollat. Belisarius Gilmere profligato, ereptaque Carthagine totius Libyæ est portus



potitus, quam Romano imperio subiecit, à Vandalis per annos XCV. occupatam, & Gilimerem viuum cum vxore, & liberis comprehendit. Ferunt eum, dum in regione Maurorum, quò confugerat, aspera cum suis obsideretur, annona destitutum, à Tribuno, quem Belisarius obsidioni præfecerat, petiisse panem, cit Haram, & spongiam. Qui cum non intelligeret, qua de causa ista peteret, nuntium interrogasse, eum verò respondisse: panem petere, quod postquam montem illum Pappuam in Mauris insedisset, panem coctum nullum vidisset. Spongiam, vt lacrymas quibus conficiebatur abstergeret. Cit Haram, vt præsentem calamitatem flebilibus modis, haud quaquam eius artis ignatus, leniret. Quæ ubi cognouit Pharas Tribunus, omnia misit. Facta porro cum suis deditione, ad Belisarium viuus est perductus, interim ridens, vt qui videbant, cum errore mentis affici crederent. Sed res aliter se habebat. Nam dum fortunæ suæ commutationem animo reputaret, humana omnia ridicula esse existimabat. Qui item Constantino- poli inter captiuos purpurea veste indutus: vnà cum omnibus propinquis suis, & Vandalis, qui proceritate corporum, & oris pulchritudine præcellebant, præcipuè spectaculum præbuit. Is postquam in circo constitit, & Iustinianum in celso throno sedentem, populumque circumfluentem aspexit, fortuna sua ad rationem reuocata, illud Salamonis effudit, *Vanitas vanita-*

*tum, & omnia vanitas.* Zonaras Tomo III. in Iustiniano, Procop. lib. 2. de bello Vandalico, Sigon. de imp. occident. lib. 17.

**XLVI.** *Quid Antiochia fecerit Iulianus ὁ παλαιός & de cinium in ipsum diceris, quove pacto se ultum ierit.*

**I**Mperator ingenti pecunia à Christianis extorta, expeditionem aduersus Persas molitus est, & Antiochiam Syriæ se contulit. Atque ibi liberalitatis suæ studium Antiochenis probare volens, res in foro venales, & necessarias ad certam, constitutumque pretium reduxit; non considerans secum ipse, ubi militum sit frequentia, ibi accidi in urbibus rerum omnium copiam, vicinosque etiam ea de causa annonæ detrimento affici. Itaque caupones emere, & rursum vendere res ad victum necessarias quæstus gratia soliti, quod iacturam eam non ferrent, multa contra Imp. vociferati, negotiatione sua superfederunt: eoque modo ut rerum necessariarum penuria urbem inuaderet effecerunt. Antiocheni verò (proclives enim sunt ad contumelias homines) liberè Imp. riserunt, & scomatibus in barbam eius luserunt, quod prolixior esset, tonderi eam ad funiculos plectendos oportere dicentes. Atque item in nummis eius qui tauri effigiem habebant, cauillati sunt, perinde atque à præcipiti tauro mundum ab ipso imperante euerti iactantes. Quam enim supra

hos omnes admodum superstitione teneretur, & quotidie tauros ad simulachrorum aras mactaret, & aram, & taurum nummo suo imprimi curauerat. Proinde ira ex scōmatibus eiusmodi percitus, malè se accepturum Antiochenos minatus est. Cæterum minas factis exsecutus non est, sed verbis tantum in Antiochenos conuitia retorfit, orationemque præclatam, & facetam ira remissa in eos conscripsit, quam Antiochenam, & *μισοπώγωνα*, hoc est, barbæ inimicam inscripsit. Atque eo pacto iniuriam se vindicasse existimans, Persicam expeditionem, perpetua nota vrbi Antiochenæ iniusta, est profectus. Niceph. lib. 10. cap. 27.

Periit annum ætatis agens alterum & tricesimum; cuius moribundi vox impia in Christum: Vicisti Galilæe, sic enim ipsum, & Christianos Galilæos nominabat, per summam contemptionem videlicet. Iulianum circumscribens Nazianzenus, nuncupat τὸ πονηρὸν τὸ πλήρωμα, maligni complementum, quasi dicas, completum quiddam, & omnibus partibus absolutum dæmonis figmentum, &c. Item erat. ad patrem *πρῶτον κακὸν* summū malum: & in Athanas. *τὴν κακίαν ὁμολογῶν τῷ φθόνῳ*, malitia æqualem diabolo. τὸν φθόνον enim illic vocat diabolium, utpote inuidiæ parentem. Gabriellus in Scholiis notauit.

XLVII. *Iovinianus Iuliani successor  
Christianismum restituit. De sacrarum  
virginum coniugio quid  
sanxerit.*

Imperator Iovinianus experientia doctus, divina vindicta Iulianum gravibus malis afflictum esse, ad omnes ubique Præfectos scripsit, ut cunctos libere rem divinam facere, conveniunt agere, & deum ex animo colere paterentur: & ut vna in imperio Romano observaretur fides & religio, Christianorum videlicet, iuraque pristina ecclesijs reddidit. Et quæcunque clero, viduis, & virginibus dudum à Constantino, & filiis eius divini cultus augendi gratia concessa, legibusque firmata, à Iuliano autem propter suum in eum in fidem nostram odium, pessimo consilio adempta, & accisa fuerant, privilegia, & beneficia restituit.

Ad Præfectum prætorio quoque generaliter dedit constitutionem, ut deinceps capitaliter in eum animadverteretur, qui sacram virginem non dicam rapere, sed attentare tantummodo, iungendi matrimonii causa, aut oculos impudicos ei adiicere auderet. Eamque legem ut promulgaret adductus est, quod homines quidam improbi, atque impudici, scelestas atque incestas huiusmodi nuptias, vel vi illata, vel persuasione adhibita, virginibus corruptis contraxerant: Iuliano, impotenti consuetudine, & fœda

da libidine flagitia talia audere permittente, & religione tum nostra periclitante. Itaque ecclesie dei rursus sunt apertæ: Græcorum autem templa clausa, & ipsi dij terræ cauernas, & recessus subiere. Et qui ad id vsque tempus vilibus lacernis vsi fuerant, ad communem rediere vestitum. Quicunque autem Episcopi ab Iuliano reuocati ab exilio non erant, tum reducti domum suam quisque redierunt; & in primis Athanas. in cuius encomio Nazianzenus hūc Imp. commendat. Et in Iulian. orat. 2. vir. vt aliis rebus, ita pietate clarus, & insignis, atque imperatoria sanè oris maiestatem præditus. Niceph. lib. 10. cap. 39. Decessit, vt auctor est Socrates lib. 3. cap. 21. mense imperii 7. ingentis staturæ vir, ingenio amœno, nec à litteris abhorrenti. Symbolum eius fuit, SCOPVS VITÆ MEÆ CHRISTVS.

### XLVIII. *Theophili Imp. iustum iudicium.*

Milles quidam manu promptus equum habuit egregium, qui ipsum sæpe incolumem ex acie extulerat. Huius equi amore captus dux, sub quo is militabat, cum neque pollicitationibus, neque minis impetraret, hominem timiditatis accusatum apud Imp. exauctorat. Cum autem Theophilus equum insigni virtute cuperet habere, & missis in omnes partes mandatis talem sibi quæriri, atque adduci iuberet, eam na-

Etus occasionem dux iste, militi ei equum inako  
adimit, & tanquam suum Imperatori mittit.  
Post cum necessitas bellica plures milites requi-  
reret, mandatoque Imp. omnes, qui arma ferro  
possent in exercitum allegerentur, ille etiam mi-  
les arma sumpsit, & in prælio suis suis, quod e-  
quum, à quo seruari consueuerat non haberet  
occubuit, vxore, & liberis relictis. Vidua amissi,  
mariti desiderio accensa, & quod necessaria pu-  
pillis subministrare nequibat, iustitiæ Imp. fa-  
ma instigante Constantinopolim venit, Theo-  
philumque ad templum Blachernense equitan-  
tem de more conspicata mariti sui equo vehi,  
concitato cursu aggressa, frænum equi appre-  
hendit, suum hunc esse vociferans : & non al-  
ium, sed ipsum Imp. cædi mariti sui causam  
præbuisse. Perterritus Imp. manere eam iubet  
dum in palatium ipse redeat : ac reuersus statim  
ad se vocat, ac de re tota accuratius inquit.  
Quam cum ea ad finem vsque recitaret, illico  
etiam dux ipse sistitur, & muliere iussu Imp. oc-  
cultata, de equo acriter interrogatur. Quem  
cum asseueraret suum fuisse, neque raptu para-  
tum, producit extra velum mulier, reum de vi  
peractura. Qua is conspecta dirigit, & aliquan-  
diu mutus adstitit : tandemque ad se reuersus,  
supplex pedibus Imp. sese aduoluit lacrymans,  
ac peccatum confitens. Ergo Imp. ipsius facul-  
tates viduæ, eiusque liberis hæreditario iure ad-  
dicit : ipsumque dignitate spoliatum, exilio per-  
petuo

peruo damnat. Adeo infensus erat & ijs, qui iniuste opes parare intenderent. Cedren. Valentinian. Senior quomodo in hominem apud se gratiosum, qui mulier, à qua iniuriarum fuerat postulatus non satisfacere seuerissime vindicauit, Zonaras Tomo III.

### XLIX. *Poloni nobilis aduersus leonem magnanimitas*

**E**Rat in aula Regis Hungariz Matthiz Cornuini Polonus miles, familia nobilis qui sæpe Hungaros ad luctum, & pugnam euocabat, multosque sæpe vincebat, sed iactantia nimis odiosus. Stabat in ferratis claustris immanis leo. Quis est, inquit Polonus, qui famelico leoni ausit carnem auferre, quam ore comprehenderit. Cum nemo præsumeret, Cernetis, inquit, quod dico. Hi facti per diem excruciant leonem: postero die ouem proijciunt quadrifariam dissectam. Leo irrugit, apprehensæ carni incubans: Polonus ingreditur, & leonem iam vorantem, diuaticatis cruribus insidens pugno ferit in os, dicens: Offam dimitte canis. Vocem intrepidam leo exhorruit, exeuntemque visu solo secutus est. Audax facinus cum ad regem referretur, non probauit: euocatumque Polonum pro more donatum, domo sua iussit excedere. Qui venalem ita vitam circumferret, non necessario, sed ad solam iactantiam se obijciens periculo, nihil non ausurum præmio proposito. Crantzii Saxoniae l. 9, c. 24.



Hoc iudicium Regis quomodo reprehendat Gaspar Cichocius in Alloquiis Oficenfibus li. 4. cap. 3. videbis, si volueris. Vltro, & indemnatos se bestiis obiiicientes, seu ad bestias gloriæ adipiscendæ pugnantes, simul & spectaculo tali operam dantes, grauitè accusat D. Cyprian. ep. 2. lib. 2. Primus hominū leonem manu tractare ausus, & ostendere mansuetum, Hanno è clarissimis Pœnorum traditur: damnatusque illo argumento, quoniam nihil non persuasurus vir tam artificis ingenii videbatur: & male credi libertas ei, cui in tantum cessisset etiam ipsa feritas. Plin. lib. 8. cap. 16.

*L. Cleopatæ Reginæ Ægypti cum summa iniquitate, & parricidiis avaritia incredibilis.*

**I**Nterea turbabantur res Syriæ, Cleopatra non desinente in omnes incltare Antonium: quem hortabatur, vt auferens cuique suam dynastiam, ipsi contribueret: multumque apud eum poterat iteritum suis amoribus. Cumque natura esset alieni appetens, nihil sibi putabat illicitum. Primum fratrem, cui debebatur regnum veneno sustulit, agentem annum XV. Deinde Arsinoën sororem suam Ephesi in templo Dianæ supplicem, interfecit per Antonium. Pecuniarum etiam vbicumque spes affulgeret, neque templum, neque sepulchrum, neque asylum vllum vnquam violare dubitauit, modo ad illam cederent

redirent spolia quaesita vel sacrilegio : miscebat-  
 que sacra profanis, fas nefas, ut augeretur lucris  
 vel iniquissimis. Ad summam, nihil satis erat  
 mulieri sumptuosae, & voluptatibus deditae, cu-  
 ius cupiditates vix totius orbis expleri possent  
 opibus. Quamobrem & Antonium continuò  
 sollicitabat, ut aliis ablata ipsi largiretur : & in-  
 gressa cum illo Sytiam statim cogitavit, quomo-  
 do eam possessionem suam faceret. Nam Lysa-  
 niam Ptolemæi filium interfecit, caussata eum  
 studere rebus Parthicis. Flagitabat etiam ab An-  
 tonio Iudæam simul, & Arabiam sibi dari, ad-  
 emptas suis regibus. Verùm ille erat quidem ad-  
 eo deditus ei mulieri, ut non illecebris solùm,  
 sed etiam beneficiis eius captus videretur : pu-  
 duit tamen tam insignis iniustitiæ, ne videretur  
 ad procacis feminae nutum libenter peccare et-  
 iam in rebus maximis. Ne igitur vel negando  
 eam contristaret, vel imperata illius omnia fa-  
 ciens haberetur mortalium omnium nequissi-  
 mus, partes de utraque regione ablatas ei largi-  
 tus est: adhæc vrbes quotquot sunt intra fluvium  
 Eleutherum vsque ad Ægyptum: præter Tyrum  
 & Sidonem, quas iam inde à maiorum ætate scie-  
 bat liberas: quamvis has quoque illa multis pre-  
 cibus impetrare conaretur. Iosephus Antiquit.  
 lib. 15. cap. 4.

Mulierem non humilem, id est, non imbecil-  
 lis, abiectioni, fracti, sed ingentis, & magni animi  
 vocat Horat. Ode 37. propterea quod prælio

Actiaco victa cum Antonio, laudē suā in triumpho deductæ Augusto inuidens, corpori suo aspidem admouit, quatum morlu intēgit id quod duæ, licet exiles, & obscuræ cicatrices in illius corpore, sine vllō alioqui veneni vestigio repperæ prodiderunt. Nihilominus fidam eius imaginem cum aspide adharēte Cæsar in triumpho deportauit. Fecit aliquoties ante mortem dixisse, *ὁ θεὸς μὲν σὸς παῖς, ἔγὼ δὲ σὸν παῖτα*, non ducar in triumpho.

*LI. Herodis conceptum, & præscriptum facinus crudelissimum.*

**M**ORBO ingrauescente, cum instare sibi mortem sentiret Herodes, scelus atrocissimum, olim in infantes à se perpetratum, quos innocuos, propter vnā e medio tollendum ingenti numero trucidauit, in adultis, ijsque planè infontibus mactandis renouandum duxit. Nam cum e tota diuione nobiliores Iudzorum ad eum conuenissent, euocati minaci edicto poenam capitis intentante non parentibus, infensus ex æquo siue fontibus, siue innoxis, vniuersos conclusit in circo: accita deinde Salome sorore, maritoque eius Alexa, ait instare sibi terminum vitæ, tantis doloribus succumbenti. Quod quidem ferendum esse, quando secundum communem mortalium sortem accidar. Illud permolestum esse, si carendum sit extremo honore luctus, qui debeatur regibus. Non enim igno-

tam sibi esse Iudæorum mentem, quod optatam suam mortem lætis accepturi sint animis, quandoquidem vel à viuento etiam tum non abstinent contumellas. Sed illorum esse officij leuamen aliquod præsentis huius doloris decernere. Nam si assensum consilio suo præbeant, fore suum funus longè quàm aliorum regum honoratius, & manibus suis gratius, omnibus per totam ditionem non fiete lugentibus. Ergo quamprimum viderint se exhalasse animam, debere eos clausam circo nobilium multitudinem eingere militibus, ignorantibus etiam tum suum obitum, non prius vulgandum, quàm mandatum suum executi fuerint: iubere deinde, vt circumuentos vnà omnes iaculis configant. Quibus hoc modo cæsis duplicem se eis habiturum gratiam: vel quod mandatorum fuerint memores; vel quod obitum suum publico luctu honorauerint. Hæc ille cum lacrymis lamentabundus cognatos per mutuam fidem, ac beneuolentiam, perque omnia sacra obtestabatur, ne se extremo hoc honore fraudatum vellent, eis contra pollicentibus mandata confecturos. Cæterum Salome, & Alexas priusquam regis mors innotesceret, in circo clausos domum suam quemque dimiserunt, dicentes, ipsum ita iussisse, vt in agros digressi curarent suamet ipsorum negotia: atque hoc pacto magno beneficio vniuersam sub gentem deuinxerunt. Ioseph. ibid. libr. 17. cap. 9. & 10.

LII. *Natura Chamæleontis.*

**R** Eferam quæ de hoc animante in sua Hierosolymaitana peregrinatione commemorat Illustriss. Princeps Nicolaus Christoph. Radziwilus, cuius tres filii, adolescentes integerrimi, & eximia erga deum pietate conspicui Augustæ plus biennium vixerunt, & Societatis nostræ gymnasium prælectionibus frequentandis condecorarunt. Tres ibidem in monasterio vidimus, qui in oleæ arboribus, quæ ibi sunt aliquor, asseruabantur. Figuram, & magnitudinem habet lacertæ: non mordet tamen, cum nec os habeat, nec cibo, vel potu, sed æris tantum alimento sustentetur. Foramen tamen exiguum, quantum est paruum piperis granum, habet, quo ærem admittit. Caret omni veneno. Motus illi tardior, adeò, ut totius diei decursu vix unius cubiti spatium reptando emetiatur; & manui impositus (nec enim in attrectando horrore est) vix sese moueat, donec deponatur. Ex arbore nunquam desilit. Maculæ per corpus rariiores nigricant. Colorem subinde mutat, redditque eum, quem proximè attingit, præter rubrum & flavum; quod sæpius experiri placuit. Maculæ taménigræ non mutantur, nisi pellis ipsa. Oculos prominentes, rotundos, & hilares habet; quorum altero sursum, altero deorsum, non minus retro quam ante, vno eodemque momento simul inueneri potest. Colori alieni superimpositus, quando diuersus alius color illi ex parte superiori opponi-

ponitur, utrumque simul aspicit : & in quem intultum firmitus defixerit, cum assumere incipit, mora quasi vnius orationis Dominicæ interposita, totusque in eum iam notabiliter mutatur. Collocavi illum supra colorem album, viridem, cæruleum, nigrum, omnes recepit. Supra rubrum collocavi, mansit immutabilis. Flatum ad manus non habebam; sed nec hunc assumere dicitur. Aluum nunquam purgat, cum sit clausus vndique, nec cibo, potuue utatur.

Describit & Plinius Chamæleontem lib. 8. cap. 33. & Aristoteles lib. 2. de animalibus. Vide & Pierium lib. 27. & Adagium Chamælonem mutabilior. Meminit in illa rerum varietate, ac vicissitudine, quam describit 15. Metam. huius animantis etiam Ovid.

*Id quoque quod ventis animal nutritur, & aura*

*Protinus assimilat tetigit quoscunque colores.*

De isthoc animante legi & hæc. Quid ineptius, quam Chamæleontem solo vento vivere? Plin. tamen omnes in istum errorem inducit. Equidē cum amplos habeat pulmones, sæpe, & multum spirat. Sed exerta lingua formicas, muscas, locustas, scarabæos inuiscat, quibus perbellè nutritur.

LIII. De quodam, qui colicum dolorem simulabat.

Galenus libello, Quomodo morbum simulantē deprehendantur, de quodam simulatore

latore hanc narrat historiam. Est autem saepe quod dolor quispiam ita simpletur, ut ingens, fereque intolerabilis videatur. Equidem ipso quendam noui in concionem à ciuibz vocatū, colico dolore se torqueri finxisse, ut ne accederet, cum hoc ita ei conducere visum esset. Et ego quidem eo tempore isthuc hominē agere, quod & postmodum ipse mihi confessus est, suspicabar. Fomenta igitur tum illi adhiberi iussi. Verū ille, quanquam aliās vel in minimis supra modum esset meticulosus, hīc succurri sibi nequaquam magnopere precabatur: & quidem paucis ante diebus, nouit eodem modo laborantem, à me hausto pharmaco Philonio curatum: id quod à me omnibus modis petiuisset, si reuera doluisset. Sed & exitus istud declarauit: quoniam dimissa concione extemplo conqueri, tanquam extra omnem dolorem mox constitutus, desijt. Quin & ipsa præterea viuendi ratio, quæ præcesserat, talis erat, ut colicam in eo dispositionem non posset generare: quando ex indigestione, infrigidationeque proficisci solent huiusmodi passiones. Subijcit mox alterum exemplum deseruo, qui, ne dominum peregrinē abeuntem sequi cogēretur, vtriusque genu vehementissimum dolorem fingebar. Cuius versutiam Galenus quoque deprehendit.

**LIV. Ad locum M. Tullij ex IV. Catilinar. de seruo scelerato historia memorabilis.**

Verba



**V**erba Oratoris sic habent. Etenim quæro, si quis paterfamiliâs liberis suis à seruo interfec-  
 tis, vxore occisa, intensa domo supplicium de  
 seruo non quam acerbissimum sumpsit, vtrum  
 is clemens ac misericors, an inhumanissimus &  
 crudelissimus esse videatur. Mihi verò impor-  
 tunus ac ferreus, qui non dolorem suum, & cru-  
 ciatum dolore nocentis, & cruciatu lenierit.  
 Narrationem verissimam, & huic hypothesi  
 quam simillimam, de crudelitate serui erga vxo-  
 rem heri, & liberos proferam ex Iouiani Ponra-  
 ni lib. 3. de Obedientia, vbi de vario seruorum  
 usu est dissertatio. Maioricensis ciuis abunde lo-  
 cuples ruri cum esset, seruumque granissimè cū  
 cecidisset, tum ille iniquulus secum actum lu-  
 dicans, rationem hanc commentus est, qua &  
 seruitutem finiret, & herum vlcisceretur. Eo e-  
 nim longius à villa profecto, domo clausa fores  
 munit, ac matrefamiliâs arctius vineta, heriles  
 liberos in editiorem domus partē secum effert,  
 domini illic reditum expectans. Qui vbi villam  
 intrauit, domum clausam aggre ferens, seruo, qui  
 se de culmine ostendit, minitari cæpit. At, inquit  
 ille, qui nunc domum clausam tam indigne fers,  
 efficiam, vt haud multo post teque, & lucē ode-  
 ris. Vix iam hoc dicto vnum, & alterū filium d-  
 recto præcipites iecit. Quo casu consternatus,  
 ac pæne exanimatus pater, vbi ad se redijt, terro-  
 rimens, mutato consilio seruum blandioribus  
 lenire verbis studet: non factō solum veniam,

verum

verumetiam libertatem pollicens. At Maurus, nihil, inquit, tuis istis pollicitationibus actum scito. Nares tibi præcidas oportet, si vis tertium seruari. Tum pater duobus se liberis vno casu orbatum reputans, quod tertium, qui vnus erat reliquos seruaret, conditione accepta nasum mutilat. Qui vix dum terram attrigerat, cum tertius cum matre simul ante pedes eius exanimis iacuit. Eum seruus ubi clamoribus, atque eiulatibus implere agros videt, deum, atque hominum fidem implorantem, Atqui nihil tuis istis clamoribus egerit: neque sæuendi in me tibi locum relinquam. Atq; hoc dicto semetipsum de summa recti parte depulit. Audisti, lector, vnquam aliquid immanius? Narrat & Plin. ep. 14. lib. 3. de domino à seruis, dum lauaret, atrociter interfecto: sed adhuc seruum nihil. De fidelitate contra serui erga dominum, & paruulum eius filium apud Tyrios Iustin. lib. 18.

*LV. Solimanni Imp. Turcarum in tres filios immanitas.*

**Q**Uatuor Solimanno erant liberi. Natus maximus, cui Mustafa nomen, bellum gerebat cum Persis, & victoria insigni potitus redibat adolescens ad patrem, alacer, & spei plenus. Byzantini cum multo honore venientem excipiunt, & ciuium studia Prætoriarum cohortes, Iani-zares vocant, æquabant. In cõmuni gaudio solus pater offendit. Factum id minuendæ ma-  
icsta-

ieftatis accipit: filium vocat, in remotis cubiculi strangulari iubet, & subinde cadauer in oculis exercitus abijci, cum hoc ſuperdicto præconis. Vnus in cælis deus: vnus in terris Imperator Solimannus. Forte in omnium attonito ſupere fuit, vt non vinceret animum frater iunior, & ſpectante patre fraternæ morti illacrymanit. Infelix pietas, biduo poſt veneno pœnas dedit. Tertius metu confugerat ad Perſas, per legatos dedi iuſſus, & palam ſecuri percuffus. Solus hic Zelimus reſtabat, quem nuper ad Echinadas naturali prælio victum audiuiſmus: & ille homo eſſe deſierat, niſi hominem exuiſſet. Horrenda iſta, in gente tamen Oſmanica non noua. Lipſ. Ep. Q. lib. 3. ep. 22.

*LVI. De naſo Rodolphi Cæſaris.*

**C**VM haberet naſum aquilinum eumq; grandiore, in decliui ſemita obuium habuit dicaculum quendam, qui Rodolphi facilitatem morum, & clementiam norat. Is prætereuntem de via anguſta decedere nolebat, quamuis id ſatellites imperarent. Cauſſam huius pertinaciæ rogatus reſpondit: quia naſus Imp. viam implet, vt cedere nequeam. Tum Rodolphus ſubridēs, flexo in alterum latus naſo manu ſua, inquit. Vade, fili mi, en naſum diſtorqueo, ne te impediatur. Alius Imp. hominem prætextu læſæ maiestatis capite forſitan puniuiſſet: Rodolphus clementia aduerſus proteruum vti, & ſtulto ſecundum  
-ſtule

Aultitiam suam respondere maluit. Ex Annals  
Ecclesiast. Tomo XIII.

*LVII. De tribus histrionibus, Christum  
repente, & insperato confessis.*

**G**ENESIUS Romæ cum in theatro præsentè, &  
spectante Diocletiano Christianorū myste-  
rijs illuderet, subito cælesti quodam lumine ani-  
mum perfusus, baptismum haud simulatè, ut vi-  
debatur, sed planè seriò suscepit; cæteraque om-  
nia mente, & spiritu Christiano dixit, egitque.  
obstupescente populo. cum præsertim inter cru-  
delissimis tormenta vocè illam generosissimam  
ederet. Non est rex præter Christum: pro quo  
si milles occidar, ipsum mihi de ore, ipsum mi-  
hi de corde auferre non poteris. SURIUS TOMO  
4. Talis apud Græcos extitit Ardalio, homo itè  
Scenicus; qui similiter quam sermone, & actio-  
ne irridebat religionē, inopinatò à deo afflatus,  
& penitus immutatus, inter cruciamenta eam  
pro vera, & sancta confiteri vsque mortem non  
desistit. MENÆA in Aprili. Talis quoque ex thea-  
trali irrifore martyr euasit Porphyrius, de quo  
MENÆA in Septembri. Adiungitur quartus à Ba-  
ronio Dioscorus, ex Augustini epist. 67. ad Ali-  
pium. *Deus non irridetur, qui bonorum nostro-  
rum non eget: & cuius vult miseretur, & quem  
vult indurat.*

## SYNTAGMA SECVNDVM.

RITVS, ET CONSVE-  
TVDINES PRISCAE.I. *Persa μαχαίροφόροι.*

**V**EL in alta pace semper accincti gladio ambulabant, vt Ammianus Marcellus lib. 23. indicat his verbis: Omnes tamen promiscuè vel inter epulas, festosque dies gladij cincti cernuntur: quem Græcorum veterum morem abieciſſe primos Athenienses Thucydides est auctor amplissimus. Iosephus etiam lib. 18. Antiquit. cap. 3. Regem Parthorum inter epulas à suis obtruncatum narrans subiicit, *μαχαίροφορον γὰρ ἴδον ἀπασι*, Quod Romanis, qui non nisi in procinctu, & sagis sumptis gladio accingebantur, Barbaricum videbatur. Vnde Ouid. 1. Trist. Getas semper ense accinctos mordet. Briston. de regno Persar. lib. 3.

II. *Vinum myrrhatum vitæ mul-  
tandis.*

**C**onsueuerant Iudæi tormenta subituri ad-  
duriciem corporis, & animi conciliandam,  
vinum myrrhatum, & inebriatiuum ministrare:  
quem morem astruebant Prouerb. cap. vlt. *Da-  
te siceram merentibus, & vinum his, qui amaro  
sunt animo.* Quod vinum damnatorum vinum  
Amos

Amos vocat cap. 2. Metaphoricè Dauid Psal. 59. *Potastinos vino compunctionis.* Chaldaicus Paraphrastes vertit, *calice maledictionis*: videlicet quia cruciarijs maledictis à lege dabatur. D. Hieronymus transfert, *vino consopiente*, id est, illo damnatorum vino, quod ad torporem inducendum eis datur, & ad eos sopiendos, ac dormientibus exæquandos. Ramiresius Pentecont. ca. 9.

### III. *Serenitas Imperatoris.*

**S**erenitas soli Imperatori propriè tribuebatur. Hinc est quod Iulianus Patricius in Iustiniani Nouella 113. scribit, vetitum fuisse ab Imp. ne *Quæstor*, vel *Præf. prætorio* per Orientem in sacro auditorio istis interlocutionibus uterentur, *nostra serenitas, pietas, mansuetudo*, neue *Advocati* iisdem vocibus illos alloquerentur. Nulli enim licitum hæc verba sollemnia tribui, nisi soli Imp. Iuret. lib. 2. Miscellan. in epist. Symmachi.

### IV. *Vina odoribus condita.*

**V**eteres amabant vina condire suauissimis odoribus. Quod Græcorum inuentum fuisse dicunt Aelian. var. hist. lib. 12. Eunapius Sardian. in Iamblichō, Athenæus lib. 2. Cassiodor. Variar. lib. 12. ep. 4. Petrus Chrysologus Serm. 32. scribit, solitos vtres pellium ab omni squalore purgari, & pigmentis odoratis liniri, vt vini sapor custodiretur. Sed & apud Isidorum Origin. lib.

lib. 20. cap. 3. inter varias potus species nominatur conditum, commixtione pigmentorū compositum. Seruius etiam in 4. Georg. adnotat, asperrima vina temperata mellis immixti dulcedine. Item Chrysolog. serm. 93. neque accubuit pocula saporata melle, floribus odorata sumpturus. Idem Miscellan. lib. 3.

### V. Post sacra conuiuium.

Veteres peractis sacris conuiuabantur, & se inuitabant hilarius: vnde & μεθύειν factum putat Aristoteles, quod μετὰ τὸ δύνειν, hoc est, postquam sacrificassent, deinde hilaritati se tradarent.

### VI. Vehiculum publicum.

Mos fuit, vt quos ad se accirent Principes, euectionem illis publicam concederent. Inducant litteræ Constantij, S. Achanasium euocantis, apud Theodoretum lib. 2. & Iuliani ad Eustochium his verbis: ἦκε τοίνυν μεθίξων ὑπαλείας. ἄξιόν ἐστι δημόσιον δρόμον ὀχήματι χρῶμενον, ἐνὶ τῇ παρίστασι. Veni igitur collega in consulatu futurus. Veheris autem equis publicis vno atque altero. Iacob. Sirmond. Not. in Sidon,

### VII. Gratia pro consulatu abſta, & relata.

QVo die iniretur magistratus, & postquam sacris operati essent, solebant pro accepto



consulatu gratias pro tribunali agere ei, cuius suffragio essent creati, hoc est, vel populo, vel Principi. Nec modò gratias agebant oratione recitanda: sed quodammodo referebant statim ut erant designati. Nam & ludos edebant ad populi voluptatem; & missilia spargebant in vulgus, atque hoc liberalitatis genere gratum animum, & beneficij à populo accepti memorem testabantur. Hinc in Impp. creatione spatio pecuniæ. Petrus Faber ad tit. de orig. iuris.

*VIII. Captiuorum ad tumulos iugulatio.*

**A**D sepulchra virorum fortium captiuos necabant: quod postquam crudele visum est, placuit gladiatores ante sepulchra dimicare: qui à bustis bustuarij dicti. De hoc more Tertullian. lib. de spectacul. Nam olim quoniam animos defunctorum humano sanguine propitiari creditum erat, captiuos, vel malo ingenio seruos mercati in exequijs immolabant: postea placuit impietatem voluptate adumbrare. Itaque quos parauerant, armis quibus tunc, & qualiter poterant eruditos, tantum ut occidi discerent, mox edicto die inferiarum apud tumulos erogabant: ita mortem homicidijs consolabatur. Hæc muneris origo. Notauit idem Faber Semestrium lib. 2. cap. 10.

*IX. Senatus in dijs recipiendis auctoritas.*

Nemini

**N**Emini, ne Imp. quidem sine senatus auctoritate priuatas inducere religiones, aut nouum aliquem deum consecrare, ipsiusque memorie; statuæque diuinum numen, & cultum tribuere apud Romanos fas fuit. Ira deus non erat, quem homo consultus noluisset, & nolendo damnasset, vt Tertullian. ait. Idem Semest. lib. 3. cap. 1.

### *X. Cubare in floribus.*

**A** Mahant delicatesiores cubare in floribus, puta, rosa, lilio, croco, violis, hyacinthis, & narcissis. Lamprid. in Elagabalo. Strauit & triclinia de rosis, & lectos. Trebell. in Gallieno. Veris tempore cubilla de rosis fecit Claudian. delecto geniali, roseisq; cubilia surgunt Floribus. Tales sunt, quæ *romæ* dicuntur. Casaubon. in Spartian.

### *XI. Pœna falsi testis.*

**I**N India falsis testibus extremi digiti, quibus falsum testimonium scripto consignassent, decurtabantur. Strabo lib. 15.

### *XII. Rasura capilli, & barba.*

**L**Acedæmonij barbam, & à fronte capillum tradebant: eundem à tergo summittebant, quò tutiores in pugna essent, adimereturq; hosti facultas capillo, aut barba apprehendendi. Pierius lib. 32.

XIII. *Vsus velorum varius.*

**V**elum obtendebatur foribus cubiculi imperatorij, vt oculos arceret. Lamprid. de Elogabalo. Qui subitò militum strepitu exterritus, in angulum se condit, obiectuque veli cubicularis, quod in introitu erat cubiculi, se rexit. Videntur autem in palatio frequentia fuisse vela: tum quia Sueton. scribit prætensa fuisse foribus etiam solarij vela; tum quia velariorum præsidatum, & præfecturam in domo Augustana fuisse liquidum est. Barbari quoque Principes conclauum fores velis obtexerunt. Et causa quidem fuit, vt velum visum arceret: sed alia propior, & pæne sola, ratio venerationis, quæ & in priuatorum ædibus pro suo modo fuit. Decorum sanè simulachra antiquitus obiecto velo abdebantur. Hoc autem à diabolo fuit, qui velum tabernaculi, & velum templi ridiculè voluit æmulari. A simulacris velamentorum obiectus transiit ad consistoria iudicum. Ab his ad limina Grammaticorum. In summa, quidquid abdendum fuit, velo condebatur. Lege Laurent. Pignorium de Seruis, à. pag. 233.

XIV. *Tituli affixi possessionibus.*

**V**etustis temporibus mos erat singulis domibus proprium titulum affigere, qui veri, & legitimi possessoris nomen indicaret. Chrysolog. serm. 154. Sicut dominos prædiorum liminibus affixi tituli proloquuntur, &c. Augustin.

in

in Psal. 21. Quando potens aliquis inuenerit titulos suos, nonne iure rem sibi vendicat, & dicit: non poneret titulos meos; nisi res mea esset. Titulos meos posuit, mea res est. Inde origo appellandi titulos ecclesias, & parochias: quo sensu loquuntur auctores Ecclesiastici sapissime, maxime Anastasius Biblioth. de vitis Pontificum: ut in Anacleto. Hic titulos in vrbe Roma diuisit presbyteris. Et in Marcello. Viginti quinque titulos in vrbe Roma constituit, &c. Iuret. Notis ad Auctar. Symmachi.

### XV. Pili in naribus.

**S**tudiofi elegantiae, & compti pilos intra nares pullulantes extirpabant. Ouid. *Inq, cana nullus stet tibi nare pilus.* Festus. Vibrissae pili in naribus hominum; dicti, quod his vulsis caput vibratur. Et hoc est lauti hominis indicium: ut horridi, & incompti pilos naribus non euellere. Iuuenal. sat. 14. *Sed caput intactum buxo, naresq, pilosas Adnotet.* Sauaro in ep. 2. lib. 1. Sidonij.

### XVI. Antemeridianum, & pomeridianum tempus.

**A**ntiqui res operæ leuioris in postmeridianas horas transferebant, grauioribusque negotijs matutinas impendebant. Seneca de Trāquil. animi cap. vlt. Symmach. ep. 17. lib. 1. Plutarch. rerum Rom. cap. 84. Idcirco Virgilio melior diei pars matutina dicta est s. Aeneid.

*Nunc adeo melior quoniam pars acta diei, id est, maior & prima, consignante Seruio: quibus ius pro tribunali dicebatur, neque postmeridianis horis dicere ius fas erat. Idem ibid. Nullus extat liber Plutarchi, qui Rerum Romanarum inscribatur. Videndum igitur, quem indicet Sagarro, & an cap. recte citet.*

### *XVII. Accusatores sordidati.*

**A**ccusatores iudicium oculis sordidatio buerabantur, impexi, squalidiq; incedebāt, ut inuidiam reis facerent. Seneca lib. 10. Controvers. 1. Sordidatus es, non queror; sed si sordes tuæ inuidiam mihi concitant. Quintil. declamat. 283. Quis est iste filij habitus? quæ sordes? quid mihi hanc inuidiā facit? Zeno Veronens. Serm. de Iob. Quo nuntio accepto dei seruus scidit vestimenta sua, non ut deo inuidiam faceret; sed ut expeditus cum hoste pugnaret. Idem in epist. 7. lib. 1.

### *XVIII. Aurum, & purpura vetita mulieribus.*

**E**ustathius in Iliad. 1. testatur apud Syracusanos lege cautum fuisse, ne aurum, aut purpuram ferrent mulieres, nisi impudicitiam professæ: quod & apud Lacedæmonios valuisse testatur Clem. Alex. lib. 4. Pædagogi. Muret. in Oeconom. Aristot.

### *XIX. Μακροκέφαλοι.*

Narrat

**N**Arrat Hippocrates de populis quibusdam qui ex re macrocephali vocantur, apud quos qui longissimo capite erant, nobilissimi habebantur. Statim igitur vt in lucem editus erat puer, caput illius adhuc molle, ac tenerum manibus comprimebant: tum ita alligabant fascijs, vt naturalis illa capitis rotunditas plane tolleretur, cogereturque caput in longitudinem crescere. Longam autem consuetudinem tandem vertisse in naturam, ita vt longo, & acuto, & aliorum omnium populorum dissimili capite mescerentur. Mutet. in 1. Platonis de Repub.

### XX. Arborum cultus.

**A**D sacras arbores, id est, quibus cultum diuinum exhiberi vellent, lucernas suspendebant. Prudent. contra Symmach.

*Et qua fumificas arbor vittata lucernas  
Sustinuit, cadit vltrici succisa bipenni.*

Simulacrorum quoque aut deorum in morem coronatæ, vinctæque, & velatæ, vt est discere ex Theocrito eidyll. 18. De vittis Arnob. quoque lib. 5. aduersus gentes. Inde, inquit, natum, & ortum est nunc etiam sacras velatæ, & coronari pinos. Et infra. Quid lanatum vellera, quibus arboris colligatis, & circumuoluitis stipitem, &c. Idem cap. 19.

### XXI. Regum Hungariae initiatio.

**Q**Uæ cærimoniarum antiquitas in regibus Hungariae inaugurandis obseruarentur, tradit

Petrus Bizarus Historiæ Genuensis lib. 23. Vnſcam memorabo. Conſecratione peracta apud Albam regalem, ſedem videlicet regum, ſublatus in equam, poſtquam ciuitatem luſtrauiſſet, extra portam ad D. Martini ædem progreſſus, ibique altiſſimam turrim conſcendens, & quam maximè poterat, protenſo extra turrim brachio, ad quatuor mundi partes nudatum enſem porrigebat, quaſi vndique, regnum tutaturus: aut certe illius fines, & ditionem propugnaturus.

## XXII. Viri vxoribus dotem dabant.

**G**othi magna ſeueritate matrimonia ſua obſeruañtes, vxores ſuas in rori ſocias, & pares labores, non in dominas, ſiue ad delicias aſſumere conſueuerunt. Proinde apud eos non mulier viro, ſed vir mulieri dotem aſſignat: ne coniux ob magnitudinẽ dotis inſoleſcens, aliquando ex placida conſorte proterua euadat, atque in virum dominari contendat: ſed caſtiſſimam illam Lucretiam iugiter imitando, lanæ, texturaque dedita ſit, ſemper ad viri imperium parata nunc hæc, nunc illa difficillima negotia domi, & foris adminiſtrare, perinde ac ſi virilem fortitudinem haberet. Ioan. Mag. hiſt. Gothicæ lib. 7. cap. 9. Germanos quoque veteres hunc morem tenuiſſe, & qualem dotem ſponſis dederint, docuimus Parte I. Ritu LXIX.

Tacit. de moribus Germanorum. Dotem nõ  
Vxor marito, ſed vxori maritus aſſert. Interſunt  
paren-



parentes, & propinqui, ac munera probant: munera non ad delicias muliebres quaesita, nec quibus noua nupta comatur: sed boues, & fraxinatum equum, & scutum cum framea, gladioq;. In hæc munera vxor accipitur, atque inuicem ipsa armorū aliquid viro offert. Hoc maximum vinculum, hæc arcana sacra, hoc coniugales deos arbitrantur. In mulieres dotem bonam viro afferentes, & ob id sumptuosas ac superbas quomodo inuehatur Megadorus, vide Aulul. Plauti.

XXIII. *Pugnis olim, non armis decertabant.*

**I**Nter ipsos quoque aduersarios, vt scitis, non erant prius armata certamina; sed pugnis se quamuis feruida lacessebat intentio. Vnde & pugna nomen accipit. Postea Belus ferreum gladium primus produxit; à quo & bellum placuit nominari, Consilium atrox, crudele præsidium, ferina certatio. Nam etsi datum illi est prius inermem facile vincere, tamen crimini applicandum est, quod inde posteritas potuit interire. Non permittatis ergo in famulis vestris fieri, quod adhuc debet in hostibus accusari. Cassiodori variar. lib. 1. epist. 30.

Affinis plane his locus Tibulli eleg. 10. lib. 1. quo inuentionem gladij, & prælia detestatur.

*Quis fuit, horrendos primus qui protulit enses.*

*Quam ferus, Et verò ferreus ille fuit.*

*Tunc cades hominum generi, tunc praelia nata!*

*Tunc breuior dira mortis aperta via est.*

*At nihil ille miser meruit: nos ad mala nostra*

*Vertimus, in saevas quod dedit ille feras.*

## XXIV. Pontif. Rom. auctoritas in Imperatores.

**O**lim Impp. non passi viuere Pontifices, ad supplicia eos deuocabant: & Græculi, postquam apud eos extincta stirpe Constantini, & deinde Magni Theodosij, non habuere Romanum Pontificem, nisi quem ipsi confirmassent. Mutatae sunt rerum vices, ut non habeatur Imp. nisi quem Rom. Pont. confirmarit, & consecrarit. *Domini est terra, & plenitudo eius*: ipse transfert regna, & imperia, dignissimeque ad suum in terris Vicarium hoc sacrum ministerium delegauit. Crantzii Metropolis lib. 1. cap. 14. vbi & de coronatione Caroli M.

## XXV. Λαμπαδρχία, & Λαμπαδοδρομία.

**C**ertaminis genus fuit apud Athenienses, Faces accendebant ex ara, easque manibus gestantes currebant, quàm poterant longissimè, & incitatissimè. Quorum faces extinctae erant, quique in cursu defecerant, quique serius ad destinatum locum peruenerant, pro victis habebantur. Meminit Pausan. in Atticis. Certare autem

Solebant hoc modo in sacris Promethei, qui ferula correptum ignem, ne extingueretur agitant, à cælo ad homines detulisse putabatur. Item in sacris Vulcani, quod is deus igni præest. Et in sacris Mineræ, cui tribuebant curam, & inventionem artium. Artes autem omnes indigent igne. Vnde est apud Æschylū *παιλὸν πυρὸς σέλας*. Qui autem curriculum suum confecerant, ordine aliis lampadas tradebant. Vnde illud elegantissimè dictum à Platone 6. de Legib. *γενναίαι τε, καὶ ἐκτελέσαντες παιδας, καθάπερ λαμπάδα τὸν βίον παραδίδόντας ἄλλοις ἐξ ἄλλων*; quem locum ita expressit Lucret. lib. 2.

----- sic rerum summa perit.

*Semper, & inter se mortales mutua viuunt,*

*Augescunt alie gentes, alie minuantur:*

*Inq̃ breui spatio mutantur secula animantum,*

*Et quasi cursores vitæ lampada tradunt.*

Muret. in 1. de Repub. Platonis. Quærit ibidem, & causas profert, cur & in Dianæ sacris ut ita certaretur institutum fuerit. Videntur autem Athenienses non tantum in Dianæ, seu Proserpinæ, sed & in Cereris sacris *λαμπαδοφορίαν* adhibuisse. Id quod apertè significat Statius 4. Sylvarum his versibus.

*Tuque Aetæa Ceres, cursu cui semper anhelæ*

*Votinam taciti quassamus lampada mystæ.*

XXVI. Pro canibus venaticis laesis, &

*λυκαρτόσις prerogativa.*

**M**aius Rex Scotorum III. constituit, si quis venaticorum canum intra venandum oculum, aliudue membrum amisisset casu, quo minus foret utilis, publicè aletetur. Item, qui lupū occidisset, bouem acciperet præmium de publico : quodd ea belluæ rei pecuariæ maximè sit infesta. Hector Boetius histor. lib. 2.

Quibus præsertim infestum genus luporum. Ac si vel in altera ripa ouis lupum conspexerit, tremere dicitur. Compertum est, agnos ad solum ululatū luporū exanimatos fuisse. Hinc illa prouerbia, Quem lupo cōmittere. Et apud M. Tullium 2. Philipp. ô præclarum custodē ouium, ut aiunt, lupum. Horat. Ode 4. Epod.

*Lupis & agnis quanta sortitò obligit,  
Tecum mihi discordia est.*

**XXVII.** *Aues & μυνήσχοι in capitibus simulacrorum.*

**S**olebant prisci aues unicuique deo sacras in capite eius simulacri collocare. Vnde Aristoph. Videbatur mihi Minerua ex vrbe venire, & noctua ei insidere. Minerua autem etiam aliquando noctuam manu tenebat : aliquando ei, ut & draco, ad pedes astat.

*Μυνήσχοι*, seu lunulas capitibus statuarum, ac deorum suorum in templis imponere solebant, ne auicularum insidentium fimo inquinarentur.

**XXVIII.** *Digitis computabant.*

Digitis

**D**igitis antiqui numerabant. Seneca epist. 88. Numerare me docet Arithmetica, & auaritia commodare digitos. Idem lib. 3. de. Ira cap. 33. Valerudinator fœnerator distortis pedibus, ac manibus ad cōparandum modò relictis. Tertullian. in Apolog. cum digitorum supputatorij gesticulis assidendum est, &c. Sauaro in epist. Sidonii 9. lib. 9.

### XXIX. *Balnea erant obscura.*

**C**redo veteres pudoris ergo balnea intrasse obscura, ne se nudos viderent, & viderentur: posteaquam inualuit vt essent lucida, & luminosa, lux balnearis, solisque lumen verecundos compellebat se plus putare quàm nudos, vt ait Sidonius, scilicet sub cælo, tanquam sub oculis dei nudos esse. Clemens Alexand. Prædag. li. 3. cap. 5. Hieronymus ad Latam. Mihi omnino in adulta virgine lauacra displicent, quæ seipsam debet erubescere, & nudam videre non posse. Et hoc Sidonius ait (plus quam nudos) propter velanda corporis, quæ nec in balneis detegi debent. Ambros. 1. Off. cap. 18. Licet plerique se & in lauacro quantum possunt tegant, ne vel illic, vbi nudum totum est corpus, huiusmodi intecta portio sit. Augustin. 14. Ciuit. Omnes gentes adeo tenent in vsu pudenda velare, vt quidam barbari illas corporis partes nec in balneis nudas habeant. Olim igitur balnea per rimas tantum diem admittebant, erantque tenebricosa, & obscura

securavit diximus. Seneca epist. 86. Balneolum angustum, tenebricosum ex consuetudine antiqua. Idcirco blattaria vocabantur balnea, id est, cæca & lucifuga. Blattæ enim Virgilio 3. Georg. & Columellæ lib. 9. cap. 7. lucifugæ dicuntur. Seneca, paulo post. At nunc blattaria vocant balnea, si qua non ita aptata sunt, ut totius diei solæ fenestris amplissimis recipiant, id est, solidum diem. Plin. lib. 1. epist. 3. Quid balneum illud, quod plurimus sol implet, & circum it? Idem Suario in epist. Sidonii 2. lib. 2.

Quatuor de causis posse balnea usurpari docet Clemens Alex. Pædagog. lib. 2. c. 9. ob munditiam, calorem, sanitatem, voluptatem. Voluptatis causa lauare, reiiciendum. Munditiei, & sanitatis lauent mulieres. Viri tantum sanitatis. Caloris causa lauare superuacaneum, cum quod frigore horridum euaserit, possit aliter recreari.

### XXX. *Cruditates balneis decoctæ, & potiones sudoribus exsuctæ.*

Veteres caldarii ut plurimum utebantur, ut cruditatem decoquerent. Horat. epist. 8. lib. 1. *crudi tumidiq; lauemur.* Iuuenal. sat. 1. & *crudum pavonem in balnea portat.* Plin. lib. 29. c. 1. balneas ardentes, quibus persuasere in corporibus coqui cibos. Collumell. in præfat. ad Syluinum. Mox deinde ut apti veniamus ad ganeas, cottidianam cruditatem laconicis excoquimus, & exsucto sudore sitim quærimus. Posidonius

Medicus apud Aëtium lib. 6. cap. 10. cibos ut bal-  
neis calidis excoquebant, ita potiones sudoribus  
exfugebant. Idem in epist. 9. lib. 2.

XXXI. *Vestes à feminis nobilibus  
conficiebantur, & dona-  
bantur.*

**M**atronæ nobiles, aut heroinæ priscæ vestes  
filijs, maritis, amicisq; discedētibus, mani-  
bus propriis confectas dabant. Pluribus Poeta-  
rum locis id demonstrat Dempsterus Additioni-  
bus, seu Auſtario ad Antiquit. Rom. Rosin. lib.  
1. pag. 33. Diximus & nos nonnulla in Symb. Vir-  
gilianis. Vestem Alex. M. à sororibus confectam  
scribit Curtius lib. 5. Xerxes donatur amiculo  
ab Amestri vxore, quod ipsa texuerat. Herodor.  
Colliope. Lænam gestat Aeneas lib. 4. à Didone  
confectam.

XXXII. *Principes seu deos honora-  
bant, eorumque responsa, & rescripta  
oracula nominabant.*

**N**on modò aras, flamines, templa, statuas,  
imagines, & sacrificia ad modum cœlestium  
deorum Principibus suis decernebant olim, sed  
etiam rescripta eorum, & responsa pro oraculis  
habebant, & ita vocabant. Iornandes de rebus  
Geticis, donatione sacro oraculo confirmata.  
Sueton. Nerone cap. 21. flagitantibus cunctis  
cœlestem vocem respondit, in hortis copiam sui  
volens



volentibus facturum. Omitto Tacitum, Cassiodorum, Symmachum, quos ad idem probandum citat idem Dempsterus eodem libro.

### XXXIII. *Ignis præferebatur Imperatoribus in lucernis.*

**D**Eigne in lucerna Imperatori prælato, à nullo hætenus animaduerso, loci sedit insignis apud Corrippum Africanum de Iustino Principe in ludos Circenses prodeunte, lib. 2. num. 8. *prænuntius ante Signa dedit Curser, posita de more lucerna.* Signum ergo illud erat Græcæ aduentare, quoties Cursores lucernas prætulissent, quas in circo ponebant, veluti sacræ, & non violandæ maiestatis indicium. Sequitur enim apud eundem poetam.

*Exoritur letum iucunda per agmina murmur,*

*Intentos oculos ad sedem vulgus herilem*

*Extulit assurgens, quoniam plebs lata videre*

*Felicem dominum summos cupiebat amore.*

Idem ibid. De igne prælato lege Alex. lib. 1. cap. 28. ibid. Tiraquell. Moris huius nemo scriptorum nec Græcorum, nec Latinorū veterum, præter vnum Herodianum in Cōmodo meminit. Ignis ille lampas tantum fuit. Origo à cultu deorum, in quo adhibita lucernæ, & faces. Item à Persis: illorum enim regi prælatus ignis, &c. Lipsius Excurs. ad 1. Annal. Taciti. A.

### XXXIV. *Garrulitas, & furtiva in balneis.*

**I**N balneis carmina recitabant, & ea quæ in-  
laudierant referebant. Quare nomine garruli-  
tatis balneatores notabantur. Illis enim, vt in tō-  
Arinis, desident otiosi, quidlibet garrientes; quo-  
rum assiduus conuictu, vti tonsores quoque, hoc  
morbo inficiuntur. Vide prouerb. Lippis, ac ton-  
soribus notum. Furta in balneis frequenter cō-  
mittebantur. Eorum furum meminit Tertul-  
lian. libr. de fuga in persecut. & de Idololatria.  
Catull. in epigram. *O furum optime balneariorū.*  
Romæ pœna huiusmodi furibus duplionis sta-  
tuta, Athenis mors. Lege Victorium lib. 7. cap.  
17. Idem Dempster. ibid.

**XXXV. Stare, & sedere in sacris. Se-  
des pro sepulchro.**

**D**Eos adorantes stabant erecto corpore.  
Martial. lib. 12. epig. 78.

*Multis dum precibus Ionem salutat,  
Stans summos resupinus usque in vngues  
Aethon in Capitolio.*

At in parentali, seu funebri solemnitate opē-  
rantes sacris sedebant. Curt. lib. 8. Assidebat et  
vna ex neptibus, nuper amissum Hephæstionem;  
cui nupserat, lugens. Martial. lib. 2. epig. 41.

*Te mæste decet assidere matri  
Lugebriq; virum, piūmq; fratrem.*

Tibull. 2. eleg. 7.

*Illius ad tumultum fugiam, supplexq; sedebō,  
Et mea cum muto fata querar cinere.*

H

Propert.

Propert. 3. eleg. 15.

*Afferat huc unguenta mihi, fertisq; sepulchrum  
Ornabit, custos ad mea busta sedens.*

Ab hac consuetudine dimanauit, vt sedem pro sepulchro, seu tumulo usurpemus. Sidon. Apollinar. lib. 2. ep. 8. perpetuis sedibus dormienti similior illata est: ad quem locum vide Sauaronem. Vetus marmoris cuiusdam fragmentum. HANC SEDEM SIBI VIVI POSVERUNT. Et epigramma vetus.

*Leuini coniux Petronia, forma pudoris,  
His mea descendens sedibus ossa loco.*

*Parcite vos lacrymis dulces cum coniuge nata,  
Viuentemq; deo credite flere nefas.*

Claudian. de bello Getico. delubra Numa, sedemque Quirini. Virgil. 6. Aeneid. Sedibus hunc refer ante suis, & conde sepulchro. Ibidem, quam sedibus ossa quierunt. Porro sedem hanc perpetuam appellauit Sidonius supra, è qua scilicet ossa transferri inconsulto sacrorum rege, aut pontifice nefas erat: non quod corpora non resurgant: sed vt discrimen sit inter temporarium sepulchrum, & æternum, &c. Idem lib. 3. pag. 159. col. 1.

XXXVI. *Christianae religioni ad scripti palliū gestabant.*

**P**Arum interest apud Christianos, quo quis habitu incedat: pallio tamen vsos qui initiabantur religioni Christianæ, postposito omni  
alio

Pallio vestitu, indicat argumentum libri Tertuliani de Pallio: & hic præsertim locus cap. 4. Suadeo reuerere habitum, vnius interim erroris tui renuntiatorē. Et postrema verba libri. Gaude Pallium, & exulta, melior iam te philosophia dignata est, ex quo Christianū vestire cœpisti. Similem habitus mutationem in nouis Christianis indicat Origenes apud Eusebium lib. 6. hist. Ecclesiast. cap. 13. cum de Heracla dicit, illum exuta veste vulgari, & cōmuni habitum assumpsisse philosophicū. Et quoniam pallium erat Græcorum gestamen, vt toga Romanorum, & Christiani frugalitatis gratia pallio utebantur tanquā veste simpliciore & philosophica, factum est vt vulgari conuicio, quī nostris sacris initiati essent, Græci vocarentur: & ab iniectione pallij, quod tunicæ super imponebant, etiam imponentes, aut, quod magis volebant, impostores. Et quoties Christianus aliquis prodissset, statim illud ē triuio audiebat, *γέγονος ἐπιθέτης*, vt scribit etiam D. Hieronym⁹ epist. ad Furiā de viduitate. Leonard. Coquæus Comment. in Augustin. Ciuit. lib. 19. cap. 19.

### XXXVII. *Maiestas, & Deuotio à dñis ad homines.*

**M**aiestas proprie diuina exaudiēda est. Quare apud Sueton. cap. 22. inter flagitia Caligulæ ponitur, quod maiestatem sibi diuinam asserere cœpisset. Post ad homines translata est.

Sueton. in Vespasiano cap. 7. Auctoritas, & quasi maiestas quædam, ut scilicet inopinato, & adhuc nouo Principi, adhuc deerat. Denique pro dignitate, & grauitate vox accepta est. Ouid. i. Metam. *Non bene conueniunt, nec in una sede morantur Maiestas, & amor.* Quemadmodum autem maiestas de Imperatoribus, ita deuotio de subditis dicta. Constantinus M. epist. ad Albanum Præf. Pr. in Actis Concilii Arelat. primi. Cum deuotionis tuæ scripta legissem. Euleb. lib. 9. Hist. Hoc tibi præcepit Imp. *διὰ τῆς ἐμῆς καὶ θεοσιώσεως*, per meam deuotionem. Ambros. ep. 27. Baulo Imp. deuotionem exhibuit. Notæ P. Diaconi. D. D. N. M. Q. E. dicatus, deuotus numini, maiestatiq; eius. Plura Bulengerus de Imp. Rom. lib. 1. cap. 37.

### XXXVIII. *Ad imagines, & statuas Imp. perfugium.*

**T**anta in dignatione, & reuerentia fuere imagines, ac statuas Principum, ut pro asylo, sicut templa, & aræ essent. Tacitus lib. 3. Dabatur deterrimo cuique licentia impunè probra, & inuidiam in bonos excitandi, accepta imagine Cæsaris, &c. Neq; ipse audeat ius experiri ob effigiem Cæsaris oppositam. Edixere triumuiro, ne quis, qui impunitatis causa in templum D. Iulij confugisset, inde elici, vel abripi posset, quod ante ne deo quidem cuiquam concessum, exceptis illis quæ ad Romuli asylum pertinent. Seneca lib.

1. de Clement. Seruis ad statuum licet confugere, cum in seruos omnia liceant. Sueton. in Aug. Antonium iuuenem simulacro D. Iulij, ad quod post multas & irritas preces confugerat, abreptum interimit. Tacit. lib. 1. Senatores ad deos, ad effigiem Augusti manus tendere. Idem Balégerus lib. 2. cap. 14.

### XXXIX. *Acclamabant Imperatoribus.*

**A**cclamari solitum Imperatoribus, lippis & tonsoribus notum. Paul. Diacon. lib. 8. ob Pertinacis laudem ingeminatis ad vocis usque defectum plausibus acclamatum est. *Pertinace Imperatore securi viximus, neminem timuimus, patre pio, patre senatus, patre omnium bonorum.* Erat aliquis, qui formulam acclamationis conciperet veluti præcentor, reliqui voces ab eo acceptas reddebant. In Actis adnotatum quoties quidq; fuisset repetitum Dictum quinquies. Dictum vices. Trebellius in Claudio, sexages, octuagesidem acclamatum. Quem acclamandi morem vetus Ecclesia usurpauit, populus in sacris conuentibus, Patres in Synodis, referebantque per Notarios in acta synodica & in gesta Ecclesiastica, &c. Idem lib. 2. cap. 35. Denique sciendum, Imperatoribus acclamari solitum vel in consilio à senatu, vel à militibus in triumpho, vel à populo in theatro, vel à tota vrbe, si noui quippiam, & reipub. atque imperio utile, & salutare egissent.

X L. *Canebant ad myrtum.*

**M**OS fuit in cōuiujs, circumlato ramo myrti, vñumquemque discubentium ad cantandum excitare. Singuli enim conuiuarum accepto in manus myrti ramo partes canebant suās. Quem morem Plat. in Sympofiacis latè disputat. Pierius lib. 50. *XIXXX*

X L I. *Auorum nomina imponebantur filiis.*

**G**RÆCORUM consuetudo fuit, quam plerique etiam hodie tenent, vt patris sui nomen alicui ex filiis suis imponant: quod auorum in nepotibus memoria renoueretur. Sic Nicias Nicerati filius, vt supra diximus, Niceratum habuit filium. Sic in Lyfide, Lyfis Democratis filius. Lyfidis nepos. Aristoteles Nicomachi filius filium suum Nicomachum vocauit. Sic senex ille è Nubibus, cū vxor nato filio aut Xantippo, aut Charippo, aut Callipedæ nomen esse vellet, ἵνα δὲ, inquit, τὸ πατρὺς τιθέμεν φεδωνίδην. Ego eum aut nomine appello Phedoniden. Romæ autem fere, qui primus filius susceptus erat, ei patris prænomen imponebatur. Muret. in 1. de Repub. Plat.

X L I I. *Signa Dædala.*

**P**RISCI lignea signa dædala vocabant. Quod sanè moris ante Athenis natum. Dædalum Palemaonis filium vsurpatum crediderim: qui  
post



post à dædalis ( ligne s scilicet simulacris ) non  
autem proprio, ac germano nomine Dædalo ipsi  
cognomen impositum fuisse arbitror. Pausan.  
libr. 9. Idem de Dædalo multa in Achajcis, seu  
lib. 7.

Præstantissimus faber, & artifex fuit Dædalus.  
Verùm signa Dædala priscis à δαίδαλλον, quod est  
variare, dicta opinor, ob, varietatem nimirum  
artificiosam qua constarent. Sic Lucratio Dæda-  
la tellus, dædala lingua, natura dædala rerum,  
Ennio dædala Minerua, Virgilio Dædala Circe,  
dædala tecta, omnia hæc à varietate in qua elucet  
artificium.

### XLIII. *Crines fluminibus detonde- bant, & sacra bant.*

VERBA sunt Pausaniæ in Atticis. Iuxta flumi-  
(Cephissum) simulacra duo sunt, alterum  
filii, Cephisso crinem suum detondentis. Fuis-  
se verò patrum Græcis omnibus crinem flumi-  
nibus tondere, ex ijs Homeri versibus conijcias,  
in quibus est, Peleum Sperchio pro felici Achil-  
lis à Troia teditu crinem vouisse. Ajax Telamo-  
nius Ilisso flumini crinem vouet. Philostras. iu-  
nior in eius iconc.

### XLIV. *Bestia Romam deuectæ.*

BESTIÆ ex Africa Romam deuechi solebant ad  
exhibenda pop. Rom. spectacula; in quib-  
us vel conficerentur ab hominibus, in eam tē

operas locantibus: aut gratis, & virtutum erga depugnantibus: vel inter se ipsæ committerentur. Faber Semest. lib. 2.

### XLV. *Iuramentum admotis ad ceruices ensibus.*

**I**N nomen Imperatoris sollemniter iurabant milites. Veget. lib. 2. Id fiebat interdum admotis ad ceruices ladiis, vt est apud Marcellin. lib. 21. Vide & lib. 17. vbi de militibus Iuliani loquitur in hæc verba. Iussique vniuersi in eius nomē iurare sollemniter, gladiis ceruicibus suis admotis, sub exorationibus diris verbis iurare cœperunt conceptis, omnes pro eo casus quoad vitam profuderint, si id necessitas exegerit, perlaturus. Idem de Magistrat. Rom.

### XLVI. *Interior carceris custodia.*

**I**N carcere interior quædam, & tutior custodia erat, quæ dicebatur barathrum: eò capitalium rerum damnati compingebantur. Tullianum Sallustio in Catilin. Idem Semest. 2.

Describitur autem Tullianum his verbis. Est in carcere locus, quod Tullianum appellatur, vbi paululum ascenderis ad læuam, circiter XII. pedes humi depressus, Eum muniunt vndique parietes, atque insuper camera lapideis fornicibus vincta: sed inculta, tenebris, odore fædo, atque terribilis eius facies. In eum locum postquam demissus Lentulus, vindices rerum capitalium,

talium, quibus præceptum erat laqueos gulam frangere.

**XLVII. *Pæna ducum suos non sepelientium.***

**A** Pud Athenienses in eos duces capite animaduertebatur, qui re alioqui præclare gesta, & administrata, suorum tamen in acie trucidatorum corpora non tumulassent. Diodorus lib. 5.

**XLVIII. *Cæna, & dies sollemnes.***

**S**ollemnes cænæ aut simul omnium, aut singulorum ciuium habebantur. Nam sollemnes quoque dies vniuersis publicè, aut singulis ciuibus, eorumque genti, ac familia fuerunt. In sollemnibus primi generis ponebant Kalend. Ianuarias, hilaria matris Deum, ludos Apollinares, Iouis epulum, & Saturnalia. Lamprid. in Alex. Seuero. Secundi generis fuerunt dies, veluti sponsaliorum. Sueton. in August. cap. 53. repotiorum, natalitiorum, charitiorum, & aliorum huiusmodi &c. Faber Semest. lib. 1. cap. 6.

**XLIX. *Conuiuium ab Imperatoribus & Consulibus.***

**M**oris fuit ab Imp. triumphaturo Consules inuitari ad cœnam: deinde rogari, vt venire supersederent: ne qui eo die, quo ille triumphauerit, maioris sit in eodem conuiuio imperij. Valer. lib. 2. cap. 3. Vnde intelligimus, qui

triumphum ducerent, eo die ciuibus, & magistratibus, & senatoribus conuiuium præbere solitos, prandium triumphale. Imitati sunt hoc Imperatores Romani, quo die Augustorum appellationem reciperent: Consules etiam ipsi consularis die. Idem eod. cap.

*L. Scenici Romæ infames.*

Romani quamuis illos deos colerent, quos videbant sibi voluisse scenicas turpitudines consecrari: suæ tamen dignitatis memores, ac pudoris, actores talium fabularum nequaquam honorauerunt more Græcorum: sed sicut apud Cic. Scipio loquitur, cum artem ludicram, scenamque totam probro ducerent, genus id hominum non modo honore ciuium reliquorum carere, sed etiam tribu mouere notatione censoria voluerunt: sicut à B. Augustino de Ciuitat. lib. 2. cap. 13. traditur. Idem Agonistico lib. 7. c. 3. Vide Bud. Pand. Coquæum in locum August. Sauaronem in epist. 13. Sidonij lib. 3. pag. 216. Qui personas agunt in dramatis, histrioniam facere Plauto dicuntur, id est, exercere artem histrionicam; vt facere mercaturam, vellaturam, scriptum, & similia: ipsi verò actores, scenici, ludiones, histriones, & ὑποκριται, quasi dicas simulatores: verè enim simulant id quod nō sunt. Faciunt huic loco verba Pseudomercurij in prologo Amphitruonis, timentis sibi, & Pseudoioni, ne vt male simulantes, quia homines meri, exhiberentur.

*Etenim*

*Etenim ille cuius huc iussu veni Iupiter;  
 Non minus quam nostrū quavis formidat malū,  
 Humana matre natus, humano patre,  
 Mirari non est æquum, sibi si pratimet.  
 Atque ego quoque etiam, qui Iovis sum filius,  
 Contagione mea matris metuo malum,  
 Propterea pace advenio, & pacem ad vos affero.*

## LI. Pallium insigne Monachorum.

**M**onachorum insigne fuit pallium, ut philosophorum. Nam & ipsam vitam monachorum ἡ ἀσκησις Græci Patres Philosophiam nominarunt, &c. Sirmondus in epist. Sidonij. Quam varie monachi pro locorum discrimine, & vivendi instituto seueriore à Græcis Patribus nominentur, declarat Notis in vitam Athanasij Hæschelijus pag 124.

## LII. Asini floribus coronati.

**C**onsualibus festo Neptuni asini non minus quàm equi coronabantur floribus. Non immerito, quippe qui tot, tantisque laboribus in varios vitæ humanæ usus exercentur. Mox recensiti hulus animantis labores, pag. II. Passeratius in encomio Asini, ex Plutarchi Quæst. Rom. q. 48. Laboriferum animal asinus, & ob id coronandus floribus, coronatur fustibus, ut Plautus loquitur. Sed has coronas pigritiæ suæ acceptum ferat licet: quem imitantes idem cum eo nomen honoris causa sortiuntur.

**A**D deprehendendum scilicet quibus in locis nemorū, montium, vallium oberrent pascendo, atque hac ratione longæ labor inquisitionis absit, Præterea existimant tintinnabuli sono pecora perinde ac tibix gaudere, & pinguescere. Plura de hoc cap. 8. Hieron. Mag. lib. de Tintinnabulo; quem è Cypro captiuus Constantinopolim abductus, ibidem Legato Cæsareo obtulit, sperans se illius liberalitate è durissima seruitute exemptum iri. Sed virum ingenio, & doctrina præstantem spes frustrata est. Quem deinde Mahometus Bassa præfocari mandauit, vt alibi, nisi fallor, enarraui.

LVI. *Plumbea quæ vocarent.*

**R**Omani cum de vilissima, minimaque pecunia loquerentur, prouerbij loco vsurpabant plumbeum. Plaut. Trinum. *Cui, si capitis res fiet, nummum nunquam credam plumbeum.* Quod etiam alijs in rebus vi, neruoque carentibus vsurpabant. Cic. ô plumbeum pugionem, pro argumento leui, ac futili. Plumbeum ingenium, stupidum: plumbeum acumen. Vide paræmiā, Plumbeo iugulare gladio.

LVII. *Pilæ compitales.*

**P**ilæ, vt tradit Festus, erant viriles effigies, atque item muliebres ex lana, quæ compitalibus suspendebantur in compitis, quod hunc diem festum esse deorum inferiorum putarent, quos  
vocat

vocant Lates; quibus tot pilæ quot capita feru-  
rum, tot effigies quot essent liberi, circa com-  
pita habitantes, ponebantur, vt essent his pilis,  
& simulacris contenti, viuisque parcerent. His-  
ce verò imaginibus nullius omnino pretii vestes  
circumponebantur. Proinde pannosas etiam  
quandoque pilas Martialis vocat. Ab harum pi-  
larum similitudine quasi secundæ prodierunt  
feris obiectæ. Primæ erant compitales, primæ  
dictæ, quia in principiis viatum, hoc est, compi-  
tis ponebantur. Secundæ quæ feris obijcieban-  
tur, quæ primum è stramine fiebant. Martial. lib.  
10 in Laurum.

*Sed qui primus erat lusor, dum floruit ætas,*

*Nunc postquam desit ludere, prima pila est:*

Rader. noster in Comment.

### LVIII. Anagrammatismi.

**A** Nagrammatum inuentum Lycophronis  
cum Ioannes Auratus, vir nostra ætate pau-  
cis conferendus suscitasset, imperiti homines ni-  
hil aliud cõmune cum doctis præter laborem ha-  
bentes, cui etiam in rebus parui momēti erudi-  
ti parciunt, cœpere ita in nominum inuersiones  
incumbere, vt nihil præter anagrammata in lu-  
cem prodiret: pulchrum, & laudabile ducentes,  
si tandem litterarū, ab aliquo themate primum  
discretarum compagem reficientes, imperfectas  
( vt plurimum contingit ) sententias ederent.  
Claud. Verderius in Censura auctorum.



LIX. *Epostracismus, genus ludi  
puerilis.*

**P** Veros videmus certatim gestientes testarum  
in mare iaculationibus ludere: is lusus est te-  
stam teretem, iaculatione fluctuum leuigatam  
legere de littore; eam testam plano situ digitis  
comprehensam, inclinem ipsum, atque humi-  
lem quantum potest vndis irrotare: ut illud ia-  
culum vel dorsum maris raderet; vel enatarer,  
dum leui impetu labitur: vel summis fluctibus  
tonsis emicaret, emergeret, dum assiduo saltu  
subleuatur. Is se in pueris victorem ferebat, cu-  
ius testa & procurreret longius, & frequentius  
resiliret. Minutius in Octauio.

LX. Reges olim Vates, & augures.

**O**lim reges præstantissimi augurijs & prædicationibus clauerunt: & se suosque liberos his disciplinis erudiri curauerunt. Quid Asia rex Priamus, nonne & Helenū, & Cassandra filia diuinantes habebat? Quid Polybum Corinthiū nonne Homerus & alijs multa, & filio ad Troiam proficiscenti mortem prædixisse commemorat? Vt enim sapere, sic diuinare regale ducebant: vt testis est nostra ciuitas, in qua & reges augures: & postea priuati eodem sacerdotio prædici reipub. religionum auctoritate rexerunt, &c. Cic. de Diuinat.

Propert. 3. eleg. 15.

*Afferat huc vnguentum mihi, fertisq; sepulchrum  
Ornabit, custos ad mea busta sedens.*

Ab hac consuetudine dimanauit, vt sedem pro sepulchro, seu tumulo usurpemus. Sidon. Apollinar. lib. 2. ep. 8. perpetuis sedibus dormienti similior illata est: ad quem locum vide Sauaronem. Vetus marmoris cuiusdam fragmentum. HANC SEDEM SIBI VIVI POSVERUNT. Et epigramma vetus.

*Lauini coniux Petronia, forma pudoris,*

*His mea descendens sedibus ossa loco.*

*Parcite vos lacrymis dulces cum coniuge nata,*

*Viuentemq; deo credite flere nefas.*

Claudian. de bello Getico. delubra Numa, sedemque Quirini. Virgil. 6. Æneid. Sedibus hunc refer ante suis, & conde sepulchro. Ibidem, quam sedibus ossa quierunt. Porro sedem hanc perpetuam appellauit Sidonius supra, è qua scilicet ossa transferri inconsulto sacrorum rege, aut pontifice nefas erat: non quod corpora non resurgant: sed vt discrimen sit inter temporarium sepulchrum, & æternum, &c. Idem lib. 3. pag. 159. col. 1.

XXXVI. *Christiana religioni ad scripti pallium gestabant.*

PARUM interest apud Christianos, quo quis habitu incedat: pallio tamen vsos qui initiabantur religioni Christianæ, postposito omni  
alio

Pallio vestitu, indicat argumentum libri Tertuliani de Pallio: & hic præsertim locus cap. 4. Suae reuerere habitum, vnius interim erroris tui renuntiatorē. Et postrema verba libri. Gaude Pallium, & exulta, melior iam te philosophia dignata est, ex quo Christianū vestire cœpisti. Similem habitus mutationem in nouis Christianis indicat Origenes apud Eusebium lib. 6. hist. Ecclesiast. cap. 13. cum de Heracla dicit, illum exulta veste vulgari, & cōmuni habitum assumpsisse philosophicū. Et quoniam pallium erat Græcorum gestamen, vt toga Romanorum, & Christiani frugalitatis gratia pallio utebantur tanquā veste simpliciore & philosophica, factum est vt vulgari conuicio, quī nostris sacris initiati essent, Græci vocarentur: & ab iniectone pallij, quod tunica super imponebant, etiam imponentes, aut, quod magis volebant, impostores. Et quoties Christianus aliquis prodiisset, statim illud ē triuio audiebat, *γενος επιβλητης*, vt scribit etiam D. Hieronym⁹ epist. ad Furia de viduitate. Leonard. Coquæus Comment. in Augustin. Cluic. lib. 19. cap. 19.

### XXXVII. *Maiestas, & Deuotio à diis ad homines.*

**M**Aiestas proprie diuina exaudiēda est. Quare apud Sueton. cap. 22. inter flagitia Caligulae ponitur, quod maiestatem sibi diuinam asserere cœpisset. Post ad homines translata est.

Sueton. in Vespasiano cap. 7. Auctoritas, & quasi maiestas quædam, ut scilicet inopinato, & adhuc nouo Principi, adhuc deerat. Denique pro dignitate, & grauitate vox accepta est. Ouid. 1. Metam. *Non bene conueniunt, nec in una sede morantur Maiestas, & amor.* Quemadmodum autem maiestas de Imperatoribus, ita deuotio de subditis dicta. Constantinus M. epist. ad Albanum Præf. Pr. in Actis Concilii Arelat. primi. Cum deuotionis tuæ scripta legissem. Euleb. lib. 9. Hist. Hoc tibi præcepit Imp. *διὰ τῆς ἐμῆς καθοσιώσεως*, per meam deuotionem. Ambros. ep. 27. Baulo Imp. deuotionem exhibuit. Notæ P. Diaconi. D. D. N. M. Q. E. dicatus, deuotus numini, maiestatiq; eius. Plura Bulengerus de Imp. Rom. lib. 1. cap. 37.

### XXXVIII. *Ad imagines, & statuas Impp. perfugium.*

**T**anta in dignatione, & reuerentia fuere imagines, ac statuas Principum, ut pro asylo, sicut templa, & aræ essent. Tacitus lib. 3. Dabatur deterrimo cuique licentia impunè probra, & inuidiam in bonos excitandi, accepta imagine Cæsaris, &c. Neq; ipse audeat ius experiri ob effigiem Cæsaris oppositam. Edixere triumuiro, ne quis, qui impunitatis causa in templum D. Iulij confugisset, inde elici, vel abripi posset, quod ante ne deo quidem cuiquam concessum, exceptis illis quæ ad Romuli asylum pertinent. Seneca lib.

1. de Clement. Seruis ad statuum licet confugere, cum in seruos omnia liceant. Sueron. in Aug. Antonium iuuenem simulacro D. Iulij, ad quod post multas & irritas preces confugerat, abreptum interimit. Tacit. lib. 1. Senatores ad deos, ad effigiem Augusti manus tendere. Idem Bulégerus lib. 2. cap. 14.

### XXXIX. *Acclamabant Imperatoribus.*

**A**clamari solitum Imperatoribus, lippis & tonsoribus notum. Paul. Diacon. lib. 8. ob Pertinacis laudem ingeminatis ad vocis usque defectum plausibus acclamatum est. *Pertinace Imperatore securi viximus, neminem timuimus, patre pio, patre senatus, patre omnium bonorum.* Erat aliquis, qui formulam acclamationis conciperet veluti præcentor, reliqui voces ab eo acceptas reddebant. In Actis adnotatum quoties quidq; fuisset repetitum Dictum quinquies. Dictum vices. Trebellius in Claudio, sexagies, octuagies idem acclamatum. Quem acclamandi morem vetus Ecclesia usurpauit, populus in sacris conuentibus, Patres in Synodis, referebantque per Notarios in acta synodica & in gesta Ecclesiastica, &c. Idem lib. 2. cap. 35. Denique sciendum, Imperatoribus acclamari solitum vel in consilio à senatu, vel à militibus in triumpho, vel à populo in theatro, vel à tota vrbe, si noui quippiam, & reipub. atque imperio vtile, & salutare egissent.

X L. *Canebant ad myrtum.*

**M**Os fuit in cōuiujs, circumlato ramo myrti, vñumquemque discubentium ad cantandum excitare. Singuli enim conuiuarum accepto in manus myrti ramo partes canebant suas. Quem morem Plat. in Symposiacis latè disputat. Pierius lib. 50. XIXXX

X L I. *Auorum nomina imponebantur filiis.*

**G**Ræcorum consuetudo fuit, quam plerique etiam hodie tenent, vt patris sui nomen alicui ex filiis suis imponant: quod auorum in nepotibus memoria renouetur. Sic Nicias Nicerati filius, vt supra diximus, Niceratum habuit filium. Sic in Lyfide, Lyfis Democratis filius. Lyfidis nepos. Aristoteles Nicomachi filius filium suum Nicomachum vocauit. Sic senex ille è Nubibus, cū vxor nato filio aut Xantippo, aut Charippo, aut Callipedæ nomen esse vellet, ἵνα δὲ, inquit, τὸ πατρὺς τιθέμεν φεδαρίδην. Ego eum aut nomine appello Phedoniden. Romæ autem fere, qui primus filius susceptus erat, ei patris prænomen imponebatur. Muret. in 1. de Repub. Plat.

X L I I. *Signa Dædala.*

**P**Risci lignea signa dædala vocabant. Quod sanè moris ante Athenis natum. Dædalum Palemaonis filium vsurpatum crediderim: qui post

post à dædalis ( ligne s scilicet simulacris ) non autem proprio, ac germano nomine Dædalo ipsi cognomen impositum fuisse arbitror. Pausan. libr. 9. Idem de Dædalo multa in Achajcis, seu lib. 7.

Præstantissimus faber, & artifex fuit Dædalus. Verùm signa Dædala priscis à δαιδάλλην, quod est variare, dicta opinor, ob, varietatem nimirum artificiosam qua constarent. Sic Lucretio Dædala tellus, dædala lingua, natura dædala rerum, Ennio dædala Minerva, Virgilio Dædala Circe, dædala recta, omnia hæc à varietate in qua elucet artificium.

### XLIII. *Crines fluminibus detondebant, & sacrabant.*

VERBA sunt Pausaniæ in Atticis. Iuxta fluvium (Cephissum) simulacra duo sunt, alterum filii, Cephisso crinem suum detondentis. Fuisse verò patrium Græcis omnibus crinem fluminibus tondere, ex ijs Homeri versibus conijcias, in quibus est, Peleum Sperchio pro fælici Achillis à Troia reditu crinem vouisse. Ajax Telamonius Ilisso flumini crinem vouet. Philostratus iunior in eius iconc.

### XLIV. *Bestia Romam deuectæ.*

BESTIÆ ex Africa Romam deuehi solebant ad exhibenda pop. Rom. spectacula; in quibus vel conficerentur ab hominibus, in eam tē



operas locantibus: aut gratis, & virtutum erga depugnantibus: vel inter se ipsæ committerentur. Faber Semest. lib. 2.

### XLV. *Iuramentum admotis ad ceruices ensibus.*

**I**N nomen Imperatoris sollemniter iurabant milites. Veget. lib. 2. Id fiebat interdum admotis ad ceruices ladiis, vt est apud Marcellin. lib. 21. Vide & lib. 17. vbi de militibus Iuliani loquitur in hæc verba. Iussique vniuersi in eius nomē iurare sollemniter, gladiis ceruicibus suis admotis, sub exorationibus diris verbis iurare cœperunt conceptis, omnes pro eo casus quoad vitam profuderint, si id necessitas exegerit, perlaturus. Idem de Magistrat. Rom.

### XLVI. *Interior carceris custodia.*

**I**N carcere interior quædam, & tutior custodia erat, quæ dicebatur barathrum: eò capitalium rerum damnati compingebantur. Tullianum Sallustio in Catilin. Idem Semest. 2.

Describitur autem Tullianum his verbis. Est in carcere locus, quod Tullianum appellatur, vbi paululum ascenderis ad læuam, circiter XII. pedes humi depressus. Eum muniunt vndique parietes, atque insuper camera lapideis fornicibus vincta: sed inculta, tenebris, odore fædo, atque terribilis eius facies. In eum locum postquam demissus Lentulus, vindices rerum capitalium,

talium, quibus præceptum erat laqueos gulam frangere.

### XLVII. *Pæna ducum suos non sepelientium.*

**A** Pud Athenienses in eos duces capite animaduvertebatur, qui re alioqui præclare gesta, & administrata, suorum tamen in acie trucidatorum corpora non tumulassent. Diodorus lib. 5.

### XLVIII. *Cæna, & dies sollemnes.*

**S**ollemnes cænæ aut simul omnium, aut singulorum ciuium habebantur. Nam sollemnes quoque dies vniuersis publicè, aut singulis ciuibus, eorumque genti, ac familiæ fuerunt. In sollemnibus primi generis ponebant Kalend. Ianuarias, hilaria matris Deûm, ludos Apollinares, Iouis epulum, & Saturnalia. Lamprid. in Alex. Seuero. Secundi generis fuerunt dies, veluti sponsaliorum. Sueton. in August. cap. 53. repotiorum, natalitiorum, charitiorum, & aliorum huiusmodi &c. Faber Semest. lib. 1. cap. 6.

### XLIX. *Conuiuium ab Imperatoribus & Consulibus.*

**M**oris fuit ab Imp. triumphaturo Consules inuitari ad cœnam: deinde rogari, vt venire supersederent: ne qui eo die, quo ille triumphauerit, maioris sit in eodem conuiuio imperij. Valer. lib. 2. cap. 3. Vnde intelligimus, qui

triumphum ducerent, eo die ciuibus, & magistratibus, & senatoribus conuiuium præbere solitos, prandium triumphale. Imitati sunt hoc Imperatores Romani, quo die Augustorum appellationem reciperent: Consules etiam ipsi consularis die. Idem eod. cap.

*L. Scenici Romæ infames.*

Romani quamuis illos deos colerent, quos videbant sibi voluisse scenicas turpitudines consecrari: suæ tamen dignitatis memores, ac pudoris, actores talium fabularum nequaquam honorauerunt more Græcorum: sed sicut apud Cic. Scipio loquitur, cum artem ludicram, scenamque totam probro ducerent, genus id hominum non modo honore ciuium reliquorum carere, sed etiam tribu mouere notatione censoria voluerunt: sicut à B. Augustino de Ciuitat. lib. 2. cap. 13. traditur. Idem Agonistico lib. 7. c. 3. Vide Bud. Pand. Coquæum in locum August. Sauaronem in epist. 13. Sidonij lib. 3. pag. 216. Qui personas agunt in dramatis, histrioniam facere Plauto dicuntur, id est, exercere artem histrionicam; vt facere mercaturam, vellaturam, scriptum, & similia: ipsi verò actores, scenici, ludiones, histriones, & ὑποκριται, quasi dicas simulatores: verè enim simulant id quod nō sunt. Faciunt huic loco verba Pseudomercurij in prologo Amphitruonis, timentis sibi, & Pseudoioni, ne vt male simulantes, quia homines meri, exhiberentur.

*Etenim*

*Etenim ille cuius huc iussu veni Iupiter;  
 Non minus quam nostrū. quavis formidat malū.  
 Humana matre natus, humano patre,  
 Mirari non est æquum, sibi si prætinet.  
 Atque ego quoque etiam, qui Iovis sum filius,  
 Contagione mea matris metuo malum,  
 Propterea pace advenio, & pacem ad vos affero.*

## LI. Pallium insigne Monachorum.

**M**onachorum insigne fuit pallium, ut philosophorum. Nam & ipsam vitam monachorum ἡ μοναχικὴ Græci Patres Philosophiam nominarunt, &c. Sirmondus in epist. Sidonij. Quam varie monachi pro locorum discrimine, & viuendi instituto seuetiore à Græcis Patribus nominentur, declarat Notis in vitam Athanasij Hæschelijus pag 124.

## LII. Asini floribus coronati.

**C**onsualibus festo Neptuni asini non minus quàm equi coronabantur floribus. Non immeritò, quippe qui tot, tantisque laboribus in varios vitæ humanæ vsus exercentur. Mox recensiti huius animantis labores, pag. II. Passeratius in encomio Asini, ex Plutarchi Quæst. Rom. q. 48. Laboriferum animal asinus, & ob id coronandus floribus, coronatur fustibus, ut Plautus loquitur. Sed has coronas pigritiæ suæ acceptum ferat licet; quem imitantes idem cum eo nomen honoris causa sortiuntur.

**A**D deprehendendum scilicet quibus in locis nemorū, montium, vallium oberrent pascendo, atque hac ratione longæ labor inquisitionis absit, Præterea existimant tintinnabuli sono pecora perinde ac tibiæ gaudere, & pinguescere. Plura de hoc cap. 8. Hieron. Mag. lib. de Tintinnabulo; quem è Cypro captiuus Constantinopolim abductus, ibidem Legato Cæsareo obtulit, sperans se illius liberalitate è durissima seruitute exemptum iri. Sed virum ingenio, & doctrina præstantem spes frustrata est. Quem deinde Mahometus Basila præfocari mandauit, vt alibi, nisi fallor, enarraui.

#### LVI. *Plumbea quæ vocarent.*

**R**Omani cum de vilissima, minimaque pecunia loquerentur, prouerbij loco vsurpabant plumbeum. Plaut. Trinum. *Cui, si capitis res fiet, nummum nunquam credam plumbeum.* Quod etiam alijs in rebus vi, neruoque carentibus vsurpabant. Cic. ô plumbeum pugionem, pro argumento leui, ac futile. Plumbeum ingenium, stupidum: plumbeum acumen. Vide paræmiam, Plumbeo iugulare gladio.

#### LVII. *Pilæ compitales.*

**P**ilæ, vt tradit Festus, erant viriles effigies, atque item muliebres ex lana, quæ compitalibus suspendebantur in compitis, quod hunc diem festum esse deorum inferiorum putarent, quos  
vocat

# LIX. *Epostracismus, genus ludi puerilis.*

**P**Veros videmus certatim gestientes testarum in mare iaculationibus ludere: is lusus est testam teretem, iaculatione fluctuum leuigatam legere de littore; eam testam plano situ digitis comprehensam, inclinem ipsum, atque humilem quantum potest vndis irrotare: ut illud iaculum vel dorsum maris raderet; vel enataret, dum leui impetu labitur: vel summis fluctibus tonsis emicaret, emergeret, dum assiduo saltu subleuatur. Is se in pueris victorem ferebat, cuius testa & procurreret longius, & frequentius resiliiret. Minutius in Octauio.

# LX. *Reges olim Vates, & augures.*

**O**Lim reges præstantissimi augurijs & prædictionibus claruerunt: & se suosque liberos his disciplinis erndiri curauerunt. Quid Asia rex Priamus, nonne & Helenū, & Cassandram filiā diuinantes habebat? Quid? Polybum Corinthiū nonne Homerus & alijs multa, & filio ad Troiam proficiscenti mortem prædixisse commemorat? Ut enim sapere, sic diuinare regale ducebant: ut testis est nostra ciuitas, in qua & reges augurēs: & postea priuati eodem sacerdotio prædicti rempub. religionum auctoritatē rexerunt; &c. Cic. de Diuinat.

LXI. *Romæ, & Constantinopol. dies natales feriat, seu festi.*

**L** Ib. 7. Cod. de Ferlis, Valentinianus, Theodosius, & Arcadi<sup>9</sup> Auggg. natalitios dies Romanæ vrbis, & Constantinopolis feriatos, nefastos, & iuris dicundi immunes sanxerunt: vt propter eos iura differantur, in quibus natæ sunt. Forcat. lib. 1. Qui laudes Romæ requirit, Aristidis orationem, & Admiranda Lipsij, qui Constantinopolis Bulengerum de Imp. lib. 1. cap. 3. legat.

LXII. *Capillos retro flectebant.*

**O** Lim radices capillorum retroflectere deorum erat, & ea forma Alexandrum Apelles delineavit. Polycletus ære duxit, vt eius icones fidem faciunt. Nec est quod frontem capillitio denudatam intelligas, Idem de Pompeio Lucan. lib. 8, Capitolin. in Pertinace. Fuit autem senex venerabilis immissa barba, reflexo capillo. Spartian. in Pescennio Nigro. Fuit statura Pescenius prolixa, forma decorus, capillo in verticem reflexo. Hieronym. aduersus Iovinian. lib. 2. comæ in occipitium, frontemque tornantur. Alcimus Auitus lib. 1. de Indis loquens.

*Cæsaries incompta viget, quæ crine supino  
Stringitur, ut refugo careat frons nuda capillo.*  
Sauato in epist. Sidonij 2. lib. 1.

LXIII. *Regum Gothorum habitus.*

Eodem



**E**odem habitu quo reliqui vestiebatur. Gregor. Turonensis lib. 6. cap. 24. vsque ad ætatem Liugildi regis. Isidor. in Chronico, Era DCVIII. Leuigildus primus inter suos regali veste opertus folio resedit. Nam ante eum & habitus, & confectus communis, vt gentis, ita regibus erat. Eunodius in Panegyrico Theoderici in fine. Quia quod agunt in alijs Dominis diademata, hoc in rege meo operata est deo fabricante natura. Illos faciunt tot adiumenta diuitiarum conspicuos: sed hunc edidit simplex, & immutabilis figura meliorem, &c. Idem ibid.

#### LXIV. *Brachiorum, & crurum expolitio.*

**V**Eteres brachia & crura pumice, resina, psilothro, salamandra, & Veneto luto expoliabant, & expoliabant. Quam expoliationem pilorum Plinius lib. 29. cap. 2. euirationem appellat. Leues enim illi, & glabri virum euirare videbantur. Tertullian. de cultu feminar. & Clemens Alexand. Pædagog. lib. 3. cap. 3. Inde dura brachia Sidonio sunt pilosa, seu setis aspera. Iuuenal. initio sat. 3. *dura per brachia setæ Promittunt atrocem animum.* Horat. lib. 3. Ode 4. *Fidens iuuentus horrida brachius.* Valentia brachia Vegetio lib. 1. cap. 6. Idem ibid.

#### LXV. *Digitorum præcisio.*

**P**atulis manibus, & longioribus digitis milites valentius arma tractabant, quique munus

Martium, & functionem militarem auersabantur, vt inhabiles essent, sibi digitos amputabant. Ostendit hoc multis in eandem epistolam idem doctissimus Sauaro, quæ tute legas pag. 12.

**LXVI.** *Vestibula cancellis septa, fores aulaeis velata.*

**A**dium regiarum vestibula cancellis sepiebantur, forēs autem velabantur aulaeis. Exclusa velis, inquit Sidonius, inclusa cancellis. Cancelli, inquam, circumuallabant vestibula, & illis inclusi neque in via stabant, neque intra ædes erant. Seneca de Benef. lib. 6 cap. 33. In domo multa sunt ostia, quæ receptos quoque excludunt: vt hoc loco Sidonij satellites intra cancellos receptos vela excludebant, id est, fores velis velatæ, atque ita in vestibulis erant. Hæc fusius idem in eandem epist. pag. 14.

**LXVII.** *Gothi Ariani : item Ariani & Aëriani.*

**G**Othi Ariani sabbatho genio indulgebant, & opiparè conuiuabantur, quo die Catholici, & Romani ieiunabant, more Arianorum, Aërianorumque, qui diebus quibus Christiani abstinebant, odio fidei Catholicæ epulabantur. Die autem solis, cum lætitiæ Christiani indulgerent, & ieiunare nefas ducerent, illi abstinebāt. Ibid. & simul de ieiunio sabbathi.

# LXVIII. *Silentii significatio, & dii silentij Præsides.*

**I**ndicem silentium imperantes ori admouebāt veteres. Idem dicitur à nonnullis salutaris, quod rem saluti maximè conducibilem silentium denotaret. Gyrald. dial. 2. Præsides taciturnitatis apud Ægyptios Harpocrates, apud Romanos Angerona, simulacra ore obsignato habebant. Plin. lib. 3. cap. 5. Solin cap. 1. Ouid. 10. Metam. *Quiq; premit vocem, digitoque silentia suadet.* Aulon. epist. 25. apud Paulinum, *Aut tunc Sigalion Ægyptius oscula signet, &c.* Thom. Demp. in lib. 1. Corippi.

# LXIX. *Pecuniæ libra expendebantur.*

**O**lim non numerabantur, sed pendebantur pecuniæ. Fest. lib. 14. pendere pœnās, solvere significat, eo quod ære graui vterentur Romani: penso eo, non numerato debitum soluebant. Plin. lib. 33. cap. 1. non amplius quam mille pondo auri. Silius lib. 1. *Hic galeæ Senonum, pensatiq; improbus auri Arbiter ensis inest.* Ad lancem ergo, & stateram exigebantur pecuniæ debitz, &c. Idem ibid.

# LXX. *Bestiæ Principes adorantes.*

**I**n ludis, & spectaculis quæ à Principibus populo edebantur mos fuit, vt quæ in arenam bestiæ introducebantur, ex ita à magistris doctæ

cernuæ procumberent, ipsosque Princeps adorarent. Martial. lib. Spectacul. epig. 7. *Quod pius, & supplex elephas te, Caesar, adorat.* Vide ibidem Marcellum.

## LXXI. *Reges Persarum fratres Solis, ac Lunæ.*

**I**Ta se nominabant ipsi, & ab aliis appellari postulabant, superbiæ insigni exemplo. Ammian. lib. 17. literas ad Constantium dedit, nunquam à genuino fastu declinans, quarum hunc fuisse accepimus sensum. Rex regum Sapor, particeps siderum, frater Solis ac Lunæ Constantio fratri meo S. Idem lib. 23. Denique ad id tempus reges eiusdem gentis prætumidè appellari se patiuntur fratres Solis ac Lunæ. Chrysolog. serm. 120. Coripp. *Ille etiam Solis qui se subiactat amicis.* Idem in lib. 4.

## LXXII. *Somnus meridianus.*

**M**eridiabant antiqui, id est, medio die dormiebant leuandi animi causa, qui matutinis operis, & operibus defatigati erant. Sidon. ep. 9. lib. 2. Excusso torpore meridiano paulisper equitabamus. Iob. cap. 24. 2. Reg. cap. 11. Varro, si non in somno diem diffinderem meridie, non viuerem. Meridiabat Aug. Sueton. cap. 78. & Seuerus Imp. Lamprid. in Alex. Seuer. Traianus, Plin. in Paneg. Iustinianus, Aimoinus lib. 2. cap. 5. Alboinus rex Longobard. Paul.

Diacon.

Diaconus lib. 2. cap. 28. Sauaro in Sidon. epist. 2. lib. 1.

LXXIII. *Sponsus, & sponsa à sacerdote coronati.*

**A** Pud Græcos sacerdos sponso, & sponsæ nuptias acturis ferra imponebat, & octauo die eadem ferra illis demebat, cum sollemni precatione. Vide Euchologium, vbi vocatur ἀγκυθία σεφανάματος.

LXXIV. *Lombardorum veterum habitus.*

**C** Erucicem vsque ad occipitium radentes nudabant: capillos à facie vsque ad os demissos habentes, quos in vtramque partem in frontis discrimine diuidebant. Vestimenta verò eis erant laxa, & maximè lineæ, qualia Anglosaxones habere solent, ornata institis latioribus, vario colore contextis. Calcei verò eis erant vsque ad summum pollicem pæne aperti, & alternatim laqueis corrigiarum retenti. Postea verò ceperunt hosis vti, super quas equitantes subrugos byrreos mutabant. Sed hoc de Romanorū consuetudine traxerūt. Paul. Diacon. Hist. Lombard. lib. 4. cap. 23. De vocabulīs hosa, subrugus, byrreus vide Observationes Lidenbrogij.

LXXV. *Obsides etiam feminae.*

**C** Lælia virgo Romana cum alijs virginibus Porsenzæ regi Etruscorum Romam oppug-

nanti obses data est. Liuius lib. 2. Florus lib. 1. ca. 10. Constans, siue Constantinus Heraclij filius Imp. cum Romoaldo, regis Longobardorum Grimoaldi filio accepta obside eius sorore pacem fecit. Paul. Diacon. hist. Lombard. lib. 5. cap. 8. Tacitus in vitæ Agricola. Adeo, vt efficacius obligentur animi ciuitatum, quibus inter obsides puellæ quoque nobiles imperantur. Ad Germanos pertinere vult ibidem in Notis Lipsius, quod in Augusto, cap. 21. tradit Suetonius. A quibusdam nouum genus obsidum fæminas exigere tentauit, quod negligere marium pignora sciebat. Et hunc morem habuisse Metapontinos, ac cæteros Italiæ populos liquet ex Athenæo lib. 13. cap. 28.

LXXV I. *Caput, & barba rafa ad ignominiam.*

**I**Am olim apud Indos qui grauiter deliquerant, sic puniti. Cum enim summum formæ decus sint capilli, extremam quoque ignominiam putabant, si pars illa corporis demeretur. Testis Stobæus Serm. CXL. Rex Ammonitarum vt magna contumelia afficeret Legatos David, rasi dimidam partem barbæ eorum, &c. Sed admodum vsitata hæc pœna fuit temporibus Impp. posteriorum: vnde sæpissimè illa leguntur, decaluari, verberariq;. Cedren. in Iustino. Verberans eum, & caput radens, nudumque asino imponens, per mediam circumdixit ciuitatem.

tatem. Guntherus lib. 7. *exusta candenti fronte metallo, Detonsaq; coma post verbera pulsus abi-*  
*bit.* Paul. Diacon. hist. lib. 6. cap. 20. comprehen-  
sumque Rotharit pseudoregem, eius caput, bar-  
bamq; radens, Tauremis in exilium retrulit. Li-  
denbrogins.

**LXXV I I.** *Regibus nouis in scutum leua-*  
*uatus hasta tradebatur.*

**P**aul. Diacon. lib. 6. cap. 55. Hildebrandú so-  
ras muros ciuitatis, ad sanctæ genitricis Ec-  
clesiam, quæ ad Perticas dicitur, in regem leua-  
uerunt. Cui dum cõtum, sicut moris est, trade-  
rent, in eius summitate cuculus auis volando  
ueniens insedit. Aimoinus lib. 3. cap. 68. Tunc  
demum Guntramnus rex hastam, quam manu  
gerebat nepoti tradidit, inquiring. Hoc, amantis-  
sime nepos, indicio noueris te mihi successurú  
in regno. Idcirco tradita à me tibi potestate cū-  
ctas regni mei ciuitates tanquam tuas dispone.  
Insistentem autem scuto nouiter electú regem  
ter circum exercitum ducebant. Aimoinus cap.  
60. Euocatum Gundoaldum more antiquorum  
Francorum regem proclamantes esse suum, ele-  
uauerunt cum clypeo. Cumque tertio totum  
cum eo circumissent exercitum, &c. Idem Li-  
denbrogins. Verum hastæ traditio genus quod-  
dam adoptionis erat.

**LXXV I I I.** *Christiani vocabantur.*  
*sancti.*



**A**Vtor primus appellationis huius est, opior, S. Petrus, qui in epistola gentem sanctam, regale sacerdotium vocauit. Quomodo porro Ecclesia sancta ab Apostolis dicta est, ipsum scilicet corpus, sic etiam sancta quaelibet eius membra. Ita fides sancta, religio sancta, sacramenta sancta, vasa sancta. Deo dicati & consecrati per baptismum sumus, dei sumus, quem colimus, adoramus, & profitemur, ipsum inquam, & quem misit filium IESUM Christum, a quo cognomentum accipimus. Ac Tertullianus quidem feminas Christianas vt benedictas, sic sanctas saepe nominat. Hinc & Episcopi dicti sanctissimi, qui titulus in Pontifice Romano duntaxat remansit.

**LXXIX.** *Adoptiones per arma, capillos, barbam, baptismum, qui Cypriano vnda genitalis.*

**B**ellicosa gentes per arma sibi filios asciscabant, armorum traditione videlicet. Formula extat apud Cassiod. lib. 4. Variar. vbi Theodericus rex Herulorum regem sibi filium procreat. Sic Iustinianus Athalarici patrem adoptauit, vt hic ipse apud eundem auctorem gloriatur lib. 8. Huius item tradenda successores designabantur, vt supra ostensum est.

Fiebat item adoptio per comam, siue per capillos, quos praecidebant adoptandis qui adoptabant. Paul. Diacon. lib. 6. cap. 53. Circa haec tempo-

tempora Carolus Francorum Princeps filium suum ad Luitprandum misit, vt eius iuxta morem capillum susciperet. Qui eius celsariem incidens, ei pater effectus est. Retulit & Orho Frisingensis lib. 1. cap. 16. Et in plerisque Caroli annalibus sic expressum legitur. Vt more fidelium Christianorū eius capillum primus attonderet, & pater illi spiritalis eriperet. Cuius moris hodieque umbra reliqua est ( in conferenda prima tonsura scilicet, vt initiati sacris nouerunt. )

Barbæ etiam tactu Alaricum Clodouæo regi filiū factū Aimoinus scribit lib. 1. cap. 20. Et lib. 4. cap. 57. Inquit. Romanorum patricius promissit Iasoni, quod barbam eius præcidens, iuxta morem antiquorum adoptaret in filium.

Meminit quoque Theodorum Balsamonem alicubi notare per sacras preces, siue per baptismum adoptionem fieri. Quod apud nos iam pridem in vsu est. Quare & susceptores patrini, à patre deducto nomine audiunt. Hæc carptim ex Pithæi Aduersarijs lib. 1. cap. 1.

### LXXX. *Messium, & vindemiarum feria, seu iustitium.*

**D**Vo ab antiquo ferijs destinata tempora; messium puta, & vindemiarum. De quibus lib. 2. C. Theodos. de Ferijs. Omnes dies iubemus esse iuridicos. Illos tantum manere feriarum dies fas erit, quos geminis mensibus ad  
I 5
requiem

requiem laboris indulgentior annus accepit, æstiuis feruoribus mitigandis, & autumnifitiis decerpendis. Neque tunc dicam alicui scribere, vel causas in foro agere licebat: quod Statius tangit Syluar. lib. 4.

*Certe non Latia non miscent iurgia leges,  
Et pacem piger annus habet, messesq; reuersæ  
Dimisere forum, nec iam tibi turba reorum  
Vestibulo, queruliq; rogant exire clientes.*

Minutius Fælix in O&auio. Ad vindemiam feriæ iudiciariam curam laxauerant. Erant porro utræq; vnus mensis, vtdictum est, nempe 30. dierum. Paul. Diacon. lib. 3. cap. 12. de Tiberio Imp. Procedente autem eo ad villam, vt iuxta ritum imperialem trigintadiebus ad vindemiam iocundaretur. Ad quem locum Obseruator hæc annotauit, quæ legisti.

**LXXXI. Reges Persici iidem Magi.  
Eorum ornatus.**

**P**ersarum Reges Magorum sacris initiari, cærimoniarumque principes esse constat: ideoque eos vti tiara excelsa, exornataque gemmis, & pluuiali chlamyde, cultu non absimili ab eo, quo Romani Pontifices in sacris sollemnibus exornantur. Iouius in Elogijs militarib. lib. 1.

**LXXXII. Turcarum Imp. templ. intranti edituus.**

**V**etus, atque perpetuum Turcarum institutum est, vt intranti templum supplicandi causa

caussa Imperatori Talifmanus ædituus occur-  
rat, claraque voce pronuntiet, vt meminisse ve-  
lit, imperium quod iustitia, & vltute bellica par-  
tum sit, non aliis quàm iisdem artibus conserua-  
ri, propagarique oportere. Idem lib. 2. in Baia-  
zete.

### LXXXIII. *Vestes sericeæ vulgatæ.*

**T**anta vis & copia serici est apud Sinas, vt non  
incolæ solùm vniuersi, tennes æque ac opu-  
lenti eo induantur, & in finitima omnia regna  
exportetur: reperiturque in eorum Annalibus,  
operis serici artificium ante Christum natum  
bis mille, sexcentis triginta sex annis in eo regno  
viguissse, ex quo apparet in reliquam Asiam, no-  
stramq; Europam, immo & in Africam id genus  
opificij transmigrasse. Nicol. Trigaut. in hist. Si-  
nensi lib. 1. cap. 2.

### LXXXIV. *Carnes ad esum apud Sinas.*

**S**villa vescuntur. Sed tamen alijs quoque car-  
nium generibus abundant: bubula, ouilla, ca-  
prina. Abundant item gallinis, anatibus, anseri-  
bus passim. Quin etiam equis, mulis, asellis, cani-  
bus æque fere, vt reliquis carnibus vesci solent,  
atque ita in macellis venales exponuntur. Idem  
ibid.

### LXXXV. *Ædificia eorundem.*

Sinæ

**S**inæ extruendas ædes humanæ vitæ breuitate metiuntur: sibi enim, non aliis ædificant: nostri æternitatem spectant. Quare cum audiunt moles nostras plura ferre sæpius sæcula, immò nonnullas annos mille, alias bis mille, mire obstupescunt. Causam rogati eam referimus in alta, & solida fundamenta, quorum profunditas superstructam molem sustinere diutissime possit. Sinæ contrà vel nulla fundamenta effodiunt: sed solùm solo inconcusso lapides prægrandes locant: vel si effodiunt, vix ad aliquot cubitos, quantumuis moles, turres uè futuræ sint excelsissimæ: atq; ita rarò vnus sæculi ætatem durant, etiam ipsa mœnia, quin crebrò opus sit instaurari. His accedit, quod magnam partem lignæ domus sunt, vel lignis columnis sustinentur. Qua in re commoditas est non exigua ex eo, quod ferè parietes intacto ædificio reliquo possunt innouari. Neque enim tecta parietibus, sed columnis innitantur. Idem cap. 4.

### LXXXVI. *Conuiuia eorundem.*

**I**N his non minus sunt officiosi quàm frequentes: non pauci etiam fere quotidiani. Omnia enim propemodum sua negotia, non illa solum quæ ad humanæ vitæ rationes, sed quæ ad Religionem quoque spectant epulantes tractant: & inter eximia beneuolentiæ argumenta ponunt conuiuia. Quæ ab ipsis non comestationes, sed Græcorum more computationes non immeri-

tò vocentur. Licet enim eorum scyphi, ac patera non plus vini, quàm nucis putamen capiant, frequentissimè tamen haustus iterant. Idem cap. 7.

*LXXXVII. Apparatus mensæ, edentium ciuilitas, potus, & alia.*

**O**Mnibus ijs vescuntur, quæ apud nostrates in fercula adhibentur: nec ea malè cõdiunt: sed de singulis ferculis parum infertur. In varietate statuunt conuiuii maiestatem: mensas enim opplent discis, seu patinis mediocribus, & aliis exiguis: nec pisces, vt nos, à carnibus separant: sed sine discrimine permiscent. Nullum porrò ferculum semel appositum toto conuiuio tollitur: itaque mensas non opplent modo, sed discos aliis alios ita superponunt, vt castellorum speciem referant. Panis nullus in conuiuales mensas infertur: sed neque oriza, quæ apud Sinas in panis nostri vicem succedit, nisi forte in quibusdam epulis minus sollemnibus, sub mensam extremã. Inter vescendum nec fuscinulas adhibent, nec cochlearia, nec cultros, sed bacillis vtuntur teretibus sesquipalmum longis, quibus mira dexteritate quodlibet edulij genus ori admouent, digitis nihil omnino contrectantes. Sciendum tamen omnia in mensas inferri frustatim discissa, nisi si quid fuerit natura mollius, vt oua, pisces, aliaque huiusmodi, hæc enim ipsis bacillis diuiduntur. Potu vtuntur feruenti, etiam in summo æstu. Et quoniam nihil edulij manu tãgant, ideo

nec

nec ante, nec post conuiuium manus lauant. Varios etiam in conuiuia ludos ingerunt, in quibus qui perdidit, potare compellitur, magno cæterorum applausu, festisq̃ clamoribus. In edendo sunt omnino moderatiores. Et sæpe accidit, vt quis ab vrbe discessurus vno die septem, vel octo conuiuiis intersit, vt amicis omnibus satisfaciat. Huiusmodi verò nō sunt è celebrioribus: hæc enim totam noctem absumunt, & in auro-ram insequentem protrahuntur. Ferculorum denique reliquæ inter hospitem famulos liberaliter diuiduntur. Ibid.

### LXXXVIII. *Ritus eorum funebres.*

EX multis quæ eodem lib. i. cap. 7. etiam de cærimoniis Sinensium funebribus differuntur, pauca huc adscribam. Eorum vestis lugubris non pulla, sed candida est. In luctu parentum filij cannabina veste asperrima induuntur, primis saltem mensibus: & ipsa forma talaris tunicæ, pilei, calceorum satis absona, primoq̃ue aspectu miserabilis. Fune quoque prope nautico renes cingunt, ad eum modum quo Patres è D. Francisci familia. Inuolabili consuetudine receptum est, vt luctus patris, aut matris in triennium extendatur. Cuius rei causam in suis libris reddunt hanc, vt suis parentibus, qui primo triennio eos vlnis gestauerunt, tantoque labore educant, vicem rependant. In cæterorum propinquorum luctu contractior est lugendi mora, prout



Prout quisque vicinior, aut remotior sanguine cuique fuerit: aliàs enim annuo spatio, aliàs trimestri terminatur. Funebres Sinarum ritus iusto volumine continentur. Atque ita cum aliquis è familia diem suum obit, superstites, ad quos funus spectat, eum librum consulunt, vt ad rituum præscriptum funebris pompa procuretur. Eo in volumine non solum præscribuntur, sed insuper spectandæ proponuntur vestes, pilei, calcei, Zonæ, cæteri que ritus vniuersi.

### LXXXIX. *Connubia.*

Sponsalia, & connubia in teneris annis peragunt, nec sponsum à sponsa volunt ætate admodum discrepare. Contractus hos parentes vtrunque componunt, nec ad eos filiorum consensum exigunt, quos tamen filii, aut filię nunquam non admittunt. Primates omnes cum primatibus connubia miscunt, & familiarum paritatem requirunt. Religiosissimè autem obseruatur, ne quis vxorem ducat sibi cognominem, tametsi nulla sanguinis inter vtrumque intercedat necessitudo. Sinarum porro cognomina haud paulo pauciora sunt, quàm apud nostrates: neque enim mille numerantur. Nemini verò licet nouum aliquod cognomen effingere, sed ex iis quæ antiquo vsu recepta sunt, vnum habeat oportet. Sponsa nullam secum dotem defert. Ac tametsi quo die in mariti domum pergat, multam supellectilem secum ferat, tanto apparatu, vt copio-

sore

fiores ea vicos oppleant, omnis tamen illa suppellex mariti sumptibus cōparatur, qui aliquot mensibus prius magnam pecuniæ summam dono submittit. Rex, regisq̃ue proles in connubiis posthabita sanguinis nobilitate solam corporis venustatem spectat. Vxor regis vna primaria est, quæ sola legitima dici potest. Præter hanc Rex, & regni hæres alias nouem paulo inferiores ducunt, ac deinde alias triginta sex, quæ omnes coniugali titulo gaudent. His accedunt aliæ numero maiore pellices, quæ nec reginæ, nec coniuges appellantur. Inter coniuges quæ filios pariunt, gratiosiores euadunt, maximeq̃ue parens primogeniti, qui regni successor nominatur. Primaria illa coniux sola mensē cum marito affidet, reliquæ omnes legitimæ coniugis velut ancillæ, & pedissequæ sunt, quibus in alterutrius præsentia sedere non permittitur. Earum filij non suam parentem, sed primariam vxorem matrem suam vocant, & eam solam cum extinguitur triennio lugent, eiusq̃ue funus, non propriæ genitricis curaturi, officijs sese abdicant. Ibid.

### XC. *Iuramentum puerorum per Herculem.*

**A** Pud priscos obtinebat olim religiosa consuetudo, vt pueri qui vellent iurare per Herculem, non sinerentur id facere sub tecto, sed iubebantur ire subdium: vt vel hac mora discerent iurare parcius, ac circumspectius. Sic enim publicum

blicum morem interpretati sunt viri sapientes. Quidam addunt, ipsum Herculem fuisse ad iusiurandū religiosissimum, & verecundissimum, adeo, vt per omnem vitam non nisi semel iurauerit, idque soli Phyleo Augeæ filio. Erat. in Lingua.

### XCI. *Flamen Dialis non iurabat.*

**A** Pud Romanos Flamini Diali nefas erat iurare. Variæ redduntur causæ. Vel quod oportereat Sacerdotis & corpus, & animum inuiolatum esse, quum iusiurandum tormenti genus sit. Vel quod absurdum sit ei non habere fidem in rebus humanis, cui credita sunt diuina. Vel quod solemnis iurisiurandi clausula sit execratio: deuoueò me, meamque familiam si quid sciens fefellerò. Cæterum omnem execrationem, quoniam tristis sit & abominanda, non conuenire Flamini Diali, qui nec aliis malum imprecari soleat. Vnde non iniuria laudata est illa sacerdos Athenis, à qua cum populus flagitaret vt Alcibiadem execraretur, respondit, sese in hoc sacerdotium suscepisse; vt omnibus precaretur bona, non vt cuiquā imprecaretur malum. Sunt qui hanc quoque cōsuetudinis causam afferant, quod cum periurus velut impius inuisus sit numini, & periculo periurij vicinus sit quisquis iurat, ne si homo impius, quique deos habet iratos pro ciuitate vota suscipiat, citius provocet iram numinum, quàm fauorem impetret. Idem *ibid.*

XCII. *Iusiurandum Scythicum.*

**P**ER Ventum, & Acinacem iurabant Scythæ.  
 Per illum quasi causam vitæ: per hunc quasi auctorem mortis: quibus duabus rebus mortalibus nihil maius sit. Lucian. in Toxaride.

XCIII. *Viros præclaros diuinis honoribus colebant Scythæ.*

**B**ONIS, & aliqua virtute illustribus viris, Scythæ post mortem templa condebant, sacra faciebant, festisque diebus, & celebribus conuentibus eos honorabant: tum vt eos propitios tanquam deos haberent, etsi eos pro diis non habebant: tum multo magis quod existimarent, se rem vehementer conducibilem his qui in vita essent facere, si præstantium virorum memoriâ celebrarent. Siquidem hac ratione futurum, vt multi eorum similes euadere cuperent. Lucian. in Toxaride, vbi à principio Orestis, & Pyladæ amicitia celebratur summis laudibus. Et est totus ille dialogus commendatio amicitie, qua nihil melius Scythæ arbitrabantur, neque vlla in re magis gloriabantur, quàm in adiutandis amicis, communicandisque rebus acerbis: quemadmodum neq; probrum aliquod apud illos maius, quàm amicitie desertorem videri.

XCIV. *Quomodo iidem amicitiam instituerent.*

**V**bi in amicitiam cæteris repulſis delectus eſt  
 quiſpiam, protinus fœdus æi iurandum  
 concipitur, quod ſit maximum: nimirum, & vi-  
 cturos eos pariter, & mortem opperiturum, ſi ſis  
 opus, alterum pro altero: ſimulque inciſis digi-  
 tis, ſanguinem in calicem deſtillantes, & gladio-  
 rum mucrones intingentes, ambo deinde bibe-  
 bant. Admittebantur autem ad huiusmodi fœ-  
 dera ſummum tres. Nam multis amicus, eodem  
 loco habebatur apud eos, quo communes iſtæ,  
 atque adulteræ vxores: putabantque non iam  
 perinde firmam illius amicitiam fore, poſteaquæ  
 eſſet in plures partes diſſecta. Lucian. ibid.

*XCV. Tributum in bobus, aut  
 equis.*

**F**Ranci deuictis ab ſe Saxonibus annuum tri-  
 butum cōſtituerunt quingentos boues. Hoc  
 autem genus tributi, aut ei non diſſimile in e-  
 quis quandoque Saxones perſoluerunt Daniæ,  
 quum eſſent ab illis quoque armis, & viribus ſu-  
 perati. Krantziius Saxoniz lib. 1. cap. 31. Et in ex-  
 tremo cap. libri de Carolo M. Cum igitur in Sa-  
 xoniam maiore apparatu ducere conſtituiſſet,  
 audit Saxones omnes aditus comuniſſe. Sed  
 ille vi perfregit, & in hoſtico ſolo pugnaturus  
 conſtitit: occurrentes, & iuſta acie decertantes  
 vicit, impoſito tributo trecentorum per ſingu-  
 los annos caballorum.

*XCVI. Saxonia per duodecim procures administrata.*

**A**Ntequam Carolus Imp. Saxonibus arma inferret, prouincia per XII. procures alternis vicibus regebatur. Quem vero grande bellum in rectione deprehenderat, eum vsque ad finem belli regem habebant. Finito autem bello redibat in ius pristinum, reddita administratione comparibus suis. Crantzius lib. 2. cap. 22.

*XCVII. Gladios distringebant, dum Euangel. in sacris legeretur.*

**S**vb Miecslao Principe mos pius inoleuit apud Polonos, vt homines equestris ordinis in templis, dum sacerdos apud altare pronunciat, vnde recitaturus sit Euangelium, gladios medio tenus stringerent, quasi proficentes Euangelij, & religionis defensionem. Choro autem respondente, Gloria tibi Domine, rursus reconderent: diuque hic mos mansit in Polonia. Cromerus de reb. Polon. lib. 3.

*XCVIII. Annuli gestandi honos.*

**A**Pud antiquos Romanos non modo libertato, sed ne ingenuo quidem vlli aureo annulo licebat vti, nisi senator esset, aut equestris ordinis. Proinde is, qui summæ rerum præerat, libertis, quibus volebat, etsi aurum alioqui gestarent ij, tamen honoris causa, vt libertis præstantio-

stantiores viderentur, & equestris dignitatis, annulorum vsum largiebatur. Dio, lib. 48.

*XCIX. Cantus in Ecclesia.*

**N**on solum in lege veteri, sed noua primitiua cantum in vfu fuisse, patet ex Apost. ad Ephes. 5. *Loquentes vobismet ipsis in psalmis, hymnis, & canticis spiritualibus, cantantes & psallentes in cordibus vestris domino:* tum ex Dionysio Areopag. Ecclesiast. hierarchiæ cap. 3. Demum, inquit, ad sanctum altare iterum rediens psalmodum incipit melos, concinentibus secum sacra carmina omnibus ecclesiastici ordinis gradibus, &c. D. etiam Ignatio tribuit Socrates lib. 6. cap. 8. institutionem antiphonarum, siue hymnorum, responsoriorum: & post eum Niceph. lib. 13. cap. 8. Harmonicæ modulationis inuentum attribuunt Ephrem Syro Theodoret. lib. 4. cap. 29. & Niceph. lib. 9. cap. 19. Si recentiora queras testimonia, psalmos alternis cantari sub Constantio Imp. constituerunt Antiochiæ D. D. Flavianus, & Diodorus. Sigeberto teste. Missarum, & aliarum horarum cantus officia tum ab Ambrosio Mediolani, tum à D. Gregorio Romæ instituta sunt, &c. Pamelius Annotat. in Cyprian. de Orat. Domin. num. 6.

*C. Eucharistiam fideles quotidie sumebant.*

**C**yprian. eodem libro. Eucharistiam quotidie ad cibum salutis accipimus. Quod iam



inde ab Apostolis vſitatum fuiſſe patet ex A&is  
 Apoſtol. non vno loco, Perdurauit ea conſue-  
 tudo vſque ad D. Hieronymi ætatem Romæ, &  
 In Hiſpanijs, vel ipſo teſte, epiſt. ad Lucam Bæ-  
 ricum, Apologet. ad Pamach. pro libris contra  
 Iouin. Mediolani ad D. Ambroſij vſque, quem-  
 admodum colligere eſt ex vltimo cap. lib. 4. & 5.  
 de Sacramentis, & in Africa vſque ad D. Augu-  
 ſtin. tum ex D. Chryſoſt. homil. 61. ad pop. An-  
 zioch. 3. in epiſt. ad Ephes. & 17. ad Hebræos,  
 vbi varias affert obſecrationes tum eorum qui in  
 ſollernitatibus communicabant, in Aduentu,  
 & Quadrageſima, tum eorum qui in Paſcha dū-  
 taxat, aut bis aut ter in anno, tum Eremitarum,  
 qui ex humilitate quadam ſemel quotannis, aut  
 ſingulis biennijs. Idem ibid. num. 48.

*CI. Perſæ, & Aegyptij cadauera non  
 concremabant.*

**P**erſæ ignem deum arbitrabantur, & ideo ne-  
 fas putabant deo obijci depaſcendum cada-  
 uer hominis. Aegyptij verò perſuaſum habe-  
 bant, ignem animatam eſſe belluam, & omnia  
 quæ naſcuntur deuorare: & poſtquam deuoran-  
 do fuerit expleta, vna cum ipſa re deuoratam e-  
 mori. Herodot. lib. 3.

*CII. Faba odium apud Aegyptios,  
 & Romanos.*

**F**abas Aegyptij in ſua terra nec admodum ſe-  
 runt: nec eas quæ protulerint aut crēdas,  
 aut

aut in aqua coctas edunt. Sacerdotes verò ne aspiciere quidem eas sustinent, arbitantes haud mundum illud legumen esse. Herodot. lib. 2. Quin & apud Romanos inter funesta habebantur fabæ; quippe quas nec tangere, nec nominare Diali Flamini liceret, quod ad mortuos pertinere putarentur. Nam & lemuribus faciebantur larvis; & parentalibus adhibebantur sacrificijs: & in flore earum litteræ luctus apparere videntur, ut testatur Festus. Cur autem Pythagoras à fabis abstinere iusserit, vide principium Chilliadum, ubi eius symbola explicantur.

### CIII. *À suis, & subulcis abhorrebant* *- Aegyptij.*

**S**vem olim Aegyptij bestiam adeo spurcam ducebant, ut si quis vel transiens contigisset, continuò properaret ad flumen, se pariter ac vestem abluturus. Subulcos etiam indigenas adeo inuisos haberi, ut nec in templa recipiantur, nec ad matrimonium, aut affinitates admittantur, auctor Herodot. lib. 2. Venerationis ergo huius animanti pepercisse Aegyptios, quod id symbolum tenebrarum ducerent, ex quorundam sententia tradit Pierius lib. 9. Habet hieroglyphi, cum indocilitatis, ut & maximè brutum, & nullam ad rem, nisi ad esum idoneum: tametia frequens suillæ esus obtundit ingenium.

### CIV. *Clopsydris aquam affundentes.*

**A** Delepsydratum mensuras in iudiciis olim dicebant. Eam aquā tenues quidam ac nullius frugis, infames, & contemptissimi homines subministrabant Athenis: quales ferme Romæ scenici, aliorumque publicorum certaminū ministri. Vnde in infimæ sortis homines, ac sordidissimis quæstibus addictos dici solitū ἐφ' ὕδωρ καὶ δὲ, id est, ad aquam malus. Chiliastr.

### CV. *Execrationes in fœderibus.*

**O** Lim in fœderibus, quod minus violarentur, adhibebant non solum promissa, dextras, & sacrificium, verum etiam execrationes in caput eius, quicumq; non staret pactis. Vide prouerb. Phocensium execratio.

### CVI. *Hirundinum inuitatio.*

**T** Heognis apud Athenæum lib. 8. declarat Rhodiis sollempne fuisse quotannis publicis votis inuitare hirundinem sub tempus vernum, quod illi χελιδονίζειν appellabant, acclamantes in hunc modum: ἐλθὲ ἐλθὲ καλὰς ὥρας ἄγνευα, καὶ καλὰ, ἐνιαυτὸς, veni veni hirundo, pulchra tempora adducens, & pulchros annos.

### CVII. *Tenedia securis.*

**S** Vidas ait, regem quempiam Tenedi fuisse, cui nomen Tenes, qui legem rulerit, atque morem induxerit, ut à tergo iudicis astaret quispiā securim tenens, videlicet in hoc paratus, ut qui perperam quid in iudicio dixisset (opinor mendacium

daclum, aut falsum testimonium ) eum protinus feriret. Tenedia bipennis in eos qui nimium seuerè iudicant, ac puniunt. Vide Chilliadas.

### CVIII. *In adulterio deprehensa.*

**A** Pud Cumanos mulier in adulterio deprehensa ducebatur in forum, ut illic lapidi insistens omnibus esset conspicua. Deinde impositam asino, atque ita per totam ciuitatem circumductam, reducebant ad lapidem, ut ibi rursus esset omnibus spectaculo. His actis habebatur infamis per omnem vitam, & ignominie gratia *obobatis* dicebatur quod asinum equitasset. Lapis autè nefastus, ac detestabilis habebatur, in quo steterat mulier, Chilia st. prouerb. Onobatis.

### CIX. *Thraces dies latos, & tristes numerabant.*

**V** Ana mortalitas, & ad circumscribendam se ipsam ingeniosa computat more Thracie gentis: quæ calculos colore distinctos pro experimento cuiusque diei in urnam condit, ac supremo die separatos dinumerat, atque ita de quoque pronunciat. Plin. lib. 7. cap. 40. Horat. Ode 36. lib. 1. *Cressa ne careat pulchra dies nota.* Illic lege interpretes Lambin. & Torrentium.

### CX. *Mercatura odiosa.*

**A** Pud Thebanos, & Aegyptios iuxta legem patriam nemo ad magistratum, & munera publica admittebatur, nisi prius à mercimoniis

exercendis destitisset annis decem. Tanto in odio illis fuit auaritia, nimiumque lucri faciendi studium. Alex. ab Alex. lib. 4. cap. 6. ex Plut.

### CXI. *Lunula in calceis.*

**P**atritij Romani lunulas in calceis gestabant, hoc est, fibulas eburneas, corniculantes instar lunæ, ex instituto Numæ. Quo admonebatur, ne fauore fortunæ, & secundis rebus spiritus tolletent: sed instabilitatem rerum humanarum cogitarent, exemplo lunæ, quæ modo claro lumine orbe pleno fulget: modo omni luce viduata ad nihilum redit. Idem lib. 5. cap. 18. Plutarchus & hanc causam, & alias insuper tres profert, Quæst. Rom. quæst. 76. Vide item Claudii Minoem in Emblema Alciati CXXXVI.

### CXII. *Quæ foribus ad ostentationem affigerentur.*

**V**erus canobiliū multis retro sæculis religiosè seruata consuetudo, vt qui venatione delectarentur, ferarum capita, exuuias, pelles, militaris virtutis in pace, & otio insignia foribus affigerent, glorioseque ostentarent. Quin etiam belli paræ spolia, quæ quod domus essent ornamenta, emptori refigere nefas erat. Hæc omnia idoneis testibus probat And. Schottus Obseruat. humanar. lib. 1. cap. 12. quem lege.

### CXIII. *Tres missiones militares.*

**T**res missiones in disciplina bellica Romanis vñtatē fuerunt, honesta, causaria, ignominio-

**miniosa.** Honeſta, quæ emeritis ſtipendiis dabatur. **Cauſſaria,** cum vel ob ſenectutem, vel ob valetudinem, vel alioqui legitimam ob cauſſam, bona cum Imperatoris venia exauſtorabantur. **Ignominioſa,** qua ob delictum, & crimen militiæ quiſ ſoluebatur ab ipſo Imp. aut eo cui ea de re ſtatuendi poteſtas eſſet. Sigon. de antiq. iure C. R. lib. 1. cap. 15. & lib. 3. cap. 23. Steuechius in Veget. lib. 1. cap. 3.

#### CXIV. *Genus ſupplicij horribile.*

**S**eneca cum ait in quadam epiſtola, Cõgita hoc loco carcerem, & cruceſ, & aculeoſ, illam tunicam alimentis ignium & illitam, & interxtam, horrendum relatu ſupplicij genus tangit; tunicam ſcilicet pice, refina, alijsque ignis alimentis delibutam, quam induebantur nudis corporibus cruciandi, ita vt vndique inhzreret tunicæ ſublecto igne viui, & tandem in morem ardentes in cinereſ redigebantur. Vide Schottum lib. 5, cap. 4. Obſeruat. humanar.

#### CXV. *Serui vapulanteſ pendebant nudi.*

**S**erui dum verberabantur nudi pendebant; manicis brachia ad trabem aſtrictis, & pedibus deorſum verſus terram miſſis, quibus pondus aliquod alligabatur, ne inter vapulandum calcitrarent, neue pedibus, aut calcibus eoſ, & quibus verberabantur, peterent. Hoc liquidum eſt maximè ex Aſinaria Plauti, ex conſultatione

nimirum, & primo congressu duorum seruorum Libani, & Leonidæ, quos versus libet adducere.

*L I. Iubeo te saluere voce summa, quoad vires valent.*

*L E. Gymnasium flagri salueto. L I. Quid agis custos carceris?*

*L E. O catenarum colone. L I. O virgarum lasciuia.*

*L E. Quot pondo te esse censes nudum? L I. non adepol scio.*

*L E. Scibam ego te nescire. At pol ego, qui te expendi scio.*

*Nudus vincetus centum pondo es, quando pendes per pedes.*

*L I. Quo argumento istuc? L E. Ego dicam quo argumento, & quo modo.*

*Ad pedes quando alligatum est centupondium, Vbi manus manica complexæ sunt, atque adductæ ad trabem,*

*Nec dependes, nec propendes, quin malus, nequamq; sis.*

*L I. Vati tibi. L E. hoc testamento seruitus legat tibi.*

*Nec dependes, nec propendes, &c.*

*Nec deorsum pendes, nec vllam partem versus pendes, quin improbus, & nihili sis. Plane improbus, & nequam es. Ita Lambin.*

**CXVI. Mores Tartarorum.**

Anto-



**A**ntonius Bonfinius Decadis 2. lib. 8. Historiæ Hungariæ plurima de Tartarorum ingenijs, ritibus, moribus narrat. Ex ea narratione iuvat nonnulla huic Syntagmati inferere. Tartaræ mulieres sunt quam turpissimæ. Coniugatæ in sesquipedalis altitudinis canistri speciem, rotunda quædam pilea, à superiore parte latiora gestant, hexamito, sericoue ornata, pavonum oculis, vnionibus, & lapillis exulta. Phaleratis equis insident, non solum auro, sed margaritis insignes. Quin etiam diuersa operantur, vtputa pelliceas vestes, calceos, ocreas, & huiusmodi. Virorum more sagittas emittunt, pharetræ equitant, ex equo pugnant, & virilia officia quæque præstant. Femoralibus veluti viri vtuntur. Si quis eminentioris vit fortunæ vita excesserit, cum pretiosissimo habitu humi reconditur: sed ab hominum frequentia longè remotius, in secessu, ne habitu suo reclusus spoliatur. Amici equum eius pelle exuant, quam stramine compleant, completamque palo præfigant, ac editissimo pro dignitate patibulo imponant: carnes pro inferiis comessantur. Principes antequam expirent seruum deligunt, delectumque cum domino vnà viuum sepeliunt. A viro nulla vxor reputatur, donec pepererit: & tunc dotem à parentibus accipit. Viæ vtuntur abominando. Pediculos ingenuæ gulæ reputant. Mulas, humanas carnes, inimicorum præsertim, canes, feles & lac præ cæteris equinum esitant, &c.

CXVII. *Serui seruorum.*

**L** Autiores serui alios quasi subseruos habebant, & qui vices eorum gererent. Inde vicarij dicti. Glossar. Vicarius δὲ αὐτοῦ δούλος. Martial. *Esse sat est seruum, iane nolo vicarius esse.* A Iustiniano describitur seruus inferioris notæ, & ipsius ordinarij serui seruus. Lipsius Notis in Senecam de Tranquillit.

CXVIII. *Vagina, & capuli gladiorum.*

**A** Ntriqui lautiores conditoria gladiorum habebant eburnea: item capulum gladij, & in eo insignia sui generis cælata. Eundem pretiosis clauis argenteis, aureis, gemmatisq; delictis configebant. Sed tenuiores, aut etiam qui fortioribus, quam speciosis armis pugnare malebant, corneum, aut ferreum capulum aptabant, &c. Ian. Gebhard. Crepud. lib. 3. cap. 10.

CXIX. *Lampades ante sponsam, & lectus nuptialis.*

**M** Oris fuit apud Græcos, vt mater accēderet lampadas, siue tædas, & filia nubenti in sponsi domum præluceret. Item vt eadem, & proxima quæquæ sanguine, & affinitate lectum sterneret, atque componeret. Eadem illæ nuptam in exornatum lectum collocantes, præcepta dabant loco, & tempori congruentia. Idem cap. 12.

CXX. *Cibi tempus quadripartitum.*

**D**luturna edendi opera in 4. partes diuidebatur, in silarum (sic enim ientaculum vocabant) prandium, cœnam, & vespernam, quod postremum Germani haustum dormitorium, seu potum soporiferum nominant. Ein Schlafftrunckh. Mutet. 4. Variar. cap. 12.

CXXI. *Ominosa.*

**A**pad veteres multa ominosa fuerunt, tum alia quædam animantia, tum hominis Mauri occurfus, vel alterius distorto ore, vel alia deformitate insignis. Hadrian. Imp. maximam sibi calamitatem imminere præfaguit ex Mauri occurfu. Et Romanus exercitus, cum è castris exeunti occurrit Æthiops, cum tanquam *διώνισμος φαῦλον* statim occidit. Appian, lib. 5. bell. ciuil.

CXXII. *Stips. collaticia in pauperes amicos.*

**P**ulcherriimus, & verè plus Græcorum mos pauperes amicos subleuandi. Cum aduersam fortunam passus esset aliquis, amicorum atque sodalium facultatibus subleuabatur: accipiebat enim ab illis aliquam pecuniæ summam, ea lege, vt si deus aliquando meliora daret, quantum ipsi erogatum esset, tantumdem restitueret. Hanc illi stipem collaticiam vocabant *ἐπαρον*, factumque ipsum *ἐπαρξιν*, respectu vt plurimum accipientis.

tis, vel ἔρανον συμμέζην: dantis vero ἔρανον διαφέζεν.  
 Cas. in Charact. Theophrast.

**CXXIII.** *Servi relegabantur in agrum,  
 seu villam.*

**S**Veron. Aug. cap. 24. Equitem Romanum, quoddam duobus filijs adolescentibus causa detrectandi sacramenti pollices amputasset, ipsum bonaque subiecit hastæ. Quem tamen, quod imminere emptioni publicanos videbat, liberto suo addixit, ut relegatum in agros, pro libero esse sineret. Ibid Casaub. in Animaduers. More servorum, inquit, qui dominum offenderant. Ulp. l. XXV. Dig. de hæred. instituend. Si servus fuerit missus in villam, interim illic futurius, quia dominum offenderat, quasi ad tempus relegatur. Livia quoque cata illa fæmina apud Dionem inter leuiiores pœnas, quibus ciuium delicta castigari vult ab Octauio, κατάρκησιν ἢ ἄγρῳ non prætermittit.

**CXXIV.** *Ara, Misericordiæ, Pudori,  
 Famæ, Alacritati.*

**I**N foro & alia sunt opera, quæ præcipuam quandam Atheniensium in Dijs colendis diligentiam declarant: & Misericordiæ ara: cuius numini, quoddam magna habeat in tota hominum vita, & casuum varietate momenta, soli ex omnibus Græcis singularem quandam honorem habent Athenienses. Neque verò illi maiorem quam

quam ceteri in homines humanitatem, ac non in deos etiam reliquos præferant. Est enim sua apud illos Pudori, Famæ, Alacritati ara. Quantis vero deorum, & quæ sequuntur. Pausan. lib. 1.

### CXXV. Oculos sibi depingebant.

**H**oc Astyagem Regem Medorū fecisse scribit in Cyropædia Xenophon lib. 1. Et lib. 8. Cyrus ipse iam senex præcipuis amicorum, quos assiduo circum se habebat idem permisisse dicitur. In sacris litteris de Iezabele, *depinxit oculos suos sibi*. Apud Ezechielem, *Circumlinisti sibi oculos tuos*. Cyprian. de bono pudicitæ. Quid capillorum mutatur color? Quid oculorum extremitates suffuscantur? Iuvenal. *Pingitq; trementes Attollens oculos*. Plin. Tanta est decoris affectatio, ut pingantur oculi. Muret. Not. in Xenophont.

### CXXVI. Icuncula funiculis tractæ.

**E**Rant in usu antiquitus ad puerulorum oblectamentum icunculæ quædam eo artificio confectæ, ut cum quis vnum funiculum attraheret, earum aut manus, aut collum, aut pes, aut alia aliqua pars corporis moueretur. Ea vocabant *δαύματα*, quod pueris, & multitudini admirationem commouerent, & qui tales icunculas lucelli, atque quæsticuli causa circumferebant, *ρυσσοστράοι* dicebantur. Lege cætera apud Muret. in 1. de Repub. Plat.

## CXXVII. *Genus rogandi efficacissimam.*

**E** Nixissimum, & sanctissimum genus orandi erat per salutem, & aternitatem Imp. Quo precum genere alicui admoto, nefas habebatur quidquam negare se petenti. Rittershus. in epist. Plin.

## CXXVIII. *Qui ossa crematorum legerent.*

**V** Triusque parentis, praesertim matris officium fuit cremata ossa, & reliquias legere, collectasq; asportare. Tibull. *Non hic mihi mater Quae legat in maestos ossa perusta sinus.* Seneca 2. de ira cap. 33. Dignus fuit cui permitteret ad ossa filij legenda a conuiuio discedere. Parentum ossa, si deerant parentes, filij legebant, vel eorum penuria alij haeredes, vel alij propinquiore, amicioresq; , vt Patrocli Achilles Iliad. Ψ. Hectoris fratres, & socij Iliad. Ω. Principum & Imp. reliquias legebant Coss. vel maiores Ordines, vt ex Herodiano constat, & Sueton. & Lazio lib. 3. comment. Reip. Rom. cap. vlt. Delirius in Hercul. Oer.

## CXXIX. *Ante pubertatem opificij delectus.*

**P** Vlchre se habuit olim Atheniensium lex, qua iuuenes, priusquam pubertatis annos attingerent,

tingerent, ad opificij delectum adducebantur, propositis publicè omnium artium instrumentis. In eam namque artem erudiendi tradebantur, ad quam naturæ impulsu ferebantur propensius. Laudat & Fabius certum studiorum delectum facere, quòd eò, quò natura vocat, duci ingenia consultum sit. Neque enim feliciter succedit, quidquid extortum, & inuita Minerva tentatur. Iun. Cent. 2. prouerb. 97. ex Nazianzeni epist. 63.

**CXXX.** *Sacerdotibus carniū, & piscium esus interdictus.*

**A**Egyptij in expiatorijs sacris non indulgebant sacerdotibus suis carniū esum, aut piscium: sed exiles quasdam volucres. Quo symbolo innuere voluerunt, parco, & leui victu contentos esse debere, qui res diuinas attrahant, aut ad deum animum erigunt: abhorrentes à grassa, & opima sagina, quæ & corpus vliginosum reddat, & mentem obnubilet, nec in altum tendi patiatur. Idem Cent. 3. prouerb. 1.

**CXXXI.** *Servos quando torquere liceret.*

**N**on licebat iure civili torquere liberos homines, neque servos in caput dominorum. Sed seruum alicuius corporis, vel vniuersitatis torquere fas erat, in eorum etiam caput, qui eius corporis erant, vt Vlpian. lib. 8. de Off. Procos.



scripsit, cap. 1. de quaest. Sed & veteri S. C. de seruis in caput dominorum non torquendis paulo post tempora Traiani exceptæ fuerunt tres causæ, nempe adulterij, fraudati census, & maiestatis, siue perduellionis. Fr. Balduin. in epist. Plin. ad Traian.

### CXXXII. *Fabius, Manius.*

**N**omen Fabius in exemplis hominum liberorum *θετικῶς* usurpare veteres solebant. Cic. 2. de Diuinat. Q. Fabi, te mihi in auspicio esse volo. In Top. Si Fabiæ pecunia legata est in viro. In seruis Manium dicere solebant. Cato de re rust. Cum diuis volentibus, quodque bene eueniat, mando tibi, Mani. Turneb. in 1. Acad. Cic. Sic apud Persium sat. 1. Pedio pro mali oratoris exemplo. Sic Meuius, & Titius apud Iureconsultos, Dio & Plato apud Græcos, Zeidon. & Amron. apud Arabes.

### CXXXIII. *Poëtarum corona triplex.*

**H**edera, lauro, myrto coronabantur, vt Bacco, Apollini, Veneri sacri: quia Poëtæ potæ, & *συμπότικοι*; quia vates; quia amoribus canendis, & exercendis dediti. Ouid. 3. Artis. *Nam chorus ante alios aptus amare sumus.* Marcilius in Prolog. Persij.

### CXXXIV. *Certamina poëtica.*

**D**e certaminibus Poëtarum Sueton. Aug. c. 89. Caligula 53. Domitiano 4. Veniebant autem

autem ad commissiones coronati. Qui vincere-  
tur, is detractam sibi coronam dabat vincenti.  
Quò Flaccus alludens dixit sat. ult. lib. i. de se, &  
Lucillio, quem carpserat. *neque ego illi detrahere  
ausim Harentem capiti multa cum laude coronam.*  
Hæc pœna ignaui poëtæ, &c. Idem ibid.

CXXXV. *Integra, & perfectæ sacri-  
ficabantur.*

QVod offerebatur deo, nefas erat esse man-  
cum, & imperfectū, cuiusmodi esset mor-  
bosa victima, spurcum vinum, defrutum, igne  
tactum, mustumue antequam deferuescat. Ne  
ebur quidem, inquit Plato XII. de leg. b. est ca-  
stum deo donum; quia est ex mortuo corpore,  
& corrumpi potest. Qui claudam & mutilam, &  
qualibet sorte maculatam obtulerit hostiam, le-  
ge dei sacrilegij reus est. Leuit. 21. Ea re prisca,  
antequam victimam coronarent, explorabant  
ei ἐντελὲς siue παντελὲς εἶη, si legitima, aut perfe-  
cta esset, ne quid forte mactarent eorum, quæ  
mactari nefas. Estque adnotatum, Indos non iu-  
gulare victimas, sed præcluso spiritu necare, ut  
refert Strabon l. 15. ἵνα μὴ λελωβημένον, ἀλλ' ὁλόκληρον  
δίδωται τῷ θεῷ, ne quid mancum, sed integrum  
offeratur Deo, &c. Paschalius de Coronis lib. i.  
cap. 7.

CXXXVI. *In expositione infantum  
quid seruarent matres.*

**G**Ræcæ mulieres cum rem suam facerent, atque ex se natos infantes exponerent, aliquam tamen pietatis speciem retinebant, nec patiebantur filios nudos prorsus, expertesque suorum bonorum ad mortem tradi, nec obliuiscerentur penitus se matres esse; sed aliquid sui ornatus sibi detrahebant, corporique ipsorum imponebant. Inde autem postea (vt poëtæ commici, tragicique fingunt) aliquando illi agnoscebantur, mutatisque temporibus, ac fortunis parentum, libenter in familiam suam asciscerentur. Hoc diligenter exposuit Terentius in Hæc autonim. &c. Victor, lib. 2. cap. 3.

### CXXXVII. *Reges Persarum.*

**V**T venerabiliore essent, raro sui copiam populo faciebant, ne assiduo, seu frequenti conspectu persona regis vilesceret. Sine eius facultate nemo audebat regiam intrare. Erant soluti legibus, & omnes subditos habebant pro mancipijs. Flagellati gratias agebant, quod rex eorum fuisset memor. Ex Brissonio de regno Persar.

### CXXXVIII. *Vir in veste muliebri.*

**R**omæ prodire virum in veste muliebri, manicata, ac talari videlicet, velo, non toga amictum, pro delicato, impuro, impudico habebatur. Faber Semest. lib. 1. pag. 43.

### CXXXIX. *Pœna falsi.*

Falsum

**F**alsum admissum siue in moneta & nummis, siue in scripturis, iudicialibus gestis, & instrumentis, siue in ponderibus, & mensuris, & alijs cuiusque generis, præcisione vtriusque manus Aegyptij vindicabant. Idem Semest. lib. 3. pag. 286.

**CXL.** *Christiani veteres orabant conuersi ad Orientem.*

**P**risca Ecclesia hoc ab Apostolis acceptum religiosissime obseruauit. Clemens in Constitut. Apostol. lib. 2. cap. 61. Orig. in Num. Hom. 5. Tertullian. in Apologet. cap. 16. (vbi etiam Christianos falsò hoc nomine insimulatos ab Ethnicis ait, quasi Solem pro Deo haberent.) Augustin. de serm. dom. in monte. Athanas, quæst. 37. Vixque antiquus auctor ullus reperitur, qui non huius ritus mentionem faciat. Rationem Iustinus exponit quæst. 118. Quia quæ apud nos meliora, & præstantiora sunt, ad dei honorem sectamur: hominum autem opinione pars ea in qua sol oritur ceteris creaturæ naturæ partibus præstantior est: hinc Orientem, cum precamur, omnes intuemur. Sed magis placet Basilj ratio, qui lib. de Spirit. sancto id idcirco fieri ait, quia vetus patria requiratur; nimirum paradysus ille, quem plantauit deus in Eden ad Orientem. Hac de re Damascenus lib. 4. de fide orthodoxa ca. 13. Ex Scholiaste in epist. Nazianzeni 66.

CXLI. *Χρῆσα, & χρῆσιμα.*

**E**Rant in scriptoribus loca non oscitanter legenda, quod vtilia essent: quæ & χ figura decussatim scripta notabantur. Latini laudabilia vocabant, & his signis LL. hoc est, locus laudabilis, vt Valer. Probus ait, designabant. Contra quæ culpanda, damnanda uē videbantur, Græci fere littera θ, & vtrique obelo fodiebant, quod & ὀβελίζω erat. Pitñzus Aduersar. 1. cap. 3. Victorius in Varron. de re rust. se L. litteram, vel τὸ Laudabile in vet. libris persæpe reperisse. Ioseph. Scalig. argutè explanauit. Casaubon. ad Laert. Wouerius in Polymathia.

CXLI. *Vsurarij.*

**V**Surarij funeri aliquando intercedebant, ne sepelirentur mortui, nisi prius credito persoluto, & depensis vsuris, aut datis vadibus. Ibid. locus S. Ambrosij. Gretserus de fun. Christiano lib. 2. cap. 1.

CXLI. *Castitas veterum Christianorum.*

**A**T nos pudorem non facie, sed mente præstamus; vnius matrimonij vinculo libenter inhaeremus: cupiditate procreandi aut vnam scimus, aut nullam. Conuiuia non tantum pudica colimus, sed & sobria. Nec enim indulgemus epulis, aut conuiuium mero ducimus; sed  
gravi-

grauitate hilaritatem temperamus, casto sermone, corpore castiore. Plerique inuiolati corporis virginitate perfruuntur potius, quam gloriatur. Tantum deniq; abest incesti cupido, vt nonnullis rubori sit etiam pudica coniunctio. Minutius in Octauio.

*CXLIV. Signum pugnae vexillum purp.  
seu tunica ruffata.*

Signum futuræ pugnae vexillum purpureum fuit, quod adseruabatur meritò in tabernaculo ducis; quia illi soli ius, & arbitrium proponendi. Hoc insigne, & κατ' ἐξοχὴν vexillum dictum. At de more Cæsar belli Gallici lib. 2. Cæsari omnia vno tempore erant agenda. Vexillum proponendum, quod erat insigne cum ad arma conuerti oporteret. De bello Ciuili. Sequenti die cum iter facere Cæsar vellet, renuntiatum est à speculatoribus, Pompeium de tertia vigilia in acie stetisse. Hoc nuntio allatò vexillum proposuit. Plutarch. in Fabio ait fuisse tunicam coccineam super prætorium extensam. Nò ergo simpliciter velum fuit, sed tunicae forma. Mansit is mos ad tempora imperij labentis. Lipsius ad Annal. 1. Taciti.

*CXLV. Cadauer ostendebatur.*

Si cadauer adhuc vegetum & coloratum esset, si ipsum in thoro, siue lecto ostendebatur. Sin autem (vt in peregre functis, aut diu functis) aut

non esset cadauer, aut decore proponi non posset, effigies ceres eius loco in lecto ostendebant. Idem ad Annal. 3.

### CXLVI. *Signa ornabantur rebus latis.*

**R**ebus latis, & militia prospera ornari signa mos fuit lauro, floribus, vnguentis. Claudian.

*Lataturq; tamen: Mauortia signa rubescunt  
Floribus, & subitis animantur frondibus haste.*

Contra in tristitia, & rebus attris signa erant incompta, & horrida, &c. Lipsius ad Annal. 1. in Excursu.

### CXLVII. *Gladij gladiatorum.*

**M**Os fuit, priusquam paria gladiatorum committerentur, vt sicæ, siue glad j quibus pugnandum esset, Editori publicè exhiberentur, titine essent acuti, &c. Idem in Excursu ad Annal. 3.

### CXLVIII. *Damnati grauioris criminis.*

**O**lim qui essent damnati grauioris criminis, puta Majestatis perduellionis, tyrannidis non ipsi solum afflicti sunt, & perdit, sed nomen quoque & memoria eorum. Multa ibidem preclara de pœnis tyrannorum in imaginibus, & statuis eorum, Excursu ad Annal. 6.



# CXLIX. *Aduocatio amicorum in iudicijs.*

**M**Oris erat in iudicijs tum priuatis, tum publicis, amicos omnes aduocare, quorum auctoritate iudices moueri posse putabantur, sique, vt scribit Asconius, Aduocati dicebantur, qui scilicet presentiam suam amico commodebant. Hotoman. in Quintianam.

## CL. *Præcones.*

**I**N comitijs legum, subijciente scriba, leges pronuntiabant: in comitijs magistratuum tribus citabant: qui designati essent renuntiabant: in iudicijs iudices, reos, & testes citabant: audientiam faciebant: Oratores dixisse pronuntiabant: in auctionibus rei pretium indicabant: addictam à magistratu rem venditam pollicebatur. Cum iudices de consilio dimittebantur, pronuntiabant, Adum est, licet, id est, licet licet. Idem ibid.

## CLI. *Disceptatio intra parietes.*

**P**riusquam iudicio contenderent, honoraria amici opera plurimum utebantur, qui intra domesticos parietes de illorum controuersia disceptaret. Cic. pro Quintio. Si quid in controuersiam veniret, aut intra parietes, aut summo iure experiretur. Lilius lib. 4. quo loco de Ardeæ ciuitatis Legatis commemorat. Quum res peragi intra priuatos parietes nequisset, ventum in

ius est. Hoc est quod Cic. pro Cæcina dicit, ea iudicia, quæ distrahendarum controuersiarum causa reperta sunt, per sæpe disceptatore domestico disceptari. Ibid.

SYNTAGMA TERTIVM.  
MIRA MIRORVM.  
In hominibus.

I. *Villatica pastio. Valer. Imp.*



Alerianus Imp. teste Vopisco aluit in villa sua priuata vaccarum duo millia, ouium decem millia, caprarum quindecim, equas mille.

II. *Incrementum corporis prope-  
ratum.*

**A**Nno 1549. in agro Tigurino natus est puer, cui nomen inditum Henricus, qui sexto ætatis anno adolescentem quatuordecim annorum proceritate, & crassitudine corporis superauit.

III. *Nati, & mortui vno anno  
Augustæ.*

**A**Nno 1441. nati sunt Augustæ Vindel. mille quadringenti septuaginta quatuor: mortui mille centum septuaginta tres; matrimonio iun-

Et octingenti octoginta octo. Rursum anno 1549. baptismo lustrati infantes mille septingenti quinque: sepulti mille ducenti viginti septem, peste non grassante. Annales Sueuici.

IV. Πολυτοκία, seu partus frequens,  
nec simplex.

IN oppido BinniKensi (est in palatu superiore) vixerunt duo honesti coniuges, & ciues, Adamus Stratzmanuus, & Barbara Smatzerina, qui vna fuerunt in coniugio ad annos quinquaginta, & per id tempus procrearunt liberos tres supra quinquaginta: omnes membris humanis distinctè præditos, sexu etiam manifesto, & diuerso. Abluti sacro fonte omnes præter tredecim. Mater peperit interdum vnos, interdum binos, aliquando ternos, ad summum quater-nos. Cum forte quatuor edidisset, & è puerperio post sex hebdomadas, vt solet, exiisset, totidè hebdomadibus post iterum tres enixa est: nempe xii. hebdomadibus septem liberos. Vltimo anno vnicam duntaxat prolem fudit. Nulli porro ultra nouennium vitam produxere. Hæc mira litteris Præfecti vrbis, Consulis, & Senatus confirmata sunt anno Domini 1549. cum parentes illi annis ante XLVI. decessissent. Annales ijdem

V. Hospitalitas.

CAROLUS Gothorum Rex in patria XXXI. inter maximas leges, & mandata instituit, vt  
Gothi

Gothi, ac Sueclinter se, & maximè in omnes alienos ac peregrinos hospitalitatem obseruarent, summumque nefas ducerent, quicunque viatorem te-cto excluderet. Quod si quis facere tentasset, & idoneis testibus ter negasse hospitium conuictus fuisset, immisso igne ædes eius comburi iussit: vt domo propria iustè priuaretur, qui eius vsum inhumaniter denegasset. Ioan. Mag. histor. Gothicæ lib. 4. cap. 1. Idem scriptor cap. sequenti de Suecorum, Gothorumq; humanitate, & liberalitate in hospites, & aduenas multa prædicat, quorum causa & origo lex Carolina fuerit.

**VI. Gratiani, & Domitiani Augg.**  
*item Hormisdæ Persarum Regis*

*ευσοχία.*

**G**Ratianus Imp. occidentis, Valentiniani senioris F. Aufonij poetæ discipulus tam *ευσοχ* & hoc est, in eo quod iaculo petebat tangendo tam fælix fuit, adeo bene & peritè collimabat, seu collineabat (quomodo hodie quidam scribunt) vt aliqui dixerint, eius tela esse mente prædita. Cedrenus. De Domitiano Sueton. cap. 19. Sagittarum vel præcipuo studio tenebatur. Centenas varij generis feras sæpe in Albano secessu conficientem spectauere plerique: arque etiam ex industria ita quarundam capita figentem, vt duobus ictibus quasi cornua effingeret. Nonnunquam in pueri procul stantis, præben-  
isque

etque pro scopo dispanfam dexteræ manus pal-  
mam, sagittas tanta arte direxit, vt omnes per  
interualla digitorum innocuè euaderent. De  
Hormilda Persarum Regis filio Zonaras Tom.  
III. iaculator erat adeo peritus, vt prædiceret  
qua parte hostem percussurus esset. Adde his  
Cambylen ex Herodot. lib. 3.

## VII. *Prælium nauale ad Echinadas.*

**T**URCAE ad Echinadas habuit naues CCLXX.  
nostri CCIII. Ceperunt autem Turci iacas  
CLXXX. summerferunt LXXX. occiderunt  
hostium milia triginta. Perierunt de nostris mi-  
lia septem sexcenti quinquaginta sex. Vires con-  
iunxerunt ad id bellum Pius V. Pont. max. Phi-  
lippus II. rex Hispaniæ, & Respub. Veneta. Du-  
cem misit pro suis Pont. M. Anton. Columnam  
Romanorum nobilissimum: Veneti Sebastianū  
Venerium Patriciæ gentis: Philippus Ioannem  
Austrium, penes quem in congressu summa im-  
perij fuit. Recreauit totum orbem Christianum  
ea victoria, & omnium mentes ad spem rerum  
meliorum erexit. Obtena est Non. Nouemb.  
anno post Christum natum M. D. LXXI. Atte-  
xamus scripturam, quæ Romæ in sacello Pij V.  
magnificentissimè ornato legitur.

Solum Turcarum Tyrannum, multis in-  
solentem victorijs, ingenti parata classe, Cypro-  
que expugnata Christianis extrema minitantem,  
Pius V. fœdere cum Philippo II. Hispan. Rege,

ac Repub. Veneta inito, M. Anton. Columnam Pontificiæ classi præficiens, ad Echinadas hostibus XXX. millib. cæsis, X. mill. in potestatem redactis, triremibus CLXXX. captis, XI. (forte LXXX. vt supra) demersis, XV. millib. Christianis à seruitute liberatis, precibus & armis devicit.

### VIII. *Iulius Cæsar, Cn. Pompeius.*

**I**ulius Cæsar in bellis suis occidit hominum vnde decies centena nonaginta duo millia. Pompeius in delubro Mineræ inscripsit, fusa à se, fugata, occisa, in deditiōem accepta vices semel centena octoginta tria millia. Adi Plin. lib. 7. c. 25. & 26. De Iulio, Seneca de Benef. lib. 4. cap. 30. C. Cæsar, humani sanguinis avidissimus, quem non aliter fluere in conspectu suo iubebat, quàm si ore excepturus esset. Si vera loquitur Seneca, speciosius quàm verius, non sine assentatiuncula à M. Tullio in Marcelliana dicta sunt illa tam multa de eius tanta mansuetudine, de tam inusitata inauditaque clementia, de cohibita iracundia, temperata victoria, de bellicis eius laudibus omnium gentium litteris atq; linguis celebrandis. Sed respondebit, sapientis esse tempori servite; & quod scripsit Lentulo, Non idem semper dicere, sed idem semper spectare debemus. Itaque in Off. sceleratissimum tyrannum appellavit, sed iam mortuum.

IX. *Mulier procerissima, & crassissima.*

**S**ub Iustino seniore venit mulier Constanti-  
nopolim ex Cilicia, genere gigantum orta, quæ  
virum quemvis, etiam maxime procerum vno  
cubito superabat; cui longitudini crassities quo-  
que respondebat. Glycas Annal. parte IV. De-  
scribit eam pluribus Zonaras in Iustino Thrace  
Tom. III. De femina quadam Romana gigante  
corporis Augustin. Ciuitat. lib. 15. cap. 23.

X. *Dissensio multiplex inter philosopho-  
rum de summo bono.*

**S**ententias philosophorum de beatitudine, siue  
summo bono, Varro diligenter & subtiliter  
scrutatus, ad CCLXXXIII. peruenit, non qua-  
iam essent; sed quæ esse possent. Vide etiam La-  
ctantium lib. 3. cap. 8. Clement. Alex. Stromat.  
lib. 2. cap. 11. Augustin. potissimum de Ciuit. dei  
lib. 18. & 19. Idem lib. 13. de Trinit. cap. 4. huius-  
modi opinionum diuersitates de felicitate ho-  
minis ab ignorantia vult profectas. Si omnes e-  
nim eam nossent, inquit, alijs non putaretur es-  
se in virtute animi, alijs in corporis voluptate,  
alijs in vtraque. Vt enim eos quæque res maxi-  
mè delectauit, ita in ea vitam beatam constitue-  
runt. De nostro porro, id est, Christianorum bo-  
no vltimo sic scribit Ciuitatis lib. 10. cap. 4. Bo-  
num nostrum, de cuius fine inter philosophos  
magna contentio est, nullum est aliud, quam illi



coherere; eulus anima intellectualis incorpo-  
reo, si dici potest, amplexu veris impletur, fo-  
cundaturque virtutibus. Lib. autem 8. sic definit.  
Summum bonum est, quo referuntur omnia  
quæ agimus: & quod non propter aliud, sed pro-  
pter seipsum appetentes, idque adipiscentes, ni-  
hil quo beati simus, ultra requirimus. Ideo quip-  
pe & finis est dictus, quia propter hunc cætera  
volumus: ipsum autem non nisi propter ipsum.

## XI. *Energumen*

**E**ustachia virgo Patavina. Eam deus maioris  
gratiæ, & gloriæ causa toto vitæ tempore,  
quod illa patientissimè, & sanctissimè transegit,  
energumenam, id est, à cacodæmone obsessam  
esse permisit: cuius defunctæ corpusculo inscri-  
ptum indelebili caractere inuentum est nomē  
Iesu. Bernardin. Scardeon. lib. 2. antiquit. Pata-  
vin. classe 6. Stelechū monachū, virū probissimū  
tamen deo vel permittente, vel iubente à caco-  
dæmone obsessū piè, & eruditè consolatur aureū  
orationis flumen fundēs Chrysostomus. Liber, si  
quæris, de Cōpunctione cordis inscribitur. Quid  
sit *ερεπνύμενος* ex Patribus Græcis docet Hæscheli.  
Notis ad vita S. Antonij, à se cōuersam, pag. 140.

## XII. *Clemens VII. sinapi delecta-* *batur.*

**N**ullam vnquam vel publicam, vel priua-  
tam cenam instituit, quin adhiberet sina-  
pi. Et astabant agricolæ, olitoresque plenis cala-  
thiis

thificis iucundè inter se certantes, quis eorum  
 melius vel serere, vel condire didicisset. In vita.

### XIII. *Regina Saba donauit Salomoni pane sesquimillionem.*

**C**entum viginti talenta auri, & aromata multa nimis, & gemmas pretiosas donasse Regi sapientissimo Regina prudentissima, & discendi cupidissima scribitur. Porro tot talenta quot diximus, si singula duodecim mille drachmis constent, efficiunt summam vnus millionis & quadringentorum quadraginta millium ex nostris coronatis, aut scutis aureis. Adde aromatum, & gemmarum ingens pretium. Ex Pineda de rebus Salomonis lib. 5.

### XIV. *Salomon, & Achaz Reges,*

**S**alomon 11. ætatis anno genuit Roboam, quod Hieronymus ad Vitalem epist. 132. non tam naturæ, quam miraculo tribuit: & duodenis occæpit regnum, quo anno inter meretrices duas iudicauit, vt refert epist. ad Magnesianos S. Ignatius. Achaz quoque rex Iuda 11. aut 12. anno filium Ezechiam procreauit, quo exemplo superius Hieronymus confirmat. Ex eodem Pineda lib. 3.

### XV. *Edacitas, & bibacitas.*

**M**ilo Crotoniata xx. carnis libras, & totidem panes edebat: congios vini tres bibebat. Athenæus lib. 10. Eodem libro quàm vinosi fue-

rint Philippus & Alexander: & hic quidē adē,  
 ut ſæpius duos totos dies noctesque cubans  
 crapulam edormiret. Apud Perſas autem vno  
 tantum die feſto, quo Mithræ ſacra fiebant, regi  
 licebat ad ebrietatē uſque vino indulgere: &  
 eo ſolo die Perſico more ſaltare: quo die vniuerſi  
 qui habitabant in Aſia, ſaltationibus abſtine-  
 bant. Legi de ſemina, quæ cum non admodum  
 eſuriret, potuit vno prandio deuorare panes o-  
 cto, menſuras vini exhaurire tres, carnis libras  
 abſumere ſex, ſine vllō incommodo: ut de ca-  
 ſeo, & fructibus raceam. Aglaidem mulierem  
 refert Aelian. lib. 1. cap. 26. conſumere ſolitam  
 vna cœna duodecim minas carniū, & quatuor  
 chænicas panū, & bibere congium vini. Idem  
 cap. 27. multos multiporos nominat.

## XVI. Luſor pile, & alius propter poemā honorati.

**A**liſtonicum Caryſtium Alexandri comitē,  
 cuius officium erat coram rege pile ludere,  
 ob eſus artis peritiā Athenienſes ciuitate do-  
 narunt, ac inſuper ſtatua. Poſteriores enim Græ-  
 ci artes manuaras, & plebeias multo pluris æſti-  
 marunt, quam partam rerum eruditione intel-  
 ligentiam. Athenæus lib. 1. Idem obſeruat Ho-  
 merus ex Heroidibus ſolam Nauſicaam Alcinoi  
 regis Phæacum filiam pile ludentem in Odyſſea  
 induiſſe.

Phrynichum Athenienſes belli ducem crea-  
 uerunt

uerunt neque gratia aut fauore, neque propter generis claritudinem, neque verò quod dives esset. Sed cum Pyrrhichistis in quadam tragicædia conuenientes, & bellicos modulus fecisset, adeo tenuit vniuersum theatrum, vt confestim du- cem eligerent, arbitantes eum bellicis rebus utiliter præfuturum, qui à viris armatis non ab- horrentia carmina in dramate confecisset. Aeli- an. lib. 3. cap 8.

### XVII. *Vxor Catonis (ensorij.*

**C**atonis maioris, siue Censorij vxor vernas quoque suos, id est, seruorum infantes sæpius lactabat: vt commune nutrimentum eos, vbi creuissent, filio suo beneuolentiores redde- ret. Plutarch. in Catone. At hodie honoratio- res, ac nobiliores matres, quos genuerunt ipsæ nutricibus statim cõmittunt, perinde quah son- tes illi lactis ad ornatum pectoris tantummodo à natura dati sint. Quem morem à sapientibus improbatum alibi monui.

### XVIII. *Marcelli, & Iulij Cæsaris* *victorie.*

**M**arcellus nullam pugnam vnquam detre- ctauit: & collatis signis varijs cum hosti- bus vndequadragies prospero Mare certauit. Fr. Patricius de Rege lib. 6. De Iulio Cæsare li Mar- celliana Cic. Domuisti gentes inhumanitate bar- baras, multitudine innumerabiles, locis inini-

tas, omni copiarum genere abundantes. Et paulo supra. Nec vero disiunctissimas terras citius cuiusquam passibus potuisse peragrari, quam tuis, non dicam cursibus, sed victorijs illustratas sunt.

### XIX. *Reges Persarum.*

**P**ersæ reges suos adeo colebant ac venerabatur, ut tussire, spuerre, oscitare, nasum emungere, &c. ante eos nefas haberetur. Idem lib. I.

### XX. *Constantinus M.*

**C**onstantinus Crispo filio ex Minerula suscepto, & à se propter Faustæ vxoris calumniâ interfecto statuam argenteam, auro superfuso, capite aureo posuit, cum hac inscriptione. *Ἰνδίκημι τὸν υἱόν μου.* FILIVS MEVS INIVRIA LASSVS. Sirmond. Notis in Epist. Sidonij. Cum patre baptismo lustratus, & ab eo Cæsar renunciatus, multas cum eodem pro Christianis leges tulit; cuius Imperij anno vicefimo vitam perdidit. Niceph. lib. 7. cap. 33. & 35.

### XXI. *Rex Scotia S. Crucis cultor eximius.*

**C**onnall<sup>o</sup> XLVII. Scotiæ rex inter cætera suæ pietatis signa perillustria, ad amorem Christi crucifixi intimis suorum animis inferendum, eius crucem in arcibus, oppidisq; collocandam studiosè curavit, sibiq; quocunque irer, illam

ex argento affabre factam, præferri voluit, cui & equum ascensusus osculum suauiter imprimebat. Seuero item edicto prohibuit, ne quis eam laumi, ita vt pedibusteri, & conculcari posset, aut pingere, aut fingere auderet. Leslius Hist. Scot. lib. 4.

## XXII. *Homeri admiratio.*

**S**criptum lego, dixisse veteres, eum non hominem, sed deum quendam fuisse, missum in terras ex superiorum concilio, vt hoc diuinum carmen ad homines perferret. Item, non Homerum, sed Apollinem ipsum eorum carminum auctorem esse: sed ideo nomen alienum præscripsisse, vt diuinam maiestatem tegeret. Quare quidam græco versu sic loquentem fecit Apollinem. *Carmina sunt mea: sed manus hæc descripsit Homeri.* Alius omnino deum habendum sic præscripsit.

*Si deus est, diuinus honos tribuatur Homero.*

*Sed si non deus est, deus hic tamen esse putetur.*

Camerac. Proleg. in Homerum. Homerus diuina naturæ indole, iudicio exquisitissimo, experientiaq; rerum omnium præditus. Max. Tyrius Dissertat. xvi. Notent hoc elogium, qui eum, aduice Scaligero, tam atrociter flagellant. Hæc per pauca de innumeris, quæ de hoc Poetæ deo à Poetis, Oratoribus, Historicis, Philologis, Regibus, Imperatoribus præclarissime dicta, scripta feruntur.



### XXIII. *Alexander Grammaticus et rarentem modestissimè corrigebat.*

**O**bservabam ab increpationibus sibi temperare: neque ignominiose castigare, si quis barbarum soloeccum, aut absconum quippiā protulisset: sed ciuilitè id modò quod dicendum fuerat pronuntiare: perinde ac si respondens vel suam sententiam interponeret, vel rationem re ipsa, non verbo cum altero conferret: aut omnino alia quadam solerti, & obliqua subadmonitione idem efficiebat. M. Antonin. Philosoph. de vita sua lib. 1.

### XXIV. *Petrus Alcyonius.*

**I**mpudens gulæ mancipium, ita, vt eodem sæpe die bis, & ter, aliena tamen quadra, cœntaret: nec in ea fœditate malus omnino medicus: quod domi demum in lecti limine per vomitum ipso crapulæ onere leuaretur. Luculento opere de toleranda exilij fortuna ita eruditionis, & eloquentiæ famam sustentauit, vt ex libro de Gloria Ciceronis, quem nefaria malignitate abolerat, multorum iudicio confectum crederetur. Iouius in Elogijs.

### XXV. *Joannis Pici Mirand.*

*φιλολογοςία.*

**E**pistola ad Marsil. Ficinum, Postquam, inquit, Hebraicæ linguæ perpetuū mensera dies noctesq; inuigilaui, ad Arabicæ, & Chaldaicæ



dalez studium totius me contuli, nihil in eis ve-  
ritus me profecturum minus, quàm in Hebrai-  
ca profecerim: in qua possum, nondum quidem  
cum laude, sed citra culpam epistolam dictare.  
Vide quid possit impetus animi: vide quid labor,  
& diligentia, etiam vbi sint vires infirmiusculæ.  
Rursum ad Andream Corneum. Et ne credas  
nostre industriæ, & laboris quidquam remis-  
sum, scito me post multam assiduis, indefessisq;  
lucubrationibus nauatam operam Hebraicam  
linguam, Chaldaicamq; didicisse, & ad Arabicar  
euincendas difficultates nunc quoq; manus ap-  
plicuisse. Hæc ego Principis viri & existimaui  
semper, & nunc existimo.

Potuit igitur vir hic & nobilissimus, & longe  
doctissimus à numero quas calluit linguarum  
πεντάγλωττο, vt quondam Epiphanius, nomi-  
nari. Latine siquidem, Græcè, Hebraicè, Chal-  
daicè, Arabicè didicit. Floruit eius sæculum vi-  
ris doctrina & ingenio excellentibus. Patruus  
fuit Ioannis Francisci Pici, qui ipse quoque es-  
litteris inclytum nomen est consecutus.

## XXVI. *Summa felicitas.*

VNa faminarum in omni ævo Lampido Lab-  
cedæmonia reperitur, quæ regis filia, regis  
uxor, regis mater fuit. Vna Phærenice, quæ filia  
soror, mater Olympionicarum. Vna familia Cæ-  
rionum, in qua tres continua serie oratores ex-  
titerunt. Vna Fabiorum, in qua tres continui

principes senatus, M. Fabius Ambustus, Fabius Rullianus filius, Q. Fabius Gurgēs Nepos. Plin. lib. 7. cap. 41. Subiungit cap. 42. Cetera exempla fortunæ variantis innumera sunt. Etenim quæ fecit magna gaudia, nisi ex malis? aut quæ mala immentia, nisi ex ingentibus gaudijs? Vidit nostra quoque ætas in mulieribus felicitatem similem. Maria enim Caroli V. Imp. filia Maximiliani Imp. coniux, Rudolphi Imp. mater. Philippi II. Hispan. Regis soror fuit.

## XXVII. *Excœcatio splendida. Hellogabales, gladii, venena, turris.*

**C**um Bernardus Pipini F. Caroli M. nepos, Italiæ rex ab eodem creatus res novas moliretur, à Ludouico Pio patruo coercitus est, decretumq; de sententia procerum, uti oculis orbaretur, atque ira diutius moreretur. Impetravit tamen ne stylo, quomodo coniurationis suæ socijs, ac satellitibus, lumina effoderentur: sed cæcæ pelui solis radijs opposita, in eaque oculis continenter defixis aspectum amitteret, & regis saltem torqueretur. Aimon. lib. 5. cap. 10. Hoc modo ad clypeum nitidissimum soli obiectum sese fertur ex cæcasse Democritus philosophus. Laert. lib. 9. Hellogabalus, ut etiam mors sua pretiosa esset, & ad speciẽ luxuriæ, ut dicere solent nemo sic perijsse, cum ei à sacerdotibus Syris prædictum esset biothanatum futurum, hoc est, violenta morte interiturum, parauerat fones blatta

blatta, & serico, & cocco intortos, quibus si necesse esset, laqueo vitam finiret. Parauerat & gladios aureos, quibus se occideret, si aliqua vis videretur. Parauerat & in ceratinijs, & hyacinthis, & smaragdis venena quibus se interimeret, si quid graulus immineret. Fecerat & altissimam turrim, substratis aureis gemmatisque ante tabulis, ex qua se precipitaret. Lamprid.

### XXVIII. *Totile Regis mors, & exhumatio.*

**T**otilas Gothorum rex vexauit, & attriuit Italiam vehementer totis XI. annis quibus regnauit. Eius obitus Romanis tantum peperit gaudium, vt tumulo erutum primores spectare, & num verè ipsius cadauer esset certò scire voluerint. Procop. lib. 3. de bello Goth.

### XXIX. *Malum consilium consultore pessimum.*

**E**piscopus Virdunensis caueas quasdam ferreas omni carcere diriores in pœnâ potius, quàm in custodiam qualiumcunque reorum excogitauerat, & Regi Lud. XI. suggesserat, ac sibi de præclaro inuento multum plauserat. In carceris prima iussu regis inclusus totis annis XIV. ridiculus, & mœstus permansit. Exemplum Perilli, & eius tauri ænei, ad torquendos homines fabricati renouatum videmus. Philipp. Comineus in Lud. XI. cap. 136.

XXX. *Augustus augustissimè honoratus.*

**A**ugusto Romanum imperium adepto, non trophæa tantum vt victori, sed etiam vt Diuo, & supra humanum fastigium euecto multæ gentes, præsertim Celticæ, delubra, & aras instituerunt. Vide Steph. Forcatul. de imperio Gallor. lib. 2. à num. 70. Horat. ep. 1. lib. 2.

*Præsentis tibi maturos largimur honores,*

*Inrandasq; tuum per nomen ponimus aras.*

Maturos dicit, quia vltio diuini honores habiti, alijs Imp. demum post mortem. Poetæ illius temporis adhuc viuentem ausi sunt appellare deum. Vide Torrent. in Aug. Suetonij ad cap. 52. Vrbes eius nomino conditæ, & ab eo Sebastæ, & Cæsareæ appellatæ. Reges Romam eius videndi venerunt.

XXXI. *Pueri diuersæ nationis quam simillimi.*

**T**Oranius M. Antonio iam triumuiro eximios forma pueros, alterum in Asia gentium, alterum trans alpes vt geminos vendidit: tanta vnitas erat. Postquã deinde sermone pueros detecta fraude à furente increpitus Antonio est, inter alia magnitudinem precij conquerente (nam ducentis mercatus erat sestertijs) respondit versutus ingenij magno, ob id ipsum se tanti vendidisse, quoniam non esset mira similitudo in vllis eodem vtero editis: diuersarum quidem

quidem gentium natales tam concordi figura  
reperiri, supra omnem esse taxationem. Adeoq;  
rempestuam admirationem intulit, vt ille pro-  
scriptor animus, modò & contumelia furens nò  
aliud in censu, & fortuna sua duceret. Plin. lib.  
7. cap. 12. Vide etiam de similitudine Antiochi  
regis Syriæ, & Artenonis plebei; & quid fecerit  
Laodice regina apud Valer. lib. 9. cap. 14.

### XXXI I. *De Carolo M. Imp.*

**M**atrem summa pietate coluit. Pipini filij  
filium Bernardum, & quinque ab eo reli-  
ctas filias inter suas educavit. Nullâ nuptui tradi-  
dit quoad viueret, dicens, se suorum domestico-  
rum contubernio carere non posse. Supra cœna  
raro plus quam ter bibebat. Cœna quotidiana  
quaternis tantum ferculis præbebatur: præter  
carnem assam, quam venatores verubus inferre  
solebant: qua ille libentius quam vllò ciborum  
genere velcebatur. Inter cœnandû autem admo-  
dum frequentissimè lectorè audiebat. Legeban-  
tur autem ei historia, & antiquorû res præclaræ.  
Omniû nationû quæ illi subessent, memorabilia  
gesta, quæ scripta non erant, scribi, & memoriæ  
mandari iussit, &c. Psallendi legendiq; officia in  
Ecclesia discreuit. Choris psallentium se immis-  
cuit. Crantzius Saxoniz lib. 2. cap. 7. 8. 9.

### XXXI I I. *VVeidekindi Ducis pie-*

tas.

Cum

**C**um Weldekindus primarius Saxonum Dux ad fidem Christi peruenisset, permisit Imperatori Carolo arcem suam, ut firmaret in eo Episcopo locum: capax enim amborum fuit, ita ut Episcopo diceret, Tua atque mea erit communi iure arx ista: ut inde Saxonum lingua Mynsyn, id est, Mea tua diceretur. Idem lib. 2. cap. 16.

**XXXIV. Choros ducentes toto anno continenter.**

**Q**uoniam in hoc Syntagmate admirabilitatem habemus propositam, id est, quæ homines admiranda, & stupenda aut fecerunt, aut tulerunt, aut habuerunt humanitus, nihil, credo, impedit quin recenseamus etiam, quæ illis plena admirationis contigerunt diuinitus. Quæquam quæ admirationem pariunt in hominibus, eorum pleraque, in animantibus autem, & rebus sensu nullo præditis omnia deo ascribenda sunt: siquidem naturalia sunt, & ille naturam vniuersam benignissime, ac sapientissime condidit. Extat igitur apud Crantzium Saxoniae lib. 4. cap. 33. historia huiusmodi. Memoranda plurima vidit hæc ætas. Choros agitanter viros cum famulis, vino æstuantes, & clamantes insolenter, rogabat Curio sacris operaturus, in Colbeke villa Halberstadeni, sacra nocte Dominici Natalis, in cœmeterio S. Magni, ne diuinum officium interrumpere. Nihil fecere minus. Ille ad impatentiam versus, correptusque zelo, & indignatione

**T**one diuina infuria, & contemptus in religio-  
nem: Quando, inquit, mecum diuina religio  
contemnitur, sit vobis saltatio ista annalis. Exin-  
de vltio diuina contumaces insequitur: sine ces-  
satione, sine vlla quiete, per dies & noctes, absq;  
cibo orbem saltatorium vessere coacti sunt, cum  
stupore, & commiseratione aspectantium. Ali-  
quot sancti viri orabant pro illis: frustra. Sorore  
quidam suam extracturus de choro brachium  
ferrur euulsiſſe: illa saltare perſeuerabat. Impres-  
ſere alta terra vestigia, quod necesse fuit. Anno  
demum euoluto quieſcere. Maior pars spiritum  
efflauit: pauci qui superſuere, recreati, insigni ſe  
pœnitentia macerarunt.

### XXXV. *Interfectores Iulii Caſaris.*

**B**Rutus & Caſſius oppreſſerunt ijs, quibus Cæ-  
ſarem interfeceſſant gladijs conſoſſi: qui ve-  
rò alij earum inſidiarū participes fuerūt, aut ante,  
aut tum, aut poſtea temporis, paucis quibuſdā  
exceptis perierunt. Ita nimirum & iuſtitia poſtu-  
labat, & deus volebat eos interire, qui virum  
ad id virtutis, & fortunæ progreſſum, ac inſu-  
per benefactorem ſuum occidiſſent. Dio lib. 48.

### XXXVI. *Fulvia potentia.*

**A**Nno ſequenti (ab v.c. 713.) P. Seruilius, &  
L. Antonius nomine, re ipſa hic, & Fulvia  
conſulatum geſſere. Hæc Cæſaris (Oct. uiani)  
ſocrus, ac M. Antonij vxor, Lepido (Triumuiro)  
propter ignauiam contempto, ipſa rem pub. ad-  
mini-



ministravit: ita ut neque senatus, neque populus quicquam præter eius sententiam statueret. Ipse L. Antonius quum de quibusdam Inalpinis à se victis triumphare vellet, quamdiu Fulvia contradixit, ei is triumphus à nemine concessus: ubi ea demissa concessit, ab omnibus delectus est, &c. Et infra. Fulvia autem Præneste occupato, ac ad suam societatem pertracto, senatores, & equites à sua parte stantes habebat: cum ijs de omnibus negotijs consilia inibat: identidemq; edicta, ut ex usu videbatur, proponebat. Id quidem mirandum adeo nō est, quum gladio etiam se accinxerit ipsa; tesseram militibus dederit; se penumero concionem apud eos habuerit. Idem ibid. Vxor Antonij Fulvia, nihil muliebri præter corpus gerens. Velleius lib. 2.

Cum Fulvia comparemus Zenobiam Palmyseorum Reginam, in qua profecto nihil item muliebri præter corpus: quam litteris ad senatum datis Aurelianus Imp. à virilitate plurimum commendavit. Nomine filiorum diutius quam sexus fæmineus patiebatur imperavit. Ad conciones galeata processit, cum limbo purpureo, gemmis dependentibus per ultimam simbriam, brachio sæpe nudo. Vsa vehiculo carpentario, raro pilento, equo sæpius. Fertur autem vel tria, vel quatuor milliaria frequenter cum peditibus ambulasse, &c. Lege plura apud Trebellium de hac omnibus laudibus laudanda muliere.

XXXV I I. *Psyllorum natura.*

**P**Sylli viri sunt ( neque enim fœmella nascitur Psylla ) qui possunt omnium serpentum venena ex hominibus nondum mortuis exsugere, neque ipsis morsus à serpentibus incommodum vllum accidit. Nascuntur autem ex seipsis: natoque aut serpentibus continuò iniectis, aut ipsis fasciolis in serpentes coniectis probantur. Nam serpentes neque lædere infantem possunt, & vestibus eius impositis torpore corripuntur. Dio lib. 51. Fusius, & disertius de Psyllis Plin. lib. 7. ca. 2. haud longe ab initio.

XXXV I I I. *Syllæ superstitio.*

**T**radunt Romani scriptores Syllam Dictatorem gestasse semper in prælio statunculâ Iouis, aut Apollinis: quam periculoso prælio victor exosculans ait, Pæne ego tecum, & tu mecû concidisses, Iupiter. Grantzius Saxon. lib. 9. c. 10.

XXX I X. *Mulier marina.*

**A**Nno M. CCCCIII. in mari Hollandico tum admodû procelloso & alto, capta mulier marina, nuda & muta: portata in oppidum Edam, & inde Harlem, vestita est, didicitque edere panem & lactaria, & vixit annos multos, semper muta. Didicit item nere, & honorem exhibuit S. Cruci quamvis muta. Annal. Fland. lib. 14.

XL. *Pecunia Alphonsi Regis.*

**Q**uantæ fuerint diuitiæ regis Alphonsi hinc facile æstimabis, quod Ferdinando filio sex milliones ducatorum, sacellumque tanta opulentia rerum omnium instructum, ut ultra unum valeret millionem, reliquisse scribitur. Ibid. 16.

XLI. *Mutus in discrimine patris  
fit loquens.*

**C**aptis à Cyro Sardibus simul captus est Cræsus. In eum quidam Persa sibi ignotum ut occisurus vadebat. Quem Cræsus præsentī clade affectus deuitare negligebat: nihil putans differre, percussus oppeteret mortem, an non. Id ubi filius eius mutus aspexit, timens patri, erupit in vocem, inquit, homo, ne perimas Croesum. Atque hoc ille primū effatus, postmodū per omne vitæ tempus vocalis exitit. Herodot. lib. 1. Recitat idem Solin. cap. 7. filio nomen dat Artis, qui ita exclamavit. Parce patri meo, Cyre, & te hominem esse, vel casibus disce nostris.

XLII. *Ægyptiorum, & Persarum caluaria.*

**O**ssa eorum qui in acie ceciderunt, quum iacerent fusa, ut ab initio distincta fuerant, seorsum erant Persarum, aliorum Ægyptiorū. Sed Persarum capita adeo fragilia sunt, ut si velis ferire, vel solo calculo perforare possis: Ægyptiorum autem ita firma, ut ea vix ictu lapidis perfringantur.

fringas. Cuius rei causam hanc reddebant indigenæ ( facile mihi persuadentes ) quod Ægyptij statim à pueris radere capita incipiunt , & os capitis ad solem redditur compactum. Quæ eadē causā est non caluescendi. Nam ex omnibus hominibus paucissimos quis Ægyptios calvos videat. His igitur hoc causā est cur robusta capita gestent. At Persis ideo fragilia sunt capita, quod à principio asue fiunt operire capita, gestantes pilea, tiarasque. Herodot lib. 3.

### XLIII. *Visus acutissimus.*

**V**isu plurimum potuit Strabo nomine, quem perspexisse per centum XXXV. millia passuum Varro significat, solitumque à Carthagine exeunte classe Punica, numerum nauium è Lilybetana specula denotare. Sol. n. cap. 6. Plin. lib. 7. cap. 21. De quinque sensibus, vt Varro ait, maximus est in oculis. Nā cum sensus nullus quod abest mille passus sentire possit, oculorum sensus visusque vsque ad stellas peruenit.

### XLIV. *Ingenuum factum Attila.*

**A**tila rex Hunnorum, dum vires Italix expugnat, diripit, ac deuastat, Patavij Marulli Calabri poetæ carmen, de laudibus suis confcriptum in ignem conijci iussit : quia licentia poetica originem Attilæ ad deos retulerat : arbitratus impudentem esse impudentiam, dum mortales homines se à dijs immortalibus originem

traxisse confingerent. Olahus in Attil. apud Bonfin. cap. 15.

### XLV. *Similitudines in hominibus.*

**S**imiles quidem alios auo : & ex geminis quoque alterum patri, alterum matri : annoque post genitum, maiori similem fuisse vt geminū accepimus. Quasdam sibi similes semper parere, quasdam viro : quasdam nulli, quasdam fæminâ patri, matrem sibi. Indubitatum exemplum est Nicæi nobilis pyctæ Byzantijs geniti, Qui adultério Æthiopis nata matre, nihil à cæteris colore differente, ipse auum regenerauit Æthiopem. Similitudinum quidem in mente reputatio est, &c. Plin. lib. 7. cap. 12.

### XLVI. *Gulagulosissima.*

**S**Vydrigellus Dux Lithuaniz nunquam peregrè proficiscebatur, quin dispensatorem percunctaretur, an librum, quem de arte coquinaria componi curauerat, secum ferret. Cæna sex horas ad minimum protrahebatur, ferculis non minus centum triginta utebatur. Gaspar Cichocius Alloq. Ofiecens, lib. 5. cap. 3. Gulæ dedit quibus nominibus à Comicis Græcis, & Latinis auctoribus nuncupentur, discas licet ex Bernard. Martini Variar. lib. 2. cap. 3.

### XLVII. *Ἀπεριεργία, seu incuriosus.*

**A**mmonius monachus tantum à curiositate abfuit, vt Athanasium magnum Romam comi-

comitatus, ex præclaris præcipuisq; eius vr-  
 rebus nõ aliud spectandum sibi censuerit, quàm  
 Petri & Pauli Martyrium, & ædem eam, in qua  
 eorum corpora veluti thesaurus sunt condita.  
 Niceph. lib. 11. cap. 37.

**XLVIII.** *Homo longissimus, alter bre-  
 uissimus.*

**E**odem tempore duo hominum corpora visa  
 sunt: alterum quidem in Syria; supra hu-  
 manam naturam magnitudine excedens: alterũ  
 verò in Aegypto infra incredibilem staturæ bre-  
 uitatem consistens. Syrus in longitudinem cubi-  
 torum quinq; & vnus palmi excreuerat, quam-  
 uis pedes eius reliquæ corporis magnitudini  
 proportionem nõ responderent: introrsum enim  
 intorti, & vari erant. Homini nomen erat An-  
 tonio. Talem ætate quoque nostra ipse vidi,  
 quem mulier brevis admodum staturæ in lucem  
 protulit. Aegyptius autem tam brevis fuit, vt  
 perdici similis esset. Neque ingratum spectacu-  
 lum erat, si cum illo in globo hominum scilicet  
 conuersaretur, & ad contentionem excitatus  
 colluderet. Porro quod mirabile dictu est, pru-  
 dentia illi inerat, qualis formoso competit: quip-  
 pe cui corporis exilitas ea de re nihil ademisset.  
 Vox à Musis non abhorrebat: sermo mentis ge-  
 nerositatem spectandam exhibebat. Maximus  
 viginti quinque expleuit annos: minimus non  
 multum ab ijs abfuit. Idem lib. 12. cap. 37.

# XLIX. Zenonis Imp. mors, & sepultura.

**Z**eno flagitiosissimus fuit, qui morbo comitiali interijt. Fertur Ariadna coniux, cum ipsum odisset, distentum epilepsiz doloribus, & speciem defuncti præbentem, viuum adhuc sepulchro inclutisse. Alij tradunt, cum ex ebrietate sensum omnem amisisset, in tumultum coniectum esse: & postquam per sobrietatem ad se ipsam redijset, in ipso monumento exclamasse, vitam se solum, non etiam imperium petere paratumq; esse cuius iureiurando interposito eo cedere: neminem autem illum ea dicentē, propterea quod coniux Ariadna id prohibuisset, miseratum esse. Idem lib. 18. cap. 24.

## L. Bartholus Iureconsultus.

**S**everitatem supra æquum in torquendis, nec canis que noxijs exercuisse visus est, quum rerum capitalium iudicij præset: adeo, ut reum furti, nec rite confessum, & infontem præcipiti sententia supplicio affecerit. Hinc propter invidiam conspectum hominum fugiens, rus se contulit, & in litteras abdidit. Iovius in Elogijs,

## In animantibus.

### I. Elephantus.

**E**lephas horret arietem propter cornua, & grunnitum suis. Caput mulieris forma, &

hebo



hebescent ad eius pulchritudinem, remittit furorem. *Ælian. de animal. lib. 1. cap. 38.*

## II. *Corium bisontis.*

**F**erunt in hoc monte ( qui est in finibus, seu ingressu Italiæ ) bisontes feras enutriti; nec mirum, cum vsq; ad Pannoniam pertingat, quas harum animantium ferax est. Denique retulit mihi quidam veracissimus senex, tale se corium in hoc monte occisi bisontis vidisse, in quo quindecim, vt aiebat, homines, vnus iuxta alium potuissent cubare. *Paul. Diacon. de gest. Lombard. lib. 2.*

## III. *Elephas à Rhinocerote immodicè terrefactus.*

**E**mmanuel Lusitaniz rex ad Leonem X. Pontif. max. honorificentissimam legationem cum muneribus splendidissimis, planeque regalibus, & in ijs insignem elephantum Romam misit. Quam legationem Hieron. Osorius describit, & nos ex eo Syntag. 6. parte Bellatorum priore. Postea idem rex ad extendendam subactæ ab se Indiæ laudem dignum fama sua ratus, si recentis muneris gratiam nouo munificentiz officio cumulatet, Rhinocerotem etiam misit. Quem ferunt, cum ab Oceano Vlyssiponensi in portu exponeretur, aspectu atque odore suo elephantum Romano (de quo diximus) grandiore, qui tum erat in regia, vsque adeò truculenter terru-

isse, vt elephas ipso naturæ miraculo præcipuus hostis, concepto incredibili pauore, septum caueæ ferreis ingentibus clathris permunitum, humerorum, & capitis præcipiti impulsu per-  
ruperit, & in longam se proripiens fugam, terribili-  
que barritu edito stridens. & futens cuncta  
obuia prostrauit. Iouius in Elogijs milit. li. 4.

#### IV. *Seps genus serpentis.*

**I**Nter omnia genera serpentium huic palma  
tribuitur. Nam cum cætera venenis suis vitam  
eripiant; solus hic quem attigerit (& est minu-  
ta bestiola) sicutotum facit tabescere, vt ne ossa  
quidem supersint, nec cadauer, inquam, relin-  
quit; omnia funditus præsentia veneni sui absu-  
mit, & consumit. Plin. aut Aelian.

#### V. *Oues Anglicanæ.*

**P**Ræter rorem cælestem nullum bibunt po-  
tum: adeo, vt etiam à pastoribus de industria  
à fontibus arceantur: quando experientia cogni-  
tum, date bibere illis esse exitiale. Polydor. Hist.  
Angl. lib. 1.

#### VI. *Corui ex aëre delapsi.*

**C**Um Gabinius de Cn. Pompeio Imperat. ad  
bellum contra prædones deligendo roga-  
tionem tulisset, Roscius cum loqui non aude-  
ret, manu prolata duos esse deligendos ostendit,  
vt vel hoc modo Pompeij potentiam accideret.

Hæc eo gesticulatone manus significante, ita ingens, atque viua à turba sublatus est clamor, ut coruus, qui tunc forte supra volabat, consternatus, perinde ac si fulmine esset ictus, deciderit. Dio Cassius lib. 36. Tantus clamor Græcorum, quos Philippi seruitute liberauerat T. Quintus Flaminus, in altum sublatus est præ gaudio, ut præteruolantes corui deciderent. Plutarch.

## VII.

*Musca.*

**Æ**gyptij sacerdotes importunitatem, & impudentiam per muscam notabant. Sæpius abigas, sæpius redit, & infestat, etiam Principes, Reges, Imperatores. Quidquid agas, tui, & commodorum tuorum rationem nullam habet. Proverbium, Musca improbior. Lucianus Muscæ scripsit encomium. Nihil tam abiectum, & despicabile, quin orationis facultate possit splendescere, & euehi; lutum quoque, cuius laudationem scripsit M. Anton. Maioragius.

VIII: *Spectacula ferarum in dedicatione  
theatri Pompeiani.*

**S**pectacula cum musica, ludosq; gymnicos exhibuit: atque in circo equorum certamen, multarumq; & varij generis belluarum venationes præbuit. Quinque enim dierum spatio quingenti leones confecti sunt, elephantiq; octodecim cum armatis depugnauerunt: partim in ipsa pugna mortui, partim paulo post. Nam populus,

aliquos, etiam inuito Pompeio miseratus est, quum vulnerati à pugna destitissent, circummeuntesque ad cælum proboscibus erectis lamentati sunt: ita vt sermoni occasionem præberent, non id ab ipsis temere, aut casu fieri, sed iusiurandum, quo persuasi ex Africa traducti erant, implorantibus, sui que vindictam deos poscentibus. Fertur enim, haud prius eos in naves ingressos esse, quàm à ducentibus iuramento sibi cautum esset de omni iniuria. Dio. lib. 39.

### IX. *Simia, & Camelus.*

**S**peculum fugitare, & si potest, frangere dicitur simia, ne videlicet in eo turpitudinem suam conspiciat. Nam, vt ait Ennius de ea, *Quàm similis simia est turpissima bestia nobis?* Camelus vero ne gibbum suum videat in aqua pellucida, bibitorum eam semper turbat. Vel potius naturæ instinctu lutulentas aquas caprat, puras refugit. Denique nisi cœnositior liquor fuerit, assidua cōculatione limum excitat, vt turbetur. Solin. cap. 52.

### X. *Lynxes.*

**L**yncum vrinam coire in duritiem pretiosissimam calculi faciunt, qui naturas lapidum exquisitius sunt persecuti. Quod etiam ipsas lynces persequiscere hoc documento probatur: quod egestum liquorum illico arenarum cumulo, quantum valent, contegunt, inuidia scilicet: ne talis egeries

egeries transeat in nostrum vsum, vt Theophrastus perhibet. Lapidus isti succini color est: pariter spiritu attrahit propinquantia: dolores renum sedat: medetur regio morbo, *λυγχεῖον* græce dicitur. Solin. cap. 8.

## XI. *Animalia fœtuosa, & secus. De*

*lepore singulare.*

Sollerti diuinitatis prouidentia factum est, vt animantia timidia, & esculenta, ea omnia fœtuosa sint, ne assiduo esu deperirent: contra, quæ saua, & maligna, ea sint parum fœtuosa. Vnde fit vt lepus, quem omnia venantur, fera, ales, homo, tam ferax sit, solaque ex omnibus bestiis cum grauida est, etiam supersœter, & alium fœtum in utero gestet pilis vestitum, alium nudum, alium tantum non formatum, alium concipiat. Herodot. lib. 3. De lepore disputat Rhodig. lib. 26. cap. 29. & 30. Epigramma Ausonij de lepore capto à cane marino attexamus.

*Trinacris quondam currentem in littoris ora*

*Ante canes leporem, cœruleus rapuit.*

*At lepus: in me omnis terre, pelagiq; rapina est*

*Forfitan & cali, si canis astra tenet.*

## XII. *Canes φιλοδῶσποτοι.*

Domino equaliter canes omnes diligunt, sicut exemplis palam factum est. In Epìro denique domini percussorem in certu agnitum latratu canis prodidit, Iasone Lycio interfecto,

canis

canis ipſius aſpernatus cibum, inedia obijt. Lyſimachi regis canis flammæ ſe iniecit, accenſo domini rogo, & ſimuligni abſumptus eſt. Garamantum regem ducenti canes ab exilio reduxerunt, præliati aduerſus reſiſtentes. Colophonij, & Caſtabulenses canibus in bellum productis, primas acies inſtruebant. Ap. Iunio, & P. Silio Coſſ. damnatum dominum canis, cum abigi nō poſſet, comitatus in carcerem, mox percuſſum, ululatu proſecutus eſt. Cumque ex miſeratione pop. Rom. poteſtas ei cibi fieret, ad os defuncti eſcam tulit: ultimò deiectum in Tiberim cadauer, ad natans ſuſtentare conatus eſt. Plin. lib. 8. cap. 40. Exempla plura ſuppeditabit Pierius lib. 5. in Cane, fidelitatis inquam, & amoris erga dominos.

### XIII. *Vpupa.*

**H**ominem ebrietate laborantem, ac ſibi remedium comminiſcentem ſignificare cum vellent Ægyptij, *Vpupa*, & *Capillum Veneris* herbam pingebant. *Vpupa* ſiquidem vult veſcitur immodicè, ita vt plerumque inde ebria fiat. At ſimul ac ſe tentari ſentit, *Capillo Veneris* decerpto efficaciffimè ſibi medicatur. Pierius lib. 25. Mutat & *vpupa* (colorem) ait Plin. lib. 10. cap. 29. vt tradit Æſchylus poëta: obſcæna aliàs paſtu auis (ſtercoribus enim veſcitur) criſta viſenda plicatili, contrahens eam, ſubrigensque per longitudinem capitis.

XIV. *Purpura piscis.*

**H**ominem vno ictu interemptum ostendere qui volunt, Purpuram saxo elisam pingunt: siquidem infectores aiunt, quas Purpuras in artis suæ vsum parant, saxo vno ictu collidendas, vnde subitarius ille sanguis ad tinctum optimus emanat: quod si ictus sefellerit, neque Purpura statim exanimata fuerit, frustra repeti, quia præ dolore sanguis in vniuersum corpus diffusus euanescat. Pierius lib. 28. Hoc genus piscis considerat Plin. lib. 10. cap. 36.

XV. *Marinæ belluæ.*

**T**vranius prodidit, expulsam belluam in Gaditana littora, cuius inter duas pinnas ultimæ caudæ cubita, sexdecim fuissent, dentes eiusdem CXX. maximi dodrantium mensura, minimi semipedum. Belluæ, cui dicebatur exposita fuisse Andromeda, ossa Romam apportata ex oppido Iudææ Ioppe, ostendit inter reliqua miracula in ædilitate sua M. Scaurus, longitudine pedum quadraginta, altitudine costarum Indicos elephantos excedente, spinæ crassitudine sesquipedali. Plin. lib. 9. cap. 5.

XVI. *Antipathia, & sympathia  
aquatiliū.*

**M**vgil, & lupus mutuo odio flagrant: conger, & muræna caudas inter se prærodentes. Polypum tactum locusta pauet, vt si iuxta viderit,



Na eadem, vt aures, Phrygiæ armentis: Troglodytarum in terra deiecta: qua de causa obliqua ceruice pascuntur. Alijs singula, & hæc medio capite, aut naribus. Iamque alijs ad incursum robusta, alijs ad ictum, alijs adunca, alijs redunca, alijs ad iactum, pluribus modis, supina, conuersa, conuexa: omnia in mucronem migrantia, &c. Idem lib. II. cap. 37.

### XVIII. *Canis homicida proditor.*

**C**VM quidam solus cane comitante iter faceret, est à latrone, quales itinera solent insidere, interfectus. Latrone fuga se subducente, canis eo in loco permanfit, domini cadauer custodiens. Forte alius quidam eò pergens superuenit, cadauerque proiectum cernens, motus misericordia, humo effossa sepeliuit. Canis id officium pergratum habuit, seque vltro homini comitem, ac seruum adiunxit. Erat autem is homo cōditione caupo: & solebat canis ijs qui cauponam intrarent, exirentque adulari. Post aliquantum temporis is etiam latro, culus memini, in eam cauponam bibendi causa intrauit: quem canis agnoscens allatrauit, inque eius faciem insiluit. Hoc sæpius factū, dei instinctu apud multos suspicionem excitauit: comprehensusque latro, & coram iudice constitutus, cum facinus vt erat ab eo perpetratum confiteretur, diuinæ vindictæ pœnas dedit. Cedren. Quomodo & græci Ibyci poetæ interfectores latrones, dum æthera

viderit, omnino moriatur: locustam conger. Rursus polypum congri lacerant. Nigidius auctor est, prærodere caudam mugili lupū, eosdēque statis mensibus concordēs esse. At e contrario amicitiae exemplo sunt, præter illos de quorum diximus societate, balæna, & musculus: quando præ graui superciliorum pondere bruti eius oculis, infestantia magnitudinem vada prænatans demonstrat, oculorumque vice fungitur. Idem. lib. 9. cap. 62.

## XVII. *Ludus naturæ in cornibus animalium quadrupedum.*

**C**ORNUA multis quidem & aquatiliū, & marinorum, & serpentium varijs data sunt modis: sed quæ iure cornua intelligantur, quadrupedum generi tantum. Nec alibi maior Naturæ lasciuiæ. Lusit animalium armis. Sparsit hæc in ramos, vt ceruorum. Aliis simplicia tribuit, vt in eodem genere subulonibus ex argumento dictis. Aliorum finxit in palmas, digitosque emisit ex ijs, vnde platycerotas vocant. Dedit ramosa caprels, sed parua, nec fecit decidua. Conuoluta in amfractum arietum generi, ceu cestus daret: infesta tauris. In hoc quidem genere & feminis tribuit: in multis tantum maribus. Rupicapris in dorsum adunca; damis in aduersum. Erecta autem, rugarumque ambitu contorta, & in leue fastigium exacuta (vt lyras diceret) strepiceroti, quem addacem Africa appellat. Mobilis

eadem, vt aures, Phrygiæ armentis: Troglodytarum in terra deiecta: qua de causa obliqua ruice pascuntur. Alijs singula, & hæc medio pite, aut naribus. Iamque alijs ad incursum busta, alijs ad ictum, alijs adunca, alijs redunca, alijs ad iactum, pluribus modis, supina, confusa, conuexa: omnia in mucronem migrant, &c. Idem lib. II. cap. 37.

### XVIII. *Canis homicida proditor.*

Um quidam solus cane comitante iter faceret, est à latrone, quales itinera solent infestare, interfectus. Latrone fuga se subducente, canis eo in loco permansit, domini cadauer cunctidens. Forte alius quidam eò pergens superuenit, cadauerque proiectum cernens, motus misericordia, humo effossa sepeliuit. Canis id facinus pergratum habuit, seque ultro homini adiunxit, ac seruum adiunxit. Erat autem is hominẽ conditione caupo: & solebat canis ijs qui cauponam intrarent, exirentque adulari. Post aliquantum temporis is etiam latro, culus memini, cauponam bibendi causa intrauit: quem canis agnoscens allatruit, inque eius faciem iniecit. Hoc sæpius factum, dei instinctu apud multis suspicionem excitauit: comprehensusque reus, & coram iudice constitutus, cum facinus ab eo perpetratum confiteretur, diuinæ iustitiæ pœnas dedit. Cedren. Quomodo & es Ibyci poetæ interfectores latrones, domo æthera

æthæra tranant, prodiderint, vide adagium Iby-  
ci grues.

### XIX. *Feles.*

**F**eles quidem quo silentio, quàm leuibus ve-  
stigijs obrepunt auibus? Quàm occulto spe-  
culatu in musculos exiliunt? Excrementa sua ef-  
fossa obruunt terra, intelligentes odorem illum  
sui indicem esse, Plin. lib. 12. cap. 73.

### XX. *Admiratio Procreatoris ex in- sectis, & ipso homine.*

**A**nimalia minutiora maximus artifex de in-  
dustria ingenijs, aut viribus ampliavit. Imit-  
tare, si potes, apis ædificia, formicæ stabula, ara-  
neæ retia, bombycis stamina. Sustine, si potes,  
illas ipsas lectuli, & tegetis tuæ bestias, cantha-  
ridis venena, muscæ spicula, culicis & tubam, &  
lanceam. Qualia erunt malora, cum tam modi-  
cis aut iuuaris, aut læderis, vt nec in modicis de-  
spicias Creatorem? Postremò te tibi circumfer,  
intus ac foris considera hominem, placebit tibi  
vel hoc opus dei nostri, quod tuus dominus, ille  
deus melior adornauit, propter quem in hæc  
paupertina elementa de tertio cælo descendere  
laborauit; cuius causa in hac cellula creatoris  
crucifixus est. Tertullian. lib. 1. contra Marcio-  
nem.

Humani corporis angustias, quibus in Chri-  
sto diuinitatis amplitudo, cælum & terram im-  
plens

plens comprehensa, & conclusa est, venustè cellulam appellauit. Lib. autem de carne Christi sane quàm eleganter Christum, ait, habuisse carnem sanguine suffusam, ossibus substructam, neruis intextam, venis implexam.

## XXI. *Cantus auium per υχθήμερον.*

*Item cicade.*

**N**atura quibusdam auibus breuem, & naturalem cantum commodauit, hirudinibus matutinum, cicadis meridianum, noctuis serū, vlulis vespertinum, bubonibus nocturnum, gallis antelucanum. Apuleius 2. Florid. Quam dulcis etiam in exiguo gutture cicadis cātilena, quarum cantu medio æstu arbuta rumpuntur: eoq; magis canoræ meridianis calotibus, quo puriorem aërem id temporis attrahunt spiritu. D. Ambros. Hexaem. 5. cap. 22.

## In rebus inanimis.

### I. *Organon templi Vlmensis.*

**A**Nno 1376. vsque ad 1378. admirandi laboris artificijsque inædificatum est organum templo Vlmensi: quod aiunt habere fistulas 1690. & Registra 27. Maxima fistularum capax est mensurarum vini 315. Quo numero vini optimi, quod in foro tunc inueniri potuit opifex illius organi donatus à magnifico magistratu est; necnon florenis 900. ultra laboris artificijque

mercedem debitam. *Annal. Suenicor. part. 3.  
cap. 11.*

*II. Classis Hispanica Philippi II. aduersus Elizabetham Reginam Anglia.*

**H**Æc classis collecta fuit ex 130. nauibus, & pondera, siue ( quod dicunt ) lastas vexit 57868. Milites classarios, epibatas 19295. Nau-tas ac remiges 8052. Tormenta maiora 2441. Pilas, siue glandes tormentarias 123090. Pulueris nitratici centenarios 1151. Ingentem præterea copiam aquæ dulcis, patinarum illignearum, lucernarum, maiorum ac minorum lampadum: clauarum item, & corj bubuli: lini, stupæque magnam vim, ad nauium hiscentium, ac perforatarum obstructionem, & instaurationem; nec non scuta, cerea complura, candelas seba-ceas, faccos longiusculos. Insuper aderant omnia ea, quæ ad tormenta grandiora promouenda faciunt, utpote 40. muli, vehicula humilio-ra, rotæ, aliaque id genus: ac inter cætera quæ sufficerent 20. curulibus illis maioribus tormen-tis, quas Cartaunas appellant, in littus exponen-dis: quibuscum vehebantur adhuc 21. alterius generis, quæ ab usu, quem potissimum in cam-po aperto præstant, dicuntur campestres serpen-tes, seu colubrinæ (Feldtschlangen) & quibus ha-onerentur 1500. globi. iam vero quod ad arma minora attinet, ijs abundè classis erat instructa.

In promptu erant bombardæ manuariæ longiores (lange Röhrer) 7000. furcatæ, & ad capulū incuruatæ (Mofeten) cum requisitis suis 1000. Hastilia oblonga 10000. Gesa ac bipennes 1000. Hastæ breuiores 6000. aliaque complura prouidè comportata, quibuscum, si res fectet, terrestre prælium aduersus hostem iniri, oppidaque obsideri, atque capi possent. Affuere simul 700. Cunicularij apparatu suo, quo in cuniculis agendis vterentur, plus satis instructi. Omnium autem personarum, quibus de comœatu prospectum erat, cuius generis fuere stipendiarij milites audaculi, sclopetarij, medici, chirurgi, sacerdotes, monachi, nobiles, & ministri cæteri summi classis Præfecti, iudices, nautæ, remiges, coqui, & similes, ad classis apparatusum necessarij, fuit numerus fere 30693. Ad horum sustentationem semestrem hic comœatus habebatur.

<i>Panis bis cocti centenarij</i>	11000.
<i>Vini amphora</i>	21255.
<i>Carnis salsa centenarij</i>	6000.
<i>Caseorum centenarij</i>	3433.
<i>Salsamentorum centenarij</i>	8000.
<i>Oryza centenarij</i>	3000.
<i>Fabarum, ac eruiliorum centenarij</i>	6320.
<i>Olei mensura, quas vocant Bath</i>	11398.
<i>Aceti eiusdem mensura</i>	13687.
<i>Fistula aqua potabili plena.</i>	11870.
Iud quoque ab Hispanis, quos Angli ceperant,	



rant, cognitum est; singulis diebus classi alenda  
12000. ducatos fuisse impenfos: & magnā præ-  
terea auri, & argenti vim in belli subsidium per  
naues prætorias aduectam: in ipsam autem clas-  
sem, ab hostili Angliæ decies millies tormenta  
fuisse exonerata. Ex Comment. bellico Ranzo-  
uij, lib. 1. cap. 8.

### III. *Ambrosia.*

**I**Bycus scripsit, ambrosiam nouies melle dul-  
ciorem esse, & in melle nonam tantum partem  
eius voluptatis, quæ in ambrosia sentitur perci-  
pi. Athenæus lib. 2. Vnde isthæc notitia Ibyco?  
Ad prandium credo vocatus, cum dijs accubuit.  
Cæterum poetæ dijs cibum ambrosiam, potum  
nectar tribuunt tantum domi: foris cum cœnāt,  
etiam olusculis, credo, vescuntur. Vide Prou.  
Ambrosia alendus.

### IV. *Platanorum ingens cauitas.*

**P**Ræterfluit Pharensiū agrum Pierus, seu Prius.  
In eius ripis platanorū lucus est, tanta arborū  
magnitudine ex ipsa vetustate, vt intra cauernas  
(multæ enim concatæ sunt) qui velint, & epu-  
lari, & recumbere possint. Pausan. lib. 7.

Credibilia hæc faciet Plin. qui lib. 12. cap. 1.  
ita scribit. Nunc est clara Platanus in Lycia, geli-  
di fontis socia amœnitate, itineri apposita, do-  
micilij modo caua, LXXX atque vnius pedum  
specu, nemoroso vertice, & se vastis protegens  
ramis

ramis, arborum instar, agros longis obtinens umbris. Ac ne quid desit speluncæ imagini, saxea intus crepidinis corona muscosos complexa pumices: tam digna miraculo, vt Licinius Macer ter cos. & nuper prouinciæ eius legatus, prodendum etiam posteris putarit, epulatum intra eam se cum duodeuicesimo comite, &c.

V. *Lapis percussus reddens sonum musicum.*

**R**Em plane mirabilem Pausaniæ visam, vt refert ipse in Atticis, in medium afferam. Alcatoum in muris fabricandis ab Apolline adiutum Megarenses affirmant, lapidemque vbi is citharam deposuit pro testimonio habent. Reddit enim, calculo si quis eum percusserit, eundem quem pulsa fides sonum. Hanc seu historiam, seu fabulam mox alia, & simili narratione confirmat. Colossus, inquit, qui Thebis Ægyptijs est trans Nilum, maiore vtiq; admiratione spectauimus. Statua ibi est sedentis hominis, eam multi Memmonis nominant. Audiui etiam qui Sesostris (regis Ægypti) esse dicerent, Eam Cambyses diffudit: & nunc etiam superior pars à vertice ad medium truncum humi neglecta iacet: reliquum adhuc sedere videtur, ac quotidie sub ipsum solis ortum sonum edit, qualem vel citharæ, vel lyræ nerui, si forte, dum tenduntur, rumpantur.

De lapide Megarensi idem scribit Ouid. *Metam.* 8.

*Regia turris erat vocalibus addita muris,  
In quibus auratam proles Latonia fertur  
Deposuisse lyram: saxo sonus eius inhaesit.  
Sape illuc solita est ascendere filia Nisi,  
Et petere exiguo resonantia saxa lapillo.*

## VI. *Dictio latina Alcorani.*

**D**E hac ita sentit vir quidam eruditus. Monstruosa, & distorta est oratio Mahometi in Alcorano: non hominem, Immo ne bouem quidem, sed Plutonium ipsum ex infernalibus tenebris boate, ac feralem vocem edere putes. Ex Arabico, tempore Concilij Constantiensis conuersus est. Simile quiddam de Tartareto legi. Densa caligine, & tenebris plusquam tartareis inuolutos eius esse Commentarios.

## VII. *Quercus & olea, brassica & vitis ἀντιπάθεια: olea & vitis συμπάθεια.*

**T**Am pertinaci odio dissident quercus, & olea, vt altera in alterius scrobe depactæ moriantur. Vicina item quercui olea extinguitur. Pugnant etiam qualitatibus. Nam quercus arefacit, & constringit; oliua rigat, & mollit. Brassica vitibus adeo inimica est, vt si in vineis nascatur, fiant infæcundæ vites (quod in Germania non habet locum) & iniecta in dolium, saporem & odorem vini corrumpat. Non solum autem

inco-

In columis manet vitis, si uis ratum olea, sed etiam nouas vires accipit, & tum vuas, tum oliuas gignit: seu vuas pariter vuatum, & oliuatum saporem referentes. Plin.

### VIII. Nili aqua dulcissima.

Vnde significanter dictum à Martiale epig. 3. in Amphitheat. Cæsaris, *Ei qui prima bibat deprensit flumina Nili*, quoniam eius aqua dulcissima. Diodor. lib. 1. γλυκύτατον πάντων τῶν ποταμῶν, Heliod. Æthiop. lib. 2. πικρὸν ἐστὶ γλυκύτατον. De eius dulcedine Cresias Athenzi lib. 2. Plutarch. lib. de Iside, Spartian. in Pescennio, & alij, Marcil. in Amphitheat. Cæsaris. De incremento Nili Plutarch. de placit. Philosoph. lib. 4 ca. 1. Aegyptij inter deos maiorū gentium colere solebant, festa illi agentes anniuersaria, quæ ἡμεῖς dicebantur. Heliodor. Æthiop. lib. 9.

### IX. Thesauri templi Delphici.

Antiqui thesauros, pecunias, & quæ pretiosa atque chara habebant in templis, ac regū sepulchris, vt locis tutissimis, quæ violare, aut spoliare nefas esset inexplabile, recondabant. In templo autem Delphico ingentes thesauri auri, argentiq̃ue, statuarum, arborum atq; vitium aurearum, ac similibus donatorum custodiebantur, vt meminit Diod. Siculis. Theopompus, teste Athenæo de thesauris Delphicis Commentarios scripsit: & Alcetas libros depositorum in

Delphis: vt alij de rebus surreptis è Delphis.  
Neand. p. 2. Operis aurei.

X. *Nix multa, inde amiſſio aſpectus.*

C Vm Galli Brenno duce fano Apollinis Delphici nefarium bellum intuliſſent, ferunt ex oraculo hæc fatam eſſe Pythiam, *Ego pronidebo rem iſtam, & alba virgines*, teſtis Cic. 1. de Diuinat. Ex quo factum eſt, vt virgines arma ferre viderentur; & ita ningeret, vt obrueretur exercitus, & viſus vehementi luce, ac ſplendida nimis grauitè offenderetur. Galen. quoque lib. 10. de uſu partium corp. hum. Xenophontis militibus idem accidiſſe notat, cum per multam niuem ambulaffent. Addit, Dionyſium Sicilię tyrannum ſolitum è carcere, & tenebris vinctos in domum ſuperiorem, & incruſtatam, & lucidiſſimam educere, vt ita occurſu repentino cædidæ lucis excæcarentur. Forcatul. de imp. Gallor. lib. 2.

XI. *Vectigalia, & tributa Sinenſis regni.*

C Entum quinquaginta milliones excedunt in annos ſingulos, nec ea in palatij, ſed in publica æraria inferuntur. Ex ijs regis, coniugum, filiorumque ſumptus, nec non regionum propinquorum, & eunuchorum, & vniuerſi famulatus regiſuppeditantur, regio ſemper ſplendore, & copia: nihil tamen plus minùſue, quam legibus præſcribitur. Inde magiſtratum, militumque

tumque stipendia, & cæterorum toto regno curialium ministrorum soluuntur. Hinc etiam ædificia publica, regis palatium, & regionum propinquorum, vrbium muri, arcium propugnacula, bellicus denique omnis apparatus instauratur: nec in hac regni amplitudine vnquam deest quod erigas, aut instaures. Et quod incredibilius videtur, annis quibusdam contingere solet, vt ne hæc quidem tam ingens vectigalium summa sumptum exæquet: sed noua etiam tributa imponi necesse sit. Trigaut. in hist. Sinens. lib. i. cap. 6.

## XII. *Pallade nascente imber aureus.*

**C**rediderunt veteres, Pallade nascente (de Iouis capite videlicet) Rhodi magnam aut vim pluuisse. Meminit Claudian. Paneg. 3. Stiliconis. *Auratos Rhodijs imbres nascente Minerva Indulxisse Iouem perhibent.* Spectat eò lepidum commentum, cælestis auri, quale nec in Danaes gremium pluuisse aiunt; vt pateat, ex doctrina, & præsertim ex legum scientia opes animo, nedum corpori copiosè parari. Forcatul. de imp. Gallor. lib. i.

## XIII. *Quinque elementa.*

**P**hilosophi Sinenses quinque elementa numerant, nec de ea re dubitare, aut disceptare fastest, metallum, lignum, ignem, aquam, terram, & aliud ex alio nasci affirmant. Aërem quia non vident,

vident, non agnoscunt. Vbi enim nos aërem, ibi vacuum esse volunt. Trigaut. in hist. Sinenfi lib. 4. cap. 3. Gens est admodum docilis, & valet ingenio. Mathematicis rebus impensè delectatur. Horologijs sciotericis, & percussionibus cymbali horas indicantibus spectandis voluptatem capit non vulgarem.

#### XIV. *Fraxinus inimica serpentibus.*

**T**Am inimicam vim serpentibus habet, ut nō solum succus eius potus, aut ipsa vlceri admodum opituletur, verum etiam ne matutinas quidem, occidentesue huius arboris umbras quamvis longissimas ullus serpens attingat. Si frondosa gyro claudatur ignis, & serpens, in ignem potius, quam in fraxinum fugiet serpens. Id Plin. tanquam experimento compertum narrat lib. 16. cap. 13.

#### XV. *Prodigiosa genera vini.*

**S**Vnt & in vino prodigia. Dicitur in Arcadia fieri, quod fecunditatem feminis importat, viris tabiem. At in Achaia, maximè circa Caryniam, abigi partum vino, atque etiam si vuam edant grauidæ, cum differentia ingustata non sit. Troezenium vinum qui bibunt, negantur generare. Thasios duo genera vini diuersa facere proditur: vnum quo somnus concilietur, alterum verò quo fugetur. Apud eosdem vitis theriacea vocatur, cuius & vinum, & vva contra serpentium



rum iectus medetur. Thasiam vnam Aegyptus vocat apud se prædulcem, quæ soluit aluum. Est contra in Lycia quæ solutam firmat. Vina in apothecis canis ortu mutantur quædam, postque restituntur sibi.

## XVI. *Antiochia vrbs nobilissima.*

**C**hristianus exercitus antequam Hierosoly. mam aggrediretur, multas & egregias vrbes in Syria, & alibi subegit. In his plus octo mensibus obsessam Antiochiam, quam annis sexdecim ante nostrorum aduentum Turcæ possederant. Duplici erat munita muro, ac trecentis sexaginta firmissimis in circuitu turribus, longa millibus passuum duobus. Trecentis sexaginta sex sacris ornata templis. Sedes Patriarchæ, qui viginti sub se habuit sacra iurisdictione prouincias. Ex Annalib. Flandricis lib. 4.

In hac vrbe natum est Christianorû nomen, vt est in Actis. In hac primus Pont. max. Christi Vicarius S. Petrus Cathedram primò suam locauit, quæ duo nobilissimam faciunt. Indigetata est etiam, ni fallor, à Iustiniano Imp. Theopolis, fortè ab alumniis suis sanctitatis desiderio flagrantibus. Siue quod post magnum illum tertium motum deo se consecrasset, vt tradit Euagoræ lib. 4. cap. 36.

## XVII. *Venti vis validissima.*

**V**idi ego, quod nisi vidissem, non crederem à vehementissimo vento effossam ingentem

terram

terræ molem, eamque delatam super pagum quendam, ut fouea altissima conspiceretur, unde terra eruta fuerat, & pagus totus coopertus, & quasi sepultus manserit, ad quem terra illa deuenerat. Illustris: Cardinal. Bellarmin. libello de Ascens. mentis in deum, Gradu 2. cap. 4.

### XVIII. *Oraculum ad Apolloniam.*

**A** Pollonia vrbs est Macedoniæ, Corinthiorum colonia, ibi (aut fortasse Apoll. Epiri) oraculum edebatur hoc modo, ut memorie proditum legimus apud Dionem lib. 41. Thure accepto, precibusque eius rei ergo, quam voluit, factis, ipsum thus, ut secum eas deferat ad ignem proijcient. Tum si ratum sit futurum votum, ab igni thus est vestigio corripitur: at si thus forte extra ignem deciderit, accurrens ignis id abripit, & consumit: sin irritum erit votum, neque accipitur ab igni thus, & si in ipsam flammam conijciatur, recedit ab ea, atque effugit. Ita in utramque partem ignis futura prædicit, morte, atque nuptiis exceptis. De his enim non licet cuiquam oraculum id consulere.

### XIX. *Fons Solis apud Ammonios in Ægypto, in Sicilia secundum alios.*

**A** Pud hos est alia quoque aqua fontana, quæ sub matutinum quidem reper, sub horam autem, qua forum frequentissimum est, frigescit: sub meridiem multo frigidior est, ea-  
que

que hora hortos irrigant. Declinato iam die remittitur frigus, donec sol occidat; tunc tepescit, magis ac magis calefcens, ad mediam vsque noctem: quo tempore feruens exaestuat: praterita nocte media ad aurorum vsque refrigescit. Cognominatur autem fons iste Solis. Herodor. lib. 4. In Halefina regione fons alias quietus, & tranquillus cum siletur: si insonent tibiae, exultabundus ad cantus eleuatur, &, quasi miretur dulcedinem vocis, ultra margines intumescit. Ibi & fontes duo, alterum si sterilis sumpserit, fecunda fit: alterum si fecunda hauserit, vertitur in sterilitatem. Solin. cap. II.

### XX. Templum Dianæ Ephesinum.

ET urbem, & templum hoc Amazones feruntur edificasse, edificium magnificentissimū, quale tum in terris non est visum, atque ideo inter VII. orbis miracula numeratum. Ducentis & viginti annis tota Asia in eo laborauit. Centum viginti septem columnæ, à singulis regibus factæ, sexaginta pedum altitudine, inter quas triginta sex cælatae miro artificio. Vniuersi templi longitudo CCCXV. pedum, latitudo CCXX. Fuit in tanta veneratione, vt Ephesij in quodam bello, humano subsidio deplorato, funem à foribus templi ad urbis mœnia suspenderint, ciuitatemque quasi soli deæ tuendam permiserint. Omnes ad templum hoc confugientes magnis fruebantur immunitatibus. Illuc item conferebantur

bantur ex omnibus ciuitatibus, & nationibus tanta, & tot munera atque dona, vt in toto orbe nullum reperiretur templum ditius Xerxes cum omnia Asiatica templa igni daret, huic vni percipit: quod Herosttratus vt hominem memoria sceleris extenderet, incendit. Conflagrauit eadem die, qua Alex. M. Pellæ natus est, ab V. C. trecentesimo nonagesimo nono Plin. lib. 36. ca. 14. Solin. cap. 43. Munster, lib. 5. Iustius, opinor, septem orbis miraculis templum Salomonis adnumeraretur, quod facit Sidon. epist. 18. lib. 4. *Septima qua mundo fabrica mira fuit.*

### XXI. *Gemma in annulo Pyrrhi Regis.*

**A**Nnulus Pyrrhi regis, qui aduersus Romanos bella gessit, non ignobilis famæ fuit. Cuius gemma Achates erat: in quo nouem Musæ cum insignibus suis singulæ, & Apollo tenens citharam videbantur, non impressis figuris, sed ingentis. Solin. cap. 11.

### XXII. *Ficus Ægyptia.*

**D**E arboribus quas sola fert Ægyptus, præcipua est ficus Ægyptia, folijs moro comparanda, poma non ramis tantum gestitans, sed & caudice: vsque adeo fecunditatis suæ augusta est, vt vno anno septies fructum sufficiat: vnde primum decerpseris, alterum sine mora protuberat. Materia eius in aquam missa subsidit: deinde cum diu defecerit in liquore, leuior facta sub-  
tollit

Collitur: & versa vice, quod natura in aliquo ligni genere non recipit, sic humore sicca. Solim. cap. 35.

### XXIII. *Arabiae felicitas.*

**F**elix appellatur Arabia, falsa & ingrata cognominis, quæ hoc acceptum superis ferat, cum plus ex eo inferis debeat. Beatam illam fecit hominum etiam in morte luxuria, quæ dijs intellexerat genita adhibens vtendis defunctis. Periti rerum asseuerant, non ferre tantum annuo fœtu, quantum Nero Princeps nouissimo Popææ suæ die concremarit. Astimentur postea toto orbe singulis annis tot funera, læceruatimque congesta honori cadauerum, quæ dijs per singulas micas dantur. Nec minus propitj erant mola falsa supplicantibus: immo verò, vt palam est, placatiores. Verum Arabiæ etiamnum felicius mare est. Ex illo namque margaritas mittit. Minimaque computatione millicies centena millia sestertiû n annis omnibus India & Seres, peninsulaque illa imperio nostro adimunt. Tanto nobis deliciae, & fœminæ constant. Quota enim portio ex illis ad deos quæ so iam vti ad inferos pertinet? Plin. lib. 12. cap. 18.

EXCERPTA NONNVLLA MIX-  
TIM EX PEREGRINATIONE HIERO-  
solymitana, & Ægyptia Illustriff. Princi-  
pis Nicolai Christophori Radziuili, rerum  
quas ipsemet in ea aut oculis suis  
perspexit, aut auribus per-  
cepit, refertis-  
sima.

XXIV. *Insula Zacynthi fertilitas*

NVsqum maiora poma citrina, mala aurea  
& limoniorum in tota Græcia proueniunt:  
vnde & vix passæ minoris vasorum ducenta  
millia annuatim, vini verò rubri, & albi circiter  
triginta millia doliorum extrahuntur.

XXV. *Λύτρου seu ἰλασθέντων pro  
mortuis apud Turcas.*

IN hoc hospitali vidimus, cum Turca quidam  
singulatim virides aures quinque liberas di-  
mitteret, subinde aliquid submurmurando. Cum-  
que eius rei causam per interpretem ab eo per-  
eunctatus essem, respondit: se id pro animabus  
suorum propinquorum defunctorum facere;  
quod crederet, merito huius boni operis illas  
nonnihil subleuari. Atque ita naturæ quodam  
ductu de pœnis Purgatorij aliquid etiam sentire  
videntur.

# XXVI. *Prosapia Mahometis insigna color viridis in pileo.*

**Q**uia Mahomete genus ducunt, viride capitistegumentum contortum, si utiatam viridem gestant, cum cæteri Turcæ albam gerant. Vestes virides cuius gestare licet, tiam viridem soli Mahometicæ domui. Ibidem (Damasci) vidi vnum valde lacerum, in publica cucina, cibos diuidentem, & coquentem. Vnde apparet, non omnes de genere Mahometi diuitijs abundare.

# XXVII. *Mahometi sepulcrum non pendulum.*

**M**echam in Arabia ad Mahometis sepulchrū solis Mahometanis proficisci licitū: Christiani, & Iudæi non admittuntur. Cum essem Damasci, diligenter sum percunctatus è Turcis, quæ Mechaveniebant, verumne esset, quod vulgò de sepulchro Mahometis fertur, illud è ferro compactum, vi lapidis magnetis attractum veluti in aere pendere, negarunt: sed Mausoleum altius eleuatum, columnis non adeo crassis sustentari. Cumq; conclaue illud angustum, & obscurum sit, nec aliud lumen quàm lampadum admittat, procul prospicientibus pensile videri: propè autè accedentibus columnis impositum cerni.

# XXVIII. *S. Helena Augusta religio.* P Qui.



**Q**Uicunque Terræ sanctæ loca perlustrat, fatebitur sanctam hanc Imperatricem omni veneratione dignam ; quandoquidem in ipsa Palæstina ferè trecentas ecclesias, quarum nunc partim ingentes ruinae supersunt, partim adhuc integræ conspiciuntur, magnis sumptibus erexit, & liberalissimè dotavit. De eiusdem sanctimoniæ Niceph. lib. 8. cap. 31. vbi & hæc. In eo quoque omnem longè superat obliuionem. Perinde enim atque pignus quoddam futura sæcula habent, ad memoriam eius sempiternam, in Bithynia vnam, in Palæstina alteram urbem; quibus Imp. filius conditis, memoriam illi tribuit immortalē.

### XXIX. *Ager Haceldemach.*

**T**erra loci illius talis est, vt cadauere imposito, nec cooperto (quod vidimus) caro infra viginti quatuor horarum spatium tota defluat, & absumatur, nec aliud quàm nuda ossa integra relinquantur.

### XXX. *Circumcisi ad villam Bethagil, tertio die moriuntur.*

**V**illam Bethleem præteruecti, ad villam aliam maiorem Maronitarum peruenimus, quæ vocatur Bethagil, & est in eo loco sita, in quo Angelus Domini Regis Assyriorum castra percussit. Vbi in hanc vsque diem illud cum primis admirationi est, quod nullus ex circumcisis  
hic

hic in tertium diem superuiuere potest, sed tertia nocte proculdubio moritur. Id ex Arabibus duo, qui nobis vecturas locauerant, se per experientiam comprobasse, sanctè affirmabant. Prima enim nocte ingens eos capitis dolor inuasit, secunda, corpus illorum adedò totum intumuit, ut mortis instantis metu necessariò inde abduci debuerint. Cumque partem villæ istius propter compendium attingeremus, nullus circumcisorum nobiscum eò voluit ascendere, sed circuitu periculum declinare maluit.

### XXXI. Arabes quo pacto iuramentum confirmant.

**Q**uando aliquod iusiurandum ratum, & firmum esse volunt, panis cum sale comestione id comprobant. Quod ubi hilariter fecerunt, tutò illis credi potest: sin fronte corrugata, & minus auidè oblata degustent, certum est illos animo nihil sinceri concipere. Id quod rei euentus in Arabe nostro comprobauit, qui nobis fidem datam, cum in magnis angustijs versaremur, seruauit.

### XXXII. Vectigal annuum ex peregrinis ad S. Sepulchrum.

**A**ffirmatur pro certo, quod ad triginta millia cecchinorum, qui sexaginta millia florenorum efficiunt, ex peregrinorum vectigali annuam in ærarium Turcarum Cæsaris inferantur.

XXXIII. *Aqua Nilotica.*

**N**ilus fundum limosum habet, cuius nihilominus aqua salubris est, & turbida quidem: sed in vase posita per duas horas, purgatur: & si per noctem steterit, fit instar cristalli limpida, & potui gratissima. Pisces eius pingues, & optimi saporis, minus tamen salubres.

XXXIV. *Cairus, olim Babylon Ægypti  
vrbs.*

**T**Riplo magnitudinem Lutetiæ Parisiorum excedit: non eam tamen elegantiam in ordine, & ædificijs habet. Noua tantum Cairus muro præcingitur: vetus vrbs, & Bulbach muris carent. Multi Europæi negotiatores, Itali, & Galli, qui à xx. & amplius annis hanc urbem incolunt, pro certo affirmant, nouæ ciuitatis ambitu triginta priuatarum ædium millia contineri. Adiunctis verò suburbijs, veteri ciuitate, & Bulbach, minoribus etiam ædiculis, quarum magnus est numerus, ad summam ducentorum millium ascendere. Platearum sunt millia sedecim. Fana, seu elegantiores Moschæ, quæ turre habent adiunctas (absq; ijs, quæ turribus & tectis carent, quarum non parua etiam est multitudo) sunt sex millia octingentæ. In vno suburbio, quod sub arce ad Orientem positum est, sunt Moschææ mille & ducentæ. In alio, meridiem  
versus

versus septingentæ. Inter eas maior earum numerus recensetur, quas in usum sepulchra, principes eius regionis viri fabricauerunt: quarum tamen præcipue à Christianis constructæ memorantur, antequam regnum hoc in impias Saracenorum manus deuenisset.

### XXXV. *Culina publica Cæiri.*

**C**ulinarum publicarum sunt ad viginti milia. Nam locupletiores tantum, & digniores domi cibum procurant: vulgus è culinis vivit, in quibus maxima copia carnis, agnina præsertim, pullorum, anserum, potissimum vero orizæ, & pastillorum in oleo frizorum venalis exponitur.

### XXXVI. *Florum species in corpore feminarum.*

**F**eminae agreites, & nonnullæ in urbibus è vulgo nudæ per totam Aegyptum in decimum usque ætatis annum incedunt: quo tempore aqua quadam corrosiva, in corporis cute florum quandam speciem depingendo effingunt: cui deinde diversorum colorum varietatem superinducunt: qui adeo corpori adherent, ut nulla deinceps arte ablui, & deleri possint. Mirabile visu, pellis humana floribus depictis variegata.

### XXXVII. *Victus indigenarum Arabiae deserta, & equorum pabulum.*

Eusebium. Vide cap. 24. Syntagmatis postremi.

### XXXIX. Sanguinis præstantia.

**I**Nter humores sanguis longè præstantior est: siquidem & spirituum materia, quibus maxime stat vita, & virtutis vegetatricis operatio, atque item animalis. Deinde quia ad vitæ principia accedit amplius, cum sit temperati caloris, humectique. Præterea alit efficacius, instauratque quod intercidit: proinde naturæ thesaurus habetur, &, vt Plato inquit, carniū, & vniuersi corporis pabulum, quo pereunte confestim sequitur mors. Rhodigin. lib. 3. cap. 12.

### XL. Oculi hominis, & stomachus.

ex Q. Sereno.

**S**umma boni est alacres homini contingere visus,

Quos quasi custodes, defensoresq; periculi  
Prospiciens summa natura locauit in arce.

Qui stomachum regem totius corporis esse  
Contendant, vera niti ratione videntur.

Huius enim validus firmat tenor omnia mēbra,  
At contra eiusdem franguntur cuncta dolore.

Idem dicit de oculis Serenus quod Cic. 2. de nat. deorum, vbi partes humani corporis considerat, & elegantissime describit. Oculi, inquit, tanquam speculatores altissimum locum obtinent, ex quo plurima circumspicientes fangan-

tur suo munere. Oculos Galenus nunc organum vocat lucidum, nunc solarem animalis particulam, & diuinum quoque membrum: quia sit eius præcipue inexplicabilis, & mira subtilitas, si quid aliud in animantium natura. Et Stoici visum dei appellatione honestare non sunt veriti: sicut formam Theophrastus eundem vocabat, quoniam eo exuta facies, euadit informis. Ex Rhod. gin. lib. 3. cap. 28. Quæ de stomacho dicuntur, alludunt ad apologum Menenij Agrippæ, quem affert Lilius lib. 2. ab V. C. nempe de membris contra ventrem conspirantibus. Cui cum vt orloso nihil cibi suppeditarent, ipsa se marcescere ac deficere, & ventris, seu stomachi bonam habitudinem, suam incolumitatem, & salutem esse, certa experientia didicerunt.

SYNTAGMA QVARTVM.  
SALES, SIVE IOCATIONES,  
VBI ET EPI-  
grammata.

I. *Socrates obsonabat famem.*

Socrates ante ædes ad seram vsque vesperam sinambulabat. Interrogatus quid ageret, responderebat, in cœnam se obsonium comparare. Athenæus lib. 5. Bonum appetitum, ὁρεξις quam excitat, & prouocat ambulatio, intelligebat.

Belharo

Blepharo in Amphitr. *Nihil est, famem expectat obambulans.* Paulo aliter Cic. Tulcel. V. Socrátó ferunt, cum usque ad vespertam ad Piræeum contentius ambularet, quæ situmque esset ex eo cur id faceret, obsonare famem se ambulando dixit. Describens disciplinam quam militibus suis adhiberet Cyrus lib. 2. Xenophon. Vtebatur præterea, inquit, hac diligentia, ut nunquam, nisi prius sudassent, ad prandium, cœnamque introirent. Aut enim ad venationem educendo ut sudarent faciebat: aut ludos tales excogitabat, qui sudorem essent præbituri; aut etiam, si quid cum agere oporteret, ita ducem se præstabat ad rem gerendam, ut sine sudore non redirent. Hoc enim & ad suauiter vescendum, & ad bonam valetudinem, & ad laborem sustinendum conducere existimabat.

Diogenes fame, & siti utebatur ante cibum semper: & existimabat hoc ipsum esse aptissimū, & acerrimū obsonium. Ita iucundius comedie offam, quàm alij pretiosissimos cibos: iucundiusque bibit fluentem aquā, quàm alij vinum Thasiū. Dio Chrysost. orat. 6. de tyrannide.

## II. Pecunia avaris æxenos.

Tanta pecuniæ cumulandæ fuit hominum illo sæculo cupiditas, De qua Anacharsis percunctante quodam ad quam rem esset pecunia Græcis vsui, respondit, ad numerandum. Idem ibid.



Pecuniam dixere à pecude, cuius nota signabatur à veteribus, quorum omnes pæne diuitiæ in re pecuaria. Et quanquã tota possessio, siue ea soli, siue rerũ mobiliũ sit, Iurecõsultis hoc nomine significatur, tamẽ sæpius, & vñtatius eo omne numismatis genus, quod numerari potest, intelligitur. Vtinam igitur ne hodie quoque regnaret pecunia, & tam multi eius cumulandæ studio ne feruerent, similes Horatiano illi auaro sat. 1. lib. 1.

--- ut quidam memoratur Athenis

Sordidus, ac dives populi contemnere voces

Sic solitus: populus me sibilat, at mihi plaudo

Ipse domi simul ac nummos contemplor in arca:

Recte Propert. lib. 3. eleg. 7.

Ergo sollicite tu caussa pecunia vitæ es.

Perte immaturum mortis adimus iter.

Tu vitijs hominum crudelia pabula præbes.

Semina curarum de capite orta tuo.

### III. Parasitus esuriens apud Plautum in Stichæ.

**A** Vdixi sæpe hoc vulgò dictum dicier,  
Solere elephantum gravidam perpetuos decem  
Esse annos; eius ex semine hæc certò est famex.  
Nam iam complures annos utero hæret meo.  
Nunc si ridiculum hominem quæret quispiam,  
Venalis ego sum cum ornamentis omnibus.  
Inanimentis explementum querito.  
Gelasius nomen mihi indidit paruo pater.

Propert

*Propter paupertatem adco hoc nomen reperi,  
 Quia inde iam à pauxillo puero ridiculus fui:  
 Eo quia paupertas fecit, ridiculus ut forem.  
 Nam illa omnes artes perdocet, ubi quem attigit  
 Per annonam caram dixit me natum pater:  
 Propterea, credo, nunc ego esurio acutus.  
 Sed generi nostro hac reddita est benignitas,  
 Nulli negare soleo, qui esum me vocat.*

Vide querimoniam Ergasili parasiti in Captivis.

#### IV. *Stultis bene est.*

**M**ente lapsus fuerat aliquando vir nobilis.  
 Habebat bona fœmina filium, cui similiter  
 mentis vsus ademptus erat: quæ eius curandi cō-  
 silium exquirens, ad hunc nobilem ire iussa est,  
 quod fecit, & ab eo huius morbi, ut ab expecto,  
 remediū candide pro fillo petiuit. Cui ille. Heus  
 tu mulier, ne te res ista angat: sine fœlicem ef-  
 se filium tuum. Nam mihi nunquam melius fuit,  
 quam cū mente alienata, & stultus essem. Verum  
 dixit. Tales enim sine omni cura, & sollicitudi-  
 ne vitam quietam & tranquillam ducunt, & in  
 vtramque aurem securi dormiunt. Ex Italico.

#### V. *Ingenium interdum malè habitat.*

**I**nuenias aliquando homines ingenio, & eru-  
 ditione præstantes, sed tamen habitu corporis  
 parum elegantes, & vitio aliquo deformes, qua-  
 lis Galba orator fuit: in quem per iocum Lolli-  
 us, ingenium Galba male habitare. Idem cum  
 causas

causas agens saepius compellaret Augustum, diceretque, Corrige, si quid peccaui, Auguste, subiecit urbanè idem Augustus, ad gibbum eiusdem alludens, Ego te monere possum, Galba, corrigere non possum.

Animus hominis prudens, ingeniosus, litteris excultus in corpore parum decetè est tanquàm vinum generosum in vase testaceo, aut gemma pretiosa in annulo æreo. Ne propter vasculi, & æris vilitatem vinum, gemma nobis vilescant. Audiamus Senecam epist. 66. Non deformitate corporis fœdatur animus: sed pulchritudine animi ornatur corpus.

#### VI. ALIQUOT IOCA DIOGENIS.

Interrogatus quemadmodum Dionysius amicos haberet, Ut vascula, inquit. Plenos euacuat, vacuos abiicit. A spectaculo venientem percontabatur quispiam, multa ne illic turba effuisset, Turba quidè, ait, multa, homines pauci. Caluus quidam ei conuiciabatur, Ast ego, inquit, te vicissim maledictis appetere nolo: laudo autem capillos, qui insanum istud caput tuum fugientes glabrum reliquerunt. Cum videret mulierem in lectica ferri, dixit, non secundum ferà esse caueam. Apud Megarenenses cum aspexisset oves densiore lana coopertas, liberos autem eorum incedere nudos, præstat, inquit, Megarenfis esse arietem quàm filium.

#### VII. In diuino arbitrio acquiescendum.

Diago-

**D**iagoras dei providentiam sustulit, cognominatus *ἄθιος*. Hic cum in Samothraciam venisset, audiuit ab amico quodam, Nonne animaduertis, Diagora, qui deos censes humana negligere, ex tot tabellis pictis, quam multi votis vim tempestatis effugerint, & in portum salui deuenierint? At illi, subiecit Diagoras, nusquā picti sunt, qui naefragio facto in mari perierunt. Rīdiculū ē dictum, sed impiū.

### VIII. *Magni fures impunè peccant.*

**M** Cato in orat. quam de praeda militibus dispartienda habuit, Fures, inquit, priuatorum furtorum in neruo, atque compedibus aetatem agunt: fares publici in auro, atque purpura.

Quoniam varijs modis aliena inuitis dominis aut auferuntur, aut detinentur, aut vsurpantur, in quibus sita est furti ratio, sit vt varia furum genera reperiantur, de quibus agitur cum septimū Decalogi præceptum explicatur. Atq; inde perspicitur etiam homines alioqui copiosos, aut nobiles, & illustres in furibus numerari, qui opibus suis, & potentia freti, alios circumueniunt, opprimunt, & per summam iniuriam fortunis suis exturbatos ad egestatem redigunt, cruce digniores, quā qui paupertate conflictati aliquantillum pecuniæ surriperunt.

### IX. *Retortum in auctorem.*

**O**Rator quidam Atheniensis Lacedæmonas imperitos appellabat. Id audiens Pausaniæ filius, Rectè dicis, inquit : soli enim Græcorum nihil à vobis mali didicimus.

*X. Ex Trinummo Plauti.*

**CALLICLES, MEGARONIDES**

*senes duo.*

*C. Larem corona nostrum decorari volo.*

*Vxor, venerare, ut nobis hec habitatio*

*Bona, fausta, salix, fortunataq; eueniat,*

*Teque ut quam primum possim, videam summi  
tuam*

*O amice salve, atque equalis mihi*

*Magaronides: M. Et tu adepol salve Callicles.*

*Valen' valuisti? C. valeo, Et valui realius.*

*M. Quid agit tua vxor? ut valet? C. plusquam  
ego volo.*

*M. Bene hercle est illam tibi bene valere, Et vi-  
uere.*

*C. Credo hercle te gaudere, siquid mihi mali est.*

*M. Omnibus amicis quod mihi est cupio esse  
idem.*

*C. Eho tua vxor quid agit? M. immortalis est.*

*Viuat, victuraq; est. C. bene hercle nuntias:*

*Deosq; oro, ut vita tua superstes suppetat.*

*M. Dum quidem hercle tecum nupta sit, sana  
velim.*

*Vin' commutemus, tuam ego ducam, Et tu me-  
am?*

*Paxo haud tantillum dederis verborum mihi.*

*C. Habeas ut nactus: nota mala res optima est.*

XI. *In curiosum.*

**I**Mprobus nescio quis cum usque ad nauseam Demaratum rogasset, quemnam suæ gentis optimum arbitraretur, Qui, inquit, tui est dissimillimus. Sic Bias ab impio interrogatus quid esset pietas, nihil respondit. Causam silentij eo querente, Quia, inquit, de re ad te nihil pertinente sciscitaris. Laert. lib. i.

XII. *In hydropicum.*

**P**Vb. Syrus, cuius extant versus *μωρόστροι*, de quodam hydropico ad solem stante percunctanti quid ageret, Aquam calefacit, inquit.

XIII. *Virga argentea.*

**A**Nchistenes, à discipulis mercedem satis grædem exigens, ob id paucos numerabat, pluribus videlicet eum deferentibus. Causam potentij, quia, inquit, argentea illos ferula eijcio.

Eadem, argentea scilicet, virga summus eloquentiæ doctor Isocrates Demosthenem eiecit. Qui cum se mille drachmas, quanta mercede placebat Isocrates, se præ inopia soluere nō posset diceret, quinam partem, hoc est, ducentas soluturum, ut se quintam artis suæ partem dederet, respondit ille, Non solemus artem nostrā ustillatim comminuere, ô Demosthenes. Sed

ut bonos pisces integros vendimus, sic ego tibi, si mihi operam dare voles, artem suis numeris perfectam tradam. Mirum quomodo non etiam eadem suos eiecerit Gorgias, qui ab unoquoque C. minas exigebat.

#### XIV. *Latius regnes auidum domando spiritum &c.*

**A**ntiochus magnus Asia rex, cum à Scipione deuietus Tauro tenus regnare iussus esset, omnemque hanc Asiam, quæ nunc nostra provincia est, amisisset, dicere est solitus: benigne sibi à pop. Rom. esse factum, quod nimis magna procuratione liberatus, modicis regni terminis vteretur. Cic. pro Deiot.

Scitè Antiochus si simulatè, grauitè, sapienter, ac vere, si ex animo. Est enim Regum propter curarum assiduarum molem, suspiciones, difficultates, pericula, metus felicitas misera. Ob quas res quidam sponte se regnis abdicarunt. Ut permirum videatur, quomodo Alex. M. alium quem subigeret orbem quæsiuerit.

#### XV. *C. Caligula Iupiter.*

**D**E C. Caligula scelestissimo Imp. & sutore quodam & hoc apud Dionem lib. 59. scriptum inuenio. Cum forte Iouis figura, & habitu assumpto ius pro tribunali diceret, & Gallus quidam sutor fatuum aspiciens rideret, quæsiuit ab eo, quis nam ipsi videretur. Magnum delirium inquit. Passus est sic abire in homine plebeio

hoc



hoc convicium Cæsar, quod mireris in tyranno  
haud immerito.

Et huius, & Tiberij, & Claudij, & Heliogaba-  
li, & Neronis, & aliorum inauditæ stultitiæ nun-  
quam satis reprehendi, & Romanæ Reipub. ca-  
lamitas, à teterrimis hisce portentis, tyrannisq;  
crudelissimis insolentissimè irritæ, vexatæ, lacer-  
ratæ, pedibus conculcatæ nunquam satis deplo-  
rari potest.

XVI. *Romulus subsannatus. Romani  
perstricti.*

Cum Galli Romam Brenno duce obsiderent,  
in regiam Romuli inciderunt, miratique  
sunt ex tam humili casa, culmo & stramentis cõ-  
pacta potuisse ipsum vno saltu in cælum scande-  
re. Deinde subiecta face cremantes aiebant, se  
paupertatem tanti regis, immo Dei Quirini te-  
gere, & expiare flammis eius in fratrem (pro-  
pter murum violatum scilicet commissum par-  
ricidium. Quod si Romani (inquit Brennus) vel-  
lent quæcunq; à confinibus nationibus, ne dum  
à remotissimis abstulerunt restituere, verendum  
ne ad cannas, & stipulas, & ad greges Romuli  
opilionis redeundum foret.

De casa Romuli Quid. i. Fast. *Dum casa Mar-  
tigenam capiebat parua Quirinum.* Et alibi. *Fer-  
tur & in parua delituisse casa.* Propert. lib. 4. eleg. i.  
*Nec fuit opprobrio facta sine arte casa.* Halicarnas.  
lib. i. agens de Romulo & Remo etiamnum pa-

storibus, victum, ait, sibi parantes manibus, in montibus plerumque è lignis, & arundine compingentes humiles, absque vlla contignatione casulas: quarum vna vsque ad nostram ætatem durauit, cognominata Romuli. Quam vt sacram seruant, quibus id mandatum est, nihil eam augustius ædificare satagentes. Quod si quid temporum, aut tempestatum iniuria vitiatum fuerit, refarcitur, quantum fieri potest ad formam pristinam.

XVII. *Claud. Imp. fungo*  
*ἀποθεωθεῖς.*

**N**Ero fungos deorum cibum vocat: quod Agrippina medicato fungo Claudium maritum Imp. sustulisset, cum cælo inseruisset; iuxta opinionem vulgi nempe, Imperatores post mortem ad deos abire credentis. Dio, lib. 60. in extremo.

XVIII. *Pecunia nihil in expugnabilius.*

**C**UM Agesilaus Lacedæmoniorum rex contra Persas in Asia, terra, marique rem fælititer gereret, summæque victoriæ immineret, Artaxerxes Hermocratem cum magna vi auri in Græciam ad potentissimum quemque in sua ciuitate largitione corrupendum, & ad arma in Lacedæmonios concitanda misit. Cum igitur  
 maxima

maximæ ciuitates conspirassent, & conturbata  
 esset Peloponnesus, à magistraturæ reuocatus est  
 Agesilaus. Qui discedens amicis miratibus dixit,  
 triginta millibus sagittariorum se Asia pelli, quo-  
 rum impetum sustinere nequiuert. Numisma-  
 tis enim Persici signum erat sagittarius. Quo di-  
 cterio notabat ciues patricios suos, qui obrecta-  
 tione laudis suæ non ab Hermocrate Rhodio,  
 sed à Tissapherne Persa triginta millibus aureis  
 sagittarijs corrupti, ipsum ab Asia reuocassent.  
 Plutarch. in Artaxerxe, Iouius in Elogio eius-  
 dem.

### XIX. *Q. Cicero pusillus homo.*

**Q** Cicero Marci Tullij frater staturâ pusillus  
 erat. Cuius clypeatam imaginem ingenti-  
 bus lineamentis, vsque ad pectus ex more pictâ  
 intuitus Marcus, frater meus, inquit, dimidi-  
 us maior est quàm totus. Macrobian. Saturnal. 2. cap. 3.

### XX. *Mæcha duplex.*

**F**auftus Syllæ filius, quum soror eius eodem  
 tempore duos mæchos haberet, Fuluiū ful-  
 lonis filium, & Pompeium cognomento Ma-  
 culam, miror, inquit, sororem meam habere  
 maculam, cum habeat fullonem. Idem.

### XXI. *Dant confidentiam natales.*

**I**ulia Augusti filia ab amico viro graui mone-  
 batur, melius facturam, si se ad exemplum  
 paternæ frugalitatis componeret. Respondit: Il-

le obliuiscitur se Cæsarem esse : at ego memini  
me Cæsaris esse filiam. Idem.

XXII. *Inuidia Fortunæ adscribit, quod  
virtus meretur.*

**T**imotheum Atheniensium ducem bello in-  
clytum, & subactis urbibus nobilem pinxe-  
runt quidam dormientem, ei que Fortunam a-  
stantem, & vrbes reti attrahentem, ex inuidia vi-  
delicet, quam virtus parere, & fælicitas solent.  
Hos æmulos sic illudit Timotheus, vt diceret, si  
huiusmodi vrbes capio dormiens, quid me fa-  
cturum censeris si vigilauero? *Ælian. lib. 13. cap.*  
*43. Comparat eum cum Demetrio lib 3. cap. 16.*  
*Nihil ei profuisse virtutem ostendit cap. 47.*

XXIII. *Qui comedit quod fuit, quod  
non fuit.*

**B**ion Borysthenites lurconem quendam, qui  
ventris caussa fundos suos vendiderat ita te-  
tigit; Amphiarum terra absorpsit, sed terram  
tu. Præscripsimus huic dicto argumentum ver-  
bis Philtonis ex Trinummo, vbi sic ille senex de  
Lesbonico adolescente, qui decoxerat.

EX MARTIALE.

Ad Fidentinum.

*Fama refert nostros te, Fidentine, libellos  
Non aliter populo quam recitare tuos.*

*Si mea vis dici, gratis tibi carmina mittam.  
Si dici tua vis, hac eme, ne mea sint.*

De Philone.

*Nūquam se cœnasse domi Philo iurat, & hoc est,  
Nō cœnat, quoties nemo vocauit eum.*

In Lentinum.

*Mentiris iuuenem tinctis, Lentine, capillis!  
Tā subito cornus, qui modò cygnus eras.  
Nō omnes fallis: scit te Proserpina canum;  
Personam capti detrahet illa tuo.*

In coniuges improbos.

*Quum sitis similes, paresq; vita,  
Vxor pessima, pessimus maritus,  
Miror non bene conuenire vobis.*

In Maronem.

*Nil mihi das viuis, dicis post fata daturum.  
Si non es stultus, scis, Maro, quid cupiam.*

In Cinnam.

*Verficulos in me narratur scribere Cinna.  
Non scribit cuius carmina nemo legit.*

De Lino.

*Dimidium donare Lino, quā credere totum  
Qui mauult, mauult perdere dimidium.*

In Phœbum.

*Mentiris fictos vnguento, Phœbe, capillos,  
Et tegitur pictis sordida calua comis.  
Tonsorē capiti non est adhibere necessum,  
Radere te melius spongia, Phœbe, potest.*

SALES ET  
EX AVSONIO,  
In Philomusum.

*Emptis quod libris tibi bibliotheca referta est,  
Doctum Grammaticum te, Philomuse, patas.  
Hoc genere & chordas, & pleetra, & barbita conde,  
Omnia mercatus cras citharædus eris.*

*In pictam imaginem Rufi Rhetoris.  
Hæc Rufi tabula est, nil verius. Ipse ubi Rufus?  
In cathedra. quid agit? hoc quod & in tabula?*

De eodem.

*Reminisco Rufus dixit in versu suo.  
Cor ergo versus, immò Rufus non habet.*

De eodem.

*Rufus vocatus rethor olim ad nuptias,  
Celebri, ut sit in convivio,  
Grammatica ut artis se peritum ostenderet,  
Hæc vota dixit nuptiis.  
Et masculini, & feminini gignite,  
Generisq; neutri filios.*

*De Chresto, & Acindyno fratribus.  
Germani fratres sunt Chrestus, Acindynus alter.  
Falsum nomen utrique: sed ut verum sit utrique,  
Alpha suum Chresto det Acindynus, ipse sine alpha  
Permaneant: verum nomen uterq; geret.*

*De signo Iouis, & Alcone medico.  
Alcon hesterno signum Iouis attigit, ille  
Quamvis marmoreus vim patitur medici.  
Ecce hodie in usus transferri ex æde vetusta,  
Effertur: quamvis sit deus atque lapis.*

Ἀρχὴ τὸ ἥμισυ πάντος.

*Incipe, dimidium facti est cœpisse, super sit  
Dimidium, rursus hoc incipe, & efficies.*

*Laureæ M. Tullij liberti in leuitatem  
fæminarum.*

*Crede ratem ventis, animam ne crede puellis,  
Namque est faminea tutior unda fide.*

*Femina nulla bona est: sed si bona contigit una,  
Nescio quo fatores mala facta bona est.*

EX ANTHOLOGIÆ, LIB. II.

In stultum.

INCERTI.

*Pulicibus stultum mordentibus, illo lucerna  
Exincta, haud me iam conspicietis, ait:*

In Grammaticos.

LVCILLII.

*Grammatici quoties fio memor Heliodori,  
Vineta solæcismis lingua repente mea est.*

Eiusdem in alium.

*Atrida, & Paridis narras foris acta, tuæq;  
Permultos Helenes intus habes Paridam.*

In probè nasatum.

LEONIDÆ.

*Non opus est habeat pisces Sosiptolis emptor:  
Gratis ei in magno copia magna mari.*

*Nectamen huic linum, calamusue est: naribus hæ  
Appendens, pisces extrahit ille salo.* (mura)

In foeminam deformem:



*Te speculum fallit : speculum nam, Gellia, verum  
Si semel inspiceres, non iterum inspiceres.*

*In medicum.*

*NICARCHI.*

*Non me purgavit Phidon, tetigitue : sed eius  
Nomine dum febriens immoror, emorior.*

*In Citharædos.*

*LVCILLII.*

*Nycticorax lethale canis, letharis at uno  
Demophili cantu tu quoque nycticorax.*

*Eiusdem.*

*Vicinos, tota dum psallit nocte, necavit  
Simylus : incolumi sed tamen Origene.*

*Namque creatur eum surdum natura : sed aui,  
Dum negat auditum, prorogat illa dies.*

*In hirsutum.*

*Eiusdem.*

*Hermogeni tonsor caput ut tonsurus, ubi, inquit,  
Huic tandem caput est ? hispida cuncta videns.*

*In pigrum.*

*Eiusdem.*

*Carcere quem subiit dum Marcus abire pigratur,  
Non facta cadis maluit esse reus.*

*In avarum.*

*Eiusdem.*

*Sordidus in somnis impensas fecerat Hermon,  
Hocce dolens, fregit mox sibi fune gulam.*

In inuidum.

*Eiusdem.*

*In cruce cum figi socium maiore videret,  
Tabifica est Diophon mortuus inuidia.*

EX RECENTIORIBVS LATINIS.

In Pamphilum,

POLITIANI.

*Mittis vina mihi, mihi, Pamphile, vina supersunt.  
Vis mage quod placeat mittere? mitte sitim.*

In Mabilium.

*Eiusdem.*

*Ore tibi pauci, sed nulli in carmine dentes  
Cum sint, atque illi sint putridi & veteres,  
Allatras, ut cum nequeas mordere, Mabili,  
Latratu ostendas te tamen esse canem.*

In somnos.

*Eiusdem.*

*O mihi quanta datis fallaces gaudia somni?  
Inuideo, Endrymion, Latmia saxa tibi.  
Iam si nil sopor est gelida nisi mortis imago,  
Omnia mori superat gaudia, vita vale.*

In Lycarmum furem.

HERCVL. STROZÆ.

*Suspendendus erat Phœbo redeunte Lycarmus,  
Furcam alius sero vespere fur rapuit.  
Quid sonti sperare nefas, si turpia furti  
Quod dederant laqueo surripuere caput.*

In quendam.

M V R E T I.

*Mulciber incessu, capite Æolus, ore Lyaus.**Tres uno diuos corpore solus habes.*

In Pontilianum.

Eiusdem.

*Cum rapidus medio defauit in equore Titan,**Fer puer huc cyathos Pontilianus ait.**Cum pluit, en, inquit, deus admonet esse bibendū,**Qui nunc tam multo proluit imbri solum.**Sic vacua a potu non unquam tempora ducit,**Curq; bibat semper Pontilianus habet.*

Epitaphium Vituli &amp; Asellæ.

MICHAEL. TARCHAN.

*Mœrendi Vitulus, atq; Asella coniuges;**Qui morte præsentī mala, nec ille bos,**Nec illa quiniit emori asina: hoc ex sole**Sibi bonis sumpsere quod vides soli.*

In senem scipione vtentem.

CÆLII RHODIG.

*Quid ferula moliris iter? quid te magis urges?**Ad mortem gemino non satis ire pedes?*

De Codro.

SIMON. VALLAMBERT.

*Marmoreas ades trita cum veste subibas**Codrus, at exclusus limine tristis ait: (ret ?**Tantus honor panno? huc superis ne intrare lice-**Sunt nudi, in calum nec nisi nudus eas.*

## In Prognosticum ridiculum.

THOM. MORI.

*Hoc anno in regno rex nobilis ille quiescet**Gallorum, celebris scripserat astrologus.**Rex bene vix cæpto vita defungitur anno.**Iam nil se vates quo tucatur habet.**Rem quidam risu tentat defendere. Verum est**Angurium, Rex iam nonne quieuit? ait.**Latius hoc verbum proropit, Et undiq; ridens**Id populus, Rex iam nonne quieuit? ait.**Audit ut in populo hoc vates, iam deniq; verū est**Angurium, Rex iam nonne quieuit? ait.**Tumulus Hyæ inertiss. hominis.*

IOVIAN. PONT.

*Nunquam vixit Hyæ: sed Hyæ hoc conditum  
antro.**Si vixit nunquam, mortuus est nec Hyæ.**Tumulus Erris nanū.**Eiusdem.**Et tumulus brevis est, titulus brevis, Et brevis  
nomen,**Et iacet hic nanus, nanula testa regit.**In versificatores duos, quorum alter an-  
diebat Sutor, alter Faber.*

GASPARIS VRSINI.

*Sutor fuit poema, procreavit Faber,**Coriaceos ille, iste versus ferreos.**Ad Steph. Doletum.*

## ANTON. GOVEANI.

*Pythagora si dogma placet, Dolete, renati,  
Non mirum est animam si Ciceronis habes.  
At tantam molem, & tantos diffusa per artus  
Virtutem certè perdidit illa suam.*

*Ad Ianum Habertum.*

*Eiusdem.*

*Quæ tu paucæ putas epigrammata, Iane, putarim,*

*Si bona, multa satis: si mala, multa nimis.*

*In titulum cuiusdam libri.*

*IOACH. BELLAI.*

*Paule tuum inscribis Nugarum nomine librum.*

*In toto libro nil melius titulo.*

*Puluisculus ad candorem dentium.*

*L. APVLEII.*

*Calpurniane salve properis versibus.*

*Misi, ut petisti, tibi munditias dentium.*

*Nutelas oris ex Arabicis frugibus,*

*Tennem, candificum, nobilem puluisculum,*

*Complanatorem tumidula gingivula,*

*Conuerritorem pridiane reliquie,*

*Ne quæ visatur tetra labes sordium,*

*Restrictis forte si labellis riseris.*

*De magistri ludi negligentia.*

*INCERTI.*

*Indoctus teneram suscepit Canalo plebem,*

*Quam cogat primas discere litterulas.*

*Sed*

*Sed cum discipulos nullo terrore coercet,  
 Et ferulis culpas tollere cessat iners,  
 Proiectis pueri tabulis Floralia ludunt.  
 Iam nomen ludi ritè magister habes.  
 De asino, qui Æneidem discerpfit.*

*Incerti.*

*Carminis Iliaci libros discerpfit asellus,  
 Hoc Troie fatum est; aut equus, aut asinus.  
 In Ventidium Baslum.*

*Incerti.*

*Concurrите omnes augures, aruspices:  
 Portentum inusitatum constat est recens,  
 Nam mulos qui fricabat, Consul factus est.  
 Subscriptum statuæ Iulij Cæs.  
 Brutus quia reges eiecit, Consul primò factus est,  
 Hic, quia Consules eiecit, rex postremò factus est.*

*Vxor imperiosa. Incerti.*

*Dum quadã cerebrosa diu reprehenditur uxor,  
 Nec satis officij dicitur esse memor:  
 Quid de me queritur coniux? quod vult volo,  
 dixit,  
 Imperium is sibi vult, id volo & ipsa mihi.*

*In parcum conuiuatore.*

*HEN. STEPH.*

*Conuiuas quoties, grata est tibi prodiga cœna,  
 Cum conuiuator, parca, & auara placet,  
 Vnde hoc? Actiuus (liceat sic dicere) luxus,  
 Sed non passiuus displicet, Aule, tibi.*

*Re.*

Responsum Germani super vino  
diluendo.

*Incerti.*

*Temperet ut lymphæ vinum dum forte monetur  
Germanus quidam, talia verba refert.*

*Si vestes ingressu adeo solet esse molesta,  
Pernicies stomachi quæ mala postis aqua est?*

*In Ostentatorem barbæ.*

*PETRI ALBIERI.*

*Battale quod iactas hirsuto vellere barbam,  
Mento nempe vales, Battale, mente cares.*

*In Potorem.*

*D V S Æ.*

*Vnde suum queris ducat cereuisia nomen?  
Quod cerebrum visat crebra, Sabelle, suum*

XXIV. *Dicti abusio.*

**A** Grestis quidam simplicissimus, & lare tenui,  
sæculente pestilentia vxorem, & liberos a-  
miserat. Is ut amicis charitatem erga suos, mor-  
toremque ex tot funeribus conceptum osten-  
deret; me ipsum consolet necesse est, inquit,  
quando non solus hanc calamitatem experior.  
Semper enim diabolus, quæ sunt homini charis-  
sima eripere consuevit. Ex German.

XXV. *C. Iulius Cæsar duo Coss.*

**C**æsar Iulius cætera in vrbe solus & introdu-  
xit, & suavit, & decreuit in vnuersum o-  
mnia



omnia, haud aliter quàm si solus Romæ imperaret. Vnde faceti quidam M. Bibuli collegæ nomen omnino reticuerunt: Cæsarem autem pro duobus Consulibus & nominauerunt, & scripserunt, C. Cæsarem, & Iulium Cæsarem Coss. dicentes. Dio lib. 8.

Hac de re Sueton. cap. 20. in hunc modum. Vnus ex eo tempore omnia in repub. & ad arbitrium administravit: vt nonnulli verbanorum, cū quid per iocum testificandi gratia signarent, non Cæsare, & Bibulo, sed Iulio & Cæsare Coss. actū scriberent, atque vulgò mox ferrentur isti versus.

*Non Bibulo quidquam nuper, sed Cæsare gestum est,*

*Nam Bibulo fieri Consule nil memini.*

Causam huius dominationis Iulio ipsemet Bibulus aliquam præbuit. Nam cum actiones eius magis vellet impedire, quam posset, maiore parte anni se domi tenuit. Quo pacto dum augere vult inuidiam collegæ, auxit potentiam. Vel-  
leius lib. 2.

## XXVI. *Cæsar puer malè præcinctus.*

**O**ccasionem de se obtreccatoribus eo præbebat, quod etiam maiore iam natu formæ studeret: quippe semper laxiori veste delicatè vrebatur, & cinctura fluxiore, &c. Omnino verò Venerem colebat, à qua se etiam formæ quandam venustatem habere persuadere omnibus nitebatur. Igitur Venerem armatam annulo insculptam gestabat, eaque tessera in rebus sum-  
mis

storibus, victum, ait, sibi parantes manibus, in montibus plerumque è lignis, & arundine compingentes humiles, absque vlla contignatione casulas: quarum vna vsque ad nostram ætatem duravit, cognominata Romuli. Quam vt sacram seruant, quibus id mandatum est, nihil eam augustius ædificare satagentes. Quod si quid temporum, aut tempestatum iniuria vitiatum fuerit, refarcitur, quantum fieri potest ad formam pristinam.

XVII. *Claud. Imp. fungo*  
*ἀποθεωθεῖς.*

**N**Ero fungos deorum cibum vocat: quod Agrippina medicato fungo Claudium maritum Imp. sustulisset, eum cælo inseruisset; iuxta opinionem vulgi nempe, Imperatores post mortem ad deos abire credentis. Dio, lib. 60. in extremo.

XVIII. *Pecunia nihil in expugnabilius.*

**C**Um Agesilaus Lacedæmoniorum rex contra Persas in Asia, terra, marique rem fælititer gereret, summæque victoriæ immineret, Artaxerxes Hermocratem cum magna vi auri in Græciam ad potentissimum quemque in sua ciuitate largitione corrupendum, & ad arma in Lacedæmonios concitanda misit. Cum igitur  
 maxima

maximæ ciuitates conspirassent, & conturbata  
esset Peloponnesus, à magistratu reuocatus est  
Agefilaus. Qui discedens amicis miratibus dixit,  
triginta millibus sagittariorum se Asia pelli, quo-  
rum impetum sustinere nequiuert. Numisma-  
tis enim Persici signum erat sagittarius. Quo di-  
cterio notabat ciues patricios suos, qui obtrecta-  
tione laudis suæ non ab Hermocrate Rhodio,  
sed à Tisapherne Persa triginta millibus aureis  
sagittarijs corrupti, ipsum ab Asia reuocassent.  
Plutarch. in Artaxerxe, Iouius in Elogio eius-  
dem.

XIX. *Q. Cicero pusillus homo.*

**Q** Cicero Marci Tullij frater staturâ pusillus  
erat. Cuius clypeatam imaginem ingenti-  
bus lineamentis, vsque ad pectus ex more pictâ  
intuitus Marcus, frater meus, inquit, dimidi-  
us maior est quàm totus. Macrobian. Saturnal. 2. cap. 3.

XX. *Mæcha duplex.*

**F**austus Syllæ filius, quum soror eius eodem  
tempore duos mæchos haberet, Fuluiū ful-  
lonis filium, & Pompeium cognomento Ma-  
culam, miror, inquit, sororem meam habere  
maculam, cum habeat fullonem. Idem.

XXI. *Dant confidentiam natales.*

**I**ulia Augusti filia ab amico viro graui mone-  
batur, melius facturam, si se ad exemplum  
paternæ frugalitatis componeret. Respondit: Il-

le obliuiscitur se Cæsarem esse; at ego memini me Cæsaris esse filiam. Idem.

XXII. *Inuidia Fortunæ adscribit, quod virtus meretur.*

**T**imotheum Atheniensium ducem bello inclytum, & subactis urbibus nobilem pinxerunt quidam dormientem, ei que Fortunam astantem, & vrbes reti attrahentem, ex inuidia videlicet, quam virtus parere, & fælicitas solent. Hos æmulos sic illudit Timotheus, vt diceret, si huiusmodi vrbes capio dormiens, quid me facturum censeris si vigilauiro? *Ælian. lib. 13. cap. 43.* Comparat eum cum Demetrio lib 3. cap. 16. Nihil ei profuisse virtutem ostendit cap. 47.

XXIII. *Qui comedit quod fuit, quod non fuit.*

**B**ion Borysthenites lurconem quendam, qui ventris causa fundos suos vendiderat ita tetigit; Amphiarum terra absorpsit, sed terram tu. Præscripsimus huic dicto argumentum verbis Philtonis ex Trinummo, vbi sic ille senex de Lesbónico adolescente, qui decoxerat.

EX MARTIALE.

Ad Fidentinum.

*Fama refert nostros te, Fidentine, libellos  
Non aliter populo quàm recitare tuos.*

*Si mea vis dici, gratis tibi carmina mittam.  
Si dici tua vis, hac eme, ne mea sint.*

De Philone.

*Nūquam se cœnasse domi Philo iurat, & hoc est,  
Non cœnat, quoties nemo vocauit eum.*

In Lentinum.

*Mentiris iuuenem tinctis, Lentine, capillis  
Tam subito coruus, qui modò cygnus eras.  
Non omnes fallis: scit te Proserpina canum;  
Personam capti detrahet illa tuo.*

In coniuges improbos.

*Quum sitis similes, paresq; vita,  
Vxor pessima, pessimus maritus,  
Miror non bene conuenire vobis.*

In Maronem.

*Nil mihi das viuus, dicis post fata daturum.  
Si non es stultus, scis, Maro, quid cupiam.*

In Cinnam.

*Versiculos in me narratur scribere Cinna.  
Non scribit cuius carmina nemo legit.*

De Lino.

*Dimidium donare Lino, quàm credere totum  
Qui mauult, mauult perdere dimidium.*

In Phœbum.

*Mentiris fictos vnguento, Phœbe, capillos,  
Et tegitur pictis sordida calua comis.  
Tonsorem capiti non est adhibere necessum,  
Radere te melius spongia, Phœbe, potest.*

## EX AVSONIO,

In Philomusum.

*Emptis quod libris tibi bibliotheca referta est,  
Doctum Grammaticum te, Philomuse, putas.  
Hoc genere & chōrdas, & plectra, & barbita conde,  
Omnia mercatus cras citharædus eris.*

In pictam imaginem Rufi Rhetoris.

*Hæc Rufi tabula est, nil verius. Ipse ubi Rufus?  
In cathedra. quid agit? hoc quod & in tabula.*

De eodem.

*Reminisco Rufus dixit in versu suo.  
Cor ergo versus, immo Rufus non habet.*

De eodem.

*Rufus vocatus rethor olim ad nuptias,  
Celebri ut sit in convivio,  
Grammatica ut artis se peritum ostenderet,  
Hæc vota dixit nuptiis.*

*Et masculini, & feminini gignite,  
Generisq; neutri filios.*

De Chresto, &amp; Acindyno fratribus.

*Germani fratres sunt Chrestus, Acindynus alter.  
Falsum nomen utrique: sed ut verum sit utrique,  
Alpha suum Chresto det Acindynus, ipse sine alpha  
Permaneant: verum nomen uterq; geret.*

De signo Iouis, &amp; Alcone medico.

*Alcon hesterno signum Iouis attigit, ille  
Quamvis marmoreus vim patitur medici.  
Ecce hodie inssus transferri ex ade vetusta,  
Effertur: quamvis sit deus atque lapis.*

Ἀρχὴ τὸ ἥμισυ πάντος.

*Incipe, dimidium facti est cœpisse, superis*

*Dimidium, rursus hoc incipe, & efficies.*

*Laureæ M. Tullij liberti in leuitatem  
fæminarum.*

*Crede ratem ventis, animam ne crede puellis,*

*Namque est faminea tutior unda fide.*

*Femina nulla bona est: sed si bona contigit una,*

*Nescio quo fatores mala facta bona est.*

EX ANTHOLOGIÆ LIB. II.

In stultum.

INCERTI.

*Pulicibus stultum mordentibus, ille lucerna*

*Extincta, haud me iam conspicietis, ait:*

In Grammaticos.

LVCILLII.

*Grammatici quoties fio memor Heliodori,*

*Vincta solæcismis lingua repente mea est.*

Eiusdem in alium.

*Asrida, & Paridis narras foris adta, tuæq;*

*Permultos Helenes intus habes Paridam.*

In probè nasatum.

LEONIDÆ.

*Non opus est habeat pisces Sosiptolis emptor:*

*Gratis ei in magno copia magna mari.*

*Nectamen huic linum, calamusue est: naribus hæ*

*Appendens, pisces extrahit ille salo.* (mura

In foeminam deformem:



*Te speculum fallit : speculum nam, Gellia, verum  
Si semel inspiceres, non iterum inspiceres.*

*In medicum.*

NICARCHI.

*Non me purgavit Phidon, tetigitue : sed eius  
Nomine dum febriens immoror, emorior.*

*In Citharædos.*

LVCILLII.

*Nycticorax lethale canis, letharis at uno  
Demophili cantu tu quoque nycticorax.*

*Eiusdem.*

*Vicinos, tota dum psallit nocte, necavit  
Simylus : incolumi sed tamen Origene.*

*Namque crearat eum surdum natura : sed aui,  
Dum negat auditum, prorogat illa dies.*

*In hirsutum.*

*Eiusdem.*

*Hermogeni tonsor caput ut tonsurus, ubi, inquit,  
Huic tandem caput est : hispida cuncta videns.*

*In pigrum.*

*Eiusdem.*

*Carcere quem subiit dum Marcus abire pigratur,  
Non facta cadis maluit esse reus.*

*In avarum.*

*Eiusdem.*

*Sordidus in somnis impensas fecerat Hermon,  
Hocce dolens, fregit mox sibi fune gulam.*

In inuidum.

*Eiusdem.*

*In cruce cum figi socium maiore videret,  
Tā bifida est Diophon mortuus inuidia.*

EX RECENTIORIBVS LATINIS.

In Pamphilum.

POLITIANI.

*Mittis vina mihi, mihi, Pamphile, vina supersunt.  
Vis magis quod placeat mittere? mitte sitim.*

In Mabilium.

*Eiusdem.*

*Ore tibi pauci, sed nulli in carmine dentes  
Cum sint, atque illi sint putridi & veteres,  
Allatras, ut cum nequeas mordere, Mabili,  
Latratu ostendas te tamen esse canem.*

In somnos.

*Eiusdem.*

*O mihi quanta datis fallaces gaudia somni?  
Inuideo, Endrymion, Latmia saxa tibi.  
Iam si nil sopor est gelida nisi mortis imago,  
Omnia mors superat gaudia, vita vale.*

In Lycarmum fūrem.

HERCVL. STROZÆ.

*Suspendendus erat Phœbo redeunte Lycarmus;  
Furcam alius sero vespere fur rapuit.  
Quid sonti sperare nefas, si turpia furta  
Quod dederant laqueo surripuere caput.*

In quendam.

MVRETI.

*Mulciber incessu, capite Æolus, ore Lyncus.**Tres uno diuos corpore solus habes.*

In Pontilianum.

Eiusdem.

*Cum rapidus medio desanit in equore Tiran,**Fer puer huc cyathos Pontilianus ait.**Cum pluit, en, inquit, deus admonet esse bibendū.**Qui nunc tam multo proluit imbre solum.**Sic vacua a potu non unquam tempora ducit,**Curq; bibat semper Pontilianus habet.*

Epitaphium Vituli &amp; Asellæ.

MICHAEL. TARCHAN.

*Mœrendi Vitulus, atq; Asella coniuges;**Qui morte præsentia mala, nec ille bos,**Nec illa quivixit emori asina: hoc ex sole**Sibi bonis sumpsere quod vides soli.*

In senem scipione vtentem

CÆLII RHODIG.

*Quid ferula moliris iter? quid te magis urgens**Ad mortem gemino non satis ire pedes?*

De Codro.

SIMON. VALLAMBERT.

*Marmoreas ades trita cum veste subibas**Codrus, at exclusus limine tristis ait: (ret)**Tantus honor panno? hac superis ne intrare lice-**Sane nudi, in calum nec nisi nudus eas.*

## In Prognosticum ridiculum.

THOM. MORI.

*Hoc anno in regno rex nobilis ille quiescet**Gallorum, celebris scripserat astrologus.**Rex bene vix cœpto vita defungitur anno.**Iam nil se vates quo tueatur habet.**Rem quidam risu tentat defendere. Verum est**Angurium, Rex iam nonne quieuit? ait.**Latius hoc verbum proropit, & undiq; ridens**Id populus, Rex iam nonne quieuit? ait.**Audit ut in populo hoc vates, iam deniq; verū est**Angurium, Rex iam nonne quieuit? ait.**Tumulus Hyæ inertiss. hominis.*

IOVIAN. PONT.

*Nunquam vixit Hyæ: sed Hyæ hoc conditum  
antro.**Si vixit nunquam, mortuus est nec Hyæ.**Tumulus Erris nanū.**Eiusdem.**Et tumulus brevis est, titulus brevis, & brevis  
nomen,**Et iacet hic nanus, nanula testa tegit.**In versificatores duos, quorum alter au-**diebat Sutor, alter Faber.*

GASPARIS VRSINI.

*Sutor fuit poema, procreavit Faber,**Coriaceos ille, iste versus ferreos.**Ad Steph. Doletum.*

## ANTON. GOVEANI.

*Pythagora si dogma placet, Dolete, renati,  
 Non mirum est animam si Ciceronis habes.  
 Attantam molem, & tantos diffusa per artus  
 Virtutem certè perdidit illa suam.*

Ad Ianum Habertum.

*Eiusdem.*

*Quæ tu pauca putas epigrammata, Iane, puta-  
 rim,*

*Si bona, multa satis: si mala, multa nimis.*

In titulum cuiusdam libri.

IOACH. BELLAI.

*Paule tuum inscribis Nugarum nomine librum.*

*In toto libro nil melius titulo.*

Pulvisculus ad candorem dentium.

L. APVLEII.

*Calpurniane salve properis versibus.*

*Misi, ut petisti, tibi munditias dentium.*

*Nitelas oris ex Arabicis frugibus,*

*Tenuem, candificum, nobilem pulvisculum,*

*Complanatorem tumidula gingivula,*

*Conuerritorem pridiana reliquie,*

*Ne quæ visatur tetra labes sordium,*

*Restrictis forte si labellis riseris.*

De magistri ludi negligentia.

INCERTI.

*Indoctus teneram suscepit Caualo plebem,*

*Quam cogat primas discere litterulas.*

*Sed*

*Sed cum discipulos nullo terrore coercet,  
 Et ferulis culpas tollere cessat iners,  
 Proiectis pueri tabulis Floralia ludunt.  
 Iam nomen ludi rite magister habes.  
 De asino, qui Æneidem discerpfit.*

*Incerti.*

*Carminis Iliaci libros discerpfit asellus,  
 Hoc Troia fatum est; aut equus, aut asinus.  
 In Ventidium Bassum.*

*Incerti.*

*Concurrите omnes augures, aruspices:  
 Portentum inusitatum conflatum est recens,  
 Nam mulos qui fricabat, Consul factus est.  
 Subscriptum statuæ Iulij Cæs.  
 Brutus quia reges eiecit, Consul primò factus est,  
 Hic, quia Consules eiecit, rex postremò factus est.*

*Vxor imperiosa. Incerti.*

*Dum quædã cerebrosa diu reprehenditur uxor,  
 Nec satis officij dicitur esse memor:  
 Quid de me queritur coniux? quod vult volo,  
 dixit,*

*Imperium is sibi vult, id volo & ipsa mihi.*

*In parcum conuiuatore.*

*HEN. STEPH.*

*Conuiuia es quoties, grata est tibi prodiga cœna,  
 Cum conuiuator, parca, & auara placet,  
 Vnde hoc? Actinus (liceat sic dicere) luxus,  
 Sed non passivus displicet, Aule, tibi.*

*Re.*

omnia, haud aliter quàm si solus Romæ imperaret. Vnde faceti quidam M. Bibuli collegæ nomen omnino reticuerunt: Cæsarem autem pro duobus Consulibus & nominauerunt, & scripserunt, C. Cæsarem, & Iulium Cæsarem Coss. dicentes. Dio lib. 8.

Hac de re Sueton. cap. 20. in hunc modum. Vnus ex eo tempore omnia in repub. & ad arbitrium administravit: vt nonnulli urbanorum, cū quid per iocum testificandi gratia signarent, non Cæsare, & Bibulo, sed Iulio & Cæsare Coss. actū scriberent, atque vulgò mox ferrentur isti versus.

*Non Bibulo quidquam nuper, sed Cæsare gestum est,*

*Nam Bibulo fieri Consule nil memini.*

Causam huius dominationis Iulio ipsemet Bibulus aliquam præbuit. Nam cum actiones eius magis vellet impedire, quam posset, maiore parte anni se domi tenuit. Quo pacto dum augere vult inuidiam collegæ, auxit potentiam. Vel-  
leius lib. 2.

## XXVI. *Cæsar puer malè præcinctus.*

**O**ccasionem de se obtrectatoribus eo præbebat, quod etiam maiore iam natu formæ studeret: quippe semper laxiori veste delicatè vrebatur, & cinctura fluxiore, &c. Omnino verò Venerem colebat, à qua se etiam formæ quandam venustatem habere persuadere omnibus nitebatur. Igitur Venerem armatam annulo insculptam gestabat, eaque tessera in rebus sum-  
mis



mis plerumque utebatur. Certe laxam eius cincturam Sylla quoque notauit: qui cum neci Cæsarem destinasset, deprecantibus pro eo respondit, se quidem ipsis eum concedere: verum ab isto malè præcincto cauerent. Quod cum Cicero non intellexisset, post, accepta clade, Nunquam, inquit, putabam fore, ut ab hoc, ita male cincto Pompeius vinceretur. Dio lib. 43. Locum hunc ita narrat Macrob. Saturnal. 2. cap. 3. Post victoriam Cæsaris interrogatus Cicero, cur in electione partis errasset, respondit, Præcinctura me decepit; iocatus videlicet in Cæsarem, qui ita toga præcingebatur, ut trahendo laciniam velut mollis incederet: adeo ut Sulla tanquam prouidus dixerit Pompeio, Cauetibi illum puerum male præcinctum.

### XXVII. *Consulatus ὀλιγοήμερος.*

**P**AUCIS diebus gesserat consulatum Vatinius, in quem Cicero facetè, Magnum ostentum anno Vatinij factum est, quod illo consule nec bruma, nec ver, nec æstas, nec autumnus fuit. Vlciſci autem se Cicero videbatur: ut qui respondisse sibi Vatinium meminerat, cum humeris se reipub. de exilio reportatum gloriaretur, Vnde ergo tibi varices? Macrob. ibid.

### XXVIII. *Notatum adulterium.*

**L**IUIAM Drusillam septimum iam mensem ex Claudio Tiberio Nerone, marito legitimo grauidam, ab eodem sibi uxorem Octavius Augustus

Augustus impetrauit. Vbi tertio post mense, id est, à conceptu decimo, apud eundem Claudiū Drusum Neronem enixa est. lactatum est igitur vulgò dicitur hoc, τοῖς ἐνὶ ὕδασι καὶ τρίμηνά τε δια, felicibus etiam trimestres nascuntur liberi. Quo Augustus perstringebatur, ex quo partum hunc Liuia per adulterium habere credebatur. Meminit dicti huius Sueton. vitam Claudij exordiens. Lepidum est quod adiungit hæc scribens Dio li. 48. In conuiuio (nuptiali) forte puellus quidam, quos garrulitate amabiles, matronæ nudos delectationis causa aliquos alere solent, quum diuerso loco Liuiam cum Cæsare, diuerso autem Neronem cum alio quodam accumbentem videret, accedens, Quid hîc, inquit, agis, Domina? Maritus tuus (monstrabat Neronem) illic accumbit.

XXIX. *Ex alieno periculo sapiens  
emendat suum.*

Iulio Gallico oratori causam agenti iratus Claudius Cæsar, in Tiberim, iuxta ipse iurisdictionem exercens, eum abijci iussit. Vnde perelegans Domitij Afrî, patroni reorum suo tempore præstantissimi locus: cuius auxilium quum quidam imploraret à Gallico destitutus, Quis tibi indicauit, inquit, me natatorem Gallico meliorem esse? Dio lib. 60.

XXX. *Claud. Imp. unco in  
calum raptus.*

R

Agripæ

**A** Grippina, ac Nero lugere se eum quem necauerant (Claudium) simulauere: eum exerat-  
que in cælum, quem è conuulso extulerant. Vnde L. Iulij Gallionis iocus vrbaniſſimus memoratur, pauciſſimis verbis plurima complectens. Quum enim eos qui in carcere necantur, magnis vncis in forum carnifices, ac inde in profluentē pertraherent, vncō Claudium in cælum raptum dixit. Scripsit & Seneca librum in Claudium ἀπολοκύντως in titulo, quaſi dicas, de immortalitate fungo parta. Dio ibid.

**XXXI. Egentes, & mendici, Principum Christianorum canes venatici.**

**L** Vdouicus Amedei Sabaudia Ducis filius ſeptem mares genuit, quorum maior natus Amedeus aui nomen, ac virtutem referens rogatus quondam à quibuſdam oratoribus, qui tunc aderant, ſi quos haberet canes venaticos oſtenderet, annuit, poſteroque die redire iuſſit. Cum adeſſent, ex pergula ingentem à latere adiutū mendicorum diſcumbentium multitudinem iſe oſtendit: atque hi ſunt, inquit, canes mei, quos alo quotidie, quibuſque cæleſtem beatitudinem me ſpero venaturum. Munſt. Coſmog. lib. 2.

**XXXII. Affeſtata armilla altera.**

**E** Rat Wilgo quidam dicaciſſimus, qui dicacitatis ſuæ, quod regem eximie exhalataſſet, armilla

armillam auream præmium meruerat. Ea indutus dextra, sinistram in tergum retorfit. Rogatus quid sibi vellet nouus incessus, respondit, erubescere sinistram, quòd in conspectu ditatæ germanæ prodire non auderet. Crantzii Damiaë lib. 1. cap. 16.

### XXXIII. *Simulata lubentia displicet.*

Iones, atque Æoles vblaudierunt Lydos citrà negotium à Persis victos. Legatos Sardis miserunt ad Cyrum, volentes iisdem conditionibus stare, quibus & Cæso fuerant subiecti. Verùm Cyrus ad eorum postulata per huiusmodi similitudinem, atque apologum respondit. Tibicen quidam vbi pisces in mari conspexisset, canere tibia cœpit, ratus nimirum eos ad cantus suauitatem in terram progressuros: at spe sua frustratus, misso in mare verriculo, ingentem piscium vim complexus est, traxitque. Et cum palpitantes cerneret in sicco, dixit ad pisces. Temperate nunc mihi, quæso, à saltationibus, quando non libuit vobis me canente saliendo progredi. Quæ verba Cyrus Ionibus, Æolibusque ideo dixit, quod Iones prius ipso Cyro per legatos ad amicitiam inuitante, & flagitante vt à Cræso rebellarent, constanter recusauerant: ac tum demum rebus confectis parati essent Cyri imperata facere. Herodot. lib. 1.

### XXXIV. *Rex nullius frugi.*

**W**enceslaus cognomento ignauus, Bohemiarum rex, & Imp. nascentem, & crescentem Ioannis Hussi hæresin per Bohemiam nō modo non compescuit, sed questus sui causa aluit, & fouit etiam, cum diceret, illum anferem (hoc enim sonat Bohemis nomen Huss) sibi aurea oua parere. Cromerus rerum Polon. lib. 16. Hūc tandem Principes propter socordiam, licentiamque vitæ, & morum intolerandam imperio cum exuissent, & ciuitates imperij sacramentum dicere successorī iuberentur, soli Norimbergenses pertinaciter Wenceslao cohærebant. Cumque grauius vrgerentur, missis oratoribus eius sententiam requisierunt, offerentes aureorum XX. millia, si eos absolueret. Qui contempto aure illos mox absoluit, iubens vt optimi vini Rhenani aliquot plaustra sibi mitterent. Crantziius Wandalia lib. 10. cap. 1.

### XXXV. *In hæreticos.*

**C**uiusdam eruditi, lib. de Trinit. & Mediatore Petrum Lombardum laudantis hoc est facetè dictum. Plus valet vnus Petrus Lombardus, quam centum Lutheri, ducenti Melancthonæ, trecenti Bullingeri, quadringenti Petri Martyres, & quingenti Caluini. Qui omnes si in mortario cōtunderentur, non exprimeretur vna vncia veræ theologiæ, præsertim in articulis de Trinitate, incarnatione, mediatore, & sacramentis.

XXXVI. *Coniuges discordes.*

**V**iduus viduam duxerat. Inter eos cum in prandio iurgium extitisset, mulier per contemptum semissem appositarum carnum pauperi cum his verbis porrexit; hoc tibi in gratiam prioris mariti mei do. Tum maritus eidem alterum dimidium dedit, adiiciens; & ego in gratiam prioris meæ vxoris hanc tibi partem do. Ita relictus est illis tantum siccus panis. Ex Tympij Sympos. quest.

XXXVII. *Longus & stupidus: parvus & sollers.*

**V**idemus homines proceros, & statura prælongos plerumque parum sapere. Nam superiores cellarum ædium partes nō solent habitari, vt respondit cata mulier. Significans videlicet, eorum cucurbitas, seu capita cerebro esse vacua. Contrā plerumque innati spiritus vis in paruo, aut minore corpore collectior, & paruæ compaginis membra aptissimè regens, menti reliquum robur, addit. Ex iisdem. *Nulla in tam magno corpore mica salis.* Catull. Vide adag. Caliga Maximini.

XXXVIII. *Facilius ferro quàm pecunia resistitur.*

**I**vreconsultus oblatum sibi cuiusdam causæ nō ita bonæ patrocinium recusauit, nec precibus ad eius defensionem adduci potuit. Verum cum

Provolutus quod perlerat impetrauit. Ob hanc indignam philosopho humilitatem reprehensus respondit, Culpam hanc non suam esse, sed Regis, qui aures in pedibus haberet. Ex Tymp.

XLIII. *Ante cladem paci consulendum.*

**D**Emades, auctore Plutarcho, dicere solebat, Athenienses nunquam decernere pacem, nisi pullis vestibus indutos: innuens eos bellandi cupidiores, quàm sat esset: nec nisi clade suorum admonitos de pace cogitare. In parœmiis, Serò sapiunt Phryges, Chiliadum scriptor.

XLIV. *Etiam bos ad lyram.*

**E**Rat Cleon quidam, cui nomen inditum Boi. Is cum scitè caneret voce, cæterùm lyra non æquè bene vteretur, Stratonicus vbi canentem audiuit, Olim, inquit, asinus ad lyram dictus est, nunc verò bos ad lyram, Athenæus lib. 8.

XLV. *Fatalis aper Diocletiani.*

**D**Ruyas mulier fatidica Diocletiano adhuc militanti prædixerat Imperatorem futurum, cum Aprum occidisset. Ille apros studiosè in venatæ secta, & occidere cœpit. Sed cum non affulgeret vsquam imperij spes, dicere solitus est, Ego quidem apros occido, verùm alius fruitur pulpamento. Sed aliud volebat ænigma. Nam postquam Numerianus Imp. factione Artij A-



prifoceri sui est interemptus, re inter milites vulgata, illi Diocletianū vindicē crearunt, & Augustū salutarunt. Qui pro concione, quo mulieris dolum expleret, Aprum manu sua confodit, addens illud Maronianū, *Aenea magni dextra cadis.*

# XLVI. *Angustè, & duabus sellis sedere.*

**L** Aberius mimus in senatum à Cæsare lectus, cum à Cicerone ad confessum non reciperetur, dicente, Reciperem te, nisi angustè sederemus, nimis mordaciter respondit, Atqui solebas duabus sellis sedere: obijciens tanto viro lubricum fidei. Sed id quod Cicero dixit, nisi angustè sederemus, scomma erat in Cæsarem, qui in senatum passim tam multos admittebat, ut eos quatuordecim gradus capere non possent. Macrobi. Saturnal. lib. 2. cap. 3.

# XLVII. *Ebrii, ut amantes, cæcutiunt.*

**A** Thenæus lib. 10. refert Anacharsidis dictū, ὅτι ψευδεῖς δόξαι τοῖς μεθύουσι γίγνονται, id est, quoddam falsæ opinioniones accidunt temulentis. Ac mox narrat quiddam haud infestium. Quidam è conuiuiis dixerat Anacharsidi, Vxorem duxisti admodū deformem. At ille. Prorsus, inquit, idem mihi videtur. Sed heus puer, porrige poculum meracius, ut illam faciam formosam. Non solum enim amanti, verum etiam ebrius τὰ μὴ καλὰ καλὰ κρίνονται, quemadmodum dixit Theocritus.

# XLVIII. *Deus supplices in eodem partim audit, partim exaudit.*

**A**Chilles pro Patroclo amicissimo suo suis armis prælium inituro duo quædã rogat Iliad. II. alterum, vt cum laude pugnet; alterũ vt peracta pugna referat arma, incolumis & ipse. Quorum alterum annuit Iupiter, nempe vt fortissimè pugnaret. Cæterũ Achillis arma non retulit, nec incolumis redijt, interfectus nimirum, & spoliatus ab Hectore. Quamobrem ait Homerus,

*Τῷ δ' ἔτερον μὲν ἔδωκε πατὴρ, ἔτερον δ' ἀνέειπε,  
Annuit hoc illi diuinũ pater, abnuuit illud.*

Festiuiter abusus est hoc carmine Stratonicus citharædus. Qui cum audisset quendam cithara haud bene canentem, subiecit hunc Homeri versum. Ac mox alio quodam rogante cur ita diceret: Quoniam, inquit, male canere cithara huic dedit Iupiter; cæterũ bene canere abnuuit. Chylastes ex Athenæi lib. 8. Hunc locum & in i. parte posuimus, sed breuiter.

### XLIX. *Quomodo mulier viro nobilior.*

**C**Um mulier quædam meretrix, ac proinde impudens Ephraïmo sancto viro in angusto admodum loco facta obuia, siue consultò, veluti hominem tentatura, siue ab aliis vt hoc faceret mercede conducta, oculos sine intermissione in eum conijceret, ille increpans, terram intueri iussit. Tum illa, Æquus est te terram intueri, ex qua conditus es, cum ego ex te orta, ac proinde nobilior sim. Quod mulieris verbum

ille admiratus, deinde in scripta retulit. Nicephorus lib. 9. cap. 16. Ambrosius de Institut. virginis. Simul illud considerandum, quia ille (Adam) de terra factus, & limo est: ista (Eua) de viro. Et caro quidem limus; sed ille adhuc informis, iste informatus.

### L. *Æquanimitas.*

**I**dem Ephraïmus cum dies multos ieiunio transigisset, & minister tandem cibum ei afferret, accidit ut is ollam frangeret. Quem pudore, ac timore iuxta correptum videns, bono, inquit, esto animo. Quandoquidem enim obsonium ad nos accedere renuit, nos age ad id accedamus: & ad ollæ fragmenta confidens comedit. Idem ibid.

### LI. *Turdus macer bisariam mittitur.*

**C**urtius Eques Rom. mollis, ac stomachosus homo, cum ei ad mensam Cæsaris forte macer turdus obuenisset, quæ sinit, nunquid mittere liceret. Quid ni? inquit Cæsar. Non expectavit ille amplius, protinusque per fenestram turdum misit. locus est in verbo mittere, quod & sportulæ missionem, & abiectionem significat. Petrarca.

### LII. *Doctorem mentitus.*

**Q**uidam se pro Doctore venditabat: qui cum nescio quid negotij apud Prætorē haberet, & ab eo sui exiguam duci rationem videret,  
Domi.

Domine Prætor ait, paulo tamen reuerentius agi  
mecum, vt cum Doctore, oportebat. Tum Præ-  
tor, quo tandem in studio Titulum hunc es ade-  
ptus? Respondit ille. Sanè haud recordor: domi  
tamen testimonium Academicum Doctoratus  
mei habeo, quod, cum tibi placuerit ostendam.  
Ex Italico.

### LIII. *Stropha in ouo.*

**D**Vo in cauponam diuerterant. Eorum alter  
cum ouum aperuisset, pullum prope iam  
perfectum reperit. Cui socius, actutum deuora,  
ne si caupo animaduernerit, duplum, aut triplum  
te cogat soluere. Paruit. Ponitur ratio, & exigl-  
tur collecta pro prandio. Tum suasor ille socio in  
aurem dicere: frater, ne graue etiam pro me  
soluere. Nisi faxis, dicam cauponi de pullo quem  
pro ouo absumpsisti, & solves largius. Ex Italico.

### LIV. *Amant alterna Camæna.*

**L**Eo X. Pont. Max. ad mensam sæpius eius-  
modi oblectamenti utebatur, quæ fatigatū  
curis animum non tam dapibus, cum esset debi-  
liori stomacho, quàm iucundis, & facietis ser-  
monibus, ac dictis recrearent, & plerumq; ver-  
sibus ex tempore cum Camillo Querno, qui se  
Archipoetam lactabat, certare consueuerat. Ali-  
quando cum Quernus ex podagra male habens  
mensæ astaret, & ex præscripto bina saltem car-  
mina, tributi nomine persoluere cogeretur, hoc  
hexametrum effudit, *Archipoeta facit versus pra-*  
*estitit*

*mille poetis.* Hæsitanti deinde, Leo inexpectatè festi-  
uum hoc pentametrum mox subiecit, *Et pro*  
*mille aliis Archipoeta bibit.* Ibi cum Quernus se  
colligens inferret, *Porrige quod faciat mihi car-*  
*mina docta Falernum,* Leo repente ex catale&is  
Virgilianis adiecit, *Hoc etiam enervat, debilitatq;*  
*pedes.* Ex Elogijs Iouij.

### L V. Nilus fluvius irrisus.

C Vm aliquando derepente Nilus ita adau-  
ctus esset, vt altiora etiam loca inundaret,  
veriti sunt Egyptij ne Alexandriam urbem, & Li-  
byz potiore partem exundatione sua obrue-  
ret. Quo tempore fama est Græcæ superstitionis  
homines Alexandriæ casu, tam inopinato addu-  
ctos ita amni illusisse, vt in theatris etiam, & spe-  
ctaculis exclamarent, fluvium eum vt decrepitum,  
& delirum postremum iam eminxisse. Niceph.  
lib. 12. cap. 37.

### L VI. Sphynx Hortensij.

A Dagium est apud Iunium cent. 5. Sphynxis  
ænigmata dissoluit, in eum, qui insigni de-  
xteritate recondita auctorum sensa, & tenebro-  
sos locos possit explanare. Huc spectat urbanus  
Ciceronis iocus in Hortensium. Nam cum is di-  
ceret, se Ciceronis ænigmata intelligere, Atqui  
debes, inquit ille, cum Sphynxem domi habeas:  
acceperat enim à Verre auream Sphynxem Hor-  
tensius, patrociniij præmium, vt refert Quinti-  
lianus. Sphynxis apud Thebas ænigma de eodem  
animali

animal primum quadrupede, post bipede, tandem tripede proponētis historia vel paulum literatis notissima est.

LVII. *In gurgites, & belluones.*

**M**Arullus Mimographus in parasitum gulæ mancipium dixit, Hectorem imitatis, ab Illo nunquam recedis. Allusum est ad Ilij, quo Troia censetur, nomen ambiguum, cum ili in testino, per quod cibus receptus delabitur. Iu-  
nius cent. 8. prouerb. 7.

LVIII. *Consulatus Caninij*

μονοήμερος.

**C**Aninius vno die consul fuit. Rostra cum ascendisset, pariter honorem iniit consulatus, & eiecit: quod Cic. omni gaudens occasione urbanitatis increpuit, λογοδεώρης est Caninius Consul. ( hoc est, interprete Lamb. ita brevis ac tenuis fuit eius consulatus, ut vix oculis cerni potuerit, sed tantum ratione, & intelligentia comprehenderetur. ) Et deinde, Hoc consecutus est Caninius Reuilius, ut quæreretur quibus consulibus consul fuerit. Dicere præterea non destitit, Vigilantem habemus Consulem Caninium, qui in consulatu suo somnum non vidit. Hæc Macrobi. Saturnal. 2. cap. 3.

De hoc Caninio ipsemet Cic. ep. 30. lib. 7. Ille autem, qui tributis comitijs esset auspicatus, centuriata habuit: consulem hora septima renun-

tiauit.

tianit, qui usque ad Kalend. Ian. esset: quæ erant futuræ mane postridie. Ita Caninio consule scito neminem prandisse. Nihil tamen eo Consule mali factum est: fuit enim mirifica vigilantia, qui suo toto consulatu somnum non viderit, Vide Pauli Manut. Comment.

## LIX. Epicurus falsò laudatus.

**L**Vcretius secta Epicureus, & huius insani sapientis magnus admirator ac prædicator, cū ita de eo scripsit lib. 3.

*Qui genus humanum ingenio superavit, & omnes*

*Præstinxit stellas, exortus ut ætherius sol.*

Leonis laudibus mutem non ornauit, sed obtrivit, inquit Lactantius lib. 3. Quanto magis hoc dicat Firmianus de illis versibus, qui initio eiusdem lib. 3. leguntur, quos propter summam venustatem, & suauitatem adscribere non pigebit.

*E tenebris tantis tam clarum extollere lumen*

*Qui primus potuisti, inlustrans commoda vite,*

*Te sequor, o Graia gentis dux, inq, tuis nunc*

*Fixa pedum pono pressis vestigia signis,*

*Non ita certandi cupidus, quam propter amorē*

*Quo te imitari aueo. Quid enim contendat hirundo*

*Cygnis? aut quidnam tremulis facere artibus hædi*

*Consimile in cursu possunt, ac fortis equi vis?*



*Tu pater, & rerum inuentor : tu patria nobis  
 Suppeditas praecepta, tuisq; ex inclute chartis,  
 Floriferis ut apes in salibus omnia lumant:  
 Omnia nos itidem depascimur aurea dicta,  
 Aurea perpetua semper dignissima vita.*

**LX. Saturio parasitus in Persa Plauti.**

**V** Eterem atq; antiquum quastum meum ali-  
 monia

*Serno, atq; obtineo, & cum magna cura colo.*

*Nam nunquam quisquam meorum maiorum  
 fuit,*

*Quin parasitando pauperint ventres suos:*

*Pater, auos, proauos, abauos, atanos, tritauos*

*Quasi mures semper edere alierum cibum:*

*Neque edacitate eos quisquam poterat vincere.*

*Hic cognomentum erat duris capitonibus.*

*Vnde hunc ego quastum obtineo, & malorum  
 locum.*

**LXI. Alexander in sua diuinitate  
 ludibrium.**

**A** Naxarchus Eudæmonicus ridebat Alexan-  
 drum, quod seipsum deum faceret. Cum  
 autem aliquando in morbum incidisset, & ei me-  
 dicus sorbitionem imperaret fieri, ridens Ana-  
 xarchus, At nostro deo, inquit, in cochlearis  
 sorbitione spes sita est. *Eliañ. lib. 9. cap. 37. Qui  
 Reges, & quare se deos pronuntiaret, item qui  
 priuari hoc nomen captauerint, demonstrat  
 Clem. Alexand. Exhortat. ad gentes.*

## LXII. *In hostium paucitatem.*

**T**igranes Armenia rex, Mithridatis gener cū exercitu ferme C C. M. peditū, & equitum L. M. contra Lucullū proficiscens, exiguas eiusdem copias conspicatus, si legati sunt hi, inquit, nimis multi: si hostes, nimis pauci. Appianus in Mithridaticis, Xiphilin, in Pompeio.

## LXIII. *Ex lacero cultu affectatus honos.*

**C**vm Antisthenes Cynicus pallium haberet pertusum, idque obuertens fissuram omnibus daret inspiciendam, Per fissuram, inquit Socrates, pallij tui video inanitatem tuam. Lib. 2. Apophræg.

## LXIV. *Albidius proteruiam fecit.*

**A**lbidius ciuis Rom. bona sua omnia ablignāriuerat. Postremò domus quæ supererat intendio absumpta est. Quod cum accepisset Cato, iocabundus ait, Albidium fecisse proteruiā. Id erat sacrificij genus, in quo mos, vt si quid expulis superfuisset, id igne consumeretur. Carpsit Cato hominis ingluuiem. Patricius de Repub. lib. 5. cap. 8.

## LXV. *In ingratum.*

**Q**uidam beneficijs in se collatis nec agendis nec referendis gratijs vnquam respondebat, in quem hoc disticho eleganter lusit Muretus, Annotat. in Senecam.

Παρεῖνοι αἱ παρὰ σοι χάριτες, τίκνεις γὰρ ὕδερ.

ὁὐλας ἐγὼ σείας ἐν ἀγαμαί χάριτες.



*Virgo tibi Charis est, quia fœtum non dedit unquam.*

*Caterum ego steriles non veneror Charitas.*

**LXVI. *Vide quid tecum loquare.***

**C**Rates cum vidisset adolescentem in secreto ambulante, interrogavit, quid illic solus faceret. Mecum, inquit, loquor. Cui Crates, caue, quæso, necum homine malo loquaris. Seneca epist. 10.

**LXVII. *Parua vrbs, magna porta.***

**D**iogenes Myndum profectus, cum videret portas ingentes & magnificas, urbem verò modicam, Viri Myndij, inquit, portas claudite, ne vrbs vestra egrediatur. Laert. lib. 6.

**LXVIII. *Interdum prius consulendum bestiis.***

**P**hilippus rex cum in regione amœna admodum castra ponere pararet, nuntiareturque illic iumentis fœnum deesse, O dij, inquit, qualis est hæc vita nostra? quam etiam ad asinorum commoditatem instituere cogimur. Plut. Num seni gerenda Respub.

**LXIX. *Salsa responsa Augusti.***

**C**um ei vellent Alexandrini corpora etiam Ptolemæorum ostendere (Alexandri enim viderat, & contrectarat) Regem, ait, cupiui, non mortuos videre. Qua de causa Apin quoque

adire noluit, quod se deos adorare, non boues consuesse diceret, Xiphilin.

LXX. *Alexand. Imp. delectabatur pomis.*

Pomis vehementer indulgit: ita ut secunda mensa illi sæpius poneretur, ut locus extiterit, non secundam mensam Alexandrum habere, sed secundò. Lamprid.

LXXI. *Par pari, quodcum mordeat.*

Vologesus ad Vespasianum Imp. scribens sic cœpit. Rex Regum Arsaces (commune nomen Parthorum Regibus, ut Ptolemæus Ægyptijs, & alia alijs) Flauio Vespasiano salutem. Hoc ne reprehendit quidem: sed ei iisdem verbis rescripsit tacito Regis nomine. Flavius Vespasianus Vologeso salutem. Nec enim tantum iocabatur, verum etiam iocosè se ludi libenter pagiobatur. Xiphilin.

LXXII. *Magnetes, & magnates conueniunt.*

Cuncta trahunt ad se Magnetes aurea, sicut Ad se Magnetes ferrea cuncta trahunt. Aiunt etiam ipsum ferrum magneti affricum trahere ad se aliud ferrum.

LXXIII. *Contemptus auspicij.*

P Claudius bello primo Punico per iocum deos irridens, cum cauea liberati pulli non pasce-

pascere, mergi eos in aquam iussit Inquiens:  
si nolunt esse, bibant. Cic. 2. de nat. deor.

#### LXXIV. *Prælati pueri ludibrium.*

**V**ir Ecclesiasticus in magna dignitate, mulo  
insidens iter agebat. Fit ei obuius puer ru-  
sticanus, ut videbatur. Is consistere, equitantem  
curiosius spectare, & obtutu defixus in vno hæ-  
rere. Cui Prælati, Quid, curiose puer, quid  
me tam fixè aspectas? Nunquam ne quenquam  
mulo inequitantem vidisti? Hic puer ingenium  
cum lingua in promptu habens, Vidi equidem:  
sed mulum mulo inequitantem nondum vide-  
ram. Momordit virum iocus salissimus, à den-  
tato puero.

#### LXXV. *Antigonus Rex unoculus.*

**A**ntigonus ipse in oculum suum amissum  
iocabatur. Et aliquando oblato edicto, quod  
magnis erat perscriptum litteris, Vel cæcus, aie-  
bat, hæc legere posset. Theocritum autem Chi-  
um interfecit, quod quum ei pollicerentur a-  
mici, fore omnia ipsius salua, ubi ante oculos  
Regis peruenisset, responderat, Omnè ergo si-  
bi salutis spem esse ademptam. Plutarch. Sym-  
posiacor. 2. q. 1.

#### LXXVI. *Simulata vituperatio.*

**E**legans dictorium fit, cum vituperationi  
gratularum actio adiicitur. Laco gymnasij  
perfecto, qui ligna non fumantia præbuerat, id

se vitio dare simulans, Horum causa, inquit, apud vos non licuit lacrymare. Sic ille qui conuiuium quotidie præbentem plagiarium vocabat, & tyrannum, per quem tot annis suam non vidisset mensam. Et qui factus è paupere diues à rege, per insidias sibi aiebat otium, & somnum esse erepta. Ibid.

LXXVII. *Reges non decet excellere in Musicis.*

**P**Salten cum Rex Philippus reprehendere de quibusdam modis, & harmonijs vellet, Absit, aiebat, ô rex, vt tam male tecum agatur, vt isthæc melius me noris. Hic dum videretur se ipsum mordere, regem citra molestiam castigauit.

LXXVIII. *In Imperatorem malè corrigentem.*

**P**haucorinus philosophus, cum in vocabulo, quo idonei auctores vterentur, reprehendenti Adriano Imp. concessisset, amicis eum ob id accusantibus, malè mihi suaderis, inquit, ne feram me illo doctiorem haberi, qui habet xxx. legiones.

LXXIX. *In Oratorem loquacem.*

**T**heodorus Chius apud Stobæum in Anaximenem oratorem. ἀρχαὶ λέξεων μὲν πλάμους, οὐδὲ σαλαγμούς. Incipit verborum quidem flumen, sed mentis gutta.

## LXXX. Βίῳ, καὶ ζῆν.

**S**imilis Præfectus Prætorio Afadriani tale sibi mortuo elogium, seu epitaphium scribi voluit, in quo est ex ambiguitate verborum quidam leporis. Σίμιλις ἐνταῦθα κεῖται, βίῳς μὲν ἔτη τόσα, ζῆσας δὲ ἔτη ἔπησα. Similis hic situs est, qui vixit annos tot, iucunde autem vixit annos septē. Nam βίῳν dicitur qui quocunque modo vivit, ζῆν autem qui vitam agit voluptariam. Marcellus in Persij sat. 1. Dicebantur & ἐν ζῆν bene vivere, qui voluptatibus fruebantur. Unde illa, *Vos sapere, & solos aio bene vivere.* Et, *Vixit, dum vixit, bene.* Et, *Si bene qui cœnat bene vivit.* Muret. in 1. de Rep. Plat.

## LXXXI. Βυδαὺς αὐτοδιδάκτῳ.

**S**ed sic fuit fatum meum, inquit lib. 2. de Asse, ut mihi tantum, & libris operam satis multā, Præceptoribus longè rariorem, quàm tonsoribus dederim.

## LXXXII. Senectus appropinquat ad mortem.

**D**emonacti seni crura intumuerāt. Quidam videns, quid hoc mali est Demonax? Charon, inquit, me momordit. Pro cane Charonem dixit, innuens senectutem morti propinquam. In Apophtheg.

## LXXXIII. In ebriosum poetam.



**E** Bri<sup>9</sup> ad numeros, pangendaq; carmina surgis,  
Nec bene, ni potes esse poeta potes.

Quid mirum? nam qua plena inter pocula ruēt as  
Ebrius, hac Bacchi carmina, non tua sunt.

Et miramur adhuc, quòd tali nata parente  
Carmina suspensis non egeant hederis?

### LXXXIV. Germani epitaphium Senis.

**V**ina dedere neci Germanum: vina sepulchro  
Funde: sitim nondum finiit atra dies.

### EX EPIGRAMMATIS BERNARDI BAVHVSII, Societatis IESV.

#### LXXXV. Patria viri fortis.

**O** Mne solum forti patria est: fortem excipe  
nautam.

Pontiuagis nautis omne salum patria est.

#### LXXXVI. Medicus.

**R**es misera Medicus est, cui nunquā bene est,  
Nisi malè sit quam plurimis.

#### LXXXVII. Quibus verbera.

**N**ix, asinus, cāpana, piger sine verbere cessante  
Hec dura, hic tardus, hac tacet, ille iacet.

Sed simul ut ferri plagam sensere, vel ulmi,

Hec cadit, hic pergit, hac sonat, ille studet.

#### LXXXVIII. In Othonem præpostere ientantem, & cenantem.

*Mano*

**M**ane vorat pullos, vix ovo vespere cœnat.  
 Mane ergo cœnat, vespere ientat Otho.

LXXXIX. In studiosum rerum novarum.

**N**um qua mira habeam, num qua nona que tibi narrem

Vsque rogas: stulta est hac tibi in aure sitis.  
 Hac mea mira, nona hac mea sunt, que narro libenter.

Factus homo deus est, facta q̃ Virgo parens.

XC. In Hermetem Rhetorem.

**B**Albus, & imbellis, vacuū, & sine Pallade pectus  
 Orare iussus Rhetor Hermes,

Vix primum Quanquam, vix dixerat Auditores,  
 Os perdidit memoremq̃ mentem.

It calo risus. Quid rides turba proterua?  
 Respondit expectationi.


XCI. Iosephus Scalig. qualis canis.

**I**N Iosephum Burdonem, Scaligerum se mentientem, & de Cane Magno Scalig. in stemmate suo gloriantem Schopp. in Hypoboli meo falsissimè. An verò molossum, venaticum, aut pecuarium aliquem præfers? Quidquid tamen est, cum te non minus impurum, quam mordacem optimi, & doctissimi cuiusque virtutes allacrare, & promiscuè omnes, ut in quemque incideris

non aceto Italo perfundere, sed cynico lotio  
per meiere te video, facile ijs assentior, qui te  
Cerberò, Ditis patris delitijs oriundum suspi-  
cantur.

## XCII. Oberatissimus.

**C**Autum fuit apud Romanos, ne quod mali  
ominis verbum Calend. Ianuarijs efferre-  
tur, id enim annum infelicem portendere pu-  
tabatur. Igitur Mæius quidam, vt scribit  
Porphyrio, Calend. Ianuarij alta voce optauit,  
vt quinquaginta millia nummum alieni æris ha-  
beret. Cumque admiratus quidam astantium  
quæsiuisset, quid hoc sibi vellet, quod tam sol-  
lemni die sibi met optaret incommodum, re-  
spondit Mæius; non est quod mireris: oxi-  
genta enim millia debeo.



## SYNTAGMA QUINTVM. MISCELLA.

### I. Narratiuncularum congeries, ex probatissimis scriptoribus.

**I.** **C**aligula Virgilium affirmabat nul-  
lus esse ingenij, minimæque do-  
ctrinæ, Liuium verborum negli-  
gentem

gentem, Senecæ dictionem arenam sine calce. Mitto portenti huius in duos priores manifestam contumeliam: de tertio bene pronuntiavit. Nam oratio Seneca dissoluta, intercisa, fluctuans, sine numeris, & nihil minus quam oratoria est: ut explodendi sint, qui solum illud sectantes, videri oratores volunt. II. Maxentius Tyrannus contra Constantinum habuit in exercitu peditum CLX. equitum XVII. millia. Sed cæsus cognovit *Altissimum potestatem habere in regno hominum: & quemcunq; voluerit, suscitare super istud*, ut à Daniele scriptum est. III. Diocletianus Salonæ in Dalmatia hausto veneno moritur, anno ætatis 73. imperavit 20. penultimo instituit persequi Christianos. Egit priuatus 9. Singularia ei duo contigerunt. Ultro se imperio abdicavit, & in proposito ad mortem usque permansit: & priuatus relatus est in deos. IV. Inter philosophos Antisthenes, inter Impp. primus barbam aluit Hadrian. V. Alexand. Seuerus nullam constitutionem faciebat, nisi 20. Iureconsultis adhibitis, cum quidem singulorum sententias scribi, ac disputari vellet. VI. Belisarius Iustiniani dux, qui Persas in Oriente, Vandalos in Africa, Gothos in Italia deuicit, cum miles cuidam rapuisset auē domesticam, & ille clamorē tumultuarium tolleretur, molestè id ferens, militem agi in crucem iussit. VII. A Philippo ebrio ad sobrium prouocauit muliercula. VIII. Callimachus sculptor, & pictor egregius, operum suorum gratiam hi-

mia diligentia obscurabat. Quocirca vulgò sibi  
 ipsius calumninator dicebatur, cum non intelli-  
 geret quid satis esset. Eloquentiæ candidati au-  
 diant Quintilianum lib. 10. cap. 3. & discant vita-  
 re anxiam nimis in scribendo curam, ac diligen-  
 tiam. *Sunt autem quibus nihil sit satis: omnia mu-  
 tare, omnia aliter dicere, quam occurrit, velint:  
 increduli quidam, & de ingenio suo pessimè meriti,  
 qui diligentiam putant, facere sibi scribendi diffi-  
 cultatem. Nec promptum est dicere, utros peccare  
 validius putem, quibus omnia sua placent, an qui-  
 bus nihil. Curandum est ut quam optimè dicamus:  
 dicendum tamen pro facultate. Ad profectum enim  
 opus est studio, non indignatione.* I X. Amphima-  
 nes obtrektor fuit Pindari, ut Zoilus Homeri,  
 Hesiodi Cercops, Virgilij Mæuius. Ipse Pinda-  
 rus Myrtydis etiam mulieris in Lyricis, & carmi-  
 ne discipulus; adeo φιλομῦθος, & φιλομαθής fuit. Ci-  
 ceroni obtrektavit olim Asinius Gallus, Pollio-  
 nis filius, verba singula, ut nec propria, nec lati-  
 na infectatus, edito libro, cui titulus nefarius,  
 Ciceromastix. Hadrianus Ennium Virgilio, Ca-  
 tonem Ciceroni, Cæcilium Sallustio prætulit.  
 De Homero abolendo cogitavit, voluitque pro  
 eo Antimachum inducere. *O summam iudicis  
 vel ignorantiam, vel invidiam, vel stultitiam, vel  
 insaniam. Patrum memoria in Ciceronem spicula  
 contorsit Erasmus. Patet id clarè ex Ciceroniano,  
 ut appellavit, Dialogo, pleno impudentissimis con-  
 tra Ciceronis imitatores mendacijs, & maledictis.*

*Ad*

*Ad que magnam ab ingenio facilitatem, à Studio magnam facultatem habuit.* X. Auicenna primus cocturam sacchari ex cannis expressi, quale ad nos affertur docuit, & vsum rheubarbari demonstravit. XI. Henricus VIII. Rex Angliæ Carolo V. cuius materteram Catharinā habebat in matrimonio, aduersus Franciscum Regem Galliæ pro subsidio militari misit 400. milites, totidemque canes, collaribus aculeis ferreis ornatos, pro more gentis videlicet. XII. Mures ædes ruinosas trimestri spatio antequam corruant deserunt, & in tutiora migrant. Testis rei huius etiā Cic. ad Att. ep. 9. lib. 14. Sed quod quæris, quid arcessierim Chrysippum (architectum) tabernæ mihi duæ corruerunt: reliquæ rimas agunt. Itaque non solum inquilini, sed mures etiam migrauerunt. Facetè Passeratius præfat. in Curcullionem. Vt mures præsentientes ædium ruinam fugiunt: sic parasiti eos deserunt, quos res deserit: sicut pediculi moribundos. Bene comparauit hoc hominum genus muribus. Nam & Ergasilus parasitus in Captiuis de se ac natione sua, *Quasi mures semper edimus alienum cibum.* XIII. Athenienses puerum, qui omnibus quas capiebat, aut nancisci poterat auibus oculos eruebat, & sic dimittebat, occiderunt, quod hoc esset crudelissimi hominis præsagium. XIV. Nationibus etiam barbaris dei nomen *τερεγγεμυαλαρ.* XV. Pythagoræ verba planè legum similia, erant breuissima, & concisa: actiones contra prolixa.

ac perpetuæ: ut quæ nec noctu, nec interdiu animum remitterent, aut otiosum esse sinerent. XVI. Prodigia Iul. Cæsar ita semper despexit, ut nunquam ab ullo incæpto prodigijs quantumlibet aduersis absterritus, aut retardatus sit. Vnū amplexus est, de equo humanis prope pedibus apud se nato, ungulis nimirum in digitorum figuram fissis. Et enim orbis terrarum imperium portendi aruspices responderunt, apud quem talis equus esset editus. Eum ingenti cura aluit: nec alterius sessoris patientem primus ascendit. Sueton. cap. 61. Propter immoderatam imperandi cupiditatem, & ambitionem intolerandam iure cæsus est existimatus. *Qui potestatem sibi assumit iniuste, odietur*, inquit Syracides cap. 20. XVII. Lacedæmones spectacula comædiarum faminis interdixerunt. XVIII. Lucianus scripsit, quem Iupiter oderit, eum facere prædagogum. Extat oratio Philippi de miserijs Prædagogorū, cuius pater Georgius Schwarzerd noctibus ad preces surgebat. Itaque rosa spinam protulit, & pius pater impium filium, hostem Ecclesiæ Catholicæ. XIX. Lacedæmonij Ctesiphontem sua repub. eiecerunt, quod se de re qualibet totum diem posse dicere iactaret: detestantes arrogantiam videlicet. Qualis fuit & Georgiæ Leontini in suo *περβάμειε* proponite; quavis enim de re disserere paratum iactabat. XX. Galenum ignarum anatomixprehendit Vesalius Caroli V. medicus: quia simlas, & porcellos (quorum est  
magna



magna intus cum humanis visceribus similitudo ) tantum secuit , & inspexit. Medici veteres ab anatomia corporis humani , vt à re fœda , & crudeli abhorrebant. Vide Celsum, lib. I. in proœmio , vbi pro Empiricis contra Rationales copiosè disputatur. XXI. Franciscus Rex Galliarum Petrum Gillium in Græciam , & Asiam legauit, vt Græcorum auctorum manu exaratos codices vndique pretio conquireret , & in Galliam apportaret. Laurentius quoque Medices missis per vniuersum orbem terrarum certis hominibus, in omni disciplinarum genere libros summo studio conquisiuit, nulli parcens sumptui. Testis Politian. lib. 2. epistol. Hinc Bibliothecæ Florentinæ tantum nomen. XXII. *Iulius Scaliger, cuius iudicium quidam nimis suspiciunt, in censura poetarum, mortuorum nullum , modò eius ferantur scripta, præterire voluit. Catullo Mutium Aurelium confort, & præfert. Quis tam pinguis cui persuadeat? Taceo de distichis Verini Michaelis adolescentis, ac pueri cui nullam à se castigationẽ, sed summam ab omnibus eruditis laudem deberi autumat, cum tamen meliores versus facere doceat Ovidium, Horatium, Iouianum, & alios, poetæ maximi census.* XXIII. Politianus sacerdos, & ecclesiasticus, immo & ecclesiastes, seu concionator fuit, ni fallor. Herodianum suum fatetur habere errata interpretis plura quàm librarij. Pro eo in latinum translato, & sibi dicato Innocentius VIII. pro honorario donauit ei ducentos aureos

aureos, pro tantillo libello tantum pretium. Idē scribit, Nihil sibi esse magis in votis, quam vt vel vmbra Ciceronis assequatur. Idem tamen paulo ante; in epistolarum stylo silendum prorsus de Cicerone, in quibus ipsa negligentia pro cultu sit; vt frustra tot eruditi homines de componendis epistolis Commentarios conscripisse illi videantur. XXIV. Didius Iulian. Imp. porcellam, leporemue ad se dono missum in triduanas partiebatur cœnas. Sæpe etiam cum nulla religio, aut abstinendi causa subesset, leguminibus, oleribusque solis contentus cœnabat. Vides, puto, sordes, & auaritiam: cui vitio dedita quoque Mammæa Alexandri Seueri mater, quæ reliquias ciborum in alteram cœnam sibi reseruati iubebat. XXV. Demosthenem quis est qui non sciat semper ante speculum, quasi ante magistratum causas meditatū? (actionem, in qua rota erat vitiosus.) Ita ille summus orator, cum à Platone philosopho facundiam hausisset, ab Ebulide Dialectico argumentationes didicisset, nouissimam pronuntiandi congruentiam à speculo petiuit. XXVI. Plautus ab inuidia, & à sibilo in tactus semper è theatro discessit: in utroq; acerbior, & iniquior fato fuit Terentius. XXVII. Pyrrhus Rex Aquilam se cognominari voluit, Antiochus Accipitrem, Clytus ob demersas 3. vel 4. triremes Neptunū, Clearchus Heracleæ tyrannus Iouem, M. Anton. Triumvir Liberum patrem. XXVIII. Zepherinus Papa multis annis pedibus

pedibus nudis ambulauit XXIX. Laetantius Crispi F. Constantini Præceptor, adeo pauper vixit, vt plerumque necessarijs egeret. XXX. Bibliothecam Vaticanam, seu Palatinam in Vaticano construxit Xystus IV. Pont. max. toto orbe celeberrimam, Præfecto Platina, aduectis ex omni Europa libris, certisque prouentibus, vnde custodes, & librarij Græci, Latini, & Hebraici menstrua salaria quibus ali possent, quibusque libri emerentur, assignatis. Opus omnium præclariss. & Pont. max. dignissimum. Onuphrius.

## II. Prudenter dicta.

I. Scipio Africanus dixit, malle se vnum ciuem seruare, quàm multos hostes occidere. Plutarch. II. Socrates, Nullam inscitiam esse maiorem, quàm qua quis credit se scire quod nescit. *Hoc in hæresiarchas, & pseudoeuangelicos quadrat imprimis.* III. Biantis est, malle se inter inimicos, quàm amicos iudicare. Nam ex amicis, inquit, alterum inimicum: ex inimicis verò alterum amicum se habiturum. IV. Tonstrinas Theophrastus vocauit *αἰνον μέθην*, ebrietatem citra vinum: quod qui in ijs desiderant, varijs narrationibus, & confabulationibus quodammodo ebrii fierent. V. Cato dixit, Romanis orationem in corde, Græcis in ore, seu labijs nasci. Linguam illos moderari nosse: hos autem lingua nimium promptos indicare voluit. Meritò Bias, Nō multa verba, prudentis animi indicium. VI. Traianus

nus Plinio rescripsit, satius esse impunitum facinus relinqui nocentis, quàm damnari innocentem. A quo facit auctor Homil. in Matthæum (quem putant nonnulli Chrysostomum) Homil. 2. Iustus est iniustum iuste (id est; sententia iudicis) euadere: quàm iniustum iniuste perire. Quia et si reus semel euaserit, demum potest perire: innocens autem si semel perierit, iam non potest reuocari. VII. Tiro libertus in patroni M. Tullij salibus colligendis (collegit autem libros tres) plura illius ingenio adimi, quàm addi posse iudicauit. VIII. Deus sentit omnia per subtilitatem, & mouet per fortitudinem, & regit per potestatem, & custodit per benignitatem. Saluian. de Prouid. lib. 1. Tanta est maiestatis sacræ, & tam tremendæ reuerentia, ut non solum quæ citra religionem dicuntur horrere: sed etiam ea, quæ pro religione nos ipsi dicimus, cum grandi metu, ac disciplina dicere debeamus. Idem ibid. IX. Nihil difficilius, quàm magno dolori paria verba reperire. Bonum insolitum plus amatur: & sequenti gaudio confert dulcedinem præmissa tristitia Cassiod. X. Nimia quorundam Criticorum in castigando prurigo, qui sub omni, quod aiunt, lapide scorpionem latere rati, etiam meridiana luce clariora sollicitant, nodum in scirpo quærentes. And. Schottus. Nullos patimur iudices iniquiores, quàm istos, qui nihil omnino edunt, ac ne docent quidem, velut inuidentes utilitati publicæ; quasi ipsis pereat, quidquid  
compe-

compererint esse multis commune. Erasmi. XI. Inscitus nostri amor dulcem formæ nostræ aspectum nobis fecit: ideoque tenerrimo affectu ex liberis fouemus, qui proxima similitudine vultus nostros repræsentant. Idem. XII. Thomam Morum, quem inter sanctos Martyres iure veneramus, qui ex familiaritate, & scriptis eum optimè cognouerat, ita laudat. Cuius tanta est facundia, ut nihil non possit persuadere vel hosti. Nec arbitror (nisi me vehemens in illum fallit amor) vnquam naturam finxisse ingenium hoc vno præsentius, promptius, oculatius, argutius, breuiterq; dotibus omnibus absolutius. Accedit lingua ingenio par: tum morum mira festiuitas, salis plurimum, sed candidi duntaxat, ut nihil in eo desideres, quod ad absolutum pertineat patronum. XIII. Concludat nobis hoc caput sacræ, & Christianæ eloquentiæ parens Ioannes Chrysostomus, qui Homil. ad pop. Antiochen. XXII. In homine multas esse feras docet hunc in modum. Nec enim es homo, si clarè possum videre. Quum enim tanquam asinus recalcitres, lasciuias ut taurus, tanquam equus post mulieres hinnias, ventri velut vrsus indulgeas, & ut mulus carnem impingues, & malum memoria teneas ut camelus, rapias item ut lupus, & ut serpens irascaris, ferias ut scorpius, sis subdolus ut vulpes, nequitiam verò tanquam aspis, & ceu vipera venenum serues, & sicut ille malignus dæmon fratres impugnes, quomodo

te inter homines connumerare valeam, talis in te naturæ signa cum intuear?

### III. De noctua, & aibus Apologus.

**Q**uamobrem aues nec pulchritudinem pa-  
uonis contemplari gaudeant, nec ante lu-  
canis luscinie, nec cygni, præsertim sub mortem,  
canticibus afficiantur: sed ad solam Noctuam ad-  
uolent, eam circumstant, & impensè admiren-  
tur: quæ & Miueræ dearum sapientissimæ in  
amore sit: quamque clarissimus statuarius Phi-  
dias ipsius simulacro addiderit, prudentiam, &  
præfensionem eiusdem in posterum causam ef-  
se, Dio Chrysost. orat. 72. ostendit ex Æsopo  
huiusmodi apologo: qui tamen, vt alij multi  
eidem tributi, in vulgatis fabularum eius libel-  
lis non inuenitur.

Cum esset sapiens Noctua, aibus consilium  
dedit, ne quercum ab initio sinerent crescere,  
sed eam omni ratione perderent. Forte enim vt  
ex ea pharmacum inuitabile nasceretur, quo  
comprehenderentur, viscum scilicet. Rursum  
cum homines linum sererent, iussit illius semen  
erutum deuorare: neque ipsis enim ad bonum  
crescere: ex lino enim teria texuntur. Præterea  
videns hominem quendam sagittatorem, prædi-  
xit. Ille homo vestris vos pennis anteuertet,  
pedes ipse vobis alas immittens sagittas. Illæ  
verò his sermonibus non credebant, sed fatuam  
existimabant, dicebantque malè sanam esse: po-  
stea

Ita expertæ admirabantur, & reuera sapientissimam censebant: & propterea simul ac apparuerit accedunt, tanquam ad eam quæ norit omnia.

Monet fabula, in consilijs capiundis, audientibusque suasoribus non quærendam personæ excellentiam, sed respiciendum ad sententiæ, & consilij probabilitatem, vndecunque illa proficiscatur: cum certum sit de infima quoque plebe reperiri interdum qui veritatem in occulto latentem lynceis oculis perspiciant, & longè in posterum prouideant. Quandoque & olitorem opportuna locutum ait Hesiodus. Oderunt potius noctuam reliquæ volucres. Causam fabulosam adducit Ouid. 2. Metam. in fabula Nyctimenes.

#### IV. *Mater filio litterarum studioso peregrè agrotanti.*

Expressa maternitas.

**L**itteras tuas, Leonardule mi, abs te dictatas illas quidem, sed aliena manu exaratas, pater mihi recitauit. Significabas te complures iam dies è febribus valere pessimè, & auxilia medicorum adhuc parum effecisse. Timeri de vita tua. Audiui hæc prorumpentibus vbertim lacrymis, meq; in luctum ac squalorem dedi: nec dolorem meum alleuare pater, & amici queunt. Insanabile vtique manebit vulnus meum, nisi tu



vita, & lux mea in sanitatem restituare. Hem; cur te vnicum nostrum in terras adeo remotas misimus? Erant & domi scholæ haud nullius nominis, nec incelebres. Domi si in morbum incidisses, curæ fuisses domesticis omnibus, ac mihi imprimis diurnæ, nocturnæq; sollicitudini. Ego ad te visissem creberrimè. Ego tibi assedissem, & sermone dulci tadium morbi depulsissem. Ego ipsa dapiculas conuenientes, & à medico præscriptas tibi coxissem. Ego omni crepitu, & strepitu te prohibuissem, & materna denique officia tibi omnia præstitissem. In malam rem cum istis occupationibus litterarijs, quibus confecti adolescentes multi diem suum ante diem obierunt, matribusq; mœrorem inconsolabilem reliquerunt. Ah me miseram si orbabor tam bono, tam morigero, tam multis à natura dotibus ornato filio. Suauissime fili, cura, & enitere quod in te est, vt breui nuntios de te lætiores accipiamus. Salui erimus, & commodè valebimus, si tibi melius factum cognouerimus. In te nobis sunt omnia. Cum primum autem te confirmaueris, ad nos domum appropera: vt tanquam à mortuis excitati conspectu, & complexu iucundissimè perfruamur. Certum hominem pater ad te destinabit, à quo res tuæ inspiciantur, & de ægrotatione tua certa nobis renuntientur. Vale vale dulcissime fili.

V. *Psyllorum interitus fabulosus.*

Psyllos

**P**sylos Libyæ populos, vti Marfos, & Tintyros venena citra noxam tractasse, præter alios docet etiam Crinit. lib. 1. cap. 3. Sed de occasu Psylorum fabulam haud inurbanam à Gellio lib. 16. cap. 11. ex Herodoti lib. 4. recitatam placitum est huc adducere. Psyllos quondam fuisse ait in terra Africa, conterminos Nasamonibus, Austrumque in finibus eorum quodam in tempore perquam validum, ac diutinum flauisse. Eo flatu aquam omnem in locis quibus colebant, exaruisse. Psyllos re aquaria defectos, eam iniuriam grauius Austro succensuisse: decretumque fecisse, vti armis sumptis ad Austrum, perinde quasi ad hostem, iure belli res repetitum proficiscerentur. Atque ita profectis, ventum Austrum magno spiritus agmine venisse obuiam, eosque vniuersos cum omnibus copijs, armisque cumulis, montibusque, arenarum superiectis operuisse. Eo facto Psyllos ad vnum omnes interijisse. Itaque eorum fines à Nasamonibus occupatos.

**VL Pontifices, Maximi, Cardinales,  
Archipresules, Episcopi ex Ordine S. Benedicti.**

**A**n te Concilium Constantiense, quod habitum est anno Domini 1417. numerati sunt ex hoc Ordine summi Pontifices XVIII. Cardinales CLXXXIV. viri in omni literatura scripturarum doctissimi. Archiepiscopi MDLXIV.

Episcopi MMMDXII. Trithemius de viris illustrib. sui ordinis, cap. 5.

VII. *In Politicis Platonis, & Aristotelis quid desideretur.*

**P**Ræclare Plato, si ordine, si ratione, si copia, si consiliorum multorum quæ ijs complexus est, bonitate contentus, communitatem illam vxorum, & bonorum, ac munerū publicorum parem viris cum fæminis omisisset, ac sese ad communem vitæ vsum, moresque hominum magis accommodasset. Aristoteles item fecisset longe melius, si religionis aliquam, cuius videtur ubique negligens, curam habuisset, nec vtilitati ciuium, aut tranquillitati magis studuisset, quam eorundem pietati erga deum, cuius habetur à Platone diligentissima ratio. Vterque autem, si non vnā tantummodo ciuitatem, sed vniuersum aliquod regnum, quod erat magis optandū, formauisset. Sebastian. Foxius præfat. in Plat. de Repub.

VIII. *Apologus de vulpe & felle.*

**C**Um aliquando vulpes in colloquio, quod illi erat cum felle, iactaret, sibi varias esse technas, adeo, vt vel perā habere dolis referatam; felis autem responderet, sibi vnicam duntaxat artem esse, cui fideret, si quid existeret discriminis; inter confabulandum repente canum accurrentium tumultus auditur. Ibi felis in arborem

rem altissimam subsiliit, cum vulpes interim à canum agmine cincta capitur. Innuit fabula, præstabilius esse nonnunquam vnicum habere consilium, modò id sit verum, & efficax, quàm plures dolos, consiliaque friuola. Chiliastes, proverb. 18. Cent. 5.

### IX. *Laudes Typographia.*

**P**Ar est omnino nos eam artem diligere plurimum, & maximi facere, cuius adiumento, & beneficio litterarum, & sapientiæ diuitias paramus, quibus post virtutem in vita humana nihil excogitari potest nobilius. Huius laudationem texuit vir doctus, qui Guidonis Panciroli Memorabilium libros Commentarijs illustravit, quam huic Syntagmati intexere placet.

Quod de papyro, & charta scripsit Plin. eius usu maximè humanitatem vitæ constare, & memoriam, id non minus verè de Typographia ysurpaueris: quam miram typis excudendorum librorum artem nulli nec utilitate, nec dignitate, nec subtilitate secundam confitendum est: quæ una cum omnibus omnium veterum inuentis facile certauerit. Quin immò, non dubium est, superatam rerum naturæ ferè munificentiam, excogitata librorum excudendorum ratione: cuius inuentum, si verà fatemur, nulli vitæ miraculo postponendum, ne nouem quidem Musæ æquabunt, licet cuilibet suæ artis disciplinæ ue institutionem veteres assignauerint. Demum est

hoc artificium diuinitus humano generi communicatum, vt necessariorum artium studia, prolatis in lucem omnis generis codicibus vetustis, instruerentur copiosa suppellectile optimorum scriptorum, quorum fuit auctoritas αἰγιόπητος, & subleuaretur imbecillitas, & ignauia hominū fatali languore torpescentium. Effectum etiam hac industria est, vt, qui semel in lucem prodierunt libri, non possint deinde obliuione posteritatis prorsus extinguī. Vt non desint, qui hanc artem omnium artium conseruatricem dicant, dignam, cui non minus, immò verò magis etiam parcatur, quam Protogenis tabulæ, quam ne cremaret Demetrius rex, Expugnator cognominatus, ab ea muri parte locatam, qua excellens pictura nimis parebat obsidionis violentiæ, Rhodum incendere noluit. Plin. lib. 7. cap. 38. Omnino, si præclarum est, & laudabile, egregia aliorum inuenta ingenijs, labore, sudore, & vigilijs parta ad posteros transmittere, ne tempus edax, omnibusq; exosa senectus, & obliuio semper inuida Memoriz nouerca, scientiæque fraudatrix ea nobis ex animo eripiat, non vulgarem profectò laudem merebitur ars Typographica, per quam res laudabiliter gestæ, artesque plurimæ, præclaræ item animi nostri cogitationes consignatæ, & cum his memoria conseruatur eorum, qui retroactis floruerunt sæculis: quæ tamen absque artis huius adminiculo iam diu fuisset deperdita: & multi haud ita gra-

ues cum in litteris tum in armis exantlati es-  
sent labores, nisi sperarent eos Chalcographiæ  
beneficio immortalitati consecratos, ipsa etiam  
vita longe fore diuturniores, &c.

### X. *Plinij querimonia contra ventrem.*

**E** Legans, & vera est accusatio qua Plin. li. 26.  
cap. 8. ventrem, & in ea etiam ventri, & gu-  
læ deditos persequitur. Audire libet. Plurimum  
negotij hominibus alius exhibet, cuius causa  
maior pars mortalium vivit. Alias enim cibum  
non transmittit, alias non continet, alias non ca-  
pit, alias non conficit. Eoque mores venerunt,  
ut homo maxime cibo pereat. Pessimum corpo-  
ris vas instat ut creditor, & sæpius die appellat.  
Huius gratia præcipue avaritia expetitur: huic  
luxuria conditur, huic nauigatur ad Phasin: huic  
profundi vasa exquiruntur. Nemo utilitate eius  
existimat cõsummationis fœditate. Ergo nume-  
rosissima est circa hanc medicinæ opera.

Observat Billius, Quomodo Homerus Iliad.  
5. naues illas, quibus Alexander, seu Paris ve-  
ctus est, cum Helenam secum in Asiam abduxit  
*ἀρχεναῶν* appellat, ut quæ acerbissimis calamita-  
tibus postea causam dederint: ita Nazianze-  
num orat. de amore erga pauperes eleganter  
ventrem *ἀρχεναῶν* appellasse, quod hinc omnis  
mortalium calamitas profluxerit, ut videre est  
Genes. 3.



# *XL. RITVVM PRISCORVM* *fasciculus*

## 1. Signa deditiois apud diuerfas gentes:

**A** pud Gallos, & Hispanos brachia, & manus inermes tendere: apud Romanos capita scutis subdere, & arma tradere. Pompeiani in pugna Pharsalica passis palmis salutem petiere. Armis quoque dimissis, salutationem more militari facere, magno sæpe presidio erat militibus. Iunctis, velatisque manibus supplicare, aut cum infulis, & velamentis prodire, apud Græcos manus inermes dare, Indis cum pateris occurrere, & vina libare, aut ex Solis ara facibus accensis obulam prodire, &c. Vide Alexand. ab Alex. lib. 4. cap. 7. & in eum Tiraquellum, cuius sagacitatem, & lectionis infinitatem miror, qui, vnde Alexander sua hauserit, tam facile odoretur.

## 2. Ταχυγράφοι, Καλλιγράφοι, Ἀντιβάλλοντες.

**N**otariorum munus erat, vt quæ dicebantur notulis quibusdam exciperent (à quibus & nomen habebant) tanta celeritate, vt non dictantis tantum, sed loquentis quoque vocem assequerentur. Græcis ταχυγράφοι erant. Erant item καλλιγράφοι, qui ornatus, & cōcinnius scriberent, & describerent. Erant & ἀντιβάλλοντες, vt Strabo

nomi-



nominat, qui magna diligentia, & religione scripta conferebant, ab archetypo ne latum quidē vnguendi scedere ausi.

### 3. Viētus athleticus, & exercitia.

**A** Pud veteres ad certam quandam ciborum, & exercitiorum necessitatem astringebantur athletæ, vt sic vires corporis maiores sibi cōpararent. Hinc apud Plautum Epidico, athleticè, ac pugilicè valere, est valide, & robuste valere; & athletica habitudo, est corpulentior, & firmior. Talem viētum Aristot. *ἀναγυνοπαγίαν* vocat. Galen. in Suasoria ad artes liberales cap. 6. multa aduersus athletarum intemperantiam, & ingluviē differit, & eos ab exercitationibus suis cessantes, atque iam senes, miseros, & membris debilitatos ac læsos viuere ostendit.

### 4. Oris, ac dentium purgatio.

**Q** Vi sordes oris, ac dentium non peregrino puluere, aut aqua communi eluebant, sordidi, atque illiberales habebantur, probroque vertebatur, quibus dentes lippiebant, & hoc vitium scabres, quique eo laborabant, scabrones dicti sunt, & ibi plura de dentibus. Suario in ep. 13. Sidonij, lib. 3.

### 5. Tribuni pugione, Præfecti gladio donabantur, & priuabantur.

**T**ribuni dum crearentur pugione donabantur, ad potestatem in facinorosos animaduertent.

uertendi significandam. Martial. lib. 14. epigr. 32.  
*Militia decus hoc, & grati nomen honoris*  
*Arma tribunitium cingere docta laurus.*

Inaugurato autem Imp. Præfæti donabantur gladio stricto, coram senatu. Sidon. Appollin. carm. 5. *Ipsi etiam strictum commiserat Vlpianus ensẽ.* Papin. lib. 5. Syl. 2. *Cuiq; sacer primum tradit Germanicus ensẽ.* Ita in his meritum honorum distinguebat magnitudo ferri. Traianus Præfæto tradens gladium, Accipe, inquit, & si bene imperaui pro me: si malè, contra me vitor. Dio auctor. Vt autem in honoribus mandandis his armis accingebantur: ita cum ignominiosè mittebantur, & honoribus priuabantur, discingebantur. Turneb. lib. 12. cap. 6.

#### 6. Victi sub victorum pedibus.

**I**N triumphali pompa victi sub victorum pedibus effigiabantur, & certè hoc simulacrum triumphatorum. Ouid. 4. Trist. eleg. *Et ducis inuicti sub pede mæsta sedet.* Claud. in 4. Consulat. Honorij. *Colla triumphati proculcet Honorius Istri.* Prudentius lib. 1. in Symmachum. *Colla tyrannorum media calcemus in urbe.* Atque ita in equestribus statuis domitæ gentes equorũ subiectæ pedibus. Stat. 1. Syluar. syl. 1. de Domitiano Aug. *Aenea captini crinem tegit ungula Rhevi.* Dempster. in Præfat. Corippi.

#### 7. Indiciũ silentij per indicem.

**M**OS indicendi silentij optimè ab Apuleio exprimitur 1. Miles. Digitum pollicis proximum, qui & index, & salutaris, ori admouens, & in stuporem attonitus, tace tace inquit. Iuuenal. sat. 1. *Cum veniet contrà, digito compesce labellum.* Martian. Cappella 2. de nupt. Philolog. & Mercurij, digito salutari silentium commouebat. Idem in lib. 2.

8. Dextra protensa ad silentium imperandum, & imperium significandum.

**H**ic mos ex locis quos proferam intelligitur. Lucan. 1. Pharsal. vbi *Cæsar tumultum Compescit vultu, dextraq; silentia fecit.* Pers. sat. 4. *Fert animus calida fecisse silentia turba Maiestate manus.* Sueton. de Aug. cap. 53. vultu, manuque indecoras adulationes repressit. Ouid. 1. Metam. de Ioue in concilio deorum, *qui postquam voce, manuq; Murmura compressit, tenere silentia cuncti.* Principibus verò statuarum equestres, & pedestres erigi solebant, dextra protensa ad imperium significandum, vt Romæ est videre. Serulus ad illud 8. Æneid. *Et nos, & tua dexter adi pede sacra secundo.* De Domitiani equestri statua Papin. lib. 1. Sylua 1. *Dextra vetat pugnare.* Idem ibid.

9. Mollium, & effæminat. militum poena.

**I**gnominiosè muliebribus operibus addicebatur. Euseb. in Constantini vita lib. 2. & Iulian. Imp. desertores amictos veste muliebri per castra

stra duxit distrahendos, ratus militibus, qui viri  
essent, huiusmodi poenam, & supplicium morte  
gravius futurum. Zosimus lib. 2. S. Hesychius, qui  
sub Diocletiano cum esset, & praeceptum audis-  
set, ut quisquis non sacrificaret idolis, cingulum  
solueret, repente cingulum soluit. Ob hanc caus-  
sam Imp. colobio muliebri indutum primo eum  
in gynæceum dedit, &c. Sauaro in epist. 8. Sido-  
nij lib. 1.

10. Creditores vrgebant ægrotos, & mor-  
ribundos.

**A** Egrotis, & moribundis creditores immine-  
bant, & per iudicem debita reposcebant in-  
stantius, ante Nouellam Iustiniani 60. Si quis de-  
bitorem suum ægrotantem, & periclitantē mor-  
ri, molestare voluerit, non liceat ei hoc facere  
&c. Idem in epist. 24. lib. 4.

11. Poculis se laceſſebant.

**O**lim combibones inter epulandum maio-  
ribus poculis contendebant, & se inuicem  
ad græcandum inuitabant, Græco more, & Ger-  
manico: quique se vino plus cæteris onerabat,  
tanquam victor ouabat, & honorabatur. Cle-  
pro Flacco. Magnum erat ei certamen propo-  
situm, magna cum Græcis contentio; qui tamen,  
ut opinor, iacent victi. Nam iste vnus totam Asiā  
magnitudine poculorum, bibendoque supera-  
uit. Lege reliqua. Sauaronis in epist. 7. lib. 5.  
pag. 314.

## 12. Sternutantibus bene precari.

**N**on propter inguinariam luem, quæ Romæ adeo grassabatur, ut oscitantes, & sternutantes efflarent animas, inductus est mos sternutantibus bene precandi, & oscitantibus os signandi. Nam mos ille est antiquissimus. Meminit Aristot. in Problemat. Petron. in Satyra. Gyton collectoris spiritus plenus, continuò ita sternutauit, ut grabbatum concuteret. Ad quem motum Euacolphus conuersus, saluere Gytona iubet. Plin. lib. 28. cap. 1. sternutamentis salutamur. Apuleius lib. 9. Crebras ei sternutationes commouebat: postea. Quod cum putaret ab eo profectum, soluto sermone salutem ei fuerat imprecatus. Titianus lib. 3. Epigram. eleganter. Idem in epist. 1. lib. 7. Verba Aristotelis adscribamus. Tres sunt partes principes nostri corporis, caput, thorax, aluus. Cumque efflatus alui respiratio sit, ructus ventriculi, sternutamentum capitis, quæ pars sacra præcipue est, spiritum hinc exeuntem tanquam sacrum veneramur, & adoramus. Præterea sternutamentum caput bene valere, posseque coquere indicio est: perinde igitur quasi bonæ indicium valetudinis partis optimæ, atque sacerrimæ, sternutamentum adorant, beneque augurantur.

## XII. Podagræ accurata descriptio.

**A**bsit enim ut bellicosissimum virum tyrannis grauissimæ calamitatis exarmet, quæ miro modo

modo membra virentia infusione pœnalis huius  
 moris cogit arescere, nodosque mobiles replet  
 marmoreo tumore crescentes, cum norit alia  
 cuncta vacare iuncturæ. Petit concavas lacunas,  
 ubi palustri statione pigrescens sœxa perficit de  
 liquore: & quæ ad decorum inflexionis Natura  
 luxauerat, in turpissimum rigorem soliditate  
 peregrina constringit. Hæc passio insanabilis, &  
 sanitas passibilis, ligat solutos, contrahit nervos,  
 & decrescere facit corpora, quæ nulla sunt mu-  
 tilatione truncata. Constantibus membris pro-  
 ceritatis mensura perit, & minor cernitur, cui  
 nihil subductum esse sentitur. Subtrahuntur su-  
 perstiti ministeria membrorum: corpus viuum  
 est, nec mouetur: & intra insensibilia redactum,  
 iam non proprio voto, sed motu fertur alieno.  
 Hæc viua mors supra omnia tormenta sana dici-  
 tur: & melius habere fertur, qui euasisse causas  
 tanti periculi non probatur. Deserit quidem do-  
 lor: sed reliquias dimittit fortiores, & nouo in-  
 fœlicitatis exemplo, passio videtur abscedere, &  
 æger non desinit ægrotare. Appendia ipsa cru-  
 ciatis debitoribus aliquando soluuntur: ista autē  
 vincula sunt, quæ cum semel potuerint illigare  
 captum, nesciunt in tota vita dissoluere. Cassio-  
 dor. ep. 29. lib. 10.

Hunc virum vbertim commendat, & extol-  
 lit ipse Rex Theodoricus ad senatum Romanum  
 ep. 4. lib. 1. Variar.

### XIII. *Qui libri à quibus, & vbi inuenti, aut conseruati.*

**P**Ogius Florentinus in Germania reperit VIII. Ciceronis orationes, integrum Quintilianū, Columellam, qui truncati antea extabant in Italia, Lucretij partem, Asconium Pædianum, & plures alios. Vide eius Dialog. de infelicitate Principum. Xenophon cum Thucydidis historias penes se solus haberet, easque suppressere posset, in medium protulit. Ianus Parthasius reperit Sosipatrum Grammaticum: Bessarion Cardinal. Q. Smyrnæi παραλειπόμενα, & Coluthum de Raptu Helenæ. Quinque libri primi Annaliū Taciti inuenti sunt Corbeiz, quod monasterium ad Visurgim est. Quæstor quidam Pontificius ad magnum Leonem detulit, donatus ab eo aureis quingentis. Lipsius Comment. in Tacit.

### XIV. *Quamobrem probi ad turpitudinem erubescant, improbi nequaquam,* *ex Greg. Nazianzeno Apologus.*

**I**N mulieres ex fucis formæ laudem aucupantes declamans grauitè, & copiosè Gregorius Nazianzenus, earumque impudentiam coarguens, vt quæ ab adulterij crimine haud procul absint, Age vero, inquit, fabulam quoque vestræ turpitudini congruentem referam. Tanta olim, vt fama fert, inter homines erat perturbatio, vt optimi à sceleratissimis nullo modo internosci pos-



*Non licuit. Quando ergo tibi summa omnia de-*  
*bet,*

*Formasti enixu quem, pater ipse pio,*  
*Cum nunquam posset meritas tibi redere grates*  
*Virtutis tanta tempus in omne memor,*  
*Hunc tumulum extruxit, morientem fleuit,*  
*acerbum*

*Vulnus adhuc animo nocte, dieq, geris.*

*Coniux marito lugenti.*

*Immatura peris: sed tu diuturnior annos*  
*Vine tuos, coniux optime, vine meos.*

*Lazaro Bonamico.*

*Quantum ager Arpinas Ciceroni, atque incla-*  
*ta quantum*

*Palladis urbs debet Socratis ingenio:*

*Bassani, & Patani debent tibi mœnia tantum;*

*Lazaro, quando illis viuis utrumque refert.*

*Iuveni integerrimo.*

Εἴ ποτε σαρπηδόνη τις ἐράσμευ, ἢ πόλε πάσι

ἦθεσι τοῖς ἀγαθοῖς ἦν νέε' εὐδόκιμω,

Εἰ δ' εὖ εὖσι βίης τις ἐτέρπετο, εἴ τις ἀμύμων

Οὐτ' ὁ τυμβευθεὶς ἐνθάδ' ἰαγν' ἔην.

*Christoph. Longolio Bembus.*

*Te iuuenem rapuere Dea fatalia nentes*

*Stamina, cum scirent moriturū tempore nullo;*

*Longoli, tibi si canos, seniumq, dedissent.*

*Iureconsulto egregio.*

*Franciscus iacet hoc Geslerus marmore, cuius*

*Nulla unquam in sanctis lis periit manibus.*

*Perdidit hanc unam tantum, quam ferrea monie  
Atropos: ast extra lis fuit ista forum.*

*Filius patri.*

*Accipe, chare pater, quæ natus munera reddit,  
Munera si cineri sunt bene grata tuo.  
Tu mihi das lucem vitæ, do mortis honores.  
Eheu quàm dispar gratia nostra tua?*

*Hermolao Barbaro.*

*Barbariem Hermoleos Latio qui depulit omnem  
Barbarus hîc situs est: utraq; lingua gemit.  
Urbs Venetum vitam, mortem dedit inclyta Roma.  
Non potuit nasci clarius, atque mori.*

*Pictori eximio.*

*Perdita si fuerat, pingendi hic rettulit artem.  
Si nunquam inuenta est hætenus, iste dedit.*

### *EPIGRAMMATA EX IISDEM.*

*Bononiæ ante hortum quendam,  
Urbs habeat curas: qui me mihi reddit agellus  
Exigit ingenuis gaudia mixta iocis.*

*In Deiparam IESVM infantem gremio  
tenentem.*

*Partus, & integritas discordes tempore longo  
Virginis in gremio fœdera pacis habent.*

*In domo S. Clement. Romæ.*

*Stet domus hæc donec fluctus formica marinos  
Ebibat, & totum testudo perambulet orbem.  
In pontem Salarium Anienis, à Narsete  
constructum.*

*Quam*

*Quam bene curuati directæ est semita pontis,  
 Atque interruptum continuatur iter:  
 Miramur rapidas subiecti gurgitis undas,  
 Et lubet irate cernere murmur aque.  
 Ite igitur faciles per gaudia vestra Quirites,  
 Et Narſin resonans plausus ubique canat.  
 Qui potuit rigidas Gotthorum subdere mentes,  
 Hic docuit durum flumina ferre iugum.*

In opusculum Sannazarij de partu Virgini-  
 nis, in quo XX. annos consum-  
 psit.

*Smyrnam olim decimum pressisti, Cinna, sub annũ:  
 Hic gessit partum bis duo lustra suum.  
 Duo vetusta disticha, citata à Lipsio.  
 Quod decuit natum patri præstare sepulto,  
 Hoc contra nato præstitit ipse pater.  
 Felicem ſciui non qui quod vellet haberet,  
 Sed qui per fatum non data non cuperet.*

EX EPIGRAMMATIS BERNARDI  
 BAVHVSII, Societatis IESV.

D. Paulus vber mundi.

*Vbera lacte fluunt: fluit en pro sanguine Paulo  
 Laoniceum: mundi totius vber erat.*

Die Veneris Christus passus.

*Luce obiit Veneris, Veneris fle turba: videtur  
 Causa dei paſſi non minima eſſe Venus.*

Magdalena, & Mutius Scæuola.

*Mutius errantem dextram ferus ignibus uſit.*

*Si non errasset, fecerat illa minus.*

*Magdala peccarat, Iesum post fortius arsit.*

*Si non peccasset, fecerat illa minus.*

*Nouem Musæ.*

*Quisquis ades, lector, fias spectator, amicum hoc*

*Optat spectari non epigramma legi.*

*Mira vide, lepidus noster iubet ecce Poeta*

*Vndenis Nymphas stare noxem pedibus.*


*Calliope, Polymnia, Erato, Clio, atque Thalia,*

*Melpomene, Euterpe, Terpsichore, Uranie.*

*Amor, & timor Dei.*

*Vi fugiam scelus omne, & amem super omnia Nu-*  
*men,*

*Da mihi frenum Timor, da mihi calcar Amor.*



## SYNTAGMA SEXTVM

## VARIARVM RERVM

## QVÆSTIONES.

**I.** *Quid pro Græcis litteris ex nuperis scri-*  
*ptoribus, & antiquis, & præclare di-*  
*ci potest?*

**I.** *L*atina eruditio quamvis impen-  
diosa, cetera Græcismum manca est, ac  
diminuta. Apud nos vix quidam riuuli  
sunt,

sunt, & lacunulæ: apud Græcos fontes purissimi, & flumina aurum voluentia. Nullis in litteris sumus aliquid sine Græcitate. Sine græci sermonis cognitione manca, & mutila est omnis doctrina; & qui eius expertes sunt, ab ijs ne latinè quidem scripta penitus percipiuntur.

II. Qui græca lingua destituuntur, ad quodcunque genus doctrinæ animum applicarint, ingenti adminiculo se destitui sentient. Lingua græca omnium dulcissima, tot pulcherrimarum artium magistra, cælestis doctrinæ nuntia, æternæ salutis, diuinorumque beneficiorum conciliatrix. Latinus sermo quidquid habet elegantie, ac venustatis, id ex græcis fontibus accersitum est. Si demas scriptoribus Romanis lumina græci sermonis, quod præterea emineat parum erit: vt verè ac rectè dictum sit ab Horatio, *Græcis ingenium, Græcis dedit ore rotundo Musa loqui.*

III. Græca lingua omnis elegantie magistra, omnium ingenuarum, ac liberalium artium parens, alrix, conseruatrix.

IV. Sine mediocri saltem cognitione græcarum litterarum non potest ad vllam doctrinæ præstantiam perueniri.

V. Placuit valde iudicium tuum de græcis. Profectò, vt hodie iudicia sunt, & exacta eruditio, nemo in aliqua classe, qui lingua ea non sit saltem tinctus. Et vsum etiam suum, immò dixerim necessitatem, in omni ferè scientiarum genere habet.

VI. Deus, vt quamplurimos homines ad hanc linguam discendam inuitaret, multis eam illecebris, multis inuitamentis vndique cumulauit. Primum enim non alia lingua dulcior est, non alia suauiore sono in aures illabitur. Et, si verum est, quod Herodotus ait, animum in auribus habitare, non alia certe vim maiorem habebit ad demulcendos, ac percellendos homines.

## II. *Cur solus homo expetit ciborum diuersitatem?*

**Q**uia producta omnia humanis destinantur vñsibus, quod in alijs animantibus, vel vno contentis, vel longe paucioribus non fit. Deinde constitutionum varietas in vno tantum comperta est homine. Hunc enim temperatũ astruimus, alium sanguineum, alium phlegmaticum, & deinceps. Nam in specie sua bruta sunt omnia vel pituirosa, vt iſues, pecudes, melancholica nonnulla, vt cerui, boues. Vnde fit, vt homini alimentorum genus non vnum videatur necessarium. Denique nos animale appetitũ insequimur, qui ideo varius probatur, quoniam ad opposita se habent eius potentia. In brutis appetentia viget naturalis, cuius ratio est alia. Rhodigin. lib. 7. cap. II. Veruntamen cum omnia animantia natura monente noscant sibi in pastu salutaria, solus homo etiam uoxia sibi vel ignarus assumit, vel gnarus saporis tamen graui illectus concupiscit.

III. *Quare Pyrrhus Epirotarum Rex  
aliis prætermiſſis ſolam ſanitatẽ à diis  
precabatur?*

**S**ibi enim perſuadebat, hac parte bene conſtituta proſperius ceſſura omnia. Nam ſi toto ſinu ſe affundat fortuuz afflatus, abſit autem valetudo recta, nullum profluit illinc emolumentum quod iuuet. Propterea Antiochum Sotera prælio cum Galatis congreſſurum legimus in quiete arbitratum Alexandrũ ſibi aſſiſtere, moneſque, vt prius quam in aciem milites educeret, non aliam illis teſſeram daret, quàm *ὑγιαίνειν* bene valere. Inde nobilem de hoſtibus victoriam retulit. Et liber mandatorum ab Imp. dabatur, in quo præceptum primum de ſanitatis cura. Pythagoras quoque in epistoſis non alia eſt uſus ſalutatione, quàm vt iuberet *ὑγιαίνειν*; quod inſtitutum ſeruarunt Pythagorei: velut animæ corporique nihil amplius congrueret, hocque vno hominis bona vniuerſa comprehenderentur. Quin & ſymbolum, quo inter compares utebantur, dicebatur *ὑγία* ſanitas. Idem lib. 7. cap. 24.

Diogenem ſtomachari in eos ſolitum auctor Laert. qui pro bona valetudine ſacrificantes, in ipſo ſacro epulis immodicis ſe ſarcirent, & bonæ valetudinis læcturam facerent. Edacitas multos fieri ſenes vetuit. Monebat etiam Socrates, cauere à cibis, qui non eſurientes ad edendum, &



à potibus, qui non sitientes ad bibendum acciunt.

IV. *Quomodo possunt breuiter, ac verè,  
& gloriosè laudari Humanitatis  
studia?*

I. **A**bsque linguarum, & politioris litteraturæ conditura frigida, mura ac pæne cæcæ sunt reliquæ disciplinæ omnes: nec floret respub. nec liberalis est vita. Paucis, homo vix est homo.

II. M. Tullius vocat artes, quæ ad humanitatem pertinent. Item artes, quibus puerilis ætas ad humanitatem informari solet. Præterea politio-riorem humanitatem, & de ijs orat. pro Archia-poeta sic prædicat. Hæc studia adolescentiam alunt, senectutem oblectant: secundas res ornant: adversis perfugium, ac solatium præbent: delectant domi; non impediunt foris; pernoctant nobiscum, peregrinantur, rusticantur.

III. Humanitatis nomen ideo tulerunt, vel quia eam vim ac potestatem habent, ut quamvis naturam, quodvis ingenium mollescere, ac mansuescere cogant: quod duobus locis testatus est Ovid. Versiculi omnibus sæpe lecti sunt. Vel quia nemo fere, nisi placabili & mansueta præditus natura possit in hanc partem studiorum placidissimam, & pulcherrimam incumbere, & eius desiderio incendi. Agminis nostri duces, & Imperatores Petrus Victorius, M. Antonius Muretus, Carolus Sigonius, Romulus Amasius de hisce

hisce studiis luculentissimas orationes reliquerunt, quas omnibus eorum cultoribus legendas suadeo. Ex ijs siquidem non solum ad ea impensius colenda exardescunt: verum etiam quid eorum vituperatoribus (sunt enim quidam agrestes, & ἀπαιδευτοί, qui ea vilipendunt) responderi queat, cumulatè cognoscent. Qui porro nostro hoc, & superiore sæculo hisce litteris clarescant, & claruerint, eorum non ita longus est catalogus. Multi enim thyrsigeri, pauci Bacchi.

V. *Quamobrem hominum quidam naturæ tristes, quidam lætabundi?* IV

**T**Ristes sunt, qui contrarijs resistere minus possunt, læta verò obire non sunt idonei. Lætabundi autem, qui & ad læta aptissimi sunt, & tristibus maximè possunt resistere. Qui igitur pauci caloris sunt, & exangues, ac debiles, ut senes, & ægri, & convalescentes, parum resistere contrarijs queunt: quare ut plurimum tristes sunt. Porro & hi, & qui melancholici naturæ sunt, & amarioris sanguinis ad læta minus idonei sunt: quare necesse est læta recipiunt, ut spectacula, veneres, comestationes, conuentus, lusus, & id genus. Egri quidem, & pauci caloris, quia non possunt, & dispositionem non habent: melancholici verò, quia ad contraria dispositi sunt. Qui autem optimè sani sunt, & multo abundant sanguine, & eo quidem dulci, & leni, nō acri

acri, & bilioso, & melancholico, ij quidem quod & maximè resistunt contrarijs, & quod optimè dispositi sunt, omnia fere aut vti læta recipiunt, aut vti minus tristia. Quare & ad societates, & cantus, & spectacula, & lusus, & alia id genus maximè proni sunt: vnde & iuuenes, & pueri maximè gaudentes sunt. Hieron. Fracast. de Sympath. & Antipath. cap. 18. Idem cur melancholici tristes, ac formidolosi, lib. 2. de Intellectione, à pag. 200. planissimè, & doctissimè exponit, deque eorum natura, & varietate copiose disputat.

## VI. *Quid sibi vult Prosa oratio?*

**Q**uidam prorsà pro prosa malunt, Græcis est *πρὸς λόγος*, quasi pedes sermo, & *πρὸς λόγος* historici. Nec id vocabulum à pedibus metricis inditum est: sed aliquid humile, summissumque denotat significatione præcipua, nisi fallor; quasi dicas, humi gradiens, quodque nec carminis sublimitate vehitur, nec figurata, numerosa que oratione nititur: etiam si in vniuersum vsurpari soleat pro omni oratione soluta lege carminis, & his plura ibid. Budæus ep. lib. 1. pag. 256.

Quale genus orationis esset prosa, dictum hætenus ex Budæo. Nunc de voce ipsa ex Mureti Scholijs in Terent. Prosa non prosa dicendum. Prosum antiqui rectum vocabant: vnde prosi limites apud Festum. Seneca Troade.

*Et qui renatum prorsus aspiciens diem.  
Tepidum rubenti Tigrin admiscet freto.*

Sed & Prorsam vocabant deam, quæ rectos  
fœtus educeret: alteram Postuertam, à recti, per-  
uerſique partus & potestate, & nomine. Quia  
igitur prorsum, vt dixi, rectum est, idcirco solu-  
tam orationem prorsam nominabant, quod ef-  
ſent in ea voces recto fere ordine, & vt naturæ  
ferret impetus collocatæ: contraque verſum di-  
xerunt, in quo eſſet orationis genus, vt Cic. lo-  
quitur, verſumatque mutatum. Vide & Calca-  
gninum epist. 3. lib. 1.

## VII. *Cur Baccho cornua tribuuntur à Poetis?*

**T**Ribuuntur ſanè, hinc à Græcis ei data cō-  
gnomina κερᾶνος, κερκοφόρος, ταυρόκερος, δικο-  
ρος, βύκερος. Cauſſa, quod immodico vino obruti  
truces, contumelioſi, atque audaces efficiuntur:  
quod alibi Bacchum addere cornua pauperi ait  
Horat. & pauperem tunc cornua ſumere. Ovi-  
dus, cum vino madens violentus euadit. Red-  
duntur & aliæ rationes, quas adducit Lzulin.  
Torrent. Comment. in Oden 19. lib. 2.

## VIII. *Quod eſt maximum iræ remedium?*

**M**aximum eſt dilatio: vt primus eius feruor  
relanguſcat, & caligo quæ premit mentē  
aut reſidat, aut minus denſa ſit: Quædam ex his,  
quæ te præcipitem ferebant horæ, non tantum  
dies

dies molliet, &c. Seneca III. de Ira, cap. 12. Athenodorus philosophus ab Augusto discedens, hoc illi monumentum reliquit. Cæsar, cum fueris iratus, ne quid dixeris, fecerisue, priusquam Græcarum litterarum XXIV. nomina apud te recensueris.

IX. *Quid ita crudis, & lippis inimicum pila ludere?*

S Omnis enim, & quies optima cruditatis præsidia, ut Celsus ait, lib. I. cap. II. crudosque humores concoqui, non irritari debere medici monent. Lippis verò nocere pilam vel inde manifestum est, quod eo in ludo oculis potissimum laborandum est, ut vincas, aut peritum te lusorem exhibeas. Seruanda enim momenta, & in omnes partes circumagendum corpus. Sed de his medici viderint, quorum princeps Galenus de pilæ parvæ exercitio conscripsit. Torrent. in Horat. sat. 2. lib. I.

Versus Horatianus hic est. *Namque pila lippis inimicum, & ludere crudis.* Crudus erat Virgilius, ipse lippus, ob has causas Mæcenate ludente, uterque lusu hoc abstinebat. Lege dissertationem Magij Miscellan. lib. I. cap. I I.

X. *Quibus ex rebus Ius civile constat?*

EX legibus, senatus consultis, plebiscitis, Edictis magistratuum, constitutionibus Principum, responsis prudentum, diuturna consuetudine. Prudentum nomine intellige Iureconsultos.

res, sic eam vocantur, & eorum ars prudentia, aut iurisprudentia. Item sapientia. Ennius, *Pellitur è medio sapientia, vigeritur res.* Horat. *Fuit hac sapientia quondam Publica privatis secernere, sacra profanis, &c.* quæ omnia sunt Iurisconsultorum. Vocantur & iuris conditores, & iuris interpretes. Item iuris auctores. Muret. Cōment. in IV. Titulos I. Digest.

XI. *Cur nupta Roma non transcendebat limen domus, sed à pronubis transportabatur?*

**A**N quia in prima raptione mulieres non viro intrauerunt domos, sed illatæ sunt? Aut quia videri volunt non volentes, sed coactæ ed ingredi, vbi sunt virginitatem amissuræ? Aut hoc signum est, exire etiam eas, domumque relinquere non debere, nisi vi eijciantur, sicut vi introductæ sunt? Nam etiam apud nos in Bæotia in nuptijs axem plaustrante fores cremant, innuētes sponsæ manendum esse, sublato auehendi instrumento. Plut. Quæst. Rom. q. 39.

XII. *Quare nauseabundi vomunt, qui primum mare nauigant?*

**N**Auseam præter reliqua ex sensibus odor, ex animi perturbationibus pavor potissimum creant. Eiusmodi enim homines periculi imminentis cogitatione tacti tremunt, horrentq; & alius his humectior euadit. At qui in fluuij paui vehuntur, nihil horum percipiunt. Olfac-  
tus

Etus enim humanus ad dulcem, & potabilem aquam commodè assuevit: ipsa quoque nauigatio ab omni periculo libera est. In mar. se omnia aliter habent. Nam odorem, propterea quod nō assuevere, pessimè ferunt: & in præsentī, quamquam periculum nullum, metu tamen venturi casus terrentur. Quam ob causam exterior tranquillitas nihil profuerit, quum anima motionibus agitata, ipsa deinde corpus vexet, & perturbationes concitet. Idem de Causis natural. cap. II.

**XIII.** *Cur fructus, & olera non æquè ut panis nutriunt?*

**Q**uoniam omne pomorū genus, & olera nimis aquosa sunt, succus diffluit, & ad alendum est remissior. Triticum, seu frumentum ficius est, & pingue, temperateque calidum. Quare & succus existit densior, ac pinguior, & glutinationi accommodatior. Nihilominus panem esse concoctū difficiliorem, ostendit Rhodigin. lib. 9. cap. 17.

**XIV.** *Cur Socrates interrogatus, an Rex Persarum esset felix, negauit se scire?*

**F**ortasse, inquit, fælix est. Se autem id nescire, quod cum eo nunquam congressus esset: neque cognosceret quali sit animo præditus: quod non aliunde, opinor, fælicitas obueniat, non à vasis aureis, aut ciuitatibus, aut à terris, aut ab alijs



lijs hominibus: verum unicuique ab seipso, & sub ipsius animo. Socrates igitur, quoniam non expertus erat Persæ animum, inexpertum quoque se putavit felicitatis illius. Dio Chrysost. de regno orat. 3. Oratio, siue sermo est vultus animi, & quomodo facies hominis in speculo, ita is, qualis sit ex colloquio cognoscitur. Vnde illud Socratis, loquere adolescens, ut te videam.

*XV. Quid nam candor in vestibus angelorum, Christi transfigurati, martyribus, equis etiam significat?*

**I**N sacris litteris angeli semper leguntur apparuisse candidati. Id illorum innocentiae, & beatitudinis est argumentum. Christus ipse in monte Thabor vestitu candidissimo discipulis se conspiciendum præbuit, qui habitus puritatis, victoriæ, ac beatitudinis æternæ fuit symbolum. Quo sensu dictum de martyribus Apocal. 3. *Ambulabunt mecum in albis, quia digni sunt.* Insignia, inquam, declarantur eorum victoriæ, libertatis, ac beatitudinis. Victoria item per equum album in Apocalypsi, cui eques corona insignitus insidet. Sic Anchises per 4. illos equos candore nivali pacem candidam significari ait, & victoriam Trojanorum latenter portendi 3. Æneid. allusione scilicet ad 4. illos equos candidos, triumphalem currum apud Rom. trahentes. Sic equi albi apud Zachar. 6. Hieronymo interprete Machabæorum sub Antiocho Rege victoriam præmonstrant. Comment. in 11. Tom. Panciroli.

XVI. *Quid? Vixit ne Seneca vt scripsit?*

**I**N hūc arbitror cadere, quod Christus de Pharisæis, & Scribis, *Dicunt, & non faciunt*: si modo vera censemus, quæ in Nerone ex Dione memorat Xiphilinus. In plerisque ait, contra facere visus est, quam philosophabatur. Factus reus est multorum scelerum, sed præsertim quod cum Agrippina rem haberet. Cum tyrannidem improbaret, tyranni Præceptor erat. Quumque insultaret ijs, qui cum Principibus verarentur, ipse à palatio non discedebat. Assentatores detestabatur, cum ipse reginas coleret, & liberos, ac laudationes quorundam componeret. Reprehendebat diuites is, cuius facultates erant aureorum tricies centena millia. Luxum aliorum damnabat, ipse quingētos tripodes (mensas tribus pedibus) habebat de ligno cedrino, pedib<sup>9</sup> eburneis, similes, & pares inter se, in quibus cœnabat. Ex quibus omnibus ea, quæ sunt ijs consentanea, quæque ipse libidinosè fecit, facile intelligi possunt. Nuptias cum nobilissima, atque illustrissima fœmina contraxit. Delectabatur exoletis, idque Neronem facere docuerat.

De adulterata ab eo Iulia Germanici filia, ob quam exilium in Corsica circiter 8. annos toleravit, & de reliquis eiusdem vitij, si quæ fuerunt, mitto dicere. Pecuniæ, & ingentium diuitiarum fuisse sitientissimum, ex magnitudine ipsa apparet liquidissimè. Septuagies quinquies cente-

na millia Philippicorum Lipsius numerat, opes  
sanè regias. Hortos, villas, agros, domum sum-  
ptuosa supellectile instructissimam habuit. Pe-  
cuniam grandem in fœnore in Italia, in Britan-  
nia, in Ægypto collocavit. Hem, quantus vsura-  
rius hic tam disertus paupertatis prædicator?  
Quot, quæso, suscepit liberos, quibus tantam hæ-  
reditatem relinqueret? quibus de suis thesauris  
benefecit? quod monumentum vel Romæ, vel  
in cætera Italia ad memoriam sui, & proainciæ  
ornamentum excitavit? Frustra sunt, qui illum  
de avaritia, & quidem incredibili purgare nunt-  
tur. Nam quod de Catone Censorio scribit de  
vita beata cap. 21. Et, si maiores illi obuenissent  
opes, non spreuisset. Nec etiam se sapiens indi-  
gnum ullis muneribus fortuitis putat. Non amat  
diuitias, sed mauult. Non ad animum illas, sed  
in domum recipit. Nec respuit possessas, sed cõ-  
tinet, & maiorem virtuti suæ materiam submi-  
nistrari vult (quam sententiam deinde copio-  
sius exsequitur) hæc, inquam, & illa cap. 23. de  
philosopho diuite speciosius, & argutius, & so-  
phisticè porius, quàm ad veritatem accommo-  
datius, & sub aliena persona causam agens suam.  
Teneamus igitur, in chartis, non animo, & mo-  
ribus fuisse pauperem Senecam: cumulassequæ  
pecunias ad nullum vsum, quod auarorum est  
proprium. Scripta eius laudat effusissimè in Ma-  
nuct. Dissert. 18. Lipsius. Mores & in eo li-  
bro, & alibi contra eundem Dionem tueretur, ho-

minem vanum præter fidem, præterque omnium mentem velut è plauſtro conuiciari dicit. Verùm noibiltas, & ſanctitas ſcriptorum Senecianorum, quorum amore ebrius eſt, Lipſium auctori tantopere concillarunt. Quem vt à reliquis omnibus purget, auariffimum fuiſſe concedat neceſſe eſt. Quis Philoſophorum, ac ſapientum amauiſt diuitias? amauiſt? quis non vt ſe indignas eſt aſpernatus? aut cuius eſt illa vox: abite peſſimę diuitię. Mergam vos, ne mergar à vobis? Quæ ex Iuuenale, & Martiale de eius liberalitate in amicos egentiores profert, milliones illis donaviſſe haud opinor, cū multos tamen milliones poſſideret.

*XVII. Quandiu maria clauſa, & ad nauigandum intempeſtiua ſunt?*

**E**X die 3. Idus Nouemb. uſque in diem ſextum idus Martij maria clauſa eſſe dicebant: vt eſt apud Vegetium lib. 4. Quod tempus etiam coarctatum eſt ab Imperatoribus, qui à Calend. Aprilis ad Calend. Octob. tempeſtatem ad nauigandum idoneam eſſe definierunt l. quoties. C. de naufrag. & Virgiliana Dido Æneam media hyeme de nauigando cogitare miratur.

*Quin etiam hiberno moliris fidere claſſem,*

*Et mediis properas Aquilonibus ire per altum.*

Sed & mare ipſum cum fremeret, commotumque ac concitatum eſſet, hiemare dicebant. Sic Salluſt. hiemantibus aquis. Sic Horat. & atrum

*Defen-*

*Defendens pisces hiemat mare. Muret. in 3. Annual. Taciti.*

**XVIII.** *Qualem se præbebit Imp. erga dedentes se ciuitates?*

**S**I quæ ciuitates Imp. se dediderint, comiter ac ciuilitè regendæ sunt: sic enim & aliæ fortassis ad deditiōem allicientur: sperantesq; se huiusmodi humanitatis fore participes, in eiusdem ditionem allicientur. Qui verò, cum primum vrbe aliqua potitus est sese illi acerbum, ac molestum exhibet, aut ciuium facultates diripiendo, aut ciues ipsos interficiendo, pulsandoue, aliarum quoque ciuitatum animos ita abalienat, vt & bellum perdifficile, & spem victoriæ desperandam præparet, &c. Onosander Strategici cap. 38.

Hac de re ita præcipit i. Off. M. Tullius, quo loco de iure belli disserit. Et cum ijs quos vi deuiceris consulendum est; tum ij, qui armis positis ad imperatorum fidem confugiunt, quamuis murum ariès percusserit, recipiendi sunt. In quo tantopere apud nostros iustitia culta est, vt ij qui ciuitates, aut nationes deuictas bello in fidem recepissent, earum patroni essent, more maiorum.

**XIX.** *Cur alia elixa, alia assa melius eduntur?*

**A**N quod humidiora non eatenus humecta-

ri, sicclora non amplius exsiccarî oportet: elixâ autem humidiora, mollioraque omnia redduntur: quæ verò minus humida sunt, hæc igne cōfecta siccliora prorsus euadunt? Aristot. Sect. 20. quæst. seu Problem. 5. Homerus heroibus suis nec elixas, nec pisces, nec fructus, sed tantum bubulam, eamque assam apponit: quæ cur magis nutriat, assa inquam caro, vide Rhodigin. lib. 28, cap. 2. Inter varios autem modos, quibus cibi præparantur, præstant elixatio, & assatio, plusque salubritatis habent. Assa autem si rite conficiantur, maius corporibus robur conciliât. Quærent, vtra humidiora sint, assa, an elixa. Ego assa humore interno, ac proprio humidiora esse arbitror, quod à crusta foris ab igne inducta interna humiditas seruetur, eius quæ assatur carnis, si modo ea studiosè assetur. Contra elixæ humiditas aliena maior est, quod sit in aqua incocta; minor propria, quod exhalet à continuo feruore, & dissipetur. Ex Valeriola Lecor. commun. lib. 2.

## XX. *Cur edenda bellaria, & utendum mense secunda?*

**A**N vt satis bibamus? Non enim sitis gratia solùm, quæ per mensam primam nos tenet, bibendum: sed etiam post hausisse aliquid iuvat. Aristot. Sect. 22. q. 6. De bellarijs, seu mensis secundis lege apud Alex. ab Alex. & Tiraquell. lib. 5. cap. 21. & Bellariorum nostrorû partis primæ principium De inferiori Volumine.

**XXI. Cur aurora frigidior quàm  
vespera?**

**A**N quoniam altera noctis medio propior  
est, altera meridiei? Est autem ut diel med  
ium calidissimum, quia soli proximum: sic noctis  
medium frigidissimum, quia remotissimum.  
Idem Sect. 25. q. 15.

**XXII. Quomodo morbum simulantem  
deprehendendi, & quæ signa morbi?**

**Q**ui reuera dolent vehementer, in alium se,  
aliumque habitum, magnitudine videlicet  
doloris agitati, transijciunt, paratiq; sunt quod-  
uis pati auxilium: hortantur medicos vltro, ut a-  
gant ad curandum quidquid velint. Si medio cri-  
ter, aut nihil, auxilia refugiant, nec longa iei-  
unia, nec mordacium pharmacorum oblationem  
perferunt. Quam solam quidem, cum grauitè  
se laborare dicunt, huiusmodi dispositionibus  
conferre nos illis affirmare oportet: quemad-  
modum & sectiones, & ustiones, & omnis cibi,  
potusque, quorum desiderio eos trahi videmus,  
abstinentiam. Signa autem morbi languere, ex-  
trema infrigidari, pallere: interdum quoq; fri-  
gidum sudare, & pulsus non tantum inæquales,  
sed etiam plures minorum, quàm magnorum,  
obscurorum quàm vehementium habere: præ-  
terea interrogatum de doloris specie, eam re-  
spondere, quæ affecto membro propria sit. Ga-  
len. libello peculiari huius argumenti.



### XXIII. *Cur tantopere deploramus nostram incommodam?*

**Q**uoniam ea non præcogitauimus. Aufert vim præsentibus malis, qui futura prospexit. Quæ multo ante præuisa sunt, languidius incurrunt. Seneca Consolat. ad Marciam cap. 9. Vulgatum est, Tela præuisa minus feriunt. Sed egregie iterum Seneca lib. de Tranquillit. cap. 13. Nam qui multa agit, sæpe fortunæ potestatem sui facit: quam tutissimum est raro experiri: cæterum semper de illa cogitare, & sibi nihil de eius fide promittere. Hoc est quare sapienti nihil contra opinionem dicamus accidere. Non illum casibus hominum excepi-mus, sed erroribus: nec illi omnia ut voluit, cedunt, sed ut cogitauit. In primis autem cogitauit, aliquid posse propositis suis resistere. Necesse est autem leuius ad animum peruenire destitutæ cupiditatis dolorem, cui successum non utique promiseris.

### XXIV. *Vnde factum, ut libri alienis auctoribus tribuerentur?*

**C**ontigit hoc interdum propter similitudinem nominum: ut cum Demetrii Alexandrini libellus elegantiss. de Elocutione Demetrio Phalereo tributus est. Sic olim multæ fabulæ tribuebantur Plauto, quæ Plautij cuiusdam erant. Sic Anaximenis Lampfaceni liber de

Rheto-

Rhetorica ad Alexand. vulgò inter Aristotelea numeratur. Sic quidam ex veteribus, non ab eodem Homero scriptam esse Odysseam, à quo Ilias scripta esset. Interdum propter similitudinem inscriptionum. Vt cum Ethica scripsisset Aristoteles, scripsisset & Nicomachus, erant olim qui Nicomachi Ethica ad Aristotelem referrent. Muret. Volum. 2. orat. 6. Non solum libri, sed breuiora quoque scripta, vt sunt epistolæ, orationes, disputationes, & similia falsis indicibus, seu titulis auctores mentiuntur.

XXV. *Quot & quibus argumentis  
οἱ γνῶστοιprehenduntur?*

**Q**uatuor præcipue. I. Similitudine elocutionis. II. Conuenientia sententiarum. III. Si aut liber ille, de quo quæritur citetur in alijs *γνῶστοις*: aut in eo citentur alij, quos constat esse *γνῶστους*. IV. Si eum ex antiquis ij, qui de huiusmodi rebus iudicare potuerunt pro *γνῶστέω* habuerunt. Idem ibid.

XXVI. *Cur in nuptiis plurimi ad cœnam  
vocantur?*

**N**vllius conuiuij causa ita manifesta, ita celebris est, vt nuptiarum. Itaque cum nemo ignoret conuiuium agitari, verècundia ducti omnes necessarios, familiares, & quocunq; tandem pacto sibi coniunctos inuitant. Et quod plus habet momenti, duabus in vnam cocenti-

augendam potentiam, & conseruandam in eadem familia pacem atq; concordiam. Alijs idem prohibentur ab Ecclesia tales nuptiæ, quod per matrimonia cum non cognatis latius diffundantur affinitates & amicitia, indeque maior sit auxiliorum spes, vbi necessitas postularit. Alias causas omitto. Ad Augustin. 5. Ciuitat. cap. 16.

XXVIII. *Quibus de causis verba græca latinis recte immiscentur?*

GRæca aptè, & opportunè latinis intermixta non mediocrem conciliant orationi gratiã. Id fit, vel cum græca vox est significantior, vt λογομαχία pro contentione, siue rixa. Vel, cum est etiam breuior, vt φίλος, pro eo qui sibi placet. Vel, cum est vehementior, vt γυναικομαχία pro mulieroso. Vel, cum est venustior: vt si quis, de rebus arduis, sed inutilibus differentem dicat μελεωρλεσχειν: aut eum qui sibi sapiens videatur, cum sit stultus appellet μαρόσοφον. Nam græce vocis gratiam nulla latina possit assequi. Vel, cum ad locum aut dictum auctoris alicuius alludimus: veluti quum notantes aliquem inconsideratius locutum, dicimus, ποῖον ἔπος, &c. quod est apud Homerum: aut indicantes aliquem non respondisse ad id quod proponebatur, dicimus ἡμας ἀπήτην. Quod si latinè dicas, falces petebã, perit sermonis lepos. Denique cum nolumus id quod dicimus à quibuslibet intelligi. Ac ne singula persequar, quoties inuitat aliqua commoditas

ditas, præsertim cum ad eruditos scribimus. Cæterum cum nihil huc inuitat, velut ex instituto sermonem semilatinum, & semigræcum texere, fortassis in adolescentibus, semet ad vtriusque linguæ facultatem exercentibus veniam mereatur: in viris parum decora fuerit hæc ostentatio. Desider. lib. I. de Copia.

Cicero 1. Tuscul. de se, Scis enim me Græcè loqui in latino sermone non plus solere, quàm in græco latinè. Veruntamen loquitur, & præsertim in epist. ad Atticum: sed aliqua semper de causa ex ijs, quas in medium attulimus. Quem sequi deberent, qui nimis sæpe, & multos interdum versus, ac periodos græcè latinis suis inferciunt, atque ostentationis cuiusdam suspicionē de se commouent. Andreæ Schotti nostri seu præceptum, seu consilium, ex Tullian. Quæst. lib. I. cap. 26. subiungam. San è in Epistolis longe, quam in philosophicis dissertationibus admittere frequentius græcaliceat, idque M. Tullij exemplo, cuius ad Atticum datæ litteræ assidue græcissant: vt ad hominem quidem Romanum, græcæ tamen linguæ peritia Attici cognomēto donatum. Illud tamen etiam atque etiam hîc cauendum, ne ad litterarum græcarum imperitum amicum inani quadam ostentatione græca obtrudas, ne tacito quodam sensu castigare, irridere, ac tantum non conuiciari videare: non secus atque qui epulis hospitem, quas refugiat, importunus conuiuator accipiat. Sic etiam multorum

dissol.

dissolui amicitias superba quadam iactatione cō-  
peri: contrā vero comitate, ac facilitate in dan-  
dis litteris, non aliter quam assiduitate ali con-  
stat amicitiam. Si quod igitur, scite dictum, &c.

**XXIX.** *Quo pacto ostenderes coram,  
quàm scriptis agere plus con-  
ducere?*

**N**ON èd tantum plus conducit, quod iisdem  
de rebus præsentī cum præsentibus agere,  
quam scriptis facilius est: aut quòd omnes dictis  
quàm scriptis plus credunt, & illa tanquam de-  
creta, hæc vt figmenta audiant: sed propterea in-  
primis. quod in congressibus, si quid forte non  
rectè intelligitur, vel non creditur, is qui coram  
adest, utrique incommodo leui opera medetur.  
In scriptis, si talis scrupulus inciderit, nemo est  
qui tollat, ipso auctore, & defensore non præ-  
sente. Isocrates ad Philipp. epist. 1.

Sunt nihilominus quæ liberius, & commo-  
dius per scripta aguntur, vt quæ ad laudem no-  
stram pertinere videantur. Quamobrem Cic. e-  
pistola ad Lucelū libr. 5. à quo rerum suarum  
Commentarios, seu historiā conscribi petit.  
Coram me tecum eadem hæc agere sæpe conan-  
tem deterruit pudor quidam pæne subrusticus:  
quæ nunc expromam audacius. Epistola enim  
non erubescit. *Audacius*, inquit.

**XXX.** *Cur in hominibus tanta facie-  
rum discrepantia?*

**I**N hoc dei prouidentia admirari licet. Etenim si eundem perpetuò omnes characterem seruarent, quanta omnium rerum confusio sequeretur? quanta ignorantia homines occuparet? dum neque domesticum, neq; alienum cognoscerent, neque hostem, & malum ab amico, & bono discernere. Et nihil obstaret, quo minus quis cum sororibus, aut matre consuesceret, aut prædaretur, aut in propatulo iniuriâ irrogaret, si modò in præsens effageret. Etenim postea conceptus non agnosceretur. Deniq; duo sunt, quæ propter diuersitatē in hominibus maximā admirationem efficiunt, facies, & sonus vocis. Ac facie quidē similes aliquando, voce congruentes nunquam in ista hominum infinitate reperiuntur.

**XXXI. Meminit ne, & æstimauit**  
*Societatem IESV Iustus*  
*Lipsius?*

**I**Lle verò meminit perhonorificè, eamque æstimauit, & veneratus est plurimum, atque etiam inter manus trium Patrum nostrorum vltimum effudit spiritum. Nostris vsus est à sacris confessionibus. Nostris Louanij, vbi postremò, & diu habitauit, & de superiore loco in Academia docuit, libros græcos manuscriptos testamento legauit. Ibidem frequens ei congressus cum Martino Delrio item nostro, & multa familiaritas fuit: cui in Germania proficiscēti viaticum largitus est vltro liberalissimum, vt ipsemet Delrius mihi

mihi Augustæ narravit. Extant ad eundem, & Franciscum meum Bencium τὸν μακάριον, quem vnicè dilexit, & eius obitum deploravit, epistolæ. Nunc testimonium Societati ab eo impertitum accipe. Epist. ad Franciscum Oranum Belgam. *Quid fratrem dicam, quem etiam nunc habes sacri illius, & fructuosi Ordinis, qui nominis, quod supra omne nomen est titulum gerit: in quo vel censeri laus est?* Epistola autem ad Iacobum Pontanum, quæ est Cent. IIII. Miscellanæ 34. qua nihil humanius, καὶ ἀλλήγοειαν quandam ex Homero petitam, se Societati salutem suam debere significat: cuius præceptis, institutisque olim eruditus fuerat: quæ illum in summis versantem periculis tutata sint, & præterita secum recordantem conseruarint. In rem præsentem venias licet. *O institutionem vestram, inquit, olim mihi utilem: inheret ea, & inhaesit: atque illa Pallas fuit. qua inter tempestates, immo naufragia seruauit hunc Ulyssæm. Eadem iudicium, & sensum istum ad virtutes formauit, quas utinam sic indispici, ut sequi deur.*

Quid requiris amplius? Nos magni viri excellens ingenium, summamque doctrinam suspicimus, & prædicamus: nec de studijs nostris melius quenquam meritum statuimus. Ab eius autem idiotismo, & excogitata heresi in scribendo, pluribus, & ut opinor, iustis de causis refugimur, & abhorremus. Virum quendam, in hac repub. principem, virum probè litteratum, & acri iudicio



clo præditum, ac pænè omnibus huius memoriz eruditis bene notū, ipsique Lipsio amicissimum, atq; ab eodem compluribus epistolis pleno ore laudatum, hunc, inquam, profitentem meis auribus audiui: *malle se inscribendo Muretum, quàm Lipsium posse exprimere.* Adeo, cuius probabat ingenium, & scientiam summopere, eius nouitiam, & plus æquo exquisitam, & affectatam dictionem non probabat. Sed de his in præsens satis.

### XXXII. *Cur Poetica tenet globum, seu spheram in leua?*

Sic fingitur eius imago à quibusdam, quod nihil vsquam gentium est in toto mundi ambitu, seu quæ supra lunam perpetua atque æterna, seu quæ citima sunt mortalia, atque caduca, quæ non fuerint versibus decantata, quod ex historia poetarum apparet. Ex Gyrardo hist. poet. lib. 1.

Cic. 1. de Orat. Immenstatem quandam materiz oratori subijciens, ait similiter licere Poëtæ quacunque de re velit carmen facere, cum sit oratori similis in multis. Vbi sanè Poëtam, & Poeticen solo versus artificio, & compositione, *παχύτερον, καὶ σαφέστερον* iuxta prouerbum, ad vulgarem captum videlicet definit. Eius verba ad hoc ζήτημα illustrandum profero. Est enim finitimus Oratori Poeta, numeris adstrictior pauló, verborum autem licentia liberior; multis vero orandi

ornandi generibus socius, ac pæne par: in hoc quidem certè prope idem, nullis vt terminis circumscribat, aut definiat ius suum, quò minus ei liceat eadem illa facultate & copia vagari quàm velit.

### XXXIII. *Quid maximè oblectat animum?*

**N**ihil perinde, vt a iuicitiâ fidelis, & dulcis. Quantum bonum est, vbi sunt præparata pectora, in quæ tutò secretum omne descendat: quorum cōscientiam minus quam tuam timeas: quorum sermo sollicitudinem leniat: sententia consilium expediat: hilaritas tristitiam dissipet: conspectus ipse delectet? Seneca de Tranquillitate. cap. 7.

### XXXIV. *De tot Interpretibus, & Scholiastis Virgilij, & Horatij quid sentis?*

**C**ertum est Virgilium è veteribus habuisse explanatores non paucos, & eruditos homines, ex quibus sua, quæ in Saturnalibus super Virgilio affert, sublegit, & collegit Macrobius. Nunc præter pauca in Bucolica, & Georgica Iunij Philargyrij nihil eorum est reliquum. Ex antiquis, si qui alij in Horatium scripserunt, soli Acron, & Porphyrio restant, non indocti. Cur porro recētiōres bene multi, & alij quidem iustis, ac plenīs Commentarijs, alij Scholijs, alij Notis, alij Castigationibus hosce duos explanarint, & illustra-

rint, caussa manifesta est; utriusque puta supra omnes poetas Latinos eminentia, quam tot, & tam præclara amborum elogia, laudationesque declarant. Quod de Homero ait Horat. *Qui nil molitur ineptè*, id iure de hoc binario dixeris: de quo ita iudicat vir multarum litterarum. *Cum sint duo clarissima Latina poeseos lumina, inter eos adeo ambiguum ( licet in valde diverso illius genere ) palmam videri, ut si eorum altero privari nos oporteret, vix apud nos statuere possemus, utrius iacturam minùs impatienter ferremus.* Omnia in illis ingeniosè, eruditè, sapienter, eleganter dicta, ut posteri quod imitentur haurire de tam limpidis fontibus queant. Quæ res bona, & magna ingenia excitavit, ut magis magisque procedentibus annis ad eorum mentem, sensusque perscrutandos, & mysterta indaganda sese certatim darent, & velut de palma cõtenderent, dum posteriores antegressos, semper aliquid melius, occultius, rarius, eruditius, acutius, quod illi respuerint, & quod ante oculos habuerint in mediũ proferendo, superare conituntur. Quanquam, (ut, quod, mihi sæpe visum est, libere proloquar) in istis laboribus sæpenumero potius ingeniorũ suorum *εὐτοχίαν*, & quantum in litteris ipsimet profecerint, quàm quid Virgilius, & Horatius spectarint, & cogitarint, ostendunt: & ea Maroni maximè tribuunt, & affingunt, quæ fortasse scribenti in mentem nunquam venerunt. Qui enim fieri potest, ut tot res variæ, & interdum  
minutæ

minutæ, in vnum versum excogitatæ scribentis  
animum subierint? Potuit hoc; potuit illud, po-  
tuit vnum, potuerunt plura, potuit fortasse aliud  
etiam, quod adhuc Interpretum nemo vidit. Est  
ne credibile, in eo nullam syllabam; nedum ver-  
bum, nedum versum suo carere mysterio? Quâ-  
tum, qui hoc affirmat, & est qui affirmet, negotiû  
creat poetæ? Ista ratione *Aeneidem* bis vndecim  
annis vix absoluisset, si singulas syllabas appen-  
disset. Tam multi igitur *Commentarij*, *Scholia*,  
*Notæ*, *Emendationes* nobis ad eruditionē ma-  
iorem conducunt vehementer: nobis illi seue-  
runt; nos metamus licet: ad poetarum istorum  
mentem aperiendam pauciora utiq; sufficerent.  
Et sanè magis auctoribus suis laudem cōciliant;  
quàm illorum poetarum laudes augeant: quæ  
quidem adeo creuerunt, ut ultra quò progrediâ-  
tur loci nihil reliquum videatur. Cur, quæso,  
*Stati*? sublimis ille; & celsus poeta *Lipſio*, & præ  
omnibus veteribus, ac recentibus *Virgilianæ*  
maiestati propior *Scaligero*, cur *Claudianus*, tā  
rotundus, & venustus poeta diligentium, & be-  
ne litteratorum Interpretum luce destituti, in  
tenebris tandiu deserti iacent? Gratia debebun-  
tur magnæ *Scoto* cuidam, & alteri *Hispano*, &  
tertio *Germano* si præstiterint quod promiserūt.  
Promiserunt autem omnes in vtrumque *Com-  
mentarios*. Quod deus opt. max. bene fortu-  
net.

### XXXV. *Cur litterati pituitæ, & atrabili obnoxij?*

**L**itterarum cupidi etiam pituitam semper, & atram bilem, non aliter quam nauigantes Scyllam, atque Charybdim cautissimè euitare debent. Quantum enim reliquo corpore otiosi sunt, tantum cerebro ac mente negotiosi. Inde pituitam, quod Græci phlegma, hinc atram bilem, quam iidem melancholiam vocant, gignere compelluntur. Illa quidem ingenium sæpe obtundit & suffocat: hæc verò, si nimium abundauerit, flagraueritque, assidua cura, crebrisque deliramentis vexat animum, iudiciumque perturbat: vt non immeritò dici possit, litteratos fore præcipue sanos, nisi pituita molesta esset, & latissimos, sapientissimosque omnium, nisi bilis atræ vitio, vel mœrore sæpe, vel interdum desipere cogerentur. Ficin. de sanit. tuenda lib. 1. cap. 3.

### XXXVI. *Unde mos, vt proficiscentes ad bellum Imperatores munus gladiatorium, & venatus darent?*

**M**ulti dicunt, apud veteres hanc deuotionem contra hostes factam, vt ciuilem sanguine litato specie pugnarum Nemesis, id est, vis quædam fortunæ, se satiaret. Alij hoc litteris tradunt (quod verisimilius credo) ituros ad bellum Romanos debuisse pugnas videre, & vulne-

ar, & ferrum, & nudas inter se cohortes, ne dimicantes in bello armatos hostes timerent, aut vulnera, & sanguinem perhorrescerent. Capitolin, in Max. & Balbino.

Munera proprie ad ludos gladiatorios pertinent, etsi venationes non excluduntur: dicuntur enim & venationes munera Vitruvius lib. 10. & Martialis, alijsq. Vide lib. Spectaculor. epigramma 24. cum Comment. Raderi nostri.

XXXVII. *Quare multo maiora, & veriora æstate, quàm hyeme contemplamur?*

**Q**uibus purius est cælum, eo acutiore sunt ingenio: &, ut inquit Cicero, perspicaciores sunt qui ad Orientem, quam qui ad Septentrionem habitant. Quod nulla alia de causa provenit, nisi quod actus mentis ex calore nascitur, & vigorem inde suscipit. Quare multò maiora, & veriora contemplamur æstivo, quam hyberno tempore: quoniam brumali tempore ex crassitudine aeris hebetiores sumus, & frigore pigriores: vis enim ipsa mentis ab igni, id est, à cælo est: tamen si verissimum est, quod Iuvenalis ait.

*Summos posse viros, & magna exempla duros  
Veruecum in patria, crassoq. sub aere nasci.*

Pierius lib. 54.

Sint ista vera per me, tempus quidē hybernum salubritati corporum magis quàm æstivum conducere, ac studijs liberalibus esse aptius, nē

mo inficiabitur. Languent per æstatem corpora, & cum ijs animi. Vnde Martialis, *Pueri si æstate bene valent, satis discunt*: quod propemodum etiam ad non pueros transferri potest.

### XXXVIII. Equites, an pedites bello utiliores?

**O**Mnes qui vel expeditionibus interfuere, vel nostri sæculi historias legerunt, scire possunt nostra hac tempestate equitum robore plus semper effectum, cum in acie hostili perfringenda, tum in ipsis hostibus aut opinione celerius circumueniendis, aut ab iisdem comœtu, & auxilijs auertendis. Sed & hoc nomine plus animi, ac fortitudinis equitum turmis inesse puto, quod maiore sui parte ex nobilium ordine colliguntur: qui ob sanguinis præstantiam, & insitam quandam heroicæ indolis elationem, feruentius quam cæteri virtutis, ac gloriæ decus consecretantur. At pedites ex plebe, infimaque hominum sæce, in qua honestatis, ac præclari nominis studium magis friget, vt plurimum cōspiciunt, vrbium suarum purgamenta, flagitiosorum conflages. Quamuis nec illud negauerim, & minore sumptu copiosiores ali peditatum, & in locis montanis, palustribus, ac impeditis, ad oppida item propugnanda, aut expugnanda istorum esse vsum maiorem: equorum autem exiguum, aut nullum. Ranzonius Comment. bell. cap. 11.



XXXIX. *Qualis diæta præscribenda  
senibus?*

**E**Vm omnino victum seruent senes, ex quo sanguinem plurimum sperent, spiritumque quam plurimum, ex vitellis ouorum recentibus, vino aliquantum quidem dulci, odorifero verò quam plurimum. Nam hic vitellus propriè cordis sanguinem, vinum præcipuè spiritum recreat. Carnibus electissimis, coctisque facillimis, & summatim diæta vtantur, calidum pariter, atque humidum augente. Spiritum odoribus, præsertim vini, assiduè recreent. Vigiliam, atque inediæm, sitimque deuitent, laborem corporis atque animi, & sollicitudinem, ac mœrorem. Musicam repetant, si forte intermiserint, nunquam intermittendâ. Ludos quosdam, & mores, quoad decet, olim anteaçtæ pueritiæ reuocent. Difficillimum namque est reiuuenescere corpore, nisi ingenio prius repuerasças. Itaque in omni etiam ætate magnopere conducit ad vitam nonnihil pueritiæ retinere, & oblectamenta semper varia aucupari: longum verò, profusumq; ritum minimè, spiritum namque nimis ad exteriora dilatat. Meminisse deceptos expedit, naturam debilem non esse nutrimento- rum pondere fatigandam, vel etiam epularum diuersitate nimia distrahendam: nam & iuuenilis ætas hoc vitio fit citò senilis. Diuidant ergo mensas: nec tam multa naturâ alimonia, quam

### XXIII. *Cur tantopere deploramus nostram incommoda?*

**Q**uoniam ea non præcogitauimus. Aufert vim præsentibus malis, qui futura prospexit. Quæ multo ante præuisa sunt, languidius incurrunt. Seneca Consolat. ad Marciam cap. 9. Vulgatum est, Tela præuisa minus feriunt. Sed egregie iterum Seneca lib. de Tranquillitate, cap. 13. Nam qui multa agit, sæpe fortunæ potestatem sui facit: quam tutissimum est tardè experiri: cæterum semper de illa cogitare, & sibi nihil de eius fide promittere. Hoc est quare sapienti nihil contra opinionem dicamus accidere. Non illum casibus hominum excepi-mus, sed erroribus: nec illi omnia ut voluit, cedunt, sed ut cogitauit. Inprimis autem cogitauit, aliquid posse propositis suis resistere. Necessè est autem leuius ad animum peruenire destitutæ cupiditatis dolorem, cui successum non utique promiseris.

### XXIV. *Vnde factum, ut libri alienis auctoribus tribuerentur?*

**C**ontigit hoc interdum propter similitudinem nominum: ut cum Demetrii Alexandrini libellus elegantiss. de Elocutione Demetrio Phalereo tributus est. Sic olim multæ fabulæ tribuebantur Plauto, quæ Plautij cuiusdam erant. Sic Anaximenis Lampfaceni liber de Rhetorica.

Rhetorica ad Alexand. vulgò inter Aristotelea numeratur. Sic quidam ex veteribus, non ab eodem Homero scriptam esse Odysseam, à quo Ilias scripta esset. Interdum propter similitudinem inscriptionum. Vt cum Ethica scripsisset Aristoteles, scripsisset & Nicomachus, erant olim qui Nicomachi Ethica ad Aristotelem referrent. Muret. Volum. 2. orat. 6. Non solum libri, sed breuiora quoque scripta, vt sunt epistolæ, orationes, disputationes, & similia falsis indicibus, seu titulis auctores mentiuntur.

XXV. *Quot & quibus argumentis  
οἱ γνῶστοιprehenduntur?*

**Q**uatuor præcipue. I. Similitudine elocutionis. II. Conuenientia sententiarum. III. Si aut liber ille, de quo quæritur citetur in alijs γνῶστοις: aut in eo citentur alij, quos constat esse γνῶστους. IV. Si eum ex antiquis ij, qui de huiusmodi rebus iudicare potuerunt pro γνῶστοις habuerunt. Idem ibid.

XXVI. *Cur in nuptiis plurimi ad cœnam  
vocantur?*

**N**vllius conuiuij causa ita manifesta, ita celebris est, vt nuptiarum. Itaque cum nemo ignoret conuiuium agitari, verecundia ducti omnes necessarios, familiares, & quocunq; tandem pacto sibi coniunctos inuitant. Et quod plus habet momenti, duabus in vnam cocenti-

augendam potentiam, & conseruandam in eadem familia pacem atq; concordiam. Alijs ideò prohibentur ab Ecclesia tales nuptiæ, quò per matrimonia cum non cognatis latius diffundantur affinitates & amicitia, indeque maior sit auxiliorum spes, vbi necessitas postularit. Alias causas omitto. Adi Augustin. 5. Civitat. cap. 16.

XXVIII. *Quibus de causis verba græca latinis rectè immiscentur?*

**C**Ræca aptè, & opportunè latinis intermixta non mediocrem conciliant orationi gratiã. Id fit, vel cum græca vox est significantior, vt λογομαχία pro contentione, siue rixa. Vel, cum est etiam breuior, vt φίλος, pro eo qui sibi placet. Vel, cum est vehementior, vt γυναικομαχία pro mulieroso. Vel, cum est venustior: vt si quis, de rebus arduis, sed inutilibus differentem dicat μέλεωρλεσχεν: aut cum qui sibi sapiens videatur, cum sit stultus appellet μαρόσοφον. Nam græcæ vocis gratiam nulla latina possit assequi. Vel, cum ad locum aut dictum auctoris alicuius alludimus: veluti quum notantes aliquem inconsideratius locutum, dicimus, ποῖον ἔπος, &c. quod est apud Homerum: aut indicantes aliquem non respondisse ad id quod proponebatur, dicimus ἡμᾶς ἀπῆτην. Quod si latinè dicas, falces petebã, perit sermonis lepos. Denique cum nolumus id quod dicimus à quibuslibet intelligi. Ac ne singula persequar, quoties inuitat aliqua commo-

ditas, præsertim cum ad eruditos scribimus. Cæterum cum nihil huc inuitat, velut ex instituto sermonem semilatinum, & semigræcum texere, fortassis in adolescentibus, semet ad vtriusque linguæ facultatem exercentibus veniam mereatur: in viris parum decora fuerit hæc ostentatio. Desider. lib. I. de Copia.

Cicero 1. Tuscul. de se, Scis enim me Græcè loqui in latino sermone non plus solere, quàm in græco latinè. Veruntamen loquitur, & præsertim in epist. ad Atticum: sed aliqua semper de causa ex ijs, quas in medium attulimus. Quem sequi deberent, qui nimis sæpe, & multos interdum versus, ac periodos græcè latinis suis inferciunt, atque ostentationis cuiusdam suspensione de se commouent. Andreæ Schotti nostri seu præceptum, seu consilium, ex Tullian. Quæst. lib. I. cap. 26. subiungam. San è in Epistolis longe, quàm in philosophicis dissertationibus admittere frequentius græcaliceat, idque M. Tullij exemplo, cuius ad Atticum datæ litteræ assidue græcissant: vt ad hominem quidem Romanum, græcæ tamen linguæ peritæ Attici cognomèto donatum. Illud tamen etiam atque etiam hîc cauendum, ne ad litterarum græcarum imperitum amicum inani quadam ostentatione græca obtrudas, ne tacito quodam sensu castigare, irridere, ac tantum non conuiciari videare: non secus atque qui epulis hospitem, quas refugiat, importunus conuiuator accipiat. Sic etiam multorum

dissol.

diffolui amicitias superba quadam iactatione cō-  
peri : contrā vero comitate, ac facilitate in dan-  
dis litteris , non aliter quam assiduitate ali con-  
stat amicitiam. Si quod igitur, scite dictum, &c.

XXIX. *Quo pacto ostenderes coram,  
quàm scriptis agere plus con-  
ducere?*

**N**ON eò tantum plus conducit, quod ijsdem  
de rebus præsentī cum præsentibus agere,  
quam scriptis facilius est : aut quòd omnes dictis  
quàm scriptis plus credant , & illa tanquam de-  
creta, hæc ut figmenta audiant : sed propterea in-  
primis . quod in congressibus , si quid forte non  
rectè intelligitur, vel non creditur, is qui coram  
adest, utrique incommodo leui opera medetur.  
In scriptis, si talis scrupulus inciderit, nemo est  
qui tollat , ipso auctore, & defensore non præ-  
sente. Isocrates ad Philipp. epist. i.

Sunt nihilominus quæ liberius, & commo-  
dius per scripta aguntur, ut quæ ad laudem no-  
stram pertinere videantur. Quamobrem Cic. e-  
pistola ad Luceium libr. 5. à quo rerum suarum  
Commentarios , seu historiā conscribi petit.  
Coram me tecum eadem hæc agere sæpe conan-  
tem deterruit pudor quidam pæne subrusticus:  
quæ nunc expromam audacius. Epistola enim  
non erubescit. *Audacius*, inquit.

XXX. *Cur in hominibus tanta facie-  
rum discrepantia?*

**I**N hoc dei prouidentia admirari licet. Etenim si eundem perpetuò omnes characterem seruarent, quanta omnium rerum confusio sequeretur? quanta ignorantia homines occuparet? dum neque domesticum, neq; alienum cognoscerent, neque hostem, & malum ab amico, & bono discernere. Et nihil obstaret, quo minus quis cum sororibus, aut matre consuesceret, aut prædaretur, aut in propatulo iniuriâ irrogaret, si modò in præsens effugeret. Etenim postea conceptus non agnosceretur. Deniq; duo sunt, quæ propter diuersitatē in hominibus maximā admirationem efficiunt, facies, & sonus vocis. Ac facie quidē similes aliquando, voce congruentes nunquam in ista hominum infinitate reperiuntur.

**XXXI. Meminit ne, & æstimauit**  
*Societatem I E S V Iustus*  
*Lipsius?*

**I**Lle verò meminit perhonorificè, eamque æstimauit, & veneratus est plurimum, atque etiam inter manus trium Patrum nostrorum vltimum effudit spiritum. Nostris vsus est à sacris confessionibus. Nostris Louanij, vbi postremò, & diu habitauit, & de superiore loco in Academia docuit, libros græcos manuscriptos testamento legauit. Ibidem frequens ei congressus cum Martino Delrio item nostro, & multa familiaritas fuit: cui in Germania proficiscēti viaticum largitus est vltro liberalissimum, ut ipsemet Delrius

mihi



mihi Augustæ narravit. Extant ad eundem, & Franciscum meum Bencium τὸν μαχαρίην, quem vnicè dilexit, & eius obitum deploravit, epistolæ. Nunc testimonium Societati ab eo impertitum accipe. Epist. ad Franciscum Oranum Belgam. *Quid fratrem dicam, quem etiam nunc habes sacri illius, & fructuosi Ordinis, qui nominis, quod supra omne nomen est titulum gerit: in quo vel censerilans est?* Epistola autem ad Iacobum Pontanum, quæ est Cent. IIII. Miscellanæ 34. qua nihil humanius, καὶ ἀνθρώπειον quandam ex Homero petitam, se Societati salutem suam debere significat: cuius præceptis, institutisque olim eruditus fuerat: quæ illum in summis versantem periculis tutata sint, & præterita secum recordantem conseruarint. In rem præsentem venias licet. *O institutionem vestram, inquit, olim mihi utilem: inhaeret ea, & inhaesit: atque illa Pallas fuit, qua inter tempestates, immo naufragia seruauit hunc Ulysses. Eadem iudicium, & sensum istum ad virtutes formauit, quas utinam sic indipsi, ut sequi deur.*

Quid requiris amplius? Nos magni viri excellens ingenium, summamque doctrinam suspicimus, & prædicamus: nec de studijs nostris melius quenquam meritum statuimus. Ab eius autem idiotismo, & excogitata heresi in scribendo, pluribus, & ut opinor, iustis de causis refugim⁹, & abhorremus. Virum quendam, in hac repub. principem, virum probè litteratum, & acri iudicio

cio præditum, ac pænè omnibus huius memoriaræ eruditis bene notū, ipsique Lipsio amicissimum, atq; ab eodem compluribus epistolis pleno ore laudatum, hunc, inquam, profitentem meis auribus audiui: *malle se inscribendo Muretum, quàm Lipsium posse exprimere.* Adeo, cuius probabat ingenium; & scientiam summopere, eius nouitiam, & plus æquo exquisitam, & affectatam dictionem non probabat. Sed de his in præsens satis.

### XXXII. *Cur Poetica tenet globum, seu sphaeram in laua?*

**S**ic fingitur eius imago à quibusdam, quod nihil vsquam gentium est in toto mundi ambitu, seu quæ supra lunam perpetua atque æterna, seu quæ citima sunt mortalia, atque caduca, quæ non fuerint versibus decantata, quod ex historia poetarum apparet. Ex Gyraldo hist. poet. lib. 1.

Cic. 1. de Orat. immensitatem quandam materiaræ oratori subijciens, ait similiter licere Poëtæ quacunque de re velit carmen facere, cum sit oratori similis in multis. Vbi sanè Poëtam, & Poeticen solo versus artificio, & compositione, *παχύτερον, καὶ σαφέστερον* iuxta prouerbium, ad vulgarem captum videlicet definit. Eius verba ad hoc ζήτημα illustrandum profero. Est enim finitimus Oratori Poeta, numeris adstrictior pauló, verborum autem licentia liberior; multis vero  
orandi

ornandi generibus socius, ac pæne par: in hoc quidem certè prope idem, nullis vt terminis circumscribat, aut definiat ius suum, quò minus ei liceat eadem illa facultate & copia vagari quàm velit.

XXXIII. *Quid maximè oblectat  
animum?*

**N**ihil perinde, vt amicicia fidelis, & dulcis. Quantum bonum est, vbi sunt præparata pectora, in quæ tutò secretum omne descendat: quorum cōscientiam minus quam tuam timeas: quorum sermo sollicitudinem leniat: sententia consilium expediat: hilaritas tristitiam dissipet: conspectus ipse delectet? Seneca de Tranquillitate. cap. 7.

XXXIV. *De tot Interpretibus, &  
Scholiastis Virgilij, & Horatij  
quid sentis?*

**C**ertum est Virgillum è veteribus habuisse explanatores non paucos, & eruditos homines, ex quibus sua, quæ in Saturnalibus super Virgilio affert, sublegit, & collegit Macrobius. Nunc præter pauca in Bucolica, & Georgica Iunij Philargyrij nihil eorum est reliquum. Ex antiquis, si qui alij in Horatium scripserunt, soli Acron, & Porphyrio restant, non indocti. Cur porro recētiore bene multi, & alij quidem iustis, ac plenis Commentarijs, alij Scholijs, alij Notis, alij Castigationibus nosce duos explanarint, & illustra-

rint, caussa manifesta est; utriusque puta supra omnes poetas Latinos eminentia, quam tot, & tam præclara amborum elogia, laudationesque declarant. Quod de Homero ait Horat. *Qui nil molitur ineptè*, id iure de hoc binario dixeris: de quo ita iudicat vir multarum litterarum. *Cum sint duo clarissima Latina poeseos lumina, inter eos adeo ambiguum ( licet in valde diverso illius genere ) palmam videri, ut si eorum altero privari nos oporteret, vix apud nos statuere possemus, utrius iacturam minus impatienter ferremus.* Omnia in illis ingeniosè, eruditè, sapienter, eleganter dicta, ut posteri quod imitentur haurire de tam limpidis fontibus queant. Quæ res bona, & magna ingenia excitavit, ut magis magisque procedentibus annis ad eorum mentem, sensusque perscrutandos, & mysteria indaganda sese certatim darent, & velut de palma cõtenderent, dum posteriores antegressos, semper aliquid melius, occultius, rarius, eruditius, acutius, quod illi respererint, & quod ante oculos habuerint in mediũ proferendo, superare conituntur. Quanquam, (ut, quod, mihi sæpe visum est, libere proloquar) in istis laboribus sæpenumero potius ingeniorũ suorum *εὐστοχία*, & quantum in litteris ipsimet profecerint, quàm quid Virgilius, & Horatius spectarint, & cogitarint, ostendunt: & ea Maroni maximè tribuunt, & affingunt, quæ fortasse scribenti in mentem nunquam venerunt. Qui enim fieri potest, ut tot res variæ, & interdum minutæ

minutæ, in vnum versum excogitatæ scribentis  
 animum subierint? Potuit hoc; potuit illud, po-  
 tuit vnum, potuerunt plura, potuit fortasse aliud  
 etiam, quod adhuc Interpretum nemo vidit. Est  
 ne credibile, in eo nullam syllabam; nedum ver-  
 bum, nedum versum suo carere mysterio? Quâ-  
 tum, qui hoc affirmat, & est qui affirmet, negotiū  
 creat poetæ? Ista ratione *Æneidem* bis vndecim  
 annis vix absoluisset, si singulas syllabas appen-  
 disset. Tam multi igitur *Commentarij*, *Scholia*,  
*Notæ*, *Emendationes* nobis ad eruditionē ma-  
 iorem conducunt vehementer: nobis illi seue-  
 runt; nos metamus licet: ad poetarum istorum  
 mentem aperiendam pauciora utiq; sufficerent.  
 Et sanē magis auctoribus suis laudem cōciliant;  
 quàm illorum poetarum laudes augeant: quæ  
 quidem adeo creuerunt, ut ultra quò progrediā-  
 tur loci nihil relictum videatur. Cur, quæso,  
*Stati*? sublimis ille; & celsus poeta *Lipsio*, & præ  
 omnibus veteribus, ac recentibus *Virgilianæ*  
*maiestati* propior *Scaligero*, cur *Claudianus*, tā  
 rotundus, & venustus poeta diligentium, & be-  
 ne litteratorum Interpretum luce destituti, in  
 tenebris tandiu deserti iacent? Gratia debebun-  
 tur magnæ *Scoto* cuidam, & alteri *Hispano*, &  
 tertio *Germano* si præstiterint quod promiserūt.  
 Promiserunt autem omnes in vtrumque *Com-  
 mentarios*. Quod deus opt. max. bene fortu-  
 net.

# XXXV. *Cur litterati pituita, & atrabili obnoxij?*

**L**itterarum cupidi etiam pituitam semper, & atrabilem, non aliter quàm nauigantes Scyllam, atque Charybdim cautissimè euitare debent. Quantum enim reliquo corpore otiosi sunt, tantum cerebro ac mente negotiosi. Inde pituitam, quod Græci phlegma, hinc atrabilem, quam iidem melancholiam vocant, gignere compelluntur. Illa quidem ingenium sæpe obtundit & suffocat: hæc verò, si nimium abundauerit, flagraueritque, assidua cura, crebrisque deliramentis vexat animum, iudiciumque perturbat: vt non immeritò dici possit, litteratos fore præcipue sanos, nisi pituita molesta esset, & latissimos, sapientissimosque omnium, nisi bilis atræ vitio, vel mœrore sæpe, vel interdum desipere cogerentur. Ficin. de sanit. tuenda lib. 1. cap. 3.

# XXXVI. *Unde mos, vt proficiscentes ad bellum Imperatores munus gladiatorum, & venatus darent?*

**M**ulti dicunt, apud veteres hanc deuotionem contra hostes factam, vt ciuium sanguine litato specie pugnarum Nemesis, id est, vis quædam fortunæ, se satiaret. Alij hoc litteris tradunt (quod verisimilius credo) ituros ad bellum Romanos debuisse pugnas videre, & vulne-

ar, & ferrum, & nudas inter se cohortes, ne dimicantes in bello armatos hostes timerent, aut vulnera, & sanguinem perhorrescerent. Capitulin, in Max. & Balbino.

Munera proprie ad ludos gladiatorios pertinent, etsi venationes non excluduntur: dicuntur enim & venationes munera Vitruvio lib. 10. & Martiali, alijsq. Vide lib. Spectaculor. epigramma 24. cum Comment. Raderi nostri.

XXXVII. *Quare multo maiora, & veriora æstate, quàm hyeme contemplamur?*

**Q**Vibus purius est cælum, eo acutiore sunt ingenio: &, ut inquit Cicero, perspicaciores sunt qui ad Orientem, quam qui ad Septentrionem habitant. Quod nulla alia de causa provenit, nisi quod actus mentis ex calore nascitur, & vigorem inde suscipit. Quare multo maiora, & veriora contemplamur æstivo, quam hyberno tempore: quoniam brumali tempore ex crassitudine aeris hebetiores sumus, & frigore pigriores: vis enim ipsa mentis ab igni, id est, à cælo est: tamen si verissimum est, quod Iuuenalis ait:

*Summos posse viros, & magna exempla daturus  
Veruecum in patria, crassoq. sub aere nasci.*

Pierius libr. 54.

Sint ista vera per me, tempus quidē hybernum salubritati corporum magis quàm æstivum conducere, ac studijs liberalibus esse aptius, nēq.



# XXXIX. *Qualis diæta præscribenda senibus?*

**E**Vm omnino victum seruent senes, ex quo sanguinem plurimum sperent, spiritumque quam plurimum, ex vitellis onorum recentibus, vino aliquantum quidem dulci, odorifero verò quam plurimum. Nam hic vitellus propriè cordis sanguinem, vinum præcipuè spiritum re-creat. Carnibus electissimis, coctisque facillimis, & summatim diæta utantur, calidum pariter, atque humidum augente. Spiritum odoribus, præsertim vini, assiduè recreent. Vigiliam, atque inediā, sitimque deuitent, laborem corporis atque animi, & sollicitudinem, ac mœrorem. Musicam repetant, si forte intermiserint, nunquam intermittendā. Ludos quosdam, & mores, quoad decet, olim antea ætæ pueritiæ reuocent. Difficillimum namque est reiuuenescere corpore, nisi ingenio prius repuerasceas. Itaque in omni etiam ætate magnopere conducit ad vitam non nihil pueritiæ retinere, & oblectamenta semper varia aucupari: longum verò, profusumque risum minimè, spiritum namque nimis ad exteriora dilatat. Meminisse decepit expedire, naturam debilem non esse nutrimentorum pondere fatigandam, vel etiam epularum diuersitate nimia distrahendā: nam & iuuenilis ætas hoc vitio fit citò senilis. Dilidant ergo mensas: nec tam multa naturā alimonia, quam

frequenti reficiant, interuallo tamen interim ad digestionem dato. Scēs hyeme velut oues aprica petant; æstate velut aues amœna, riuosq; reuisant. Frequenter inter virentes versentur plantas, & suauiter redolentes: hæ namque viuentes, spirantesque conspirant ad spiritum hominis augendum. Ad loca verò communiter apibus amica confugiant, mellaque hyeme degustent. Mel enim cibus est, senibus in primis amicus, nisi vbi bilis timeretur incendium Amicus caseus recentissimus, amici dactyli, ficus, passulæ, cappares, dulcia punica, zizipha, hyssopus, betonica, sed pistacia multo magis. Ad longæuitatem quoque cōducet, si viuant plurimum penes eos qui sani, ipsis sanis natura sunt similes, & amici, ac magis forsan, si paulo iuniores. Marfil. Ficin. De vita producenda cap. 8. & 12.

Si sexaginta annis defineretur summa, & mortis vicina senectus non inepte Tiberius risisset sexagenarium, quia consulisset medicum. Atqui multos etiam ad octogesimum vitam propagasse, nec sæpe medicorum auxilia implorasse certum est. Extrema iam senectute moriens apud Xenophontem Cyrus rex negat se unquam sensisse senectutem factam imbecilliolem, quā fuisset adolescentia. Pleraque enim incommodorum ob quæ odiosa sit senectus, ab intemperantia iuuentutis proueniunt: id quod & Cato apud Ciceronem testatus est. Porro cruda, viridisque senectus, qualem notat in Charonte Virgil

gil. Medicis habetur ab anno L. ad LX. ut qui eorūque negotijs tractandis, & sustinendis pares sint, Galeno *ἀπορρογες*.

**LX.** *Quis bonus in disputando iudex,  
& quomodo disputandum?*

**Q**UÆ iustissima dicitur liberorum diuisio, hīc fit iniustissima. Istic enim suam quisq; prolem debet accipere: hīc teneri debet quod est optimum, etiam si alienum sit. Quo fit, ut qui gignit opiniones, eo deterior sit alienorum iudex. Ac sicut Sophista ille dicebat, Eleos optimos fore Olympicorum certaminum arbitros, si nemo Eleus certaret: ita qui de disputatione aliqua rectè vult pronuntiare, par est ipsum nō ambire coronam, neque aduersari ijs, quæ sunt diiudicanda. Quippe & Græcorum duces suffragia ferentes de his, qui rem optimè gessissent, seipsos singuli optimos pronunciarunt: neque ullus est philosophus, qui non eodem egerit modo, extra eos qui Socratis exemplo professi sunt, nihil se de suo dicere. Atque hi soli puros se, & incorruptos iudices veritatis præbent. Nam sicut aer in auribus contentus, si non tranquillus sit, propriæque vocis expertus, sed sonitus ac fremitus plenus, non accuratè excipit vocem: sic in philosophia iudicium, si intus sit, quo commoueatur, & quod obstrepat, rectè intelligere nequit ea, quæ foris dicuntur. Plutarch. *Quæstion. Platonice, q. 1.*

Verè scriptum est à M. Tullio 1. Tuscul. in ipsa Græcia philosophia tanto in honore nunquam fuisset, nisi doctissimorum contentionibus, dissensionibusque viguisset. Sed illud etiam non falsum, Nimum altercando veritas amittitur. Quamobrem qui siue in philosophia, siue in alia quapiam arte, aut negotio disputant, & rationes conferunt, eiusdem Tullij consilio pateant, vt se redargui, refelli que patiantur. Quod ij ferunt animo iniquo, inquit, qui certis quibusdam, destinatisque sententijs quasi addicti, & consecrati sunt. Item vt refellere sine pertinacia, & refelli sine iracundia parati sunt: & sibi persuadeant, cum dissensionum inter se reprehensiones vituperandę non sint, maledicta tamen, contumelias, iracundas contentiones, concertationesque in disputando pertinaces indignas philosophia videri, vt idem Tullius 1. de Finibus affirmavit. Nos autem hæc à viro prudenti in omni disputatione fugienda affirmare possumus. His consentanea Lipsius Manuduct. libr. 1. Dissertat. 5. Vetustissimi philosophantium (verba Clement. Alexand. ex 8. Stromat.) minime ad contendendum, vel differendū ferebantur: sed hi noui apud Græcos ambitione vana, & inutili impulsu reprehendunt, & litigāt, & ad meras ineptias, nugasque delabuntur. Non possum, Auditor, quin leuiter hęc sistam, & pulcherrimum institutum laudem. Quo fine tot disputatiunculę? ad vitam? non faciunt, ad verum

um? sepe obtrunt. ad exercitium? hoc non nego. Sed quanto utiliora olim, in quibus acuerē, & producere hunc ingenij mucronē erat. Nam pleraque ista circa verba, & minuta sunt: & diu tamen impediunt, ac ligant. Ariston olim pulchre hostales cum ijs comparabat, qui cancos comedunt. Nam propter exiguum alimentum circa crustas, & testas diu occupantur. Tale hic. At qui acuta sunt. Quid dicis, ait Seneca ep. 44. nihil est acutius arista. Quædam inutilia, & inefficacia ipsa subtilitas facit. Iam ex notis Mureti in 2. de Fluib. hoc augmentum accipe. Disputationes, quibus perpetua oratione contra aliqua de re philosophi in cœtu hominum explicabant, scholæ dicebantur. Cic. 1. Tuscul. quinque dierum scholas, ut Græci appellant, in totidem libros contuli. Et lib. 3. Separatim autem certæ scholæ sunt, de exilio, de interitu patriæ, &c. Plutarch. τὴν γενομένην μοι σχολὴν, περὶ τῆ ἀκρίβειας, ὡς Νίκανδρος, ἀπέσπασα σοι.

**XLI.** *Cur Alex. M. tantopere delectatus est Homero?*

**V**Ni huic incumberebat, alios quamvis sapientes negligebat, patrique Philippo causam selscitanti, ita apud Dionem Chrysost. orat. 11 de regno respondet. Ideo, pater, quod non quavis potēsis regem decere mihi videtur, sicut neque quoduis vestimentum. Cætera quidem potēmata ego arbitror partim esse conuiuatoria, partim

rim amatoria, partim autem laudatoria athletarum, & equorum, qui victoriam sunt adepti. Alia etiam continent lamentationes super defunctis, alia autem risus, aut conuiciorum, & salium facta sunt gratia: vt sunt poëtarum Comicorum, & ea quæ Parius poëta fecit. Nonnulla forsitan etiam popularia dici possent, consilia, & admonitiones vulgò, adeoque priuatis hominibus præscribentia: quemadmodum sunt (opinor) Phocylidis, & Theognidis. Ex quibus quid utilitatis capere possit vir nobis similis, *Et prestare volens cunctis, atque imperitare?* Homeri autem poësin solam video ingenuam esse, & magnificam, & verè regiam: cui animum aduertere decet eum virum, qui maximè quidem imperaturus sit omnibus qui vbique sunt hominibus: quod si fieri non possit, quam plurimis, & maximè illustribus, verè futurus, vt ait ille, pastor populorum. Si minus, quomodo tamen non absurdum fuerit, quod rex equo quidem non nisi optimo vti velit, poëtarum autem vel infimis adhærere, quasi otioso illi esse liceat? Hoc scias velim, ô pater, me non solum alium poëtam, sed etiam aliud carmen quam Homeri heroicum audientem, dolore affici.

XLII. *Quamobrem matrem filia præcedunt, filij patrem sequuntur?*

**Q**uia matres sunt certiores esse suos liberos, quam patres. Telemachus in Odyss. interrogatus

rogatus, num verè Vlyſſes pater eius eſſet, reſpō-  
det, matrem Penelopen ita affirmare, ſe neſcire:  
nondum enim quenquam id certò ſcire potuiſ-  
ſe. Deinde quia matres maiore cura obſervant,  
& diligunt liberos quam patres, propter dolo-  
rem, & laborem in ipſos. Adhæc, quia matres  
magis diligunt filias, quam filios, propter ſexus  
ſimilitudinem. Poſtremò cum maior caſtitas à  
ſexu fœmineo, quam virili poſtuletur, maiore  
etiam cura cuſtodiendæ ſunt filiæ. Kornman. de  
Virginibus.

XLIII. *Cur qui oſcitantem vident, &  
ipſi oſcitant?*

QVoniā natura animantium, maximeque  
ratione carentium, propter ſimilitudinem  
quandam conſenſum, itemque affectum, & ſym-  
pathiam habet. Atque ita fit, ut meiente vno aſe-  
lo ceteri item aſtantes meiant, cum ſint vrina  
repleti. Alex. Aphrodis. Problem. 35. Æſopus  
huius *γενεως* aliam cauſſam, iucundam illam &  
ridiculariam affert, quam tibi propinabo. Aſini  
olim, propterea quòd aſſidue onera ferrent, &  
fatigarentur, legatos ad Iouem miſerunt, ſolu-  
tionem laborum petentes. Qui oſtendere ipſis  
volens, id non poſſe fieri, ait, tunc eos liberatum  
iri laboribus, quum mingendo fluuium fecerint.  
At illi eum verum dicere exiſtimantes, ex illo  
tempore uſque nunc, ubi aliorum viderint urinā  
aſinorum, illico & ipſi circumſtando meiunt.

XLIV.



XLIV. *Quare pauperibus ad magistratus non patet aditus?*

**Q**uia egestas ad scelera, & maleficia impellit. Iuuenal. sat. 3.

— iures licet & Samothracum,

*Et nostrorum aras, contemnere fulmina pauper  
Creditur, & diuos dijs ignoscentibus ipsis.*

Valer. lib. 2. Laudanda etiam populi verecundia, qui impigre laboribus, & periculis se militæ offerendo, dabat operam ne Imp. capite census rogare esset necesse, quorum inopia suspecta erat: ideoque his publica arma non committebantur. Sallust. in Catilin. postremo omnes quos flagitium, egestas, conscius animus exagitabat. Martial. *ô quantum cogit egestas?* Altera ratio est, quia paupertas, ut ait idem Iuuenal. ridiculos homines facit, adeoque despicabiles, quorum imperio nemo parere velit, & à quibus regi se diuites indignum arbitrantur. Tiraquell. de Nobilitat.

XLV. *Nunquid poëta mentiuntur?*

**E**A quidem vulgi est opinio. Sed falsa tamen (modo si fragmenta illa de transmutatione corporum tollas, quibus delectatio sola queritur.) Non enim statim qui fabulas comminiscitur ac recitat, is etiam mentiri dicendus est. Neque mendax est nutrix, si vel blandiens alumno mel esse memoret cibum quem ille auersatur: vel coercens

creens improbulum minis, lupum adesse perhibeat. Non mentitur *Æsopus* apologos illos suos rexens. Sunt ne igitur illa vera? Non sunt: sed quod à veritate abducitur, non statim mendacium est: fictum, fabulosum, simulatum, iocularè est. Nam mendacium propriè falsitate continetur fraudulenta, & ad alterius damnum, aut malum destinatur. Quod cum à poëtis non fit, quorum figmenta profunt etiam, tantum abest ut noceant, nullo modo hi mendaces vocandi sunt. Nec vnquam illi sapientiæ nomen tueri possent, si verè mendaces perhiberentur. *Ioân. Sturm.* Nos in Poëticis Institut. lib. 2. cap. 6. ex *Aristotele* potissimum, quo pacto poëta quamuis fingeret, non tamen mentiretur, & quid eius narratio, epica scilicet, ab historica narratione differret, perspicuè demonstrauimus.

**XLVI.** *Quare Deo nomen nullum congruit?*

**A**B humani ingenij sollertia singulari quadã vi indita sunt rebus nomina, ut vnus ab alio fieret discretio. Vbi verò vnũ sunt omnia, quod nam inibi nomẽ excogitaris propriũ? *Trismegistus*, Quia, inquit, rerũ vniuersitas est Deus, proprium eius esse nomẽ haud vllũ potest: quoniam aut omni nomine Deũ, aut omnia eius nũcupari nomine foret necessariũ: quando is simplicitate rerũ suarũ omniũ cõplicat vniuersitatẽ. Ex *Rhodigin.* lib. 1. cap. 1. Deum laudamus, & nominamus

mus ab ijs quæ illi insunt, & quibus caret, &c.  
 Vide Theodoret. de curand. Græcor. affect. serm.  
 2. Iustin. in Exhort. Minutium Felicem in O.  
 Clauio.

**XLVII.** *Sunt ne mala. Θεόθεν, siue  
 à Deo.*

**M**alum aliud est culpæ, aliud pœnæ. Prius  
 est à nobis, alterum à deo, cum peccatis  
 nostris eius in nos iram prouocamus. Sed hoc  
 ipsum quatenus à deo infligitur, in bonis nu-  
 merari debet. Quinque enim fere sunt causæ,  
 propter quas Deus acerbitates quasdam, & in-  
 commoda immittit hominibus. Interdum vt  
 eos ad bonam frugem, & ad sanctitatem reuo-  
 cet: atque tum in malis non magis habenda sunt,  
 quam remedia, & medicamenta, quibus medic-  
 leuare morbos, & amissam valetudinem resti-  
 tuere conantur. Interdum autem, vt exemplo  
 eorum qui ob peccata pœnas luunt, alij sapien-  
 tiores facti à peccando deterreantur. Nonnun-  
 quam etiam ab ijs quos amat, pro peccatis pœnas  
 in hac vita exigit, ne post mortem aliæ sint eis, &  
 grauiorẽs luendæ. Interdum exercet eorum vir-  
 tutem, vt magis appareat, & vt det eis materiam  
 maioris gloriæ promerendæ. Postremò eos, qui  
 volutati sunt in coeno vitiorum vsque ad mor-  
 tem, neque aut indoluerunt propter perpetra-  
 ta à se facinora, neque eorum vere, atque ex ani-  
 mo pœnitentes operam dederunt, vt eorum ve-

niam

nam impetrarent, eos, inquam, detrudit ad inferos, æternis supplicijs mancipatos. Atq; etiam hæc pœna in bonis numeranda est, quatenus à deo est. Quidquid enim iustum est, bonum est. Pœna autem illa iusta est. Ex quo efficitur, ut sic etiam bona. Muretus Comment. in 2. de Repub. Platonis.

**XLVIII.** *Quare Christiani mortuorum corpora lauabant, & ungebant?*

**Q**Uod hunc honorem beatæ animæ tabernaculo, & aliquando ad æternam felicitatem resurrecturo habendum censerent. Item quod hac cærimonia se optare ostendebant, ut sicut corpus ab omni macula per aquam emundatur, ita & anima iam membris exsoluta, beneficio sanguinis Christi ab omni labe emacularetur. Præterea ut vñctioni mox secuturæ aptius foret. Nam quæ vngi debent, præsertim magni pretij aromatis, ea prius purgare oportet: ut quo mundius est corpus, eo vnguentum in corporis meatus facilius illabatur, & puriorem odorem exhalet. Ungebant autem eadem corpora, ut animæ iam exortia diutius à corruptione conseruarentur. Hinc ea præcipuè vnguenta adhibebant, quæ hac vi præseruatrice prædita erant, in quibus myrrha, veterum scriptis non semel ob hæc dotem deprecata. Quapropter corpora aliquando exenterabant, ut exemptis illis sordium, & humo-

humorum receptaculis, ab omni putredine remotiora, & secutiora euaderent: quod & hodie in Regum, Principumque cadaveribus obtinet. Nam hoc vñtionis genus ex amore, & honore etga defunctos, & etga ipsamet corpora, tanquã animarum Christi sanguine redemptarum domicilia, ex puluere ac cineribus olim excitanda processisse prisca scriptores monent. Ex Græfco de Fun. Christiano lib. 1. cap. 2. & 4.

### XLIX. *Quare post balnea ungebantur?*

**N**E humiditas in balneis acquisita euanesceret; neue referatis à balnei calore meatibus natina caliditas expiraret. Quamquam etiam alioqui delicatioris voluptatis, & lasciuia gratia odoriferis vnguentis, aut siccis diapasmatis ad comprimendum sudorem, ut scribit Plinius, post balneas ungeretur. Mercurial. de arte gymnast. lib. 1. cap. 8.


### L. *Quam ob causam secessus, & montes Musis adscribuntur?*

**Q**uoniam à vulgo, & multitudine maxime remoti sunt poetæ, nec ventosæ plebis (nisi urbici quidam, & circumforanei nebulones) suffragia venantur: boni enim bonorum, & intelligentium iudicio contenti sunt. Cic. in Brut. poemata recondita, paucorum approbatione, oratio popularis ad sensum vulgi debet moueri.

heri. Adducit exemplum Antimachi pœtæ, qui cum conuocatis auditoribus legeret magnum illud volumen suum Thebaidos, & eum legentem omnes præter vnum Platonem reliquissent, legam, inquit, nihilominus: Plato enim vnus est mihi instar omnium. Gýrald. dial. 1. de pœtis.

*LI. Cur Deus animam tanta dignitatis cum tam vile corpore coniunxit?*

**V**lt nos, cum dei particula simus, ac de superfluxerimus, ne tanta dignitate elati atq; inflati, nostrum contemnamus creatorem, in luctatione, & pugna, quæ nobis est cum corpore, in ipsum semper respicere, & annexam imbecillitatem dignitatis institutionem esse, ac disciplinam: vt intelligamus eosdem nos & amplissimos esse, & contemptissimos, terrestres & cælestes, mortales & immortales, hæredes lucis & ignis, seu tenebrarum, prout ad hanc, vel ad illam partem inclinauerimus. Talis est nostra mixtio, & hanc ob causam, quantum ego dispicere possum, conflata, vt, si quando extollamur propter imaginem, ob puluerem contrahamur. Greg. Nazianz. orat. de amandis pauperibus.



SYNTAGMA SEPTIMUM.

AVCTARIA, SE V

MANTISAE.

AVCTARIUM PRIMUM.

Ad Historias.

I. *Othonis Truchsesij Cardinal. zelus.**Antonij Fuggeri liberalitas  
eximia.*

**A**Nno Christi MDLIX. Ferdinand. Rom.  
Imp. comitia Augustæ habuit. Quo tempo-  
re in æde principe Carolo V. parentatum est,  
Othone Cardinale rem diuinâ faciente. Sacris  
illis funebribus Protestantium Principum, & ci-  
uitatum Legati interesse recusarunt: interfuit  
Electoris Palatini solus. Cumque ad aram offe-  
rentibus ab eodem Othone sacra patina (vt mos  
in huiusmodi celebritatibus) osculanda porrige-  
retur, Legatus ille accedere, quanquam amice  
inuitatus, & hoc pio officio fungi detrectauit.  
Tum ira, & zelo catholico accensus Cardinalis  
altiore voce, *Si non vis benedictionem, habeto ma-  
ledictionem.* Exaudiuit Deus imprecationem Sa-  
cerdotis sui. Nam vt à viro graui, & fide digno  
mihi narratum est, hic Legatus postea in acer-  
bas



bas calamitates deuolutus est. Gratia Principis sui excidit. Filij breui sublati, vxor adulterio se polluit. Paupertas, onus miserum, & graue, vt ait Comicus, eum oppressit: vt alienas terras cum paucis gemmis, quas sui sustentandi venderet, obire cogeretur.

Antonius Fuggerus, cuius filij Marcus, Ioannes, Iacobus, & Hieronymus, opibus abundauit, vt qui amplissimè. Hic vt sanitatem amisissam à Deo reciperet, sese in pauperes liberalissimum præbuit. Singulis in Xenodochio, & in tribus publicis leprocomijs degentibus quaternos aureos numerari iussit. Item in patresfamilias, viduas, & egentes, qui *εὐχρίστων* soluere nequirēt, mille taleros expendit. Totidem aureos vagantibus per urbem mendicis destinauit. Præterea die parentationis suæ ad S. Catharinæ singulis mendicis, & pauperibus pro stipe VI. cruciferos dari voluit. Caputum numerus quater mille fuit. Fertur & Carolo V. aliquot centena aureorum millia, sibi ob bellum Schmalcaldicum debita remisisse, & syngrapham eius ipso inspectante exussisse. Tum Imp. mirè lætum dixisse, se in omni vita sua suauiore odorem non sensisse. Rem credibilem diuitiarum eius immensitas facit. Quod auditione accepi, bona fide retuli.

## II. De gratissima Ciconia aduersus bene meritam.

**T**arentina mulier fuit, nomine Heracleis. Quæ æstiuo anni tempore ciconijs pullo-  
rum suorum volatum experientibus, cum vnus  
& infirmissima ætate, & alarum debilitate dela-  
plus, alterum crus fregisset, eiusmodi casum in-  
tuita, se cognito morbo misericordem præbuit.  
Nam ei vulnus blandè, cauteque obligauit, &  
medicamentis, ciboque, & potione adhibitis ci-  
carricem obduxit, & ad incolumitatem perdu-  
xit, atque iam ad volatum confirmatum, è mani-  
bus dimisit. Hæc admirabili naturæ intelligen-  
tia non ignorans, se vitæ conseruatæ præmium  
mulieri debere, anno post, cum ad vernum so-  
lem forte apricantem eam, quæ sibi benignè fe-  
cerat, perspexisset, demisso, atque humili vo-  
latu proximè ad ipsam profecta, in eius sinum la-  
pidem euomuit: deinde in lecto subsedit. Cuius  
facti admiratione commota Heracleis, dubita-  
bat quid istuc esset. Cum igitur lapidem intus  
alicubi deposuisset, nocte insequenti somno so-  
luta, eum fulgere, & radiatam domum tanquã  
immissis facibus ex eo resplendere perspexit: vbi  
verò Ciconiam comprehendisset, & vulneris  
cicatricem percepisset, hanc agnouit eam esse  
quam miseratione commota curauisset. *Ælian.*  
*lib. 8. de animal. cap. 22.*

### III. *Deposito Beanorum Athenis.*

**DD** Gregorius Nazianzenus, & Basilus  
Magnus, par amicorū nobilissimū, A-  
thenas

ethenas studiorum liberalium causa se contulerunt. Vbi qualis consuetudo per id tempus fuerit studiosos Musis initiandi, & consecrandi, Gregor. in eiusdem amici sui copiosissima, & doctissima laudatione ad hunc modum exponit, & solum fere communi lege solutum honoris causa fuisse ait. Cum iuuenis quispiam accesserit, atque vel libens, vel inuitus in eorum à quibus captus est manibus, & potestate fuerit, tum verò Attica hæc illis consuetudo est, ludusque rei seriæ admixtus. Primum apud eorum aliquem, qui priores ipsum arripuerint, hospitio accipitur, vel amicorum, vel propinquorum, vel qui eiusdem sunt patriæ, vel qui artem Sophisticæ apprime callent, ac lucra magistris conciliant, eoque nomine in summo apud eos honore ac pretio sunt; quandoquidem illis mercedis loco est, habere qui ipsorum commodis studeant. Deinde à quouis volente cauillis laceffitur: quod quidem, nisi fallor, eò faciunt, ut nouitiorum fastum, & superbiam retundant, atque à principio ipsos in potestatem redigant. Laceffitur autem ab alijs impudentius atque audacius: ab alijs eruditius, prout ille vel rusticis, & ineptis moribus, vel vrbaneitate fuerit præditus. Atque id ignavis quidem terribile, atque inhumanum videtur: ijs autem periucundum, suauitatisque plenum, quibus non ignota est ea consuetudo: plus enim terroris habet hæc minarum ostentatio, quam res ipsa. Tum per forum ad balneum

cum pompa deducitur. Pompa autem hōs modo se habet. Qui deducendi iuuenis munere funguntur, ordine dispositi, atque æquis spatijs distincti, bini eum ad balneum antecedunt. Cum autem propius accesserint, quasi fanatico furore correpti, clamorem ingentem tollentes (hic autem clamor iubet, vt ulterius progredi desināt, ac loco suo consistant, tanquam eos balneum minimè admittat) simulq; fotes pulsantes, & iuuenem strepitu perterrentes, ac deinde introeundi potestatem ipsi facientes, ita demum in libertatem eum asserunt, atque à balneo redeuntem deinceps vt æqualem, ac sodalem accipiunt. Atque hoc ipsis est totius carimoniz iucundissimum, nimirum & his qui molestiam exhibent, quamprimum liberari.

*IV. Dinocratis architecti solers commẽ-  
tum aditus ad Alexand. consequendi.*

**D**inocrates architectus cogitationibus, & solertia fretus, cum Alexander rerum potiretur, profectus est à Macedonia ad exercitum, regiz cupidus commendationis. Is è patria à propinquis, & amicis tulit ad primos ordines, & purpuratos litteras, vt aditus haberet faciliores, ab ijsq; exceptus humanè, petijt vti quamprimum ad Alexandrum perduceretur. Cum polliciti essent, tardiores fuerunt, idoneum tempus expectantes. Itaque Dinocrates ab ijs exstimans se illudi, ab se petijt præsidium. Erat e-

nim

nim amplissima statura, facie grata, forma dignitateq; summa. His igitur naturæ muneribus confusus, vestimenta posuit in hospitio, & oleo corpus perunxit, caputq; ornauit populea fronde, læuū humerum pelle leonina textit, dextraque clauam tenens, incessit contra tribunal regis ius dicentis. Nouitas populum cum aduertisset, conspexit eum Alexander, & admirans iussit ei locum dari, vt accederet, interrogauitque quis esset. At ille, Dinocrates, inquit, Architectus, Macedo, qui ad te cogitationes, & formas affero dignas tua claritate. Ex eo Dinocrates à rege non discessit, & abeuntem in Ægyptum est persecutus, qui eum iussit suo nomine ciuitatem Alexandriam constituere. Vitruuius præfat. lib. 2. Patricius de regis institut. lib. 8. Tit. 19.

*V. Alamundarus Agarenorum princeps,  
quomodo Deopaschitas sollerter  
confutauit.*

**I**Mperante Anastasio Diocuro (sic appellato, quod dissimiles pupillas, vnā nigricantem, alteram albicantē haberet) Alamundarus Agarenorum, seu Saracenorum rex ab orthodoxis institutus credidit, & baptizatus est, ad quem Seuerus episcopus Antiochenus duos misit Episcopos, vt eum ad suam heresin pertraheret. Qui cum docerent duas Christi naturas in vnā esse confusas, vnde colligeretur, etiam deitatem

Christi cum carne passam esse, ille conuicturus eos, ut qui absurda dicerent, quendam ex domesticis subornat, qui sibi aliquid in aurem diceret. Quo facto, tetrico vultu mœrorē præ se ferens, eius causam sciscitantibus Episcopis, nūtiatum sibi esse respondit Michaelis archangeli obitum. Quem nuntium cum illi falsum esse asseueraret, neque enim mori posse archangelum, subiicit ille: si igitur angelus non moritur, qua ratione vos affirmatis deitatem & passam, & mortuam, cum carne contemperatam, & confusam, & in vnā naturam conflātam? Ex hoc dicto Episcopi hominis acumen admirati, spe traducendi eius in suam opinionem abiecta discesserunt. Zonaras Tomo III. Niceph. lib. 16. cap. 25.

**VI.** *Cupiditas laboris supra facultatem.  
& odium debite quietis, ac spes  
vitæ longioris.*

**D**Vo huius virij exempla in medium producemus. De quodam Turannio Seneca de breuitate vitæ cap. 20. in hunc modum. Turannius fuit exactæ diligentiae senex, qui post annū nonagesimum, cum vacationem procuratoris à C. Cæsare ultro accepisset, componi se in lecto, & velut exanimem à circumstante familia plangi iussit. Lugebat domus otium domini senis, nec finiuit ante tristitiam, quā labor illi suus restitutus est. Adeonē lueat occupatum mori? Idem plerisque animus est: diutius cupiditas il-

is laboris, quam facultas est: cum imbecillitate corporis pugnant: senectutem ipsam nullo alio nomine grauem iudicant, quam quod illos seponit. Interim dum rapiuntur & rapiunt, dum alter alterius quietem rumpit, dum mutuo sine miseri, vita est sine fructu, sine voluptate, sine vilo profectu animi: nemo in conspicuo mortem habet, nemo non procul spes intēdit. Huic narrationi persimilem in Notis affert Muretus de mercatore quodam Parisiensi, ceteroqui viro bono, sed qui tota vita nihil vnquam vacui temporis à litibus forensibus habuisset: etiamq; tunc capularis senex fora omnia quotidie peruagaretur. Quod cum ad Franciscum Galliarum regem perlatum esset, quietis se aliquid misero homini confecturum, & cum omnibus, tum quicquid ab ipso peterent, tum à quibus ipse peteret, bonis, & æquis conditionibus transacturum recepit. At infelix senex ad regem accurrit, prouolatusque ad illius genua supplex orat, vt sibi vna saltem, aut altera lis, in qua se exerceret, relinqueretur: vitam sibi, adempta illa exercitatione, iniucundam, & insuauem fore. Risit rex: & homini, qui quiescere nisi inquietus non posset, lites suas, vbi se arbitrato suo defatigaret, reliquit.

**VII. Factum viri Religiosi, honorem fugientis Christianissimum.**



ipse aula valedixisset, boni isti aulici castigatore suo liberarentur. Quocirca malo nodo malum quærens cuneum, & ad officium adducere illū cupiens: equidem, ait, hætenus vitam egi tranquillam, & in paupertate mea ad victum nihil mihi defuit. Porro celsitudo tua me in curas arduas, & in æs alienum conatur conijcere, quando nec obolus suppeditat, quem Pontif. max. ex more pro media annata (id est, pro dimidio reddituum episcopatus primi anni) persoluam. Hoc audio Princeps lætior factus, hanc quidem ob causam nihil est, inquit, quod detrectes. Hodie ante quam sol occumbat quatuor ducatorū millia tibi mittam; qua summa istuc nomen dissolvere queas. Annuit. Promissor promissa præstat: iamque voti compos, ut credebat, gradum ad regem fert; quid egerit, quid profecerit exponit. Cui rex, quam vereor tibi verba data? Interea Monachus num, & quibus pecuniam Princeps debeat, sedulo inuestigat: creditores ad se vocat, ijsque pro Principe illo illa 4. ducatorum millia dispertit. Die festo in regiam, munus suū obiturus veniens, quibusdam proceribus, quanto Principis illius studio teneatur significat: additque se ipsi singulati modo gratificatum esse, ut ex hoc & illo (creditores nominabat) sit intellecturus. Rumore per aulam diuulgato, cum iam satis constaret Concionatorem hunc ab omni dignitate penitus abhorrere, & hac donatione sibi facta Principis conscientiam prideret

conuulneratam sanauisse, omnes tum vt germanum, & probatum IESV CHRISTI concionatorem exclamarunt: siquidem cum concionibus eius facta ipsa præclare cõgruerent. Ex Francisci de Ossuna libro Germanico ex Hispanico, cui titulus Solatium pauperum.

VIII. *Principum duorum in ludo, & hilaritate, alius in ira feruente facta contraria.*

PTOLEMÆUS Ægypti Rex aleam ludens causas capitales cognoscere; & fontes ad mortem cõdemnare consueuerat. Aliquando ei nomina damnandorum, cum criminibus è libello recitabantur, cum assidens Berenice vxor, non passa ad finem p̄ueniri, rapto libello de pueri manibus, regem grauitè, & seridè monuit, non aliud agendo; & quasi per transfennam de vita hominis decernendum: inter tesseras, & corpora humana magnum esse discrimen. Admonitione sapienti delectatus rex, nihil tale in posterum commisit. *Ælian. lib. 14. cap. 43.* Accepi & Reginam quandam vitæ liberiori deditam, in maxima lætitia sua, cum nimirum choros duceret, allatis ad se reorum, & ad crucem damnatorum nominibus (si modò reorum, & iurè damnatorum) auctoritatem suam subscribere solitam. *Vespasianus Imp. contrà solebat, si Suetonio credendum, cap. 21.* Nullo tempore facilior, aut indulgentior inueniebatur, quam cum in balneum trichi-

Arcliniūque transfiret: eaque momenta domesticū ad aliquid petendum magnopere captabāt. Docuit & D. Ambrosius vir magni, & excelsi animi Theodosium M. ex Thessalonicensi facinore frenis, & catenis iracūdiā coercere. Cum enim irasceretur summopere, tum placabatur facillimē, seseque præbebat clementissimum. Socratem quoque ferunt adeo iram dissimulārē consueſſe, ut tum potissimum renideret, & fracta, ac leni voce vteretur. Quid Antoninus, aliās Caracallus? Scribit Spartianus, tantæ immanitatis fuisse, ut ijs præcipue blandiretur, quos ad necem destinabat. Itaque magis eius blandimentum, quam ira timebatur.

## AVCTARIVM SECVNDVM.

Ad Ritus.

### I. *Sacra abstemia.*

**A** Thenienses, teste Polemone, sobria, siue abstemia potius sacra ( *ἡ θειὰ ἀπορία* vocabant) Memoriam, Musis, Nymphisque, quæ sacrosancta illius erant numina, offerenda esse putant, nullo vini usu. Sic eius meraciore potu memoriam obnubilari, ingenij aciem obtundi, virginittis secreta tentari demonstratione symbolica ostenderunt. Iun. cent. 3. prouerb. 1.

### II. *Ventriculus mortuis exemptus.*

Aegypti

**A**gyptij quantopere propter ventris saginam inquinetur anima, mystico quodam symbolo significare voluerunt. Quoties namque medicatum aliquod funus apparabatur è prima nobilitate, mortuum condientes, seorsum exinebant ventriculum, eumque in arculam seponebant. Deinde cum pollinctor elato funere cadaver ad solem obuertisset, defuncti nomine Solem, cælitesque omnes insigni elogio contestabatur, inquiring. Sol, rerum domine, vosque cælites, qui mortalibus lucis vsum largimini, me accipite, & cælestibus contubernalem addite. Equidem piæ, ac religiosè numina à maiorib' mihi monstrata semper, dum vixi, excolui: genituræ meæ auctores semper honoravi: hominem occidi neminem, aut deposito fraudari; nec aliud quiddam infandum patraui. Quod si quid à me peccatum est edendo, bibendoque, quod non oportuerit, id omne non mea, sed huius causa commissum est: simulque cum dicto arcam, in qua ventriculus iacebat conditus, digito monstrabat, mox in profluentem sublatam porriciebat, corpusque reliquum, ut purum, labisque immune condebatur. Tanta cum religione excusandam esse apud deum putarunt illi contractam è cibo, potuque maculam animæ. Idem ibid.

### III. *Effugium, seu auersio mali ominis.*

**P**utarunt stulti veteres, cum aliquot triste signum apparuisset, posse id facile eludi, & quod

quod ostendebat periculum effugl, si vel verbis, vel aliquo facto indicarent, se omen non accipere, sed abominari. Verbis quidem, cum dicerent, εἰς κεφαλὴν σοι in caput tuum: quæ abominandi formula frequens est apud vtriusque linguæ scriptores. Re verò, aut facto aliquo detestabantur, id quod portendebat sinistrum aliquid insectantes. Cum enim vel aus inebra, vel aliud infaustum animal occurrisset, periculo se defunctos putabant, si id lapidibus perijissent, & contigissent. August. lib. 2. de Doct. Christiana. Plerumq; tam superstitiosi sunt quidam, ut etiã canem, qui medius interuenerit ferire audeant. Planissimè verò Dio Chrysost. orat. XXXIV. Apul. Milesia 3. Quid quod istas nocturnas aues, cum penetrauerint larem quempiam sollicitè prehensas foribus videmus affigi: ut quod infaustis volatibus familiæ minantur exitium, luant eruciatis? Simili ratione iste superstitiosus conspecta fele tres lapides in eam iact: ut nimirum quod malum videbatur protendi, id in ipsius felis caput reijcere se hoc facto testaretur, Casaub. in charact. Theoph.

#### IV. Præceptorum honos

PRæceptores, seu duces, quos in doctrina sequebantur, ἀνακτες, & βασιλῆες, & dominos appellabant. Euripid. Ὁρφέα δ' ἀνακτὶ ἔχων. Ian. Gebhard. Crepund. lib. 1. cap. 9.

#### V. Aures lymphæ puræ expiatae.

SI qui impuriora verba funditabant corā san-  
 ctorum morum verecundia præditis, eorum  
 aures polluisse dicebantur. Tacit. Annal. 3. Si  
 P.C. vnum id spectamus, quam nefaria voce La-  
 turus Priscus mentem suam, & aures hominum  
 polluerit, neque carcer, neque laqueus, nec ser-  
 uiles quidem cruciatus in eum suffecerint. Ru-  
 fin. lib. 3. cap. 6. Beatos diceret eos, quibus con-  
 tigit interijisse priusquam talium malorum pol-  
 luerentur auditu. Itaque quemadmodum cor-  
 pus contaminatum, sic δι' ὧν ὡν μεταλαβόντες τῆς  
 ἀνομιᾶς τὸν λόγον, tanquam ex adhærente, ac resi-  
 dua impuritate infectas, ac pròfanatas aures pu-  
 ris lymphis expiabant, non quavis aqua, inquam,  
 sed ῥιυσικῇ fluente, utpote minus partecipe for-  
 didum; sicque ἀφωσιώσας maximè idonea, ac deniq;  
 lucida. Idem cap. 10. in quo veterum verecun-  
 diam in verborum obscœnitate vitanda ex au-  
 ctorum locis probat.

VI. *Monstra, prodigia, somnia, fulmina  
 procurabant.*

SOLEbant monstra, & prodigia hostijs procu-  
 rare, idque ex consilio, & præscripto augu-  
 rum, & aruspicum, Quindecimque vitorum,  
 qui libros Sibyllinos super hac readibant, & in-  
 spiciebant: ut scilicet auerruncaretur malum  
 quod minabantur. Neque tantum in portentis  
 ac prodigijs, sed etiam in somnijs paulo tristio-  
 ribus procurandis, expiandisque mirè supersti-  
 tiosi erant. Tibull. lib. 3. eleg. 3.

*Et vanum metuens hominū genus omina noctis  
Farre pio placant, & saliente sale.*

*Et libt. i. eleg. 5.*

*Ipse procurant, ne possent sana nocere  
Somnia ter falsa deueneranda mola.*

*Et fulmen procurabant. Rittershus. in Phædrī  
fabulas.*

## VII. *Festis dedicationis, & natalibus SS. martyrum epulationes.*

**D**edicationis festo Gētiles, & Christiani epulabantur. Plin. ep. i. li. 4. Templum pecunia mea extruxi, cuius dedicationem, cum sit paratum, differre longius, irreligiosum est. Erimus ergo ibi dedicationis die, quem epulo celebrare constitui. Greg. Mag. lib. 10. ep. 71. Nam ut die dedicationis, vel natalis SS. Martyrum religiosi conuiuijs solemnitatem celebrent. Attamen cum postea licentius grēcarentur in honorem Sanctorum, & huiusmodi compotationibus se illorum gratiam demereri crederent, ea conuiuandi licētia publicis legibus coercita est. Plura Sauaro in epist. Sidonij 15. lib. 4.

## VIII. *Sine sacris hæreditas*

**A** pud Plaut. in Capt. est solida, sine detrimēto, atque imminutione vlla hæreditas. Mos enim fuit maioribus, ut quisquis in bona succederet, is quoque sacra gentilitia celebrare teneretur, quæ non exiguis constabant impendijs. Calæg. de verb. & rer. signif.



IX. *Deus Abraham, Deus Isaac, Deus Jacob.*

**V**etustissimi Hebræi deum nominantes addebant mentionem Patrum, vocabantque deum Abraham, &c. ut cauerent ne posteritas acciperet peregrinas religiones, sine testimonio eius verbi, quod Patres minimè ambiguis signis acceptum de cælo posteris per manus tradidissent. Philipp. Memorabile quod retulit Origenes lib. i. contra Celsum Epicureum philosophum, religionis Christianæ calumniatorem. Abrahami nomen non in solius Mosis scriptura legitur, ut Deo familiaris; verum etiam multi ex ijs, qui excantant dæmonia, verbis suis inferunt illud *Deus Abrahami*, indicantes hoc nomine familiaritatem eius cum Deo. Quapropter assumunt verbum hoc, etiamsi nesciant quis fuerit ille Abraham. Idem dicendum de Isaac, & Jacob, & Israel, quæ cum ex confesso Hebræa sint vocabula, frequenter sunt interspersa Ægyptiorum disciplinis efficacioribus. Eadem repetit lib. 4.

X. *Verbum VIDETVR in iudicijs.*

**F**ormula sollemnis, qua iudices non esse aliquid, sed videri dicebant. Consideratissimū verbum Cic. appellat pro Flacco, cui opponit, compertum habere. Eadem formula vñ etiam in iudicijs domesticis, & inter priuatos parietes.

Plin.

Plin lib. V. epist. 1. Ex consilij sententia pronuntiat, *VIDETVR*. Etiam in religione, & augurum decretis, teste Cic. 2. de Diuinat. Scip. Gentil. in Apol. Apuleij.

## XI. *Mos Veterum Oratorum.*

**C**um litteras aduersariorum, vel aliorum in iudicio, vel in concione legi iuberent, ad singula prope verba interloquebantur, refellendi, vel exagitandi causa. Exemplum pulcherrimum Philipp. XII. Scip. in Apul.

## XII. *Ad sacra attrectanda lauabant manus.*

**P**laut. Aulul. *Ego, nisi quid me vis, eo lauatum ut sacrificem.* Liuius lib. 45. Cum omnis factorum præfatio eos, quibus non sunt puræ manus, sacris arceat. Seneca Hercul. Fur. *Nate, manantes prius Manus cruenta cade, & hostili expia.* Hesiod. in Erg. vetat ne quis manè aut Ioui, aut alijs dijs libet *ἁρπύων ἀνιμῶντι*, illotis manibus. Sed aqua quæ ex ritu erat huic ablutioni necessaria, aqua iugis, perennis, non pluuiæ, aut stagnans, aut torrens. Virgil. 2. Aeneid.

*Tu, genitor, cape sacra manu, patriosq; penates.  
Me bello è tanto digressum, & cade recenti  
Attrectare nefas, donec me flumine vino  
Abluero.*

Viuo rore dixit Ouid. 4. Fast. viua lympa Valer. Flaccus, Apud Liuium lib. 1. Antistes Romanus

Sabinum illoris manibus bouem Dianæ immolare parantē ita alloquitur. Quid iam tu hospes paras incede Dianæ facere? quin tu ante viuo perfunderis flumine? infima valle præfluit Tiberis, &c. Lud. Cerdus in 2. Aeneld.

### XIII. *Præda vnum in locum congeriebatur.*

**S**ollemnis mos militatis. Solebant enim victores vnum in locum coniungere omnem prædam, quod militibus gratum quoddam spectaculum præberent. Liulus lib. 45. Spectaculo fuit ei, quæ venerat, turbæ, non scenicum magis ludicrum, non certamina hominum, aut curriculæ equorum, quam præda Macedonica omnis, ut viseretur, exposita: statuatum, tabularumq; , textilium, & vasorum ex auro, & argento, & ære, & ebore factorum. Idem lib. 40. eo loci, quo Chalcis à Romanis capitur, & diripitur. Præda omnis primùm in forum collata; deinde in naues imposita, &c. Idem ibid. ad locum Virgilij. *Et iam porticibus vacuis Iunonis a-sylo, &c.*

### XIV. *Grammatici qui dicti.*

**G**rammaticorum nomine olim significabāt non puluere scholastico sordidos, aut syllabarum minutias aucupantes: sed illustres viros, doctos, atque omni genere eruditionis excellentes. Rectè Cassiodor, Grammaticorum schola  
glo-

gloriosa mater sapundiz. Ex Dempstero in Corippum.

## XV. Custodia virginum.

Virginibus ædiculis suis, seu thalamis conclusis neque licitum, neque fas fuit sine venia matris, sine comitatu nutricis pedem efferre, nisi illas communis festiuitas, lætitiæque euocasset. Stat. Achilleide raram vocat licentiam.

*Palladi littorea celebrabat Scyros honorum  
Forte diem, placidoq; sata Lycomedæ sorores  
Luce sacra patriis (qua rara licentia) muris  
Exierant.*

Idem affirmat Claudian. lib. 2. in Eutropium.

*Qualis pauperibus nutrix inuisa puellis  
Assidet, & tela communem quarere victum  
Ranca monet. festis illa luisse diebus  
Orant. & positis aquaui visere pensis,  
Iratæq; operi iam lasso pollice sila  
Turbant, & teneros detergunt stamine fletus.*

Machab. 2. cap. 3. κατὰ κλεισσί, domi conclusæ dicuntur. Non solum autem foras prædeuntes secubantur, & custodiebant nutrices, verum etiam senes sancti, ac seueri, ut videre est Phœnissæ. Euripidis, &c. Ian. Gebhard. Crepund. lib. 3. cap. 15.

## XVI. Trabes, & lacunaria inaurata, & celata.

**N**on tantum inaurata erant lacunaria, sed etiam insigni artificio variè cælata, ac distincta, ut ars pretium superaret. Ennius Andromeda.

*Septum altifone cardine templum,  
Vidi ego, astante ope barbarica,  
Tectis calatis, laqueatis, ebore atque auro  
Instructum regisicè.*

Horat. Ode 18. lib. 2.

*Non ebur, neque aureum*

*Mea renidet in domo lacunar.*

Papin. Lacrymis Hetrusci. *Quod domuum celsis  
nitet laquearibus aurum.* Vide eundem cap. 24.  
à quo miror prætermisū Virgilij locū 2. Æneid.  
ubi de expugnata regia Priami, *Auratasq; tra-  
bes veterum decora alta parentum* Deuolunt.

## XVII. Quomodo prensarent Ro- mani.

**R**omæ candidati magistratum ambientes  
prensabant, cum dexteram obuijs porrige-  
rent, multosque prensarent, ac nominatim ap-  
pellarent, adhibito etiam seruo Nomenclatore  
hinc dicto, qui latus interdum foderet, & Qui-  
ritium nomina suggereret. Vilibus adhæc ho-  
minibus interdum prehensa manu etiam callo-  
sa, ac sordida blandiebātur. Hunc quidem fra-  
trem appellando, illum natum, alium paren-  
tem, ac pro singulorum ætate, ac dignitate præ-  
ter decorum cunctis adulantes ineptissimè fa-  
ciebant

ciebant. Andr. Schott. Nodor. Ciceron. lib. 4. cap. 1.

### XVIII. *Scæua verba fugiebant.*

**N**Efas erat prisca superstitione scæua verba proferre, ne vitiarentur sacra. Hinc mactare pro occidere, adolere pro incendere, fuisse, abijisse, vixisse pro morté obijisse. Mactare enim *xupias* pro augere: & mactæ magis aucte. Hinc illud eorum, qui sacris operantes vinum libabant, Mactæ hocce vino inferio esto, &c. Idem cap. 4.

### XIX. *Numinis reuerentes cum improbis non nauigabant.*

**S**emper vectores aduersa tempestate timidi ac perterriti, causam procellæ soliti adscribere impietati alicuius eorum qui in naui. Exemplū nobile in Iona, & item alterum in Diagora, ac similibus. Propterea qui erant numinis reuerentiores, haud temere cum notæ impietatis hominibus nauigabant. Horat. Ode 2. lib. 3.

*Est & fideli tuta silentio*

*Merces. vetabo, qui Cereris sacrum*

*Vulgarit arcana, sub iisdem*

*Sit trabibus, fragilemq; mecum*

*Soluat faselum. sape Diespiter*

*Neglectus, incesto addidit integrum.*

Casaub. in Charact. Theoph.

XX. *Sannæ tres modi.*

**H**Os describit Persius sat. 1. Primus, cum indice digito in eum deiecto quem ridebāt, crebra eiusdem curuati motatione ciconiam rostro pincentem imitabantur. Hanc sannam vocabant ciconiam: vel propter longum huius avis rostrum: vel quia symbolum est non solum grati animi, verum etiam prudentiæ. Hanc eandem sannam aliter paulo exprimit D. Hieron, ep. ad Rusticum monachum, & præfat. in Sophon. prophet. Alter modus erat, cum eis quos asinos esse significare volebant, appposito temporibus pollice, & manu commota sannam faciebant. Ratio huius est, quia solus fere ex animalibus homo aures à natura accepit immobiles, asinus contra maximè mobiles. Tertius modus linguā exertare ad contumeliam alicuius, mos vetustissimus, ut apparet ex historia illius Galli, qui cum Manlio Torquato pugnavit apud Liuium lib. 7. & Gell. lib. 9. cap. 13. Idem Comment. in Persium, sat. 1.

XXI. *Picturæ in iudicijs adhibitæ.**Tabellæ votivæ.*

**Q**Via magis afficiunt quæ oculis, quam quæ auribus percipiuntur, ideo picturam adhibebant ad mouendam misericordiam, non naufragi solum, quod multi testantur, (& Persius, *cum fracta te in trabepictum Ex humero portes*)  
sed



sed etiam patroni quidam in foro. Auctor Quintil. lib. 7. Sed non video, inquit, probauerim quod factum & lego, & ipse aliquando vidi, depictam tabulam supra Iouem (is locus in foro) in imaginem rei, cuius atrocitate iudex erat commouendus. Argumentum tabularum huiusmodi habes apud Lucian. initio lib. de mercenarijs conuictoribus. Similes erant tabulae quas dijs dedicabant & qui naufragio euaserant, & quicumque alio insigni periculo fuerant liberati: quocirca dicit Iuuenal. sat. 12. *pietores quis nescit ab Iside pasci?* Hinc ortus ille mos veterum Christianorum, ut qui è morbo conualuerant, illi sancto, cuius ope & precibus se credebant sanatos, donaria suspenderent ex auro, vel argento, vel viliore materia, imaginem habentia partibus quæ fuerat affecta, Narrat Theodoret. octaua Therapeutica. Idem Casaub. ibid.

## XXII. *Statuae tyrannorum, & damnatorum.*

**L** Amprid. in Elagabalo. Statuarum eius titulos luto tegerent, ut fieri solet de tyrannis, Euseb. lib. 9. in extremo de Maxentij imaginibus. Cum erant fusiles statuae, ijs conflatis, vasa ad obscænos vsus interdum inde conficiebant: ut Athenienses olim matulas è statuis Demetrii Phalerei, teste Laertio. Mos luto inquinandi antiquissimus est, & qui, si credimus Græcis Grammaticis, ab Atheniensium institutis habet origi-

originem. Nam scribunt illi, solitos Athenien-  
ses damnatos alicuius criminis iutulare, & ita  
traducere, quod περιπαλίζαν dixerunt. Idem  
Notis in Lamprid.

### XXIII. *Miniata, quæ populo exhibe- bantur.*

**Q**Uæcunq; à magistratu populo exhibebā-  
tur, ea miniari solita esse ex veterum moni-  
mentis cognoscimus. Non solum enim conti,  
aut perdicæ, quibus imponebantur aues raræ, &  
peregrinæ miniabantur, sed & aues ipsæ. In vita  
Gordianorū ita legimus. Struthiocameli Mau-  
ri miniati exhibiti munere Citerensi. Varro 3. de  
re rust. cap. 9. emendante Iosepho Scalig. Galli-  
næ rusticæ sunt in vrbe raræ: nec ferè mansuetæ  
sine canea videntur Romæ: similes facie non  
his villaticis gallinis nostris, sed Africanis. In con-  
to miniato in ornatibus publicis solent poni cū  
psittacis, ac merulis albis, item alijs id genus re-  
bus inusitatis. Sic pleriq; apparatus ædilitij mi-  
niabantur. Sic triumphantes Imp. minio illine-  
bantur, vt essent magis conspicui. Sic triumphās  
camelus urbem ingressus est. Ex Coniectan. in  
Varron. Ioseph. Scalig.

### XXIV. *Honorarium Consulibus.*

**C**onsulibus in prouincias aduenientibus da-  
batur donum, quod honorarium dicitur:  
qualia hodie Principibus suas primam vrbes in-  
gressis

gressis porrigi, velut bene ominandi gratia solet. Honoris enim causa dabatur, non tanquam debitum exigebatur. Budæus in Pandect.

## XXV. *Tria pronuntiandi genera in iudicijs.*

**T**Ria fuerunt apud antiquos pronuntiandi genera in iudicijs. Aut enim dies diffundebatur, id est, res in posterum diem reijciebatur: aut comperendinabatur, id est, in tertium diem differebatur, aut iudex non liquere pronuntiabat, quod & amplius pronuntiare dicebatur: unde ampliatio in publicis iudicijs. Idem ibid.

## XXVI. *Interficientes se quando haberent heredem.*

**P**ostulati capitalis criminis, vel in crimine capitali deprehensi, si metu criminis se interficiant, heredem ordinarium non habent, nec eis funus ducitur, nec lugeri solent: nam pro confessis habentur ex Constitutionibus. Quod tamen Reipub. temporibus non obtinuisse, exemplum C. Licinij à Valer. Max. relatum lib. 9. cap. 12. indicat. Diuersum est, si aut tædio vitæ, aut pudore æris alieni, aut doloris alicuius impatientia, aut furore interimant se. Hi namq; heredem ordinarium habent, ut Tacit. ait lib. 5. humanantur corpora, & manent testamenta. Cuiac. a lib. 5. Sent. Pauli, cuius hæc verba sunt: Eius bona, qui sibi ob aliquod admissum flagitium mortem

mortem consciuit, fisco vindicentur. Quod si id tædio vitæ, aut æris alieni, vel valetudinis aliquis impatientia admisit, non inquietabuntur, sed ordinariæ successioni relinquentur.

## XXVII. *Sportularum origo, & notiones.*

**S**portularum nominis origo prima ex prædio, vel cœna est; quæ in panariolos, vel sportellas coniecta dabantur clientibus, vice cœnæ rectæ. Modò enim dabatur cœna recta, modò in sportula, & ad extremum C. quadrantes, quæ summa etiam sportula dicta est: ac deinde latius portrecta sportularum appellatio est, ad salaria, congiaria, diaria, honoraria, & omnia quæ vel sacerdotibus dantur, vt in ep. Cypriani, vel à Coss. sparguntur in vulgus, vt cuilibet sit accipiendi potestas: vt nò malè Suidas sportulas definiarit *δωρεὶ καὶ πάλιν δεδομένα παρρησία*, &c. Cuiacius Paratit. in lib. 3. Cod. Iustin. tit. 2. Vide Brissou. de verbor. significat.

## XXVIII. *Quæ gemmæ in baltheis priuatorum prohibita.*

**I**n baltheis priuatorum smaragdi, & hyacinthi non ferebantur. Imp. Leo A. Leontico. Nulli prorsus liceat in frænis, & equestribus sellis, vel in baltheis suis margaritas, & smaragdos, & hyacinthos aptare posthac, vel inferere. Alijs autem gemmis fræna, & equestres sellas, & baltheos suos

suas priuatos exornare permittimus. Cuius, Pa-  
ratit. in Cod. Iustin.

## XXIX. *Sacramentum militare.*

**L**egiones singulæ iurabant, & apud suos quæ-  
que Tribunos : ita vt vnus ex tota legione  
eligeretur, qui singula iuramenti verba concii-  
peret, & p[er]t[er]ret : alij deinde sequentes hoc sal-  
tem dicerent, iurare se idem. Polyb. Finita iam,  
inquit, conscriptione ad modum dictum, Tri-  
buni militum suæ cuiusque legionis eos congre-  
gatos, & vnum ex omnibus maxime idoneum  
eligentes sacramento adigunt, Obtemperatu-  
rum, & facturum quidquid mandabitur ab Imp[er]i-  
iuxta vires. Reliqui autem omnes adiurant, sigil-  
latim prodeuntes, hoc ipsum affirmantes, se fa-  
cturos vt ille primus. Vide Lips. Dial. 6. lib. 1. de  
milit. Rom. Veget. lib. 2. cap. 5. & ibid. Ste-  
uech.

## XXX. *Tabule debitorum concremate.*

**O**ptimi Principes ferè tabulas veterum fisci  
debitorum in foro concremarunt. Auson.  
Panegyrc. ad Gratian. Tu argumenta omnis fla-  
gitandi publicitus ardere iussisti. Videre in suis  
quæque foris omnes ciuitates conflagrationem  
salubris incendij. Spartian. in Hadriano. Ex reli-  
quis ingentes summas remisit, syngraphas in fo-  
ro Traiani, quod magis securitas omnis roborar-  
etur, incendit. Ante hos id quoque Caligula  
factita-

Christiani appellabant natales dies ordinationis, vt in Martyrolog. Rom. ordinationis Ambrosij: & apud Ambros. ep. 5. Natalis Felicis Comensis: quo ille susceperat gubernacula summi sacerdotis. Et dies τῆς τελευτώσεως cuiusque martyrum, qui & depositionis dies appellabatur. Appellationis causam explicat fuse D. Ambros. serm. 70. Casaub. Notis in Spartian.

### XXXIII. *Pax redempta à barbaris Regibus.*

Romani Imp. pacem à Regibus barbaris pensione, sine stipendio redimebant: quod illi tamen, vt exstimationi suæ consulere, donum, aut munus appellabant. Primus id Domitianus introduxit. De Traiano, & Hadriano Spartian. Saluian. de Prouidentia dei lib. 6. Procopius de rebus Iustiniani. Synesius & ipse indignatur Barbaros audere à Rom. Imp. exigere μισθὸν ἐξήνης, mercedem pacis. Idem ibid.

### XXXIV. *Lauacra, ὁ θερμολουσία.*

Inter voluptates censebatur lauari, calida praefertim. Sueton. in Aug. raritatem lauandi cōmendat. Macrianus tyrannus cum ad imperium vocaretur, hac quasi legitima excusatione est usus, lauandum est mihi frequentius. Seueriores quoque duces lauacra militibus ademerunt sæpe, vt de Scip. Aemiliano, Metello Numidico, aliisque memoriæ proditum est, Alexander Se-

uerus apud Lamprid. indignabundus ait. Milites  
Rōmani vestri socij, mei contubernales, & com-  
mitones amant, potant, lauant. Idem ibid.

### XXXV. *Ædes marmore incrustata.*

**V**T nimirum frigidiores essent, & ita æstum  
temperarent. Quis enim nescit marmora  
communibus, & vulgaribus saxis frigidiora esse?  
Inter marmora vero Sparianū, seu Laconicum  
commendabatur. Pallad. l. i. tit. 9. Martial. ad  
Frontonem lib. 1. *Quisquam picta colit Spartani  
frigora saxi.* Sidon. Propempt.

*Seu contra rabidos leonis æstus*

*Vestis frigore marmorum penates.*

Sauaro ad ep. 2. lib. 2.

### XXXVI. *Clasſicum ciui cane batur.*

**N**On cuilibet è plebe doctorum notus mos.  
Cum ciui rei capitalis dies dicta esset, Plu-  
tarch. in Gracchis. Patrius nobis mos est, si quis  
capitis accusatur, neque obaudit, ad eius fores  
mane tubicinem ire, & clasſicum canere, nec an-  
te iudices sententiam de eo ferre, &c. Lipsius in  
II. Annal. Taciti. Mos inde ortus, quod in fu-  
neribus honoratorum tuba, sicut in plebei-  
orum ribia cane batur.

## AVCTARIUM TERTIVM.

Ad Mira mirorum.

I. *Æg.*



# I. *Ægyptiorum vestigia in mari Erythraeo.*

**T**emporibus Iustini martyris, & Origenis in mari Erythraeo littori cernebantur impressa Ægyptiorum vestigia, reliquæ cutruum in aqua, species natantium, actus siue via, qua perrexerant Israelitæ. Laur. Renat. annotat. in Tertull. aduersus Iudæos.

## II. *Ἀδυσία exercitati.*

**R**ex Ægypti Psammetichus, teste Athenæo. cum scrutari arenas Libyæ statuisset, iuuenes aliquot Ἀδυσία exercuit, qui aridis in locis sine noxa possent carere potione, & sitim non sentire.

## III. *Erasmi statio εἰκοσιετής.*

**O**Riginem morbi (calculi) diuino. Iam annis plusquam viginti consueui stans scribere: nec vnquam ferè sedere, nisi vel prandens, vel cœnans, vel à prandio dormitans: quod interdum soleo, præsertim lassus negotijs. Ita ipsemet de se epist. lib. 22.

## IV. *Scipionis Africani admiratio.*

**C**Um Cyripædiam Xenophontis animo penitus haberet comprehensam, ex eaque omnes omnium virtutum, ac laudum cumulos collegisset, tantus vir euasit, vt non modò bellū  
Ab 2                      , ingens

ingens in Hispania ( sic enim Liuius scribit ) non alia de causa exarserit , quam ex admiratione Scipionis : verumetiam latronibus ipsis sanctus , & inuiolatus , extiterit . Cum enim piratæ ad eius ædes rusticas adijissent , eosque ab aditu , quasi Scipioni vim illaturos serui obfessi strenuè propulsarent , illi supplices à seruis petierunt , vt sibi diuinum illum hominem contueri , ac venerari liceret : quod ille re intellecta permisit , vt latronum barbariem ( tametsi ne barbari essent iam sua virtute perfecerat ) ad humanitatem reuocaret . Bodin. in procem. Method. hist.

#### V. *Simiæ simulacrum adoratum.*

**T**heophilus Episcopus Alexandriæ pietatis zelo incensus , cum idola Alexandrina omnia de medio remouisset , materiamq; illorum in Ecclesiarum , & pauperum vtilitatem conuertisset , postremò voluit , vt simiæ simulacrum ex tam multis superesset , & publico loco relinqueretur , eo consilio , vt pagani negare nunquam possent , se deos tales adorasse : & quam grauiter errarint , tandem aliquando intelligerent . Socrates lib. 5. cap. 16.

### EX LIB. I. THESAURI RERVM INDICARVM.

#### VI. *Supplicium maleficorum.*

**C**ongenses Indi maleficos rarissimè morti adiudi-

adiudicant: sed vel in seruitutem abripiunt: vel solum vertere cogunt. Satius enim, & æquius putant homines ad officium, & delicti agnitionem calamitate, & ærumna doctrice, quam hinc perpetiuntur deducere, quam sine vlla facti pœnitentia è vita tollere. cap. 3.

## VII. *Canina in pretio.*

**E**TIÀ Angola regio bobus, vaccis, alijs animalibus, & rebus ad victum necessarijs abundat, incolæ tamen nullum genus carnis caninæ anteponunt. In hunc usum canum greges domi educant, epulisq; ceu cibū sapidissimum adhibent. Tradunt, venditum hinc canem Anglicano molosso non maiorem ducētis & viginti aureis, cum XXI. scilicet mancipijs permutatum: singula enim mancipia vix 10. quis aurois compareret. cap. 6.

## VIII. *Signum fidelitatis.*

**R**EX Monomotapæ quotannis ad omnes Reges, & Principes sibi subditos, qui aliqua potentia pollent Legatos mittit ad ignem novum, ut apud illos moris est, accendendum, qui ritus ad fidei experimentum hinc in usu est, atque hoc modo peragitur. Quando Legatus regius in domum Reguli alicuius, aut Principis appulit, omnis mox qui ibidem reperitur ignis extinguitur: nec prius alius extruitur, quam Legatus ignem excitarit, è quo omnes eiusdem Reguli,

feu Principis subiecti suum accendunt, & mutantur. Qui secus fuisse compertus fuerit, violatæ fidei reus est. cap.8.

### IX. *Ouum cauda, & gallina nigra.*

**I**N regno Monomorapa oues tantam caudam habent, vt quartæ ouis parti magnitudine, & pondere respondeat: adeo vt si in quinas partes oues constituentur, vna sit reliquarum cauda. Gallinæ non plumas modo nigras habent, sed & carnem, & ossa, quamuis alioqui sapidissimæ. *ibid.*

### X. *Pigritia animal.*

**V**alde inusitata & effigie, & natura in Brasilia reperitur animal, quod ab ipsa re Lusitani Pigritiā appellant, quod tam tarde moueatur, vt quindecim ipsis diebus ad lapidis ictum continuo tractu vix prodeat: neque vero ad horrationibus tantum, aut minis, sed ne plagis quidem, fustibusue bestiam vel tantillum de inertia tarditate dimoueas. Propterea ab Hispanis Perulloligero, id est, catellus celer antiphraستicè dicitur. Viçtitat arborum folijs, & in earum cacuminibus degit plerumque: quarum in ascensu biduum circiter, tantundem in descensu ponit, &c. cap.22.

### XI. *Calum Congianum.*

**R**Eglo Congi quamuis zonæ torridæ subdi-  
ta,

ta, non tanto quanto credidere veteres æstuat calore. Frigus tamen durius non habet, quam nostrates autumnî tempore: adeo ut ignis ad calefaciendum, aut vestium pellitarum, aliarumque rerum ad frigus arcendum commodarum nullus hîc sit usus. Hyemis & æstatis exiguum norunt discrimen: nisi quod brumali tempore aer ob assiduos imbres sit frigidiusculus: at ubi illi deciderint, calor tam hyemis, quam æstatis, duabus ante, ac post meridiem horis pæne intolerabilis est. Perpetuum propemodum æquinoctium habent, id est, pares dies, & nox habent horas: nisi forte quadrantis, aut circiter discrimen statui possit. Hyems Congiana tum incipit, cum Europæi vere gaudent, & sol signa septentrionalia subit: hæc ab Aprili in Septembrem usque extenditur: tunc quotidie aer aut pluvius, aut nubilosus. Tanta porro imbrum copia est, ut quamvis terra maximè arescat (tota enim æstate, quæ à Septembri usque ad Aprilem durat, non pluit) brevi penitus madescat: atque inde tanta fluminibus aquarum copiâ accedit, ut latè per agros stagnantia exundent. cap. i.

## XII. *Regni Lusitani insignia.*

CUM Alphonsus hulus nominis primus aduersus V. Saracenorum Regulos, qui infinitam hominum multitudinem secum trahabant, conflictum in Lusitania esset initorus, suis ipse oculis IESU Christi imaginem, quinque vulne-

ribus insignitam in cælo, vnde auxilium sperabat, conspexit. Tantum hinc illi animi, ac roboris contigit, vt magnam hostium stragem mox ediderit: cuius singularis beneficij memoriam vt ad posteros transmitteret, quinque scutula instar crucis disposita clypeo insculpi curauit, quæ quina à Redemptore nostro pro humano genere liberando in Cruce accepta vulnera repræsentarent. cap. 3.

### XIII. *Insignia Regis Monomotapæ.*

Sunt exiguus ligno cum manubrio eburneo, & binæ sagittæ. Ligone subditos ad terram colendam adhortatur: altera sagittarum designat, habere se potestatem rebelles, ac nefarios comprimendi: altera, arma sibi ad inimicorum impetum reprimendum, ac propulsandum suppetere. cap. 8.

### XIV. *Linguae consortium.*

Homo natus est ad hominum societatem: quoniam solus ex omnibus animantibus compos est sermonis. Societatis huius, & concordiae vinculum maximum, & arctissimum est sermo, & linguae communio. Vnde sequitur, quod docet Augustin. lib. 19. cap. 7. Ciuitat. diuersa orationis vi, dissimiliq; sermone hominem ab homine abalienari: ita vt libentius homo sit cum cane suo, quam cum homine alieno. [Plin. lib. 7. cap. 1. Tot gentium sermones, tot linguae, tan-

tantaq; loquendi varietas, vt externus alieno pæ-  
ne non sit hominis vice. Petrus Galefinius No-  
tis in histor. sacram Sulpitij.

### XV. *Mortes insperatæ, & repentinæ.*

SANUS erat, & hilaris Tarquinius Priscus, cum  
Spisciculi spina suffocatus est. Sanus quoque  
Fabius, cum ei tenuis pilus, quem cum lacte  
hauserat, vitæ rescidit filum. Mustela Aristidem  
momordit, & momento temporis extinxit. Cæ-  
sar Dictatoris pater hilariter surgebat è lectu-  
lo, & dum calceatur, egit animam. Alius Cæsar,  
dum pede impingit in limen, properantem spi-  
ritum excutit. Legatus Rhodiorum causam in  
Senatu magna cum admiratione orauerat, in li-  
mine curiæ protinus expirauit. Cn. Bæbius Pam-  
philus, prætura & ipse functus, cum à puero  
quæ sisset horas, sensit illico vltimam horam sibi  
adesse. Denique mors infinitos habet aditus,  
quibus in ædes nostras irrumpat, & irrepat. In  
Iustis anniuersarijs Henrici IV. Gallorum Regis  
Richeomius ex Plinij cap. 53. lib. 7.

## AVCTARIVM QVARTVM.

### Ad Sales.

#### I. *In aures asini canere.*

PROVERB. cum quis indocto recitat poëma o-  
mnibus numeris absolutum : aut orationem  
præclaram, in qua nihil reliquū fecerit ars rheto-



rica: aut si quis apud crassas, & Musices ignaras aures artem omnem ostendet. Occasio prouerbij hæc fuit. Ægyptio Musico insignia stans in somnis genius prædixisse visus erat, quòd in asini aures cantaturus esset. Quo neglecto somnio ut vano, ac friuolo, accidit ut Syrorum rex Memphin qui venerat, ipsum accerferet, quòd audisset à cunctis laudari summopere. Accessit itaq; & omni industria adhibita, artis suæ præstantiâ ostentare adnixus est: qui tacere ignominiosè iussus à rege Musices ignaro, recordatus somnij, hoc ipsum, inquit, erat in aures asini canere. Iun. ex Dione orat. 32. cent. 3. prouerb. 52.

## II. *In auaritiam Tiberij.*

**C**VM mortuus efferretur, ac forte per forum funus procederet, quidam in aurem mortui insusurauit: rogatusque ab ijs qui aderant, quid ei dixisset, respondit: se mandasse, Augusto (iam defuncto) ut diceret, populum legatam pecuniâ nondum accepisse. Hunc Tiberius statim occidi iussit, ut ipsemet de ijsdem rebus nuntium ferret Augusto, illudens ei, & ad illud Virgilij respiciens 2. *Æneid. referes ergo hæc, & nuntius ibis Pelida genitori*, &c. Dio in Tiberio. Xiphilin.

## III. *In Iureconsult. οψυμαθῆν.*

**F**RANCISCUS Aretinus iam quadragenarius tyrocinium iurisprudentiæ cœpisse fertur: què quidam hoc scommate aspersit, Videri in altero scænto Aduocatum fore.

IV. *Pompeij vana securitas.*

Cum aduersus Cæsarem comparasset maximum exercitum, eique non modò par, sed etiam superior viribus videretur sibi fore, ac securus proinde animo quiesceret, monentibus formidandam Cæsaris potentiam, respondit: timorem ponite. Nam cum primum terram Italiam pede pulsabo, scatebunt vndique pedestres, & equestres in Cæsarem copiar. Verùm ubi eum spes fefellit, & miseranda clade apud Pharsalum accepta profugit, multi per ludibrium dicebant: instauret nunc exercitum Pompeius, & accipiat quas pede pulsata subministrabit Italia terra copias. Fr. Patricius de regis institut. lib. 10. tit. 10.

V. *Romanorum in exercitu reparando celeritas.*

Pyrrhus Epirotarum rex inspecta in reparandis copijs Romanorum quos vicerat celeritate; planè, inquit, video me Herculeo sidere prognatum, cui etiam cum lernæa hydra pugnare necessum sit. Idem tit. 13.

VI. *Ciuitas adempta.*

Claud. Imp. latina lingua vnum ex legatis Lycium olim, tum Romanum interrogauit, eique non planè intelligenti quid ipse dixisset, ciuitatem ademit, dixitque, eum qui non haberet Romanæ linguæ scientiam, non oportere ciuem Romanum esse. Xiphilin. VII

VII. *Viscata, & hamata munera.*

**Q**uidam ijs potissimùm donant, qui donare maximè possunt. Hoc ego viscatis, hamatis-  
que muneribus non sua promere puto, sed alie-  
na corripere. Plin. lib. 9. epist. 30.

VIII. *Diogenis transitiones.*

**D**iogenes suam Athenis Corinthum, Co-  
rintho-que Thebas transitionem, regis  
Persarum migrationibus comparabat, vere Su-  
sis, hyeme Babylone, æstate in Media commo-  
rantis. Plut. de prof. virtut.

IX. *Sacerdotes, & templa.*

**B**onifacius Episcopus & martyr dicere solitus  
est, olim sacerdotes aurei utebantur calici-  
bus ligneis: nunc lignei sacerdotes utuntur cali-  
cibus aureis. Non ita dissimile est, quod aliquan-  
do audiui de templis recentibus, & antiquis præ-  
dicari. Quondam erant templa Christianorum  
obscura, & corda lucida: nunc templa sunt luci-  
da, corda vero obscura.

X. *Tonsor ornatus.*

**C**um tonsorem quæreret Iulian. & ad eum  
Constantij tonsor sumptuosè ornatus ac-  
cessisset, tonsorem, se, non senatorem quæsi-  
visse dicens, hominem dimisit. Zonaras Tom. III.

XI. *Salutator exclusus.*

Tiberius

**T**iberius Imp. Diogenem Grammaticum, à quo Rhodi iussus erat per seruulum redire die septimo, astantem præ foribus palatij vt salutarer eum, iussit post VII. annos redire. Sueton. cap. 32.

## XII. *Vinosus Tiberius.*

**I**n castris tiro etiam tum propter nimiam vini laudatam pro Tiberio Biberius, pro Claudio Calidius, pro Nerone Mero, id est, Calidius Biberius Mero vocabatur. Idem cap. 42.

## XIII. *Nasus simus, & erectus.*

**I**n conuiuium Xenophontis præter alias questiones Critobulus de naso hanc proponit. Vter inquit, nasus, meus ne an tuus formosior est? Equidem, ait Callias, meum arbitror, si modo odorandi causa dii nobis nasum fabricati sunt: tuus enim in terram intuetur, meus autem erectus est, vt vndiq; odores recipiat. At simus nasus, qui potest esse recto pulchrior? Quia, occurrit Critobulus, non obturat, sed statim sinit vt oculi, quæ volunt aspiciant. At editus nasus, tanquam vim adferens, oculos quasi muro intersepit.

## XIV. *Carni detrahentes, & carnaliter viuentes.*

**D** Hieronymus epist. 65. accusatores suos festiuè tangit. Pelusiotas, inquit, nos appellant, & luteos, animalesque, & carneos, quod non recipimus ea quæ spiritus sunt. Illi scilicet

licet Hierosolymitæ, quorum mater in cælo est.  
(Galat. 4.) Miror cur carni detrahentes viuant  
carnaliter, & inimicum suum foueant, & nutri-  
ant delicatè. Nisi forte implere volunt scriptur-  
am dicentem : *diligite inimicos vestros : & bene  
facite ijs, qui vos persequuntur.*

### XV. Anseres Capitolij defensores.

**S**. Ambrosius lib. 5. in Hexaem. tangens hi-  
storiam de Capitolio anserum vigilum  
clamore à Gallis seruatò, qui id occupaturi erant;  
Meritò, inquit, illis debes, Roma, quod reguas.  
Dij tui dormiebant, & vigilabant anseres. Ideo  
illis diebus anseri sacrificas, non Ioui. Cedunt e-  
nim dij vestri anseribus, à quibus se sciunt esse  
defensos, ne & ipsi ab hoste caperentur.

### EX PLAVTI AVLVLARIA.

Eunomia suafura Megadoro fra-  
tri de ducenda vxore, super lo-  
quacitate mulierum.

**V**elim te arbitrari me hac verba, frater,  
Mea fidei, tuæq; rei causa

*Facere, ita ut æquum est germanam sororem.  
Quamquam haud falsa sum, nos odiosas haberi.  
Nam multum loquaces meritò omnes habemur.  
Nec mutam profectò repertam vllam esse  
Hodie dicunt mulierem vllò in saculo.*

Eadem de nequitia sui sexus.

MEG.

**M.** Da mihi optima famina manum. **E.** V. ubi ea est? quis ea

Est nam optima? **M.** tu, **E.** tu ne ais? **M.** si negas

**Nego.** **E.** Decet te quidem vera proloqui.

Nam optima nulla potest eligi: alia alia

Pecior, frater est. **M.** idem ego arbitror, nec tibi

Aduersari certum est de istac re unquam, soror.

## EX CAPTIVIS.

### Exultatio parasitica.

**C**um Ergasilus parasitus seni Heglioni faustissimum attulisset nuntium de reditu eius filij Philopolemi, qui apud Alidenses captiuus tenebatur, quemque in portu iam conspexerat, perquam lætus ille hoc nuntio, iusserat eum domum suam ire, sumere, poscere, prouidere quidquid veller, addens, te facio cellarium. *Aeternum tibi dapinato cibum, si vera autumas, à me, meoq; gnato.* Tum esuritor ille secum in via lætitia gestiens.

**I**lle hinc abiit, mihi rem summam credidit cibariam.

*Dij immortales, iam ut ego collos pratruncabo tergoribus?*

*Quanta pernis pestis veniet, quanta labes larido?*

*Quanta summi absumedo? quanta callo calamitas?*

Quanta

*Quanta lanijs lassitudo ? quanta porcinarijs ?  
Nam si alia memorem, qua ad ventris victum  
conducunt, mora est.*

*Nunc ibo ad meam prefecturam, ut ius dicam  
larido,*

*Et quae pendent indemnata perna, eis auxilium  
viferam.*

## EX MENÆCHMIS.

*Errores, & frustrationes ob summam fra-  
trum geminorum similitudinem  
facetissima.*

**A**Ntequam scenas ipsas, & ex scenis versus  
adducam, in rem lectoris fore opinor, si  
prius fabulae totius argumentum verbis meis,  
quam potero paucissimis exposuero. Syracusa-  
nus in Sicilia mercato rduos filios, & geminos  
sustulerat, forma adeo similes, ut neque mater,  
neque nutrix eos posset discernere. Cum ad se-  
ptennium peruenissent, pater nauem mercibus  
onerat: alterum gemellum imponit, secumque  
Tarentum peruehit. Tarenti ludos magna, ut  
assolet, celebritate inuenit. Ibi puerum à patre  
in multitudine aberrantem mercator quidem  
Epidamnus surripit. Pater ex ægritudine oba-  
missum filiolum paucis diebus Tarenti extingui-  
tur. Auus re Syracusas renuntiata nepoti domi  
relicto surrepti (quem magis amabat, & mortuū  
credebat) adeoque sui ipsius nomen imponit,

Menz-



Menæchmum appellat : nam alioqui Soficles audiebat. Epidamnius ille plagiarius cum caret liberis : Menæchmum adoptat , dotatam ei uxorem committit : hæredem moriens instituit. Multo post tempore Menæchmus Soficles rependi , videndi quæ fratris percupidus , eum seruo comitatus per varias oras terra marique totis sex annis laboriosè quæritat, Epidamnum deuenit. A coquo, à socero ipsissimus surrepticius, & cuius Epidamnius creditur : ita omnes similitudine vultus deluduntur mirum in modum. Appellatus pro notissimo, accusatus etiam apud patrem à muliere , ut qui eius pallam nescio quò furtim detulerit (id quod maritus Menæchmus fecerat) miratur, & irascitur, atque ut se molestijs eximat, insaniam simulat. Aduocatur medicus, qui cum sene, mulieris parente in Menæchmum surreptum incidit. Ibi lepores, & ludi ex opinionis falsitate existunt iucundissimi, si vlli vsquam in officina huius leporum , & facetiarum fabri peritissimi. Nam & Messenio seruus pro hero agnoscit qui non est. Tandem se fratres inuicem gratulabundi cognoscunt.

Postquam igitur mulier vxor aduenam Menæchmum præsentem, pro viro suo, ut rebatur, de surrepta sibi palla, & aliò delata apud patrem accusauit, & ille, ut peregrinus planè, & rei nescius factum pernegauit, ait accusatrix patri.

*Mv. Viden' tu illi oculos virere ? ut viridis exoritur color*

*Ex temporibus atque fronte; ut oculi scintillant, vide.*

**ME.** *Quid mihi melius est, quàm quando illi me insanire predicant,*

*Ego me assimulem insanire, ut illos à me absterream?*

**MY.** *Ut pandiculans, oscitans, quid nunc faciam mi pater?*

**SE.** *Concede huc mea nata ab istoc quàm potes longissimè.*

**ME.** *Enoe, atque heu Bromie, quò me in syluam venatum vocas?*

*Audio, sed non abire possum ab his regionibus. Ita me illa ab leua rabiosa femina observat canis.*

*Post autem illic hircus alius, qui saepe atate in sua*

*Perdidit cinē innocentem falso testimonio.*

**SE.** *Va capiti tuo. ME. ecce Appollo mihi ex oraculo imperat,*

*Ut ego illi oculos exuram lampadibus ardentibus.*

**MY.** *Perij, mi pater: minatur mihi oculos exurere.*

**ME.** *Hei mihi, insanire me aiunt, ultrò cum ipsi insaniunt.*

**SE.** *Filia. MY. heu, quid est? quid agimus? SE. quid si ego huc seruos cito?*

*Ibo, adducam, qui hunc hinc tollant, & domi deuinciant,*

*Prusquam turbarum quid faciat. ME. amplius enim hareo, ni* *Occu-*

Oscupo aliquod mihi consilium, hi domum  
me ad se auferent, pugnis caesum.

My. Notas in huius ore quidquam pater?  
Ne iam his oculis abscedat in malam magnam  
crucem.

Me. Faciam quod iubes Appollo. Se. fuge domum  
quantum potes,

Ne hic te obtundat. My. fugio: amabo, obser-  
ua istunc, mi pater,

Ne quo hinc abeat. sumne ego mulier misera,  
que illac audio?

My. Hand malè illanc amouit: nunc hunc ego im-  
purissimum,

Barbatum, tremulum, Titanum, Cygno pro-  
gnatum patre,

Ita mihi imperas, ut ego huius membra atq;  
ossa, atque artua

Communiam illo scipione, quem ipse habet.  
Se. dabitur malum,

Me quidem si attigeris, aut si propius ad me  
accesseris.

Me. Faciam quod iubes, securim capiam ancipi-  
tem, atque hunc senem

Exossabo; dein dedolabo assulatim viscera.

Se. Enimvero illud praecauendum est, atque accu-  
randum mihi,

Sanè ego illum metuo, ut minatur, ne quid  
malè faxit mihi.

Me. Multa mihi imperas Appollo: nunc equos iun-  
ctos iubes

*Capere me indomitos feroces, atque currum  
inscendere,*

*Ut ego hunc proteram leonem Getulam, olen-  
tem, edentulum.*

*Iam ascendo in currum, iam lora teneo, iam  
stimulus in manu est.*

*Agite equi, facite sonitus ungularum appa-  
reant*

*Cursu celeri. facite in flexu sic pedum perni-  
citas.*

**S E.** *Mihin' tu equis iunctis minare? M E.* ecce  
*Apollo denuo*

*Me iubet facere impetum in eum qui stat,  
atque occidere:*

*Sed quis hic est, qui me capillo hinc de curru  
deripit?*

*Imperium tuum demutat, atque edictum A-  
pollinis.*

**S E.** *Heu hercle morbum acrem ac durum: dij vo-  
stram fidem.*

*Vel hic qui insanit, quàm valuit paulò prius?  
Ei ecce derepentè morbus incidit.*

*Ibo atque accersam medicum, iam quantum  
potè st:*

**SENEX, MEDICVS, MENÆCHMVS**  
*surreptus.*

**S E.** *Audin' qua loquitur? M E.* *Se miserum pra-  
dicat. S E.* *adeas velim.*

**M E.** *Saluus sis, Menachme. Quaeso, cur apertas  
brachium?*

*Non*

*Non tu scis, quantum isti morbo nunc tute  
facias mali?*

MEN. *Quin tu te suspendis?* MED. *ecquid sentis?*

MEN. *quid ni sentiam?*

MED. *Non potest hæc res ellebori iungere obtinerier.  
Sed quid ais Menechme?* MEN. *quid vis?*

MED. *dic mihi hoc quod te rogo.*

*Album an atrum vinum potas?* MEN. *quin  
tū is in malam crucem.*

S. *Iam herclè occoeptat insanire primulium.* MEN.  
*quin tū interrogas,*

*Purpureum panem, an puniceum soleam ego esse,  
an luteum?*

*Soleamne esse aves squamosas, pisces pennatos?*

S. *pape,*

*Audin' tu, ut deliramenta loquitur? quid ces-  
sas dare*

*Potionis aliquid, priusquam percitus insania?*

MED. *Mane modo, etiam percontabor.* S. *aliam  
occipis fabulam.*

MED. *Dic mihi hoc etiam, solent tibi unquam ocu-  
li duri fieri?*

MEN. *Quid? tu me locustam censes esse? homo ig-  
nauissime.*

MED. *Dic mihi, an unquam tibi intestina crepitāt,  
quod sentias?*

MEN. *Vbi satur sum, nulla crepitant: quando esu-  
riq, tum crepitant.*

MED. *Hoc quidem ad eol haud pro insano verbum  
respondit, mihi.*

*Perdormiscin' usque ad locum? MEN. facilen'  
tu dormis cubans?*

*Perdormisco, si resolui argentum cui debeo.*

*Quin te Iuppiter, diiq; omnes percontator per-  
duint.*

*MED. Nunc homo insanire incipiat. de illis verbis  
caue tibi.*

*S. Imò modestior nunc quidem est de verbis, præ-  
ut dudum fuit.*

*Nam dudum uxorem suam esse aiebat rabio-  
sam canem.*

*MEN. Quid ego dixi? S. insanis, inquam. MEN.  
egone? S. tu istis, qui mihi.*

*Etiā me tantis quadrigis munitatis proster-  
nere.*

*Ego met hac te vidi facere, ego met ecce te ar-  
guo.*

*MEN. At ego te sacram coronam surripuisse Iovi  
scio,*

*Et ob eam rem in carcerem te esse compactum  
scio.*

*Et postquam es emissus, casum virgis sub furca  
scio.*

*Tam patrem occidisse, & matrem vendidisse  
etiam scio.*

*Satin' hoc pro sano maledicta maledictis respon-  
deo?*

*S. Obsecro hercle, medice, properè, quidquid fa-  
cturus, face.*

*Non vides hominem insanire? MED. scin' quid  
facias optimum?*

*Ad me face, ut deferatur. S. itan' censes? MED.*  
*quippini?*

*Ibi meo arbitrata potero curare hominem. S. a-*  
*ge ut labet.*

*MED. Elleborum potabis faxo aliquos viginti dies.*

*MEN. At ego te pendentem fodiam stimulus trigin-*  
*ta dies.*

*MED. Accerse homines, qui illum ad me deferant.*  
*S. quot sunt sani?*

*MED. Proinde, ut insanire video, quatuor, nihilo*  
*minus. S. Iam hic erunt, asserua tu istunc,*  
*medice. MED. imò ego ibo domum,*

*Ut parentur, quibus parata opus est. tu serues*  
*iube,*

*Hunc ad me ferant. S. iam ego illis faxo eris.*

*MEN. Abijt socer, abiit medicus, nunc solus sum*  
*proh Inppiter;*

*Quid istuc est, quod me me hi homines insanire*  
*pradicant?*

*Neque ego insanio, neque ego pagnus, neque lo-*  
*tes capio.*

*Saluus, saluos alios video: novi homines, alio-*  
*quor.*

*An qui perperam insanire me aiunt, ipsi insani-*  
*unt?*

*Quid ego nunc faciam? dancum ire capio. an*  
*uxor non finit.*

*Huc autem intromittit nemo: nimis proventum*  
*est nequiter.*

*Hic ero usque ad noctem, saltem credo intromit-*  
*tar domum.*



XVII. *Habere in utero.*

**A**Thenæus lib. 10. de Ischomacho mimo. Cū pauperculę cuidam doleret vterus, ac medicus interrogasset, utrum in utero haberet (quomodo de conceptione loquuntur Græci) qui possit, inquit, cum triduo nihil comederit? Ex ambiguo sumpsit occasionem ioci.

XVIII. *Ianus quadrifrons.*

**A**vgustin. Ciuitat. lib. 7. cap. 4. irridens eos, qui non modo bifrontem, sed & quadrifrōtem effingebant Ianum (quod mundi scilicet quatuor partes aspiceret) An forte voluerunt, inquit, vt quoniam plurimi dii selecti erubescēda perpetrando amiserant frontem, quanto iste innocentior esset, tanto frontosior appareret?

## AVCTARIVM QVINTVM.

## Ad Miscella.

**I.** *Epitaphium Scipionis Africani,  
apud Caietam.*

**D**euicto Annibale, capta Carthagine, &  
& aucto

*Imperio, hos cineres marmore tectus habes.  
Cui non Europa, non obstitit Africa quondam,  
(Respice res hominum) quam brevis urna  
premit?*

APOPH:

## APOPTHEGMATA.

II. *Verborum profluentia.*

1. **A** Naxandridas quendam reprehendit, quod apud Ephoros recta quidem locutus esset, & utilia, sed pluribus quam oportuisset. Hōspes, inquit, re opportuna nō opportunē uteris. Nam ut scitē Nazianzenus orat. in sancta lumina, sermonis satietas non minus auribus inimica est, quam immodicus cibus corpori.

III. *Institutio Gubernatorum.*

2. **A** Ntipho interrogabat Socratem, cur cum putaret se idoneos ad rempub. gubernandam alios efficere, ipse ciuitatis gubernationi non vacaret, siquidem hoc præstare sciret? Respondit. Vtro modo, Antipho, magis rempub. gubernem; an si solus eā gubernem; an ut operam dem, ut plurimi ab eam gubernandam sint idonei? Xenoph. lib. 1. de dict. & fact. Socrat.

IV. *Virginitas, & viduitas comparate.*

**L** icet in virginibus integritas solida, & tota sanctitas de proximo visura sit faciem Dei, tamen vidua habet aliquid operosius: quia facile est nō appetere quod nescias: & auersari quod desideraueris nunquam. Gloriosior continentia quæ ius suum sentit: quæ quid viderit, nouit. Poterit virgo felicior haberi, at vidua laboriosior.

flor. Illa quod bonum semper habuit, ista quod bonum sibi inuenit. In illa gratia, in ista virtus coronatur. Ex Tertullian. ad uxorem lib. 1. Viduam, inquit Clem. Alex. Stromat. lib. 3. cap. 9. nonnulli præferunt virgini, quod ad continentiam: ut quæ quam experta est voluptatē, magno, & excelsso animo contempserit. Hieronym. lib. 1. contra Iovin. Ideo plus amat Christus virgines, quia sponte tribuunt, quod sibi non fuerat imperatum: maiorisque gratiæ est offerre quod non debeas, quam reddere quod non exigeris. Plura de virginitate Syntagmate VIII. in extremo.

## V. *Prudentia vñ.*

**I**nterrogauit quidam reprehendendi animo Iphicratem, quis esset, quum neq; arma, neq; arcum, neque cetras ferentium in ordine censeretur. Respondit, eum se esse, qui hisce omnib. imperaret, atque vteretur. Ita prudentia neque aurum est, neque argentum, neque, gloria, neq; valendo, neque diuitiæ, neque pulchritudo. Quid ergo ea est? id quod recte vti his omnibus potest, ac singula horum iucunda facit, laudabilia, vtilia: quum siue hac inutilia, sterilia, damno-  
saque sint, ac molestiam, & dedecus ea possidenti afferant. Plin. lib. XVIII.

*Magistratus nihil in honestum concedat.*

VI. Petenti ab se Simonidi, quod minus videretur honestum, Themistocles, nec poetam, inquit, sibi videri bonum, qui inconcinnum culpam, & absonum caneret: nec magistratum frugi, qui contra ius, fasque cuiquam infero iret. Plut. de civili institut.

VII. *Ratio M. Ant. Mureti, cur vacationibus domi doceat, cum graui querimonia, ex orat. V. Volum. 11.*

**A**Cquoniam scio esse nonnullos qui mirentur, quos ipse mihi, cum vacationes dantur, voluntarios labores iniungere soleo, cur non hoc ipso potius publice nobis constituto ad docendum loco, quam intra domesticos parietes obeam, eius quoque rei quæ causâ sit aperiam: nec consiliorum meorum pars vlla vobis ignota sit. Officij enim mei rationem omnibus quam notissimam esse cupio, ne quis cuiquam pareat ad calumniandum locus. Primum igitur si dicam id facere me, ut aliqua pars laboris minuatur mihi, nemo me, ut opinor, merito reprehendat, quod vobis à me sponte tribuitur, si in eo etiam commodi mei rationem habendam esse aliquam putem: præsertim cum vobis ex eo nihil oneratur incommodi. Sed sunt alia grauiora, quæ me magis commoueat. Huc quoties venimus, pendendum nobis est ex aliquot **ABIECTISSIMORVM NEBVLONVM** libidine, qui sibi pro oblectamento habent, obstrependo, exhibilando

laudabiles aliorum cōatus, quoties collibuit impedire. Domi ab illa fæce, ac colluue nihil periculi est. Vbi si quid tale attētare auderent, extruderentur: & si redire postridie vellent, excluderentur. Hic vix vnquam mihi horam integram docere permittitur. Domi me sæpe horas duas summo silentio, summa omnium voluntate auditum esse meministis. Illic si quis quid minus intellexit, licet rogare, licet colloqui, licet placide ac comiter, si quid sit, de quo dubitetur, exquirere. Hæc me causæ adducunt, vt quories à publico munere cessatio est, libentius doceam domi. Neque dubito quin hoc consilium meum omnes æqui, & harum rerum intelligentes existimatores probent.

*VIII. Dei prouidentia ab effectis mundi  
disertè, & eleganter demonstrata, ex Octa-  
uio Minutij Falicis.*

**Q**uo magis mihi videntur qui hunc mundi totius ornatum non diuina ratione perfectum volunt: sed frustis quibusdam cohærentibus conglobatum, mentem, sensum, oculos denique ipsos non habere. Quid enim potest esse tam apertum, tam confessum, tamque perspicuum, cum oculos in cælum sustuleris, & quæ sunt infra, citraq; lustraueris, quàm esse aliquod numen præstantissimæ mentis, quo omnis natura inspiretur, moueatur, alatur, gubernetur. Cælum ipsum vide quàm latè tenditur, quàm  
rapide

rapidè voluitur, vel quodd in noctem astris distinguitur, vel quodd in diem sole lustratur: iam scies quàm sit in eo summi moderatoris mira & diuina libratio. Vide & annum vt solis ambitus faciat: & mensem vide vt luna auctu, senio, labore circumagat. Quid tenebrarum, & luminis dicam recurrentes vices, vt sit nobis operis, & quietis alterna reparatio? Relinquenda verò astrologis prolixior de sideribus oratio, vel quæ regant cursum nauigandi, vel quæ arandi metendique tempus inducant: quæ singula non modò vt crearentur, fierent, disponderetur, summi opificis, & perfectæ rationis eguerunt: verum etiã sentiri, perspici, intelligi, sine summa sollertia & ratione non possunt. Quid cum ordo temporũ hac frugum stabili varietate distinguitur? nonne auctorem suum, parentemque testatur? Veræquè cum suis floribus, & æstas cum suis messibus, & autumnus maturitas grata, & hyberna oliuitas necessaria: qui ordo facilè turbaretur, nisi maxima ratione consisteret. Iam prouidentia quantæ, ne hyems sola glacie vreret, aut sola æstas ardore torreret, autumnus & veris inferre medium temperamentum, vt per vestigia sua anni reuertentis occulti, & innoxij transitus laberentur? Mari intende, lege littoris stringitur: quidquid arborum est, vide, quàm è terræ visceribus animatur? Aspice Oceanum, refluit reciprocis æstibus: vide fontes, manant venis perennibus: fluuios intuere, eunt semper exerciti

laudabiles aliorum cōatus, quoties collibuit impedire. Domi ab illa fæce, ac colluie nihil periculi est. Vbi si quid tale attētare auderent, extruderentur: & si redire postridie vellent, excluderentur. Hic vix vnquam mihi horam integram docere permittitur. Domi me sæpe horas duas summo silentio, summa omnium voluntate auditum esse meministis. Illic si quis quid minus intellexit, licet rogare, licet colloqui, licet placide ac comiter, si quid sit, de quo dubitetur, exquirere. Hæc me causæ adducunt, vt quoties à publico munere cessatio est, libentius doceam domi. Neque dubito quin hoc consilium meum omnes æqui, & harum rerum intelligentes existimatores probent.

**VIII.** *Dei prouidentia ab effectis mundi disertè, & eleganter demonstrata, ex Octauio Minutij Felicis.*

**Q**uo magis mihi videntur quæ hunc mundi totius ornatum non diuina ratione perfectum volunt: sed frustis quibusdam coherentibus conglobatum, mentem, sensum, oculos denique ipsos non habere. Quid enim potest esse tam apertum, tam confessum, tamque perspicuum, cum oculos in cælum sustuleris, & quæ sunt infra, citraq; lustraueris, quàm esse aliquod numen præstantissimæ mentis, quo omnis natura inspiretur, moueatur, alatur, gubernetur? Cælum ipsum vide quàm latè tenditur, quàm  
rapidè



rapidè voluitur, vel quodd in noctem astris distinguitur, vel quodd in diem sole lustratur: iam scies quàm sit in eo summi moderatoris mira & diuina libratio. Vide & annum vt solis ambitus faciat: & mensem vide vt luna auctu, senio, labore circumagat. Quid tenebrarum, & luminis dicam recurantes vices, vt sit nobis operis, & quietis alterna reparatio? Relinquenda verò astrologis prolixior de sideribus oratio, vel quæ regant cursum nauigandi, vel quæ arandi metendi que tempus inducant: quæ singula non modò vt crearentur, fierent, disponerètur, summi opificis, & perfectæ rationis eguerunt: verum etiã sentiri, perspicui, intelligi, sine summa sollertia & ratione non possunt. Quid cum ordo temporũ hac frugum stabili varietate distinguitur? nonne auctorem suum, parentemque testatur? Ver æquè cum suis floribus, & æstas cum suis messibus, & autumnus maturitas grata, & hyberna oliuitas necessaria; qui ordo facilè turbaretur, nisi maxima ratione consisteret. Iam prouidentia quantæ, ne hyems sola glacie vreret, aut sola æstas ardore torreret, autumnus & veris inferre medium temperamentum, vt per vestigia sua anni reuertentis occulti, & innoxij transitus laberentur? Mari intende, lege littoris stringitur: quidquid arborum est, vide, quàm è terræ visceribus animatur? Aspice Oceanum, refluit reciprocis æstibus: vide fontes, manant venis perennibus: fluuios intuere, eunt semper exerciti

cistris lapſibus. Quid loquar aptè diſpoſitâ rectâ  
 montium, collium flexa, porrectâ camporum?  
 Quidûe animantium loquar aduerſus ſeſe tutelâ  
 multiformem? alias armatas carnibus, alias den-  
 tibus ſeptas, & fundatas ungulis, & ſpicatas acu-  
 leis: aut pedum celeritare liberâs, aut elatione  
 pinnarum. Ipſa præcipuæ formæ noſtræ pulchri-  
 tudo Deum ſatetur artificem, ſtatus rigidus, vul-  
 tus erectus, oculi in ſummo velut in ſpecula cõ-  
 ſtituti, & omnes cæteri ſenſus velut in arce com-  
 poſiti. Longum eſt ire per ſingula: nihil in ho-  
 mine membrorum eſt, quod non & neceſſitatis  
 cauſa ſit, & decoris: & quod magis mirum eſt,  
 eadẽ figurâ omnibus, ſed quædam unicuique  
 lineamenta deſlexa: ſic & ſimiles vniuerſi vider-  
 mur, & inter ſe ſinguli diſſimiles inuenimur.  
 Quid naſcendi ratio, quid cûpido generandi?  
 Nonne à Deo data eſt, & vt vbera partu mature-  
 ſcente lacteſcant, & vt tener fœtus vbertate la-  
 ctis roris adoleſcat? Nec vniuerſitati ſolum mo-  
 dô Deus, ſed & partibus conſulit. Britannia ſole  
 deficitur, ſed circumfluentis maris tepore re-  
 creatur: Ægypti ſiccitatẽ temperat Nilus amnis:  
 colit Euphrates Meſopotamiam, pro imbris  
 penſat: Indus flumen & ſerere Orientem dici-  
 tur, & rigare. Quod ſi ingreſſus aliquam domũ,  
 omnia exculta, diſpoſita, ornata vidiffes: utiq;  
 præſſe ei crederes dominum, & illis bonis re-  
 bus multo eſſe meliorem. Itã in hac mundi do-  
 mo, cum cælum terramque perſpicias, provi-  
 denti-

gentiam, ordinem, legem: crede esse vniuersitatis dominum, parentemque, ipsis sideribus & totius mundi partibus pulchriorem.

### IX. *Aquarum species.*

**V**Na nempe atque eadem est aqua, & in diuersas plerumque se mutat species. Aut inter arenas flaua: aut inter cautes spumosa: aut inter nemora viridantior: aut inter florulenta discolor: aut in gramine liquidior: aut in palude turbidior: aut in fonte perspicacior: aut in mari obscurior, assumpto locorum quibus influit colore decurrit. Rigorem quoque pari ratione commutat, vt inter vaporantia ferueat, inter vmbrosa frigescat, sole reperiussa exaestu, niuibz irrigata glaciali humore canescat: quemadmodum sapor ipse eius conuertitur, vt nunc amarior, nunc vehementior, nunc austerior, nunc dulcior, pro specierum qualitate, quibus infusa fuerit aqua, varietur, &c. Ambros. in Hexaem. lib. 3. cap. 15.

### X. *Codex pro nomine proprio.*

**C**uius quidam omnes filios suos praestantes iureconsultos euadere cuperet, vni nomen Bartholus, alteri Baldus imposuit; tertium, quod Lepe nomen Codicis in foro citari audiret, arbitratus & hoc maximi iuris interpretis vocabulum esse, Codicem appellauit.

### XI. *Senex sexies cibum sumpsit, &*

*esurit.*

*Quidam*

**Q**uidam seniorum cum reficientem me, ut adhuc paululum quid ederem hortaretur, iamque me dixissem non posse: respondit. Ego iam sexies diuersis aduenientibus fratribus mensam possui, hortansque singulos cum omnibus cibum sumpsi, & adhuc esurio: & tu primus nunc reficiens, iam te dicis non posse? Cassian. de Instit. cœnob. lib. 5. cap. 25.

## XII. *Rauennæ, picturæ phœnicis subscriptum.*

**S***Ecurus moritur, qui scit se morte renasci.  
Mors ea non dici, sed noua vita potest.*

Tertullian. lib. de resurrectione. carnis plenissimum ac firmissimum specimen huius spei ( resurrectionis ) ex hoc alite sumendum ait. Idem B. Ambrosius & Epiphanius in Physiologo asserunt. De eadem aue Lactantius in poematio, si modo est γνήσιον.

*Ipsa sibi proles, suus est pater, & suus heres,  
Nutrix ipsa sui, semper alumna sibi.*

## XIII. *Meretricum ornatus.*


**O**rnamentorum, ac vestium insignia, ac leuocinia formarum, non nisi prostitutis, & impudicis fœminis congruunt: & nullarum ferè pretiosior cultus est, quam quorum pudor vilis est. Fugiant castæ virgines, & pudicæ incestarum cultus, habitus impudicarum, lupanarium insignia

gnia, ornamenta meretricum. Cyprian. de disciplin. & habitu Virginum. Plaut. Mostellar. de muliere.

*Nequidquam exornata est bene, si morata est male.*

*Pulchrum ornatum turpes mores ceno peius collinunt.*

Quanquam, ut Nazianzenus ait (Adherfus mulieres ambitiosius se ornantes, & excolentes) sunt quoque interdum in sordidis vestibus delicta: contra in mollibus grauitas nonnunquam inuenitur, quemadmodum multi norunt.



## SYNTAGMA OCTAVVM.

EX PATRIBVS LATINIS,  
ET GRÆCIS BREVIS AN-  
thologia.

**H**oc quoque Syntagma proposito nobis scopo peraccommodatum lectorique non inuoluptu, ac profano; id est, non in externas tantummodo litteras abdito, ac penitus penitusque immerso: sed sacrorum quoque librorum, & religionis Christiane in ecclesiis, atque Doctorem, ut Christiano homini pulchrum est, studiofo, hand ingratum fore censuimus: quando cum summa & Scriptorum grauissimorum, &

De

argumen-

et quoque sanctimonia, & orationis ad dominum Iesum frequentia, scientiam consecuti sunt, frigeat sapientia, quæ in plerisque senibus ætate marcescit: sed quod adolescentia multa corporis bella sustineat: & inter incentiua vitiorum, & carnis titillationes, quasi ignis in lignis viridibus suffocetur, ut suum non possit explicare fulgorem. Senectus vero rursus eorum, qui adolescentiam suam honestis artibus instruxerunt, & in lege Domini meditati sunt die ac nocte, ætate fit doctior, usu tritior, processu temporis sapientior, & veterum studiorum dulcissimos fructus metit. Enumerat deinde Theophrastum (sic enim legendum pro Themistocle opinor) Platonem, Isocratem, Pythagoram, Democritum, Xenocratem, Zenonem, Cleanthem, qui omnes iam ætate longæva in studiis sapientie floruerunt. Et poetas Homerum, Hesiodum, Simonidem, Stesichorum, qui grandes natu, cygneum nescio quid, & solito dulcius vicina morte cecinerunt. Ad Nepotian. ep. 2.

### III. Præceptum de tradenda elementorum notitia, ductuq; filie paruule.

Fiant ei litteræ vel buxæ, vel eburnæ, & suis nominibus appellentur. Ludit in eis, ut & lusus ipse eruditio sit. Et non solum ordinem teneat litterarum, ut memoria nominum in canticum transeat: sed & ipse inter se crebro ordo turbetur, & medijs vltima, primis media

miscantur: ut eas non sono tantum, sed & visu noverit. Cum vero cœperit trementi manu stilum ducere: vel alterius superposita manu teneri regantur articuli: vel in tabula sculpantur elementa: ut per eosdem sulcos inclusa marginibus trahantur vestigia, ut foras non queant vagari. Ad Latam viduam, epist. 7.

#### IV. De Nebridij parvis liberis

ἡδυλαγία.

**S**aluina mulier amplissimo genere prognata in iuuenili adhuc aetate virum amiserat Nebridium, è sorore Placida Augusta natum, nutritum in palatio, & Augg. Arcadii atque Honorii filiorum Theodosii condiscipulum, & contubernalem. Huic par liberorum, filium ac filiam genuerat: de quibus etiamnum teneris, ac pane infantibus, opera pretium est audire, quam dulcibus, ac blandis verbis sermonem contexat vir sanctus epist. 9. qua defunctum laudibus prosequitur, ipsamq; Saluinam cum consiliis salutaribus ad viduitatem retinendam cohortatur.

Tenemus pro eo (Nebridio defuncto) dulcissimos liberos. Vxor hæres pudicitæ pretium est. Nebridius puerum patrem quærentibus exhibet. Sic oculos, sic ille manus, sic ora ferebat. Scintilla vigoris paterni lucet in filijs: & similitudo morum per speculum carnis erumpens, ingentes animos angusto in pectore versat. Iungitur ei germana, rosarum, & liliorum calathus, eboris ostriq;



estriq; commercium. Sic refect ore patrem, ut ad venustatem propensior sit: sic matrem mixta similitudine pingit, ut in vno corpore vtrūq; agnoscas: ita suavis est, & mellitula, ut honor sit omnium propinquorum. Hanc tenere non dedignatur Augustus (Theodosius) hanc fovere iu sinu Regina (Placidia) letatur. Certatim ad se omnes rapiunt. Pendet ex collo: hæret in brachijs singulorum: garrula atque balbutiens, linguæ offensione sit dulcior. Habes igitur, Saluina, quos nutrias, in quibus verum absentem tenere te credas. Pro vno homine duos filios recepisti; auctus est numerus charitatis. Quidquid debebas marito, redde filijs. Amore præsentium absentis desiderium tempera. Non est parua apud Deum meriti, bene filios educare.

*V. Quare cautio adhibenda aduersus delicta, quamuis leuia?*

**P**Rodest ad cautionem etiam minima pro maximis cauere. Tanto enim facilius abstinemus à quocunque delicto, quanto illud magis metulimus. Nec citò ad maiora progreditur, qui etiam parua formidat. Et sanè nescio an possimus leue aliquod peccatum dicere, quod in Dei contemptum admittitur. Estque ille prudentissimus, qui non tam considerat quod iussit, quam illum qui iusserit: nec quantitatem imperij, sed imperantis cogitat dignitatem. Ad Celantiam, epist. 14.

VI. *Detractio.*

**P**AUCI admodum sunt, qui huic vitio renuntiant: raroque inuenies, qui ita vitam suam irreprehensibilem exhibere velint, ut non libenter reprehendant alienam. Tantaque huins mali libido mentes hominum inuasit, ut etiam qui procul ab alijs vitijs recesserunt, in istud tamen quasi in extremum diaboli laqueum incidunt. Tu verò hoc malum ita effuge, ut non modò ipsa non detrahas: sed ne alij quidem detrahenti aliquando credas. Nihil tam inquietat animum, nihil est quod ita mobilem mentem, ac leuem faciat, quam facile totum credere, & obrectatorum verba temerario mentis assensu sequi. Hinc enim crebrae dissensiones, hinc odia nascuntur. Hoc est quod saepe de amicissimis etiam inimicos facit. Beatus qui ita se contra hoc vitium armavit, ut apud eum detrahere nemo audeat. Quod si hæc in nobis esset diligentia, ne passim obrectatoribus crederemus, iam omnes detrahere timerent: ne non tam alios, quam se ipsos viles detrahendo facerent. Sed hoc ideò malum celebre est, idcirco in multis feruet hoc vitium, quia pæne ab omnibus libenter auditur. *Ibidem.*

VII. *Paula matris, & Eustochij filia laus.*

**E**T cum omnia quæ dixi feceris, ab Eustochio  
tua,

tua, Paula que vinceris, si non opere, certe sexu. Ego quidem Romæ non eram, quando socero tuo viuentis Toxotio (*marito Paula, cuius filiam Paulinam hic Pammachius uxorem habuerat, qua mortua totum se Deo dicauerat*) sæculo seruiebant: sed tamen audio, quæ immunditias platearum ferre non poterant: quæ eunuchorum manibus portabantur, & inæquale solum molestius transcendebant: quibus serica vestis oneri erat, & solis calor incendium: nunc sordidatæ, & lugubres, & sui comparatione forticulæ, vel lucernas concinnant: vel succendunt focum: pauimenta verrunt: mundant legumina: olerum fasciculos inferuentem ollam deliciunt: apponunt mensas: calices porrigunt: effundunt cibos: huc illucque discurrunt. Et certe magnus virginum chorus cum illis habitat. Num huiusmodi ministeria alijs imperare non poterant? Sed nolunt vinci ab his labore corporum, quas ipsæ superant virtute animi. Ad Pammachium, epist. 26.

### VIII. *Monachi, & Clerici.*

Nonnulli sunt dictiores monachi, quàm fuerunt sæculares: & Clerici, qui possideant opes sub Christo paupere, quas sub locuplete, & fallace diabolo non habuerunt: vt suspiret eos Ecclesia diuites, quos mundus tenuit ante mendicos. Ad Nepotian. epist. 2. Facile contemnitur Clericus, qui sæpe vocatus ad prandium non recusat. Ibid.

Monachus non doctoris, sed plangentis habet officium: qui vel se, vel mundum lugeat, & domini pauidus præstoleretur aduentum: qui sciens imbecillitatem suam, & vas fragile, quod portat, timet offendere, ne impingat, corruat, atque frangatur. Vnde & mulierum, max. meq; adolescentularum vitat aspectum, & in tantum castigatōis sui est, vt etiam quæ tuta sint pertimescat. Ad Riparium presbyterum, ep. 53.

IX. *Breuium sententiarum Chaos*  
*ex iisdem.*

I. Nescio quomodo etiam ipse qui deprecatur, ut tribuat, cum acceperis, viliorē te iudicat; & mirum in modum, si eum rogantem contempseris, plus te posterius veneratur. Epist. 2. II. Romanorum ducum virtutibus quasi quibusdam stellis Romæ micant historiæ. epist. 3. III. Homines sumus, & interdum contra annorum maturitatem puerorum viris labimur. Epist. 4. IV. Christianæ animæ pabulum in lege domini meditari die, ac nocte. Epist. 6. V. Procliuius est malorum æmulatio, & quorum virtutes assequi nequeas, citò imitatis vitia. Epist. 7. VI. Mihi omnino in adulta virgine lauacra displicent, quæ seipsam debet erubescere, & nudam videre nō posse. Ibid. VII. Equorum cursus favore perniciosior fit. Pugilum fortitudo clamoribus incitatur. Paratas ad prælium acies, stridentēque mucrones sermo Imperatoris accendit. Epist.

Epist. 8. VIII. Nec diuiti obſunt opes, ſi eis bene vtatur: nec pauperem egeſtas commendabiliorem facit, ſi inter ſordes, & inopiam peccata non caneant. Epist. 9. IX. Teperates in ſæſtibus fama pudicitia: quaſi ſlos pulcherrimus citò ad leuem mareſcit auram, leuiq; ſtatu corrumpitur: maxime vbi & ætas, conſentit ad vitium; & maritalis de eſt auctoritas, cuius vmbra tutamen vxoris eſt. Ibid. X. In ſerico, & in pannis eadem libido dominatur: nec regum, purpuras timet; nec mendicantium ſpernit ſqualorem. Ibid. XI. Nec ſtatim nobis pœnitentia ſubſidia blandiantur, quæ ſunt inſælicij remedia. Cauendum eſt vulnus quod dolore curatur. Aliud eſt integra naue, & ſaluis mercibus portum ſalutis intrare: aliud nudum herere tabulae, & crebris fluctuū reſuſibus ad aſperrima ſaxa collidi. Ibid. XII. Parcus cibus, & ventex ſemper eſuriens, triduanis ieiunijs præſertur. Et multo melius eſt quotidie parum, quam raro ſatis. Epist. 10. XIII. De Blaſilla ſorore Euſtochij, quæ poſt 7. meſes perdidit virum. O inſælix humana conditio. Et virginitatis coronam, & nuptiarum perdidit voluptatem. Et quanquam ſecundum pudicitia gradum teneat viduitas: tamen quas illam per momenta ſuſtinere exiſtimas cruceſ, ſpectantem quotidie in ſorore quod ipſa perdidit: & cum difficilius experta careat voluptate, minorem continentia habere mercedem? Epist. 22.

## EX S. AMBROSIO.

I. *Allium.*

**Q**uid dicam allio homines delectari, & illud ad escam sumere, quod & leopardus fugit? Denique sicubi allium aliquis confricandum putauerit, leopardus inde exilit, nec resistit. Cuius venenata fera odorem non potest sustinere, id tu pro cibo sumis, & visceribus infundis internis? Sed medicatur interdum doloribus. Sumatur pro medicamento, non pro cibo. Sumatur ab ægrotantibus, non ab epulantibus. Lib. 6. Hexaem. cap. 4. *Detestatur Allium Horat. Ode 3. Epod. venenum vocans, & cicutis nocentius. Eo utuntur plurimo messorēs; & rustici, milites, & nante, alliato scilicet, qui est cibus allio conditus. Odoris eius grauitas hominibus delicatioribus est prorsus intolerabilis.*

II. *Castimonia Iosephi.*

**V**idit hunc ignem Ioseph quando eum adulterij cupida mulier allocuta est. Vult eum capere sermone, emisit laqueos labiorum suorum; sed pudicum virum ligare non potuit. Soluit enim vincula mulieris vox pudoris, sermo grauitatis, habena cautelæ, fidei custodia, castimonix disciplina. Reliquit tanquā non sua quæ adultera suis manib⁹ detinebat: & aliena iudicauit, quæ tactu impudicæ potuerunt cōprehendi. Magnus quippe vir, qui venditus seruille nesciuit inge-

ingeniū. Adamatus nō redamauit, rogatus non acquieuit, comprehensus aufugit. Ac ne ipsa verba quidem diu passus est. Contagium enim iudicauit, si diutius moraretur; ne per manus adulteræ libidinis incentiua transirent. Lib. 1. de Poenit. cap. 13. & lib. de Ioseph. cap. 5.

### III. *Humani capitis, & capillorum decus.*

**V**T cælum eminet aeri, tectis in aria, quæ velut quædam membra sunt mundi; ita etiam caput supra reliquos artus nostri corporis, quod instar mundi fabricatum est, cernimus eminere, præstantissimumque esse omnium, tanquam inter elementa cælum, tanquam arcem inter reliqua vrbis mœnia. Ex hoc aut destituuntur vniuersa, aut omnia fulciuntur. Ipse autem vertex capitis quam suavis, & gratus? Quam speciosa cæsaries, quam reuerenda in senibus, quam veneranda in sacerdotibus, in bellatoribus, quam decora in adolescentibus, quam compta in mulieribus, quam dulcis in pueris? Alium sexum crinita, alium tonsa non decet. Ex arboribus licet, quæ humani sit gratia capitis æstimare. In capite arboris omnis est fructus, ibi omnis est pulchritudo. Illius coma nos aut à pluuijs tegit, aut à sole defendit. Tolle arbori comam, tota arbor ingrata est. Quanto ergo maior humani capitis ornatus est, qui cerebrum nostrum, hoc est, sedem, originemque nostrorum sensuum, capillis



**S**ANÈ negare non possumus quod errauerit mulier. Quid miraris tamen si infirmior lapsus est sexus, cum mī lapsus etiam fortior? Mulier excusationem habet in peccato, vir non habet. Illa, vt scriptura asserit, à sapientissimo omnium serpente decepta est, tu à muliere; id est, illam superior creatura decepit, te inferior. Te quippe mulier decepit, illam malus licet, tamen angelus. Si tu inferiori non potuisti resistere, quomodo illa potuit superiori? culpa tua illam absoluit. Si de merito culpæ dubitas, interroge- mus sententiam, qua illi dictum est: in tristitia paries filios, & ad virum tuum conuersio tua, & ipse tibi dominabitur. Viro autem dicitur, Terra es, & in terram ibis. Si Adam quod à domino deo audiuerat seruare non potuit, quomodo potuit seruare mulier quod audiuerat à viro? Si illum dei vox non confirmavit, quomodo istam vox firmaret humana? Denique Adam conuentus quod contra diuina quæ audierat præcepta gustasset, nihil habuit quod diceret, nisi quod sibi mulier dedisset, & comedisset: mulier autem ait, serpens me traduxit, & manducaui. Quanto maior mulieris absolutio? Ille arguitur, hæc interrogatur. Adde illud, quod & prior culpam fateretur. Etenim quæ se dicit esse seductam, testatur errorem. Erroris igitur medicina confessio est. In iudicio ipso quanto clementior mulier viro? Ille mulierem suam accusauit, ista serpentem: hoc est, nec accusata crimen suū retorfit, sed ipsam

ipsum accusatorē suum maluit, si posset, absol-  
uere, quam ligare. &c. Lib. de laude Mariæ virg.

## VI. *Hæretici.*

**H**æretici ij sunt, qui per verba legis legem  
impugnant. Proprium enim sensum verbis  
legis astruunt, vt prauitatem mentis suæ legis  
auctoritate commendent. Sciens enim impietas  
multum valere auctoritatem legis, fallaciam sub  
nomine eius componit: vt quia res mala per se-  
metipsam acceptabilis esse non potest, bono no-  
mine commendetur. Idcirco huiusmodi homi-  
nes vt inexcusabiles sint, semel corripī oportet.  
Frequentius enim correpti, exercitiores fient  
in malo. Cogere autem illos videtur, qui sæpe  
corripit, vt sollicitiores fiant ad perditionem  
multorum, ideo dimittendi, vt negligentiores  
effecti, soli forte depereant. Super epist. ad Ti-  
tum, cap. 3.

## VII. *Ingenium coërcendum.*

**C**auendum est, ne mens nostra pluribus oc-  
cupata, non solum bonos non generet par-  
tus, sed etiam inutilibus plerisque degeneret: si-  
mul & vitis ne non purata facile syluescat, dissol-  
uatur cito, sed posteritati reseruetur. Nam & in-  
geniosi multa pariunt, quæ vtile est circumcide-  
re: & qui doctrinam diligentia assecuti sunt, vi-  
dere in se debent inscientiam. Lib. 2. de Abra-  
ham.

VIII. *Adolescentia prona in vitium.*

**P**Ulcere Iob id ætatis arripuit ad querelam, quæ magis ad vitium lubrica esse consuevit. Habet enim pueritia innocentiam: senectus prudentiam: ipsa vicina adolescentiæ iuuenta bonæ existimationis intuitum, & verecundiam delinquendi. Adolescentia sola est inualida viribus, infirma consilijs, vitio calens, fastidiosa monitoribus, illecebrosa delicijs. In tam igitur confragoso, & scopuloso mundi istius turbine cur tam crebra naufragia improuidæ adscribuntur ætati? (vnde præclatè David totius eius temporis veniã sibi à domino postulauit dicens, *Delicta iuuentutis meæ, & ignorantias meas ne memineris*) quia tunc maxime calor corporis feruet, & æstu sanguinis vaporantis ignescit. In Iob. cap. 7.

IX. *Mors non est malum, ideo nec fugienda.*

**N**ON habemus quod in morte metnamus, si nihil quod timendum sit vita nostra commisit. Etenim prudentibus delictorum supplicia terrori sunt; delicta autem non mortuorum actus sunt, sed viuentium. Vita igitur ad nos refertur, cuius actus in nostra potestate est: mors autem nihil ad nos. Est enim separatio animæ, & corporis. Absoluitur anima, resoluitur corpus. Quæ absoluitur, gaudet; quod resoluitur in terram suam, nihil sentit. Quod nihil sentit

sentit, nihil agnoscit. Tamen si mors malum, quomodo iuvenes non timent fieri senes, nec finitimam mortis verentur ætatem? patientiusq; deficit, qui præsumpta morte deficit, quam qui inopinata. His quoque qui malum putant mortem, aptum responsum arbitror, quia per vitam ad mortem est transitus, per mortem ad vitam reditus. Neq; enim nisi qui mortui fuerint possunt resurgere. Insipientes autem mortem quasi somnum malorum reformidant: sapientes quasi requiem post labores, & finem malorum expectant. De bono mortis lib. i. cap. 8.

### X. *Usura.*

**N**escit ergo quid poscat infelix, qui pecuniã petit mutuam; quid accipiat ignorat. Non nouit pecunia sceneratoris vno diutius loco stare, solita transire per plurimos, vno teneri sacculo: versari, ac numerari expetit, vsu requirit vsuram. Fluctus quidam est maioris, non fructus. Pecunia nunquam quiescit. Labitur velut scopulo illisa: ita gremium debitoris percutit, & cõtinuo relabitur eò vnde processit. Cum murmure venit, cum gemitu reuertitur. Frequenter tamen placidum ventis stat mare: semper scenoris vnda iactatur: mergit naufragos, expuit nudos, vestitos exuit, insepultos relinquit. Nummum ergo petis, & naufragium suscipis. Lib. de Tobia, cap. 5.

## EX S. AVGVSTINO.

I. *Deus saltem redamandus.*

**S**I amare Deum pigebit, saltem redamare ne pigeat. Nulla enim maior ad amorem inuitatio, quàm prœuenire amando. Et nimis durus est animus, qui dilectionem si nolebat impendere, nolit rependere. Quod si in ipsis flagitiosis, & sordidis amoribus videmus eos nihil aliud agere, qui amari inuicem volunt, nisi vt documentis quibus valent, aperiant, & ostendant quantum ament, eamq; imaginem iustitiæ prætere affectant, vt vicem sibi reddi quodammodo flagitent ab eis animis, quos illecebrare moliantur: ipsi que ardentius æstuant, cum iam moueri eodem igne etiam illas mentes quas appetunt, sentiunt: si ergo & animus qui torpebat, cum se amari senserit excitatur: & qui iam feruebat, cum se redamari didicerit magis accenditur; manifestum est nullam esse maiorem causam, qua vel inchoetur, vel augeatur amor, quàm cum amari se agnoscit, qui nondum amat; & redamari se vel posse sperat, vel iam probat, qui prior amat. Et si hoc etiam in turpibus amoribus, quanto plus in amicitia Dei? De catechizand. rudibus.

II. *Verus Christianus.*

**H**OC nomen frustra sortitur, qui Christum minimè imitatur. Quid enim tibi prodest  
 Ec vocari

vocari quod non es, & nomen vsurpare alienum: Sed si te Christianum esse delectat, quæ Christi sunt gete, & meritò tibi Christianum nomen assume. Aut forsitan non esse, sed vocari desideras: hoc satis fœdum, & miserum est, te velle vocari quod nō sis. Nemo enim ita transit ad Christum, vt Christianus appelletur, & non sit. Qui Christianus dicitur, Christum se habere dominum profiteretur. Et verè habet, si ei in omnibus obsequatur, & seruiat. Si quo minus: Christi ille non famulus est: sed subannator, & irrisor, qui eius se seruum dicit, cui seruire dissimulat. Huic ergo geminum iudicium seruatur: pro Dei subannatione, quem sine causa dominum appellauit: & pro qualitate peccati. De vita Christiana.

### III. Θεολογέμενα.

**E**Xcedit supereminentia Deitatis non solum vsitati eloquij nostri, sed etiam intelligentiæ facultatem. Verius enim cogitatur Deus, quā dicitur: & verius est, quam cogitetur. Non parua autem notitiæ pars est, si, antequam scire possimus quid sit Deus, possimus scire quid non sit. Quid tamen est Deus? Quod nulla attingit opinio. Plus enim est quam quidquid dici potest, aut cogitari. Sed dicamus aliquid, quod quāuis impar sit, tamen ex aliqua conueniat ratione ijs, quæ digna Deo videntur. Nam vnaquæque natura pro capacitæ sui suspicatur de Deo, vt  
quan-

quantum distat natura à natura, tantum distet sententia à sententia quid Deus sit. Quia enim super omnia est, necesse est, vt hominum mentes excedat. Homines enim quantum possunt aciem mentis extendere aspiciunt quid Deus sit, opinione, non definitione. Angeli autem qui superiores sunt hominibus, quin plus aliquid de Deo sentiant, non est dubium. Archangeli verò eo ipso amplius. Cherubin autem, & Seraphin, quæ potentia iuxta Deum esse dicuntur, maiora de Deo sentiunt, non tamen comprehendunt penitus quid Deus sit, *quia nemo nouit patrem, nisi filius: nec filium quis nouit, nisi pater.* Igitur Deus est, sicut hominibus videtur, spiritus, natura simplex, lux inaccessibilis, inuisibilis, inestimabilis, infinitus, perfectus, nullius egens, immortalis omnimodè, à quo omnia initium consecuta sunt, venerandus, diligendus, merendus, extra quem nihil est, immò in quo sunt omnia quæcunque sunt sursum & deorsum, summa & ima: omnipotens, omnitenens, verè in omnibus diues, quia nihil est, quod non eius sit, bonus, iustus, misericors. Lib. de vera innocentia, & lib. I. Quæst. vet. & noui testam. q. I.

#### IV. Sancta ebrietas.

**Q**uemadmodum accipere vinum immoderate, & ingurgitare se in ebrietate est mentem perdere: ita erit cum accepta fuerit illa ineffabilis læticia, peribit quodammodo humana



mens, & fiet illud. Ideo dixit Propheta: *Inebriabuntur ab ubertate domus Dei*, cui dixerat, *Calix tuus inebrians quam præclarus est?* Hoc iam calice inebriati erant martyres, quando ad passionem euntes suos non agnoscebant. Quid tam ebrium, quam non agnoscere uxorem flentem, non filios, non parentes? Non eos agnoscebant, & non eos ante oculos esse arbitrabantur. Omnes propinqui sui, qui eos à spe cælestium præmiorum terrenis blandimentis auertere moliti sunt, non sunt agniti, non sunt auditi ab ebris. Non erant tamen ebris, sed mutatum eis erat cor, & alienata mens ab hoc sæculo. Super Psalm. XXXV. & LXXIV.

### V. *Encomium mulieris.*

**R**euera iter mali ad hominem mulier ab initio fuit. Mortis porta, discipula serpentis, diaboli consiliaria, fur arboris, fons deceptionis, canicula operum diuinorum, rubigo sanctorum: vultu sanctissimos elisit, & homines iam pæne angelos factos, facie periculosa defecit; cuius latrocinia peruenierunt ad sidera, facies in terris posita in alto emisit scandala, inuicendo multitudinē virorum: quæ tanta calamitas paradysum compilauit, & cælum. Quid aliud mulier, quam fornicum decipule, quam peruersa & amarissima pestis: quæ laqueo blando incantos semper elisit, & toxico, aut veneno innu-

merabiles lethaliter cruciauit? *Adiungamus simile præconium ex Tertulliano de Habitu muliebri.* Tu es diaboli ianua, tu es arboris illius resignatrix, tu es diuinæ legis prima deferrix, tu es quæ eum suastisti, quem diabolus aggredi non voluit. Tu imaginem Dei hominem tam facile elusisti. Propter tuum meritum, id est, mortem, etiam filius Dei mori habuit: & adornari tibi in mente est, super pelliceas tunicas? Vide, si lubet, Præfat. Ioannis Passeratij in orationes Catonis, & Valerij de lege Oppia.

*VI., In Domino laudabitur anima  
mea.*

**D**ifficile est oculo cordis mundato non surrepere sordes aliquas de ijs rebus, quæ ipsas nostras bonas actiones comitari solent, velut est laus humana. Siquidem non rectè viuere perniciosum est: rectè autem viuere, & nolle laudari, quid aliud est, quam inimicum esse rebus humanis? quæ utique tanto sunt miseres, quanto minus placet recta vita hominum. Si ergo inter quos viuis, te rectè viuentem non laudauerint, illi in errore sunt: si autem laudauerint, tu in periculo es: nisi tam simplex cor habueris, & mundum, ut ea quæ rectè facis, non propter laudes hominum facias: magisque illis recta laudantibus gratuleris, quibus id quod bonum est placet, quam tibi: nisi quia rectè viuis, etiam si nemo laudaret: ipsamque laudem tuam tunc in-

telligas utilem esse laudantibus, si non te ipsum  
 in tua bona vita, sed Deum honorent, cuius san-  
 ctissimum templum est quisquis bene viuit: ut  
 illud impleatur quod dicit Dauid. *In Domino*  
*laudabitur anima mea. Audiant mansueti, & le-*  
*sentur.* Lib, 2. de serm. Domini in monte, cap. 1.

## VII. Sobrietatis preconium.

Sobrietas est castitas sensus, & mētis, & mem-  
 brorum omnium corporis, tutela castitatis,  
 pudicitiae munimen, pudori proxima, amicitiae  
 pacisque serua, honestati semper coniuncta, cri-  
 minum, vitiorumq; omnium fugatrix, recti iu-  
 dicij, memoriae, recordationisq; inseparabilis a-  
 mica, secretorum custos, arcani velamen, lectio-  
 num, & doctrinae capax, studiorum, & artium  
 bonarum discipula pariter, & magistra, ingenio-  
 rum instituendorum pedisequa, bonae famae  
 semper auida, in cogitationibus salubria, atque  
 utilia causans, virtutis singulare auxilium, cun-  
 cta cum ratione disponens, in congregatione  
 honestorum seipsam semper ingerens. Sobrie-  
 tas temeritatem fugit, pericula cuncta declinat,  
 mutuis officijs obtemperat, superblam deresta-  
 tur, domum, familiamq; cum moderatione gu-  
 bernat, fidem sibi committentibus seruat, om-  
 nes causat virtutes, & omnes laudum tituli sem-  
 per eam concupiscunt, quia sine ipsa ornari, aut  
 placere non possunt. Ad sacras virgines. Vide, si  
 placet, & Philonem De verbis Resipuit Noe,  
 pag. 185.

VIII. *Duplex Vita.*

**D**Vas vitas sibi diuinitus prædicatas, & commendatas nouit Ecclesia: quarum vna est in fide, altera in specie: vna in tempore peregrinationis, altera in æternitate mansionis: vna in labore, altera in requie: vna in via, altera in patria: vna in opere actionis, altera in mercede contemplationis: vna declinat à malo, & facit bonum, altera nullum habet, à quo declinee malum, & magnum habet quo perfruatur bonum: vna cum hoste pugnat, altera sine hoste regnat: vna fortis est in aduersis, altera nihil sentit aduersi: vna carnales libidines frænât, altera spiritualibus delectationibus vacat: vna est vincendi cura sollicita, altera victoriæ pace securâ: vna in tentationibus adiuuatur, altera sine vlla tentatione in ipso adiutore latatur: vna subuenit indigenti, altera ibi est, vbi nullum inuenit indigentem: vna aliena peccata, vt sua sibi ignoscantur, ignoscit, altera nec patitur quod ignoscat, nec facit quod sibi poscat ignosci: vna flagellatur malis, vt non extollatur in bonis, altera tanta plenitudine gratiæ caret omni malo, vt sine vlla tentatione superbiæ cohareat summo bono: vna bona & mala discernit, altera sola quæ bona sunt cernit. Ergo vna bona est, sed adhuc misera: altera melior, & beata, Super Ioann.

IX. *Spicilegium Sententiarum ex libris  
de Ciuitate Dei.*

**E**X lib. 1. cap. 7. Quod autem more nouo factum est, quod inusitata rerum facie immanitas barbara tam mitis apparuit, vt amplissimæ basilicæ implendæ populo cui parceretur, eligerentur, & decernerentur (de Roma à Gotthis rege Alarico capta loquitur) vbi nemo feriretur, vnde nemo raperetur, quod liberandi multi à miserantibus hostibus deducerentur, vnde captiuandi nulli nec à crudelibus hostibus abducerentur: hoc Christi nomini, hoc Christiano temporì tribuendum, quisquis non videt, cæcus: quisquis videt, nec laudat, ingratus: quisquis laudanti reluctatur, insanus est. 2. Quicunque boni maliq̃ue pariter afflicti sunt, non ideo distincti non sunt, quia distinctum non est, quod vtrique perpeffi sunt. Confirmatur similitudine, lib. eodem cap. 3. Tantum interest, non qualia, sed qualis quisque patitur. Nam pari motu exagitatum & exhalat horribiliter cœnum, & suauiter fragrat vnguentum. Ibid. 4. Mala mors putanda non est, quam bona vita præcesserit. Neque enim facit malam mortem nisi quod sequitur mortem. Non itaque multum curandum est, qui necessario morituri sunt, quid accidat, vt moriantur, sed moriendo quò ire cogantur. cap. 11. 5. Alienam libidinē inuitò patientis nec corporis sanctitas, nec animi pudicitia sine consen-

su amittitur. cap. 18. Ex lib. II. cap. 7. Ad vitia pro nos magis mouebat quod dii fecissent, quam quod philosophi disputassent. 2. Romani veteres auferendo poetis licentiam in homines, permittendo in deos, melius de se, quam de illis senserunt. cap. 12. Ex lib. IV. 1. Remota iustitia quid sunt regna, nisi latrocinia? Quia & ipsa latrocinia quid sunt nisi parua regna? cap. 4. 2. Fortuna potest esse mala: felicitas autem si mala fuerit, felicitas non erit. cap. 18. Ex lib. VIII. Philosophorum nomen si latine interpretemur, amorem sapientiae profitemur. Porro si sapientiam profitemur, & sapientia deus est, per quem facta sunt omnia, sicut diuina auctoritas, veritasque monstrauit, philosophus est amator dei cap. 1. 2. Deo non aliud est esse, aliud viuere, quasi possit esse non viuens: nec aliud illi est viuere, aliud intelligere; quasi possit viuere non intelligens: nec aliud illi est intelligere, aliud beatum esse: quasi possit intelligere, & non beatus esse; sed quod est illi viuere, intelligere, beatum esse, hoc est illi esse, cap. 6. 3. Ego sum qui sum, vehementer Plato tenuit, & diligentissime commendauit. cap. II. in fine. 4. Platonici quanto melius de vno deo senserunt, tanto cæteris philosophis gloriosiores, illustrioresque habentur c. 12.

## EX S. GREGORIO MAGNO.

I. *Vitæ celestis cupido: rerum fluxarum contemptio.*

Ee 5

Qui

**Q**ui cælestis vitæ dulcedinem, in quantum possibilitas admittit, perfectè cognouerit, ea quæ in terris amauerat libenter cuncta derelinquit. In eius comparatione vilescunt omnia; deserit habita, congregata dispergit, inardescit in cælestibus animus, nil in terrenis libet, deforme conspicitur quidquid de terrenæ rei placebat specie: quia sola pretiosæ margaritæ claritas fulget in mète. De cuius dilectione rectè Salomon, *Fortis est ut mors dilectio*: quia videlicet sicut mors corpus interimit: sic ab amore rerum corporalium æternæ vitæ charitas occidit. Nam quæ perfectè absorbuerit, ad terrena foris desideria velut insensibilem reddit. Homil. II. in Euangel.

## II. *Temperamentum Prælati in subditis castigandis.*

**T**anta debet esse discretio Prælati, ut nec disciplina nimia, nec ipsa quoque misericordia sit remissa; ne si inordinate culpa dimittitur, is, qui est culpabilis, in reatu gravis adstringatur. Et rursus, si culpa immoderate retinetur, tanto qui corrigitur deterior fiat, quanto erga se nihil benignitatis gratia agi considerat. Exhibenda itaque prauis est asperitas in ostensione, charitas in mente: ut & dura ostensio delinquentem coercet, & charitatis custodia mercedem mansuetudinis non amittat. Homil. 21. sup. Ezech. lib. 2.



III. *Aduersus delectationem carnis.*

**C**arnalis dulcedo delectationis in conscientia nutrit vermem doloris. Quid namq; caro nisi putredo, ac vermis est? Et quisquis carnalibus desiderijs anhelat, quid aliud quam vermem amat? Quæ enim sit carnis substantia, testantur sepulchra. Quis parentum, quis amicorum fidelium, quamlibet dilecti sui tangere carnem scaturientem vermibus potest? Caro itaque cum concupiscitur, pensetur quis sit exanimis, & intelligitur quid ametur. Nihil quippe sic ad edomandum desiderium carnalium valet, quam ut unusquisque hoc, quod vitium diligit, quale sit mortuum, penset. Considerata enim corruptione carnali citius cognoscitur, quia cum illicite caro concupiscitur, tabes desideratur. Bene ergo de luxuriosi mente dicitur, *Dulcedo illius vermis*: quia is, qui in desiderio carnalis corruptionis æstuat, ad fetorem putredinis anhelat. Lib. 6. Moral. cap. vlt.

IV. *Placandus deus ante supremum iudicium.*

**O**mnis qui peruersa agit, eo ipso quo hoc despicit, esse dei iudicium nescit. Si enim hoc timendum sciret, quæ in illo sunt punienda non ageret. Nam sunt plerique, qui extremum esse iudicium verbo tenus sciunt, sed peruersè agendo testantur quia nesciunt. Si enim pensare pon-

dus

dus tremendi examinis nosset, iræ diem utique timendo præcaueret. Vitari autem terrori iudicis non nisi ante iudicium potest. Modò nō cernitur, sed precibus placatur. Cum verò in illo tremendo examine sederit, & videri potest, & iam placari non potest: quia factis prauorum quæ diu sustinuit tacitus, simul omnia reddet iratus. Vnde necesse est nunc timere iudicem: ne cum semel manum in retributione ultionis excusserit, tanto in iudicio districtius feriat, quanto ante iudicium diutius exspectat. Lib. Moral. 14. cap. ult.

*V. Extra Ecclesiam Catholicam non est martirium.*

**Q**uisquis extra vnitatem Ecclesiæ patitur pœnas pari potest, martyr fieri non potest: quia auro locus est, in quo conflatur. Quid itaque ad ista hæretici dicitis? Conflari per afflictionem carnis, vel etiam per martirium vultis? sed locum, in quo debeatis conflari nescitis. Audite quod sancti prædicatoris voce dicitur: *Auro locus est, in quo conflatur.* Hunc ergo conflationis locum quærite: hanc fornacem, qua aurum aptè purgari valeat, inuenite. Vna est Ecclesia, in qua qui conflari voluerit, ab omni etiam poterit peccatorum sorde purgari. Si quid pro deo amaritudinis, si quid tribulationis extra hanc positi sustinetis, incendi potestis tantummodo, nō purgari. Non clarescet anima in fulgore æternæ pulchritu-

chrutudinis, nisi (vt ita dicam) prius hic acserit  
in officina charitatis. Lib. Moral. 18. cap. 14.

## VI. *Ingratum deo sacrificium.*

**I**llorum sacrificium Deus non accipit, qui lacrymis quidem se compunctionis abluunt, sed iisdem, à quibus ante mundati videntur, peccatorum maculis in idipsum reuertentes sordescunt. De talibus scriptum est. Qui baptizatur à mortuo, & iterum tangit mortuum, quid prodest lauatio eius? Ille quippe lauatur à mortuo, & iterum tangit mortuum, qui per pœnitentiam mundatur à peccato: quem si contigerit eadem quæ punierat iterando peccata committere, nihil contulisse videtur adhibita satisfactionis lauatio: quem maculauit inhonestius iterata facinoris turpitudine. In explanat. 4. psal. pœnit.

EX S. GREGORIO NAZIAN-  
zeno.

## I. *Laus vite solitaria.*

**D**Einde quidam me cepit amor boni, quod in quiete positum est, atque in solitudine: cuius quidē cum ab initio tam cupidus fuissē, quam nescio an alius quisquam eorum, qui litterarum studia coluerint, quamque in maximis, ac difficilissimis periculis deo cum vouissē, & verò attigissē etiam primo tantum aditu, ita, ve gustu maius mihi sui desiderium iniecisset, non sum passus me in seruitutem adduci, atq; in me-  
dios

alios tumultus impelli, & quasi à sacro quodam huius vitæ asylo per vim abstrahi. Nihil enim mihi quidem videbatur optatius, quam clausis sensibus, domita carne, spreto mundo, mente ad se reuocata, omnibus rebus hominis, quantum patitur necessitas, planè posthabitis, seipso, ac deo in consilium adhibito, supra ea, quæ videntur, viuere, ac diuinas species semper puras in se ferre, cum his inferioribus formis atque errantibus minimè mistas, verè immaculatum dei, diuinarumque rerû speculum existentē, & continenter fieri pergentē, lumine lumen accipientem, obscuriore clarius, iamque summo illo futuri sæculi bono spe fruentem, &, dum adhuc in terra sis, terram relinquentem, & à spiritu ad superiora elatū, cum angelis vitam degere. Si quis vestrum hoc tenetur amore, nouit quod dico.

## II. *Vitiorum procluitas.*

Citius quis exigui vitij magnam hauserit copiam, quam paululum immensæ virtutis: siquidem & melli vel modicum absinthium suam illico impertit amaritudinem: mel autem ne si duplo quidem amplius fuerit, suam absinthio impartiatur dulcedinem: & paruus lapillus auulsus flumen vniuersum decliui in loca traxerit: reprimere verò, aut retrahere vix possit vel firmissima munitio, ac moles. Ibid.

### III. *Incarnatio filij Dei ex antithetis illustrata,*

**P**Rodiens autem deus vnà cum eo quod assumpserat, vnum ex duobus contrarijs, carne & spiritu, quorum hic quidem deificauit, illa verò deificata est. O noua mixtio. ô incredibilis temperatio. Is qui est fit, increatus creatus, is qui capi non potest capitur per mediam animam rationalem, intercedentem inter diuinitatem, & carnis crassitudinem. Qui dicit, mendicat: mendicat enim meam carnem, vt ego dicer ipsius diuinitate. Qui plenus est exinanitur: exinanitur enim sua gloria paululum, vt ego illius particeps sim plenitudinis. Quæ diuitiæ bonitatis? quodnam hoc est, quod circa me sit mysterium? Ipsius ego imaginem suscepi, & non custodiui: meam ipse suscepit carnem, vt & imaginem seruet, & carnem immortalem reddat. Secundam communicat communionem, multo admirabiliorum priore, quanto tunc quidem rem nobis prestantiorem impertiuit: nunc vero deterioris ipse fit particeps. Hoc sanè quam illud, diuinius. Hoc his, qui recta sapiunt, longe excellentius. Orat. in Natal. D.

### IV. *Ad vitam sanctimoniam hortatiuncula.*

**Q**Uocirca bonum dominum sequamur, terrenas cupiditates fugiamus, impostorem

mundi, & mundi principem. Creatori nostoto addicamus, imaginem honore prosequamur, nomen nostrum reuerreamur, vitam in melius commutemus. Quid nosmet ipsos sponte dei iei-  
mus, cum sublimes, & excelsi creati simus? Quid rebus in aspectum cadentibus inheremus? Vnusquisque deo quod poterit offerat, quouis tempore, quouis genere vitæ, & fortunæ, pro presentis facultatis modulo, pro gratia sibi concessa: ut per omnes virtutis modulos omnes regni celestis mansiones impleamus, tantum scilicet merentes, quantum seuerimus, vel, ut exactius loquar, tantum in diuinis horreis conditum haberes, quantum arauerimus, &c. Orat. ad Iulian. Ex quoatorem.

### V. S. Basilii simioli.

**R**es laudandas ac præclaras partim ipse inuenit, partim æmulatus est, partim superauit. In quantum autem omne virtutis genus excollit, omnibus nostræ memoriæ hominibus palmam præripuit. Tanta ipsius virtus fuit, gloriæque affluentia, ut multa ex paruis ipsius rebus, atque adeo ex corporis vitijs ab alijs ad gloriam, nominisq; claritatem parandam excogitata sint. Cuius generis sunt pallor, barba, certus incedendi modus, tum etiam non admodum cupidè, promptèque loqui: sed ut plurimum cogitandum, atque intrò ad se conuersum esse (id quod multi non rectè imitantes, nec animaduertentes in

in tristitiam, atque inamœnam quandam austeritatem inciderunt) vestis etiam genus, & lectuli forma, & esitandi ratio: quorum ille nihil studio, & de industria, sed simpliciter, temereque faciebat. Ac multos iam Basilios specie tenus videre licet, quasi statuas in umbris: nimium enim illis dederò, si eos resonabili Echus voci similes esse dixerò. Nam illa quamvis postremam duntaxat sermonis partem, expressius tamen refert, atque exprimit: hi autem longius ab eo distant, quam quantum accedere concupiscunt. In laudat. Basilij.

*V I. Miscellæ sententiæ ex eodem  
Gregorio.*

**I.** IS est optimus ordo in omni tum sermone, tum opere instituendo, ut à deo incipias, & in deum pariter desinas. Apologet. 1. II. Nihil æque iucundum accidit hominibus, atque de alienis rebus temerè loqui: & maximè si quo forte amore, aut odio rapiantur, à quibus suppressi plerumque solet veritas. Ibid. III. Pastores & doctores in Ecclesia cum populo collati rationem animæ ad corpus, & mentis ad animam obtinēt. Ibid. IV. Opinio propriæ sapientiæ de ipsa sapientia detrahit plurimum; & inanis gloria magnum affert hominibus impedimentum ad virtutem. Ibid. V. Virtutum quæ excellat, cuius primæ deferendæ, ac palma danda, non facile est reperire. De amore pauperum. VI. Prestan-



tissima pars charitatis est amor erga pauperes;  
 misericordia & miseratio erga proximum. Ibid.  
 VII. Corpus cum bene se habet, oppugnat,  
 cum oppugnatur angit, & cruciat; quod, & tan-  
 quam conseruum, diligo, & vt hostem auersor:  
 quod quasi vinculum fugio, & vt coheredem  
 vereor: liquefacere illud ac labefactare conten-  
 do, ac præter ipsum quo adiutore ad res præcla-  
 rissimas vtar, non habeo. Ibid. VIII. Terra, &  
 mare honoratum nobis stercus largiuntur: sic  
 enim ego didici honorare delicias. In natal. D.  
 IX. Intemperantia mea quidem sententia dici  
 potest, quidquid est superuacaneum, ac minus  
 necessarium, præsertim cum esuriant, atque e-  
 geant alij, ex eodem luto, eademque tempera-  
 tione facti. Ibid. X. Ita natura comparatum vi-  
 demus, vt circa rei cuiusque primordia acriora  
 sint, & feruentiora omnium mortalium studia  
 Apologet. 2. X. Minus periculosum est audire  
 quam loqui: ac proinde libentius de deo quip-  
 piam discendum, quam docendum. Ibid. XII.  
 Demus operam, ne sancta impurè, & sublimia  
 demissè, & honore digna turpiter, & vt vno  
 verbo complectar, spiritalia terrenè celebremus.  
 Apologet. 3. XIII. Anima & corpus bellum  
 inter se vt plurimum gerunt. Et corpus quidem  
 ægrotante anima bellè habet: anima autem flo-  
 ret, atque erectos in cælum oculos habet, cum  
 voluptates decidunt, atque vnà cum corpore  
 marcescunt. Orat. ad patrem. XIV. Non facile  
 de

de alio malum suspicatur, qui non facile ad malum impellitur. Ibid. XV. Laudabilis auaritia, in hac vita paulum quiddam dare pauperibus, ut in altero xuo diuitijs affluamus. Ad Iulian. tribut. Exactor. XVI. Magnum pharmacum, quod ab ijs qui eodem dolore affecti sunt porrigitur: & qui in eadem calamitate versantur, eorum in consolandis calamitosus maior est auctoritas. In laud. Cæsarij fratris.

## EX S. ATHANASIO.

I. *In bonum Latronem.*

**O** Latro, Petri commilito, Iudæorum accusator, regni emptor, paradisi custos. O latro Adamo aduersus creaturam constantior, progenitore nostro in paradiso securior. Ille dum importunè manum ad lignum porrigit, mortem in genus hominum inuexit. Tu opportunè in cruce manus extendens, paradysum amissum recepisti. O latro qui principum parentum hereditatem perditam per vnā precem rursus acquisisti. Qui ex confessione regni primus fructū percepisti. O latro noster Præceptor, martyrum æmulator, qui paucis verbis cælum aperuisti: iustitiæ aduocate, legitimi latrocinij magister. O latro præclarum confessionis emolumentum ostendens: serò credens, & citò confitens, postremus veniens, & primus coronam adipiscēs, promptissimam fidei efficientiam demonstrans.

O latro acer Iudæ accusator, proditori ipso suspendio acerbior: qui diaboli fallaciam contra eundem mirificè vsurpasti. O latro qui Christum, iustè mercatus es, atque huius tuæ possessionis testimonium crucem adhibuisti. O Apostolorum symmista. *Diximus strictim, quæ auctor fusius. Quæ tamen in vulgatis latinis codicibus non reperiuntur.*

## II. In sepulchrum Christi, & sepulturam.

O Sepulchrum immortalitatis receptaculum. O sepulchrum resurrectionis officina. O sepulchrum sepulchrorum destructio. O sepulchrum, in quo mors ipsa emoritur. O sepulchrū, in quo vita finem nesciens exoritur. *Adiunge his de sepultura Christi ex Amphilochio Episcopo Iconii in sanctum Sabbatum.*

Sepulchro coërcent (Iudæi) quem continere, & coërcere nulla res queat. Custodiendæ salutis nostræ signa apponunt, timentque ne in vitam redeat, monumento custodes adhibent. Quis vnquam vidit custodiri mortuum? Quis audiuit cuiuspiam allatam necem, quæ timorem fecisset necantibus? Quis, cum inimico ademisset animam, non quieuit? Quis inimici morte contentus nō posuit inimicitiam? Cur, ô Iudæe, quem perdidisti extimescis? Cur quem occidisti formidas? Cur è medio remotum tremis? *Quare interfectum metuis? Quare ob actum abs te*  
in

in crucem sic cruciaris? Ipsa cædes securitatem tibi dat. Bonum habeto animum. Si tantum est homo ille mortuus, non existeret à mortuis. Si tantum homo, rectè ei crucem fixisti. Si tantum homo, falsum est prolocutus cum dixit: *Soluite templum hoc, & in tribus diebus exaltabo illud.* Si tantum homo, mors eum detinebit. Si tantum homo quid tu, stolide, sepulchrū obsignas? &c.

### III. *Vnde cultus imaginum pro dijs.*

NON modò priscis, sed & nostris temporibus, ubi amittere quos charissimos habent fratres, cognatos, uxores: multæ item viduæ maritos extinctos, quum omnibus contet eos ex natura homines fuisse, istos tamen, inquam, ob ingentem luctum, desideriumq̃, fictis, depictis, que figuris expressos dedicauerunt. Posterì deinde admirati elegantiam, artificiumque operis, eosdem pro dijs habuere, idque præter omnem rationem naturæ, quum eos colant, quos ipsi parentes, ut neutiquam deos, comploraue-  
re; quippe sine luctu futuri, si deos illos esse certum habuissent. Ideo enim quod eos non modo non crederent deos, sed planè nullos reputarent, imaginibus eos effigurari voluerunt, ut eos non ulterius superstites, per effigiei similitudinem obtuentes, hoc genere representationis dolorem suum mitigarent. His tamen simulacris stulti vota faciunt, & veri numinis cærimonijs prosequuntur. Orat. contra idola.

IV. *Quamobrem Christus non honestiorem mortem elegerit.*

SI hoc fecisset, plenam suspicionem de se prae-  
buisset, quod non in omne genus mortis, sed  
duntaxat in eam, quam ipse excogitasset, vim  
suam integram, efficacemque haberet: ac rur-  
sus nihilo minor occasio fuisset non credendae  
resurrectionis. Quapropter non sua opera, sed  
aliorum insidijs mortem corpori suo infligi vo-  
luit, ut mortem quamcunque illi intulissent  
Servatori, eam ipse demoliretur. Veluti gene-  
rosus athleta, cui ingens animi, & corporis ro-  
bur, non ipse quidem sibi aduersarios deligit, ne  
alijs timiditatis suspicionem afferat: sed specta-  
torum arbitrio hoc ipsum permittit, quantum-  
cunque eos sibi infestos sciat, ut humi prostrato  
quocunque antagonista, omnium robustissimus  
habeatur. Ita genus moriendi, quod inimici  
pro sua opinione ut ignominiosum ei intulere,  
conuersum est in trophaeum deuictae mortis.  
Praeterea, si ideo venerat, ut nostra placula, exe-  
crationesque portaret, quomodo alia ratione  
execratio, aut piaculum fuisset, nisi execrabi-  
lem mortem in se reciperet? Est autem hoc ip-  
sum Crux, quemadmodum scriptum est, *Execrabilis qui pendet in ligno*. De incarnat. Verbi.

V. *Leitio 5. Scripturae quid exi-  
gat.*

**A**D scripturarum indaginem, veramque intellectum opus est vita proba, animo puro, & virtute quæ secundum Christum est, ut mens per eius tramitem decurrens, ea quæ expetit adipisci possit, quatenus fas est humanam naturam diuina intelligere. Nam sine pura mente, & sanctorum imitatione nemo comprehendere sanctorum verba. Quemadmodum si quis inueneri velit solis tubar, oculos planè detergit, & in splendorem redigit, quantum potest ad eius similitudinem, cuius conspiciendi desiderio tenetur sese purificans, ut ita oculus iam lumen redditus lumen solis contemplerur: aut quemadmodum si quis ciuitatem, aut provinciam perlustrare velit, planè ad ipsum locum spectandi causa procedit: ita quoque qui volet mentem victorum cælestia loquentium intelligere, prius detergere, & abluere viuendi disciplina animam debet, & ad sanctos accedere cum studiorum factorumque similitudine: ut ijs consuetudine paris vitæ familiaris redditus, quæ ipsis à Deo reuelata sunt cognoscat, & vnà cum illis inflammatus peccatorum quidem pericula, eorumque ignem in die iudicij effugiat, ea vero percipiat, quæ sanctis sunt reposita in regno cælorum. Ibidem.

## EX S. BASILIO.

## I. Ieiunium.

**I**eiunium lætitiæ quædam occasio est. Sicut enim sitis dulcem subministrat potum, ac fames dulcem omnino præparat mentem: sic ciborum degustationem ieiunium suauissimam reddit. Interpositum namque, & deliciarum continuationem intercicens, & abscindens, desiderabilem, suauemq; longè ciborum repetitionem, et peregrinam, ac restitutam reddet. Ex quo, si volueris iucundam tibi mensam præparare, sume ex ieiunio mutationem, atque interuallum. Tu verò ob copiam superuacua, affluentesque nimium delicias, veras gulæ delicias ac voluptatem amittis: dum nimium delicias sectaris, voluptatem deliciarum perdis. Nihil enim tam desiderabile, quam voluptas interrupta, ac minimè continuata. Nam ea quorum rarus est usus, longè melius, dulciusque sapiunt. Sic & ille qui nos creauit, per vicissitudinem rerum, eorum quæ nobis dedit gratiam nobis præstantiorem tribuit. Nonne vides solem post noctem clariorem apparere? Et vigilantia post somnum dulcior, & sanitas post morborum experientiam longè est charior. Ita & mensa post ieiunium optatior est pariter diuitibus, lauteque victitantibus, atque illis qui tenui, frugaliq; mensa vtuntur. Serm. 2. de ieiun.

## II. *Inuidus descriptus.*

**M**Orbum interrogatus manifestare, seque vt inuidum ac malignum accusare omnino veretur:



veretur: sed eum in imo cordis recessu, eius ab-  
rodentem, atque absumentem viscera mœstus  
retinet. Igitur nec medicum mali huius, neque  
medicinam ad id fugandum aptam inuenire po-  
test: quanquam curandorum ægrorum tot refer-  
ti sunt libri. Sed vnā tantum mali requiem ex-  
spectat, si quando cui inuidet ruentem forte, &  
ex beato miserum aspiciat. Tunc demū fœdus  
cum eo iungit, amicus efficitur, quando lacry-  
mantem viderit, aut suos querentem casus; li-  
bentiusque lugentem miseratur, & plorat, quam  
gaudenti collætetur, aut applaudat. Fortunæ  
commutationem se dolere ostendit, non huma-  
nitate, seu charitate commotus: verbis priora  
collaudans, sed grauiorem proximo calamita-  
tem ex horum memoria, ac desiderio faciens.  
Puerum filium post mortem extollit, verbis or-  
nat, quam fuerit formosus, quam ingeniosus,  
quamque ad omnia accommodus, cum viuo ne  
linguæ quidem vsum rectum dedisset. Quod si  
plures in eandem concurrentes laudem conspe-  
xerit, rursus sententiam mutans mortuo inuidet.  
Demū præsens rebus ac saluis inimicus, per-  
euntibus verò amicus, ac misericors. Quid igitur  
hoc morbo perniciosius? Interitus vitæ, pestis  
naturæ, aduersa omnibus bonis ex deo venien-  
tibus, demum ipsi deo contraria. Serm. in in-  
uidiam.

### III. *De his qui filijs thesaurizant.*

**N**E filios tuos auaritiæ causam facias. Filios habes ? eis thesaurum sempiternum thesauriza. Relinque bonam filijs memoriam magis quam diuitias multas. Fac omnes filio tuo ratione pietatis, ac beneficentiæ patres. Necesse enim est te aliquando à vita discedere. Deinde filium relinques paruum, tutorum auxilio egentem. Si bonus, honestusque fueris, quilibet ex te descendente[m] uti suum nutriet. Reminiscetur quod & tu quoque orphanorum pater, dum licuit, fuisti. Si verò in malitia vixeris, ac multos in vitam lazeris, & omni fera truculentior fueris, ijs qui tecum commercium habent, demum cum hinc emigraueris filium tuum communem omnium hostem relinques. Quemadmodum enim scorpij filium quicumque aspexerit metuet, ne ubi per ætatem licuerit, patris venenū imitetur: sic item ex te descendentes liberos, ut paterna iniquitatis hæredes futuros, priusquam ad ætatem veniant, omnes caebunt, illisque insidiabuntur. Serm. in aliquot script. locos.

#### IV. *Contra immodicam cibi abstinentiam.*

**Q**Uod si illud cuius gratia ciborum abstinentiam eligimus, per immoderatam negligimus in ediam, contra agimus atque institui[m]us. Nam fracto, contritoque instrumento neque deo inherere per lectionis & orationis studium possumus: neque ad fratrum beneficentiam

tiam humanitatis officium obire. Igitur & corporis cura necessariò habenda est, non ipsius gratia, sed ut seruitio illius ad philosophiæ studia uti possimus. Qui enim seruum ita per in-  
ediam subijcit, ut non solum ad ministerium do-  
mini fiat inutilis, verùm nec sibi ipsi sufficere  
queat, quid aliud quam serui sui famulum se fa-  
cit? Necessè est siquidem corpore iam inualido  
ad seruendum, ac per infirmitatem tabescente,  
contra illi seruire dominum, dum semper circa  
infirmitatis eius curam versatur attonitus: nec  
iam exercitationis antiquæ meminisse præ hu-  
iusmodi occupatione permittitur, sed in serui sui  
obsequio vitæ tempus omne consumit. De vera  
virginitat.

*V. Masculorum, faminarumque  
contactus.*

FÆmineum corpus masculum attingens, aut  
contra masculum fæminæ, quamlibet hæc a-  
nimæ illis insitæ ratione moderentur, ad cõgres-  
sum tamen mutuò latenter incitantur. Ac veluti  
stuppa si stuppâ attingat, ignisque rutilans flam-  
mantem ignem, fumum ex se minimè excitant:  
stuppâ verò si ignem odorata fuerit, protinus in-  
flammata succenditur, neque opus est vllò admi-  
niculo, vlloue foris insufflante, ut ex ea ignis ef-  
fulgeat: sed simul atque illum attigit, mox in a-  
pertas flammæ erumpit: ita & fæmineum cor-  
pus masculum tangens, non multo labore, neq;  
in flam-

inflammante ad concubitum amore opus habet: sed cum naturali ad se inuicem rapiantur ardore, simul ac se contingunt, scintillam voluptatis fumantem intrinsecus sentiunt. Ibid.

## EX S. CHRYSOSTOMO.

### I. *Similitudines ex Homil. ad pop.*

*Antiochen.*

**G**emmae non in corporis mole, sed naturæ pulchritudine pretium habent: sic & scripturatum lectio. Ex 1.

Sicut corpora habentibus pingua, & valida nullum erit valetudinis emolumentum, si animus deiectus fuerit, & segnis & degener: sic & confectis nullum erit ex imbecillitate nocumētum, si animus generosus, & expergefactus fuerit. Ibid.

Quemadmodum latrones non vbi fœnum, & paleæ, & calamus, sed vbi aurum, & argētum, ibi fodiunt: sic & diabolus his maximè instat, qui spiritalia attingunt negotia.

Sicut citharædus neq; neruum intendit ne abrumpat: nec remittit vltra modum, ne harmoniæ concentum lædat: sic & deus agit. Nec in remissione continua, nec in longa tribulatione nostram constituit animam, secundum suam prudentiam vtrumque faciens. Non finit enim nos continua potiri remissione, ne segniores fiamus: non autem rursus finit in continua versari tribu-

tribulatione, ne concidamus, neue desperemus. Ex 4.

Aureum vestimentum pulchrum quidem est etiam cum videtur solum: multo pulchrius autem apparet circumpositum corpori: sic & dei mandata pulchra quidem sunt etiam cum leguntur: multo etiam pulchriora apparent cum expleantur. Ex 5.

Sicut si gubernatorem à naui separaueris, scapham submersisti: &, si ducem ab exercitu abducas, victos hostibus tradidisti milites: ita si Principes seu magistratus de ciuitate abstuleris, feris irrationabilibus magis irrationabilem degemus vitam, inter nos mordentes, & nos deuorantes, pauperiorem potentior, mansuetiorem audacior. Ex 6.

Sicut in virtute viuentes, & tribulati duplex habebunt præmium: sic & in vicio viuens, & gaudens duplicem habebit pœnam. Ibid.

Iuxta præcipitium vadens, quamuis non deciderat, tremit, & sæpenumero ab ipso subuersus tremore decedit: ita & non procul peccata fugiens, sed secus ipsa vadens, cum timore viuit, & in ipsa labitur sæpius. Ex 15.

Sicut in nequitia viuens & ante gehennam punitur conscientia stimulatus: sic meritis abundans & ante regnum magna fruitur lætitia, spe bona pascens animum. Ex 16.

Sicut in mare decidens immensum scintilla breuis facile exinguitur: sic quantacunq; deum  
timenti

timenti illidantur, velut in vastum Incidentia  
pelagas extinguuntur, atque perduntur. Ex 18.

## II. *Dissimilitudines.*

**I**N hominibus deposita suscipientes gratiam se  
nobis præstare putant, si custodiant quæ susce-  
perunt: in Christo autem contrarium. Non e-  
nim gratiam se præstitisse, sed accepisse dicit,  
cum deposita suscepit tua: & pro ipsa custodias  
quam circa pecunias tuas exhibet, non te merce-  
dem repetit: sed ipse tibi dat mercedem. Ex 2.

Iudices cum latrones ceperint, & sacrilegos,  
non quomodo ipsos reddant meliores conside-  
rant; sed quomodo ab ipsis peccatorum pœnas  
exigant. Deus autem contrà, cum aliquem ce-  
perit peccantē, non considerat quomodo sumat  
supplicium: sed quomodo ipsum corrigat, & me-  
liorem faciat, & in futurum inexpugnabilem.  
Itaque & iudex pariter, & medicus, & magister  
est deus. Etenim tanquam iudex examinat, & tã-  
quam medicus corrigit, & tanquam magister do-  
cet, prævaricatos in omnem disciplinam indu-  
cens. Ex 7.

Hostes, & qui volunt supplicium infligere,  
non modò id non dicunt; sed etiam id celantes  
inuadunt: ne qui puniendi sunt, si id rescuerint,  
euant. Non sic deus, sed contra omnino, præ-  
dicit, d. fteret, terrèt, nihil non facit, ut quæ mina-  
tur non inferat. Sic Niniuitis arcum intendit,  
gladium vibrauit, iacula parauit, ictum non in-  
fluxit:

Vixit ; ne telum quidem immisit. Homil. in Genes.

Multi qui donant præcipiunt ne alijs dicant, ne facta vni gratia multos excitet petaces ; quòd minus excusare, aut subterfugium inuenire possint qui vni dederunt, quò minus dent & alijs. Hoc quidem meritò curant homines, vt qui dādo fiant pauperiores : deus contrà clamat, & quò alijs dat prædicat, vt alijs rursus petendi à se occasionem præbeat. Dando enim maiores ostendit diuitias, diues in, & super omnes eum inuocantes. In Genes.

Hirundines alimenta suis pullis ab ore in os tradunt : nostra autem non sic, sed ab ore in aurē. Illa quippe in corruptionē, nostra vero in incorruptionem procedunt. Illa corpus, nostra autem animam impinguant. In Ioan.

### III. *Virginitas.*

Ex lib. eiusdem *περί παρθένιας*.

PRæclara est virginitas ? Idem ego sentio. An & coniugio præclarior ? & hoc vnà fateor, ac, si lubet, addam quoque illud, tanto præclarior ac præstantior : quantum cælum terra, quantum angeli hominibus ; quin si quiddam dicendum est liberius, etiam plusquam angeli. Hi enim etsi non nubunt, neque nubuntur, tamen carni, & sanguini non tenentur impliciti, nec in terris commorantur, neque cupiditatibus varijs agitantur, nec cibo, aut potu indigent, nec dulces



cantus eos emollire queunt, nec visu quopiam insigni, nec alia re huiusmodi vlla inflecti possunt: sed quemadmodum solem medio meridie, nulla nube obiecta purum cernimus: ita & illorum mentes nulla libidine perturbatas, pellucidas, & nitidas manere necesse est.

*Coniugium.*


Ex Amphilochio Episcopo Iconij in  
Occursum Christi, &c.

**C**Æterum venerabile coniugiū inter omnia dona terrena eminet. Vt arbor fertilis. Vt vetustissima stirps. Vt virginitatis radix. Vt anima, & ratione præditorum ramorum colonus. Vt mundi crescentis benedictio. Vt humani generis solatium. Vt diuinæ imaginis depictor. Quod dominum sibi bene precantem habet. Quod totum mundum sustentandum suscepit. Quod ei ministrat, quem & ad humanam naturam in se capessendam flexit. Quod libere potest dicere, *Ecce ego, & pueri mei, quos dedit mihi deus.* Aufer è medio honorabile coniugium, ubi quæso virginitatis florem inuenies? Inde siquidem, non aliunde flos virginitatis decerpitur.

*Christi generatio ex virgine, & regeneratio ex sepulchro comparata.*

Ex Epiphan. orat. de sepult. Christi,  
& descensu ad inferos.

**E**T accipe quæ circa duplicem Christi ortum contigerunt, & applaude miraculis. Angelus sanè maternam generationem annuntiavit: angelus quoque Mariæ Magdalenz eiusdem è sepulchro regenerationis fælicem nuntium apportavit. Noctu Christus Bethleemi nascitur: noctu similiter (cum adhuc tenebræ essent) in Sion renascitur. Dum gignitur fascijs, & hîc quoque lintels, tanquam fascijs involuitur. Natus myrrham, in sepultura quoque myrrham, & aloën suscipit. Ibi adest Ioseph Mariæ maritus nec maritus: hic Ioseph Arimathæus. Bethleemi partus iacet in præsepi: hîc in sepulchro velut in præsepi eius est locus. Pastores primi omnium natum prædicarunt: sic principes omnium pastores discipuli Christi eum ex mortuis renatum diuulgarunt. Ibi Angelus clara voce Virgini Ave dixit: hîc magni consilij Angelus Christus ad mulieres Ave te exclamavit. In prima generatione sua Christus expletis quadraginta diebus in terrestrem Hierusalem, in templum introiit, atque ut primogenitus par turturum obtulit Deo: at verò tediuius post diem quadagesimum in supernam Hierusalem ascendit, unde non discellerat, ac verè in sancta sanctorum, ut primogenitus ex mortuis, iam immortalis ascendit: Deoque & patri ceu duos turtures animam, & carnem nostram exhibuit: quem & ille antiquus electus, perinde ut Simeon quidã, tanquã in vlnas, in sinum suum inmensum recepit.



## SYNTAGMA NONVM.

## DIALOGI VIII.

I. *Expostulatio.*

DIDO, VIRGILIUS.

D. **Q**uid hominis es tu, qui aduersum lento procedis gradu, coopertus palla purpurea, & crines laurea circumdatus, ac nescio quid altum spirans, & suspirans? V. Ego sum P. Virgilius Maro. D. Eho, tu ne Maro ille, poëta mendaciloquus, qui calamo tuo probas, & castas nosti infamate mulieres? Iam pridem Mercurius, deorum superum, inferumque nuntius exposuit mihi, quam non ita pridem probrosa, & vanitatis plena de me in ora vulgi disseminaris, in tua diuinissima scilicet *Æneide*. V. Scripsi ego ve poëtis mos antiquus, & sollemnis est. D. Dij, deæque eradicent poëtas istos cum suo more pessimo. Quis vobis hanc fingendi, & mentiendi dedit licentiam? V. Fingere nos, & affingere etiam veris verisimilia, id est, quæ fieri potuerunt, quamuis nec facta sint vnquam, nec futura sint, omnino necesse est, si nomen nostrum iueri volumus. Ea tu mendacia per calumniam appelles licet: multum tamen à commentis vulgaribus, & anicularum fabulis discrepant:

pant: utpote ingenij, prudentiæ, ac doctrinæ  
 referta: dum genus aliquod & vniversum in spe-  
 cie: immò in vno quodam singulari, atque indi-  
 uiduo considerandum, & contemplandum pro-  
 ponimus: secus atque historici, qui singolaria vt  
 singularia, seu particularia persequuntur. *Αὐτὸ καὶ  
 φιλοσοφώτερον, καὶ σπουδαϊότερον πόλιν ἐστι ιστορίας ἐστίν.*  
 Idcirco magis quiddam philosophicum, & gra-  
 tius est poësis, quam historia, vt perhibuit Ari-  
 stoteles. D. Istuc sophisma tuum haud equidem  
 dispicio: & despicio, ac me grandi iniuria ma-  
 ctatam, nominiq̃ue meo notam sempiternam  
 abs te iniustam iure summo irascor. V. In quo  
 tandem? D. In quo? Ah, in eo, quod me re-  
 ginam, cuiusdam Æneæ Troiani exulis amoribus  
 irretitam blaterasti: qui ad me Carthaginem  
 iam tum condi cœptam, cum classe vnde viginti  
 nauium appulsus, atque à me hospitio liberali,  
 quin & cubili exceptus sit: cum is homo trecen-  
 tis, & amplius annis ante me natus fuerit, & è  
 Phrygia non in Libyam, sed in Italiam venerit,  
 vbi eius posteri demum LXXII. annis post me  
 Romam ædificauit. Verane proloquor? V. Ve-  
 ra. D. Cur adeo commaculasti famam meam,  
 qua tangebam sidera? V. Aperiam tibi myste-  
 rium. Quia cum magnitudinem Romanâ ab o-  
 rigine vetustissima celebrare instituissem, & Ro-  
 mulidas de stirpe Troiana oriundos, olim Afri-  
 cæ imperio potituros, sicut hodie potiuntur,  
 per ambagem significare vellem, hæc mihi fictio

peropportuna est visa, cuius auctorem, & Principem habeo nominare patrem Latinorum poetarum Ennium. D. Furtiferi, sciebatis me perpetuam viduitatem Sichæo meo pollicitam, & ne cum Iarba Mauritaniae rege matrimonium inire cogeret, quid vel precibus impetrare, vel minis extorquere à me nitebatur, in gladium incubuisse: nihilominus, quæ vestra fingendi libido est, Æneam peregrinum me in cōplexum admisisse, eiusq; discessu ægram animi in ensem illius irruisse, fabulari ad posteritatem voluistis. Nulla ne alia tota Africa reperta est fœmina nobilis, in qua delicias faceretis? V. Tu potissimum propter dignitatem summam habita idonea. Et de mortuis abhinc aliquot sæculis quid refert quid dicas, aut scribas? Silent mortui. D. Sed contra veritas cum tacet clamat; cuius vocem negligere haud est ingenui. Non ergo te facti pœnitet? V. Pol neutiquam. D. Hem impudentiam. Nec quod me ceu oestro percussam, & velut Menadem totam urbem concursantem introduxeris? V. Nec huius. Quin de tota Æneide mea nulla pars nec libentius, nec frequentius legitur, quàm quæ amores tuos in hospitem continet: adeò illic Apollo, & Musæ omnes mihi affuerunt, & in illis carminibus Gratiæ manus lauerunt. D. Adhuc in crimine tuo places tibi? Cur non item boni quippiam, & cum virtute coniunctum de me cecinisti? V. Ego verò istuc præstiti largiter. D. Quomodo? V. Ostendere regi-

reginam optimam, humanissimam, prudentissimam, benignissimam, liberalissimam, quæ summa æquitate ius diceres, supplices ad peregrinos beneuolè audires: egentes rebus omnibus iuuares. Audi paulisper. Cum Troiani in littus tempestate eiekti, ab indigenis vexarentur, & agnæ factæ aliquot in templum, vbi tum forte confidebas, tibi supplicatum venirent, sic te respondentem feci.

*Soluite corde metum, Teucri, secludite curas.*

*Res dura, & Regni nonitas me talia cogunt.*

*Moliri, & laicæ fines custode tueri.*

*Quis genus Aeneadum, quis Troia nesciat urbem,*

*Virtutesq;, virosq;, aut tanti incendia belli?*

*Non obtusa adeo gestamus pectora Poeni,*

*Nec tam auersus equos Tyria sol iungit ab urbe.*

*Seu vos Hesperiam magnam, Saturniaq;, arua,*

*Sine Eryci fines, regemq;, optatis Acesten,*

*Auxilio tutos dimittam, opibusq;, iuuabo.*

*Vultis & his mecum pariter considere regnis?*

*Urbem quam statuo vestra est: subducite naues.*

*Tros, Tyriusq;, mihi nullo discrimine agetur.*

Quid ad istam lenitatem, & affabilitatem addi potest? Inuitas eosdem ad regiam in hospitium. Ibi epulæ regali luxu instruuntur. Iis quoque, qui ad naues remanserant in victum mittis

*Viginti tanros, magnorum horrentia centum*

*Terga suum, centum pingues cum matribus agnos:*

*Munera latitiamq; Dei.*

Quàm insignis hæc beneficentia? vt obstupescens Aeneas meritò exclamet:

*Di tibi, si qua pios respectant numina, si quid  
Vsq; iam iustitia est, & mens sibi conscia recti  
Præmia digna ferant. Quæ te tam lata tulerunt  
Sæcula? qui tanti talem genuere parentes?*

*In freta dum flumini current, dum montibus um-  
bre*

*Lustrabunt, conuexa polus dum sidera pascet,  
Semper bonos, nominq; tuum, laudesq; mane-  
bunt.*

D. Surda sum. Apage. Malus tu mihi dedecus confluisti. quàm honorem habuisti. Quare opto, vt quidquid est in tartaro pœnarum, ad te sceleris tui vindicandi confluat. V. Haud malè agis gratias.

Conscribendi huius Dialogi nos admonuit Macrobius. 5. Saturnal. cap. 17. ubi lasciuia Marcis notat in fabula Aenea, & Didonis consingenda. Item Auson. epigram. LXI. In imaginem Didonis, quo de hac tam insigni iniuria à Marone sibi illata grauem habet querimoniam. Conuertit autem Ausonius quæ dicuntur ex græco ἀποπτόω, de lib. 4. Anthologie.

## II. Lucretij locus explanatus.

FABIANVS LVCILIVS

Studiosi.

F. Quàm



F. **Q**uam elegantes, & Suauidici, Lucili, sunt versus illi elegantissimi poetarum Lucretij lib. 2. de fidium, neruorumque cantibus, qui celeri, & artificiofo digitorum motu in muficis instrumentis, ijs videlicet, quæ fidibus siue æneis, siue pelliceis instructa, & adornata sunt, excitantur? L. Quinam illi versus? ceddò: haud enim memini, quanquam legi Lucretium: sed non plus semel, & cursim. F. Timuisti, credo, ne si cum mora, & cogitatò legeres, aliquis te crocodilus, vt canem è Nilo prætercurrendo bibentem inuaderet. L. Haha. Vni libro diu affixam manere non est è consuetudine mea. Tibi, homini diligentissimo, & litterarum voracissimo istuc laudis relinquo. Sed ad rem. Profer illos versiculos, amabo. F. Hi sunt.

*As Musæ mele, per chordas Organici quæ Mobilibus digitis expergefæcta figurant.*

L. Bellissimi versus, per Musas ipsas, & Apollinem. Nunc si quid paratum habes, quod super illis differas, faciam ego me auritum. F. Primum sonores ipsos harmonicos illos, ex diuersitate quadam in vnum, & compositum redactos, mele vocat, à μέλος, quæ vox propriam sedem accepit in carmine. Cum autem carmina ad lyram, & citharam cani quondam solerent, hinc modus pro ipso cantu cœptum est dici, & μελωδῆν cum modulatione canere, L. Rectè. Sed cur Musæ mele? F. Quandoquidem Musæ quibusuis cantibus, & instrumentis præsident:

& Musica à Musis, non contra Musæ à Musica nomen ducunt. L. Placet ratio. Nam si Musica præluderet Musis, nos ἀμυτῖκῶς deam parum propitiam sentiremus. Organicos appellare puto, quos vulgò Organistas nominamus. F. Etiam. Et cum ὄργανον sit latinè instrumentum, scito vocem eam non ad illud fistulare duntaxat, verum etiam ad alia posse accommodari, quæ communi vocabulo Instrumenta à Musicis nostris, à quibusdam Virginalia, quasi virginibus convenientia, seu quibus virgines cantare, & ludere deceat, nuncupantur: immò ad lyras, testudines, citharas, chelas quoque: quibus qui canūt, omnes Organici à Lucretio audirent. Lepidè autem *expergescēta*, velut si consopita cum chordis, & fistulis suis iacerent illa meles, & necesse haberent Organicorum digitis è somno expergesceri, eorumque agitatione, & mobilitate, siue per claves, vt vocant, siue sine clauibus modulos, & figuras certas accipere, quod *figurare* dicit. Vndè sermo vsitatus de symphonia vocum, & artificiosa musica, *figuratè* canere, & germanicè *figurieren*. L. Vide, hucusque me latuerunt istæ figuræ: dissimiles vtique figuris Grammaticorum atque Rhetorum. F. Potest item dici *figurare*, quod plerique cantores omnes *colorare* appellant. Colorantes quippe vocem inflectant, & figurant mirabiliter. Et, nisi fallor, colores illi vocales græco etiam vocabulo *χρῆματα* nomen sortiuntur, & sic à Boëthio indigitan-

rantur: voces vinnulatas quidam dici volunt, à vinno, hoc est, cincinno molliter flexo: vt liceat ad id ipsum dicere *χρῶματιζεν*. L. Bene disseruisti. Ego doctior quàm veneram discedo.

### III. *Amici ex longa peregrinatione reuidentes.*

DOROTHEVS, TIBVRTIVS.

D. **E**la, quem ego ad me ingredientem conspicio? T. quem cōspicari, conspicerē, & aspicere optares maximè. D. Hem, Tiburtio meo consimilis es. T. Mirum ni possit quisquam sui non esse similis. Ego ipse sum Tiburtius. Ecquid agnoscis? D. Tiburtius? O dulce caput. Vt ego te post septennium peregrinante reuidentē intueor libens? Et prae lætitiæ lacrymæ prosiliunt mihi. Salue multum, homo mi oculissime, & si quid charius est oculis. T. Salutem ego vicissim tibi propino plenis faucibus, mi desideratissime Dorothee: cuius ego absens tam fui assiduum memor, quàm non sum oblitus mei. Vt vales? valuisti? D. Et valeo rectè, & valui: sed nunc te reduce bis tanto valeo quàm prius. Tibi verò, mi optatissime Tiburti, num valetudo semper constitit? T. Qui potest tot terras peragrans, ac toties victum, ac cælum mutans? Veruntamen emerſi, Deo miserante, è commotiunculis, & febriculis, quæ me aliquoties inuaserunt. D. Qui nam à dilecta patria tot annis abesse, & te tanta

iucunditate priuarum ire potuisti? Nullus enim locus domestica sede iucundior. T. *Omne solamen  
forti patria est, ut piscibus aquor.* Et patria est, ubi-  
cunque bene est. Et peregrinatio cum laudata,  
tum usurpata est etiam à sapientibus. D. Non  
negarim, habere illam utilitates suas. Sed ex pa-  
tent vobis, quos adamantina coniugij vincula  
nondum constringunt, & domi veluti in custo-  
dia adhærescere, vxoriq; & familiæ seruitutem  
permolestam seruire cogunt; vt me miserum, cui  
cum vxore aduenerunt in ædes trecentæ maxi-  
mæ, malæ cruces. Verè astrictus, & alligatus sum  
mulieri, & mulieri litigiosæ, & morosæ, & obla-  
tratrici, quam lætius prosequerer ad tumulum,  
quàm induxi in thalamum. T. Nota mala res o-  
ptima. D. Confideamus. Puer, apporta sellas.  
Narra mihi, Tiburtti, quas regiones tanto tem-  
pore obieris. T. Hocagam. E Germania disce-  
dens, primùm in Galliam profectus sum, atque  
adeo in principem illius regni urbem Parisios.  
Ibi vixi biennium. Quæris quid egerim? Nomen  
meum inter Studiosos professus, Iureconsultis  
audiendis in Academia operam dedi. D. Floret  
ne ibi hæc disciplina? T. Sanè: nam & Doctores  
ipsi sunt eruditi, & exercitati; & auditores sedu-  
li, ac frequentes. Excipio noctiuagos, qui, cum  
*prima quies mortalibus agris Incipit, & diuinum do-  
no gratissima serpit,* ipsi foras libenter ambulatū  
eunt: quales in Academijs nusquā desunt. Lu-  
braui deinde præcipuas vrbes, Rhotomagum,  
Aure-

Aurellam, Biturigas, Remos, Burdegalam, Tholosam : linguam didici, mollem planè, & delicatam, Mores gentis, ritus, leges, magistratus, & instituta cognoui. Me tamen omnia haud ita ceperunt, ut me Germanum potius, quàm Gallum esse natum pœniteat. D. Est tamen natio humanissima. T. Et alia in orbe Europæo scilicet: nam hæc pars mundi in hoc cæteris antecellit. Inculiores, & agrestiores Asiatici, & Afri. Multa queo narrare, quæ in Gallia memorabilia obseruaui, ut in alijs item prouincijs. Sed ad eorum memoriam recolendam opus est tempore: & ego cum ocreis, & calcaribus, & penulatis, ut cernis, simul ab equo descendi, ad te salutandum, & complectendum festinaui. Regiones nominabo in quibus hoc annorum interuallo vitam degi, id quod scire cupiisti. D. Probè. Quò ergò ex Gallia discessisti? T. In Belgicam. D. Vidisti, credo, Academiam Louanensem. T. Et Duacensem, Dorothee. D. Audio Studiosos! Louanij sedere scamnis humilibus, ac pæne humi, & excipere magistrorum dictata super genua, nulli pluteo incumbentes, vsque ad Baccalaureatum. T. Ita est, & vidi oculis meis. D. Graue hoc nostris accideret. Sed consuetudo difficultatem leuat. T. Gens candida, lacte, butyro, caseo, cibis frigidis delectatur. Vini vsus apud eam rarus, & carus; nec tamen desiderantur ebrij. Cereuisiam bibunt; verùm nostrà aliquantò meliorem. Ample, & præclaræ vrbes in Belgica, ut item in Gal-

I. &, quod postmodum vidi, in Hispania, & Italia multæ, non, vt apud nos, oppidula plurima. D. Caue sis vilipendas hac in parte nostram Germaniam; in qua etsi latæ vrbes nō adeo multæ, multi tamen, & latè parentes principatus, eximiaq; & frequentissima nobilitas: multæ Respub. seu liberæ ciuitates: multi episcopatus: & penes Germanos est Romanum imperium; vt de alijs eorum laudibus taceam. De peregrinatione Belgica perge porrò dicere, si quid restat. T. Nihil, hoc quidem tempore tam angusto. In Hispaniam inde nauigauī. Inueni indigenas religioni deditissimos; monasteria vtriusque sexus propè innumerabilia: Religiosos, ac sacratos viros philosophiæ, & theologiæ scientissimos: alios vel medicinæ faciendæ, vel iuris tam ciuilis, quàm Pontificij peritissimos. Omnium prælectiones, & disputationum concertationes Salmanticæ, & Compluti potissimum audiui cum voluptate sæpius. Humanitatis litteræ æquè studiosè illic non coluntur: quia honos videlicet alit artes: etsi proferri possunt ex ea gente Patrum memoria etiam harum artium doctissimi. Ne hac quidem tempestate quosdam in ijs summos, & singulares illic reperiri dubito: sed hi ex monumentis suis, si quæ forte ediderunt, cogniti mihi, perspectique nondum sunt, præter paucos videlicet. D. Vina Hispanica fecerunt ne stomacho tuo? T. Fecerunt; sed Neptuno temperata. A nobiscum, quibus infirmior Bacchus pocula miscet,

pura

pura salutariter propter firmitatem suam vix bibuntur. D. Vidisti ne structuram regiam, quam Escuriale nominant? T. Equidem vidi. Christe sancte, nihil magnificentius, splendidius, ornati-  
us extare puto in terris. Vtique tanto rege, & vel ipso Salomone dignum ædificium. Petrexi & Compostellam, vbi S. Iacobi Apostoli ossa cō-  
duntur, & ab aduenis reuerendissimè cum pre-  
tiosis, & innumeris anathematis coluntur. De Hispanica commoratione mea hætenus. Multa illic antiqua monimenta, quorum inspiciendo-  
rum facta mihi copia. In Italiam abeamus, Euro-  
pæ decus, orbis delicias. Hic ego multis de caus-  
sis prope quadriennium exegi, & vniuersas præ-  
ne vrbes illustriores contemplando perambula-  
ui: in quibusdam etiam habitavi: vt Veronæ,  
Florentiæ: præsertim autem Romæ: Romæ: in-  
quam, quæ, vt olim imperij omnium gentium,  
ita hodie omnium sanctitatum est clarissimum  
domicilium. Quanta illic Ecclesiæ Catholice  
maiestas? quanta Pont. max. Præsidis religionis  
Christianæ & Vicarij summi Pastoris, purpura-  
torumque Patrum veneratio, græuitas, auctori-  
tas? quàm venerabiles, & multi Religiosorum  
cœtus, sacrarum Virginum Collegia? quanta ci-  
ulium humanitas, & affabilitas? quæ piarum a-  
ctionum quàm ardentia studia? quæ rerum o-  
mnium copia æquàm multæ, & insignes verusta-  
tis reliquiæ? Bibliotheca autem Vaticana omnium  
bibliothecarum caput. Hoc affirmare non vere-  
bor



bor: qui in Italia Romam non vidit, nihil vidit.  
 Dies me citius relinquat, quam illius augustissi-  
 mæ vrbis decora enumerem vniuersa. D. Ado-  
 lescens Romæ fui, & attentior dictis tuis. T. Hæ-  
 sunt prouinciæ quas peragtaui. Hierosolymam  
 quoque petiuissem forsitan, si eò nauigandi fuisset  
 occasio: & terram illam à Salvatore calcataam,  
 & eius sanguine irrigatam exosculatus essem.  
 Peregrinationum satis. Iam tempus monet, reli-  
 quum ætatis habere in patria, & ei, quo pacto li-  
 cebit, & potero, inferuire, & ante omnia conco-  
 lore fieri mortuis, hoc est, studijs impallesce-  
 re, & remis velisque fugere nuptiarum volupta-  
 tes amarissimas. D. Rectè feceris. T. Vale. D. Ex-  
 tu, mi Tiburri. Cras mecum prandeas volo. T.  
 Promitto. *Bellissima est epistola Iusti Lipsij XXII.  
 Cent. 1. Miscellan. de perigrinatione: quam ea-  
 tenus commendat, quatenus in ea non voluptas so-  
 la, sed cum ea utilitas etiam queratur: quam quidē  
 triplici limite, prudentia, scientia, morum desi-  
 gnat.*

#### IV. Actio ingrati.

HOMERVS, RHADAMANTVS,

VIRGILIUS, CICERO.

H. **Q**uoniam Iupiter opr. max. patens tuus,  
 Rhadamante, propter summā quam in-  
 ter mortales degens habebas opinionem prudē-  
 tiæ, & æquitatis, te hîc apud inferos iudicem cō-  
 stituat,

Aicute, qui quemq; fateri subigas, quibus se sceleribus apud superos inquinauerit, nec ea ante supremum diem eluerit, te etiam atque etiam rogo, ut querimoniam meam iustissimam benignè, attenteque audias, & me de homine isto ingratiſſimo pro iustitia tua vlciscare. R. Dicite causſam tuam. Ausculto. H. Qui hîc aſtat mecû, ei nomen eſt P. Virgilio Maroni. R. Teneo. Quid fecit tibi? H. Poëma composuit libris XII. de Ænea Troiano, quem vrbe capta, & euerſa per varios caſus in Italiam cum reliquijs Troianorû deducit. In Italia bellum gerere facit cum Turno quodam Rutulorum rege pro Lauinia Latini regis filia: qua ducta urbem condit, & per poſteros ſuos tandem Romanæ genti dat initium. Prior huius Æneidos pars pacifica & quieta, poſterior bellici tumultus, & armorum plena eſt. Siccinè res habet? Latine Poëta. V. Habet verò. H. Nunc magnam partem fictis narrationibus ſuis quemadmodum ſe geſſerit accipe. Videbat me Iliadem, & Odyſſeam, duo longa poëmata conſcripſiſſe, quæ totus orbis ita admiraretur, ut pænè cæleſtes mihi honores decerneret. In priore Græcorum, Troianorumque pugnas ad Ilium libris XXI V. in altera Vlyſſis, viri ſapientiſſimi, quique Græcis ad victoriam manu, conſilioque plurimum commodauit, reditum in Ithacam inſulam, regnum eius totidem libris exſecutus ſum, exponens quibus periculis, & calamitatibus eſſet in ea nauigatione conflictatus.

Ad hanc ideam iste bonus pictor picturam suam direxit, & veluti ex grandi imagine mea suam pusillam debitis proportionibus depinxit, totamque oeconomiam ad suam breuitatem accommodauit; & inuentionibus suis, si modò suis, me luculenter est deprædatus, ac tam multa passim à me sumpsit, vt quidam ijs adducendis, ac notandis, posteritatiq̃ue vtiliter prodendis, volumina inde compleuerint. Redargue me si potes V. Perge accusator, perge. H. Nulla pæne apud eum insignis comparatio reperitur; nullus illustrior locus, quem mihi non surripuerit. Denique adeo à me pendet, vt nisi me monitorem, ducem, inuentorem habuisset, præclarum illud opus suum contexere nunquam potuisset. Esto, fuerit me accuratior, & limatior, adhibueritq̃ue plus iudicij, vt ipsius patroni, & Homeromastiges ostendere annituntur; multum tamen mihi debebat, vt filius parenti. Ego Virgillum, vt Iupiter Mineruam de capite, hoc est, de ingenio meo genui: ego eum tantum quantus est feci. R. Quid tu ad hæc? an mutire audebis? V. Scio te patrem poëtarum, vocari solitum. Veruntamen nō ex tuis chartis tantummodo, sed ex alijs quoque poëtis veteribus Græcis, ac Latinis, velut apes sedula ex diuersorum florum succis mella mea collegi. Ac proinde non est, quod mihi tantopere plagij crimen intentes. H. Oho ex alijs. Ex Ennio, & Lucretio, & illis alijs genera quædam loquendi, à me totam ædificij tui descriptionem

ptionem, & omnino plus, quàm aliis quiscquàm  
 subduxisti. V. Atunt te quoque ex Sibyllinis, &  
 Orphel versibus multa hæsisse. H. Quo teste?  
 V. Viris doctis. Extarent modò illorum genui-  
 na poemata, tum te tanquam feram laqueis it-  
 teritam teneremus. H. Tu primum pro te sa-  
 tisfacito; postea me accusato, si voles. V. Ut se-  
 cerim quæ tu criminaris, tamen sunt qui id mihi  
 laudi dant, non crimini. H. Nec ego id valde  
 reprehenderem, cum ingeniosè, ac prudenter  
 aliena in tua conuerteris, si non aliam in culpam,  
 & quidem viro probo, ac liberali indignam in-  
 didisses. V. Eia in culpam. Quam in culpam? qua-  
 so. H. Ingrati animi: quod vitium dii atque ho-  
 mines oderunt. V. Id argumento astruas velim.  
 Nam affirmare cuius est facillimum. H. In VI.  
 de beatis in campis Elysijs sic prædicas:

*Quiq; sacerdotes casti dum vita manebat,  
 Quiq; pii vates, & Phæbo digna locuti, &c.  
 Omnibus his niueâ cinguntur tempora vittâ,  
 Quos circumfusus sic est affata Sibylla,  
 (Museum ante omnes, medium nam plurima  
 turba*

*Hunc habet, atque humeris extantem suspicis  
 altis.)*

*Dicite felices anima, tuq; optime vates, &c.*  
 Cur hic Homeri nulla penitus mentio? Cur Mu-  
 sæo potius tantus est tributus honos? Siccine tu  
 bene meritis gratias refers? Nominas tu quidè,  
 seu potius circultione quadam, & figurate defi-  
 gnas

gnas In Bucolicis Theocritum, & Hesiodum, à quibus modicum quiddam traxisti: me, à quo os-  
 sa, nervos, spiritum, ac sanguinem habes cur  
 præterire omnimodis voluisti, & gloriæ meæ  
 per vocem tuam illustrandæ invidisti? O te in-  
 gratum, ne dicam implum. R. Vix euades in-  
 fortunium, Virgili. V. Timui, ne si tui honorifi-  
 cè meminissem, occultè, & tacitè admonere vi-  
 derer legētes, me tibi debere plurimū, cum totū  
 partum meum solius studerem existimari. Et  
 quia Musæus visus est honorabilior, quod anti-  
 quior, & theologus, ipsius Orphæi aut discipu-  
 lus, aut filius, & ita Calliopææ nepos. H. Nuga-  
 ris: arrogantia, & invidia tibi os obstruxerunt.  
 R. Verisimilia loquitur Homerus. H. Ergo pœ-  
 nam nocenti impone, domine Rhadamante. R.  
 Sic faciam, si prius Ciceronem, qui aduersus  
 eundem, paratus est dicere, audiuerō. Dic M.  
 Tulli, si quid vis. C. Eadem mihi, iuste iudex,  
 conquerendi causā propemodū cum Home-  
 ro. Nam etsi hunc vatem Mantuanum à me tran-  
 stulisse multa affirmare nequeo, licuisset tamen,  
 cum Catilinam apud inferos minaci pendente  
 scopulo, & furiarum ora tementem narrat, ali-  
 quam mei mentionem iniicere, qui cura, prou-  
 dentia, laboribus, vigilijs, periculisque meis, à  
 meorum ciuium ceruicibus exitium certissimū,  
 ab illa Furia meditatum depulsi, & repub. con-  
 iuratorum nefando scelere occasuram conser-  
 nauī. Ego Catilinæ Catilina fui. Ego illi faces ad  
 incen-

incendium urbis iam accensas de manibus extorſi, & quos ad optimum quemque iuglandum cum ſuis enſes diſtrinxerat, in ipſorum capita converteri. Huius meæ laudis obiter commemoranda nunquid Virgiliuſiſte, poeta celeberrimus opportunitatem non habuit? opportuniſſimam habuit. R. Quid aiſ? Cur de hoc viro reipub. tam amante, ob quam & vitam amiſit, & pænè Romulo altero tam altè ſiluiſti? V. Conſtat inter omnes Æneidem meam ultimam manum deſiderare, & me in emendatam reliquiſſe; id quod ſub obitum meum teſtamento teſtatus ſum, quo in ignem ut conijceretur mandavi; alioqui & tui, M. Tulli, & tui Homere, forſitan præclarè meminifſe: ſed fata me intempeſtiue huc in communem locum abire compulerunt. C. Quomodo intempeſtiue? Vndeſcilm annos in illud poema impendiſti, & tibi, ob exiguitatem ſcilicet temporis, noſtri in mentem venire non potuit. Fallaciſſime homo, contemptus quidam noſtri & invidia te cohibuit, nihil aliud. V. Oh neutiquam. H. Immo proſe&ò. R. Vincunt argumenta. Pœnas te ſubire oportebit, velis nolis. V. Rogate, Rhadamente, ne ſæul, quandoquidem de populo Romano, de poëſi, de lingua latina, de bonis litteris adeò non malè ſum meritus. Vbi plura cernuntur bona, conſuendum eſt in paucis malis; ſi tamen hæc mea errata verè mala dici queunt. Si iuſtus es, et clementiæ aliquid loci dabis. R. Aliquid remittam de

summo iure, & Tisiphone impetabo, vt non plus septem plagas flagello suo tibi pro peccato in vtrumque incutiat. V. Væ væ terno meo.

*Huius Dialogi occasionem, & argumentum nobis porrexit Muretus, Variar. lib. 18. cap. 14. Virgilium in reprehensionem adducens, qui de his duobus, omnium seculorum viris maximis ex quadam inuidia verbum nullum uspiam fecerit, cum percommode tamen potuisset.*

V. *Quid sentiendum de illo S. Hieronymi, Ciceronianus es, non Christianus.*

CALLISTVS. FAVSTINVS,

GEORGIYS.

**C** Ad Eustochium Romanam, Paulæ filiam, Deo consecratam virginē scribens S. Hieronymus de custodia virginicatis, eamque ad seculi vitia, improborumque consuetudinem fugiendam, & ad externorum librorum, præsertimque Poëtarum nimis sedulam lectionem deuittandam adhortans, narrat, se, postquam deserta domo, parentibus, sorore, cognatis, lautioribus cibis Hierosolymam; Deo militaturus utique, bibliotheca, quam Romæ sibi comparauerat eodem translata migrauerit, Ciceronem & Plautum studiosè euoluissè. Laborantem porro febris grauissimè, & iam propè moribundum, raptum ad tribunal iudicis, interrogatumq; de conditione, & statu, Christianum esse respondisse.



disse. Sed audisse vicissim, Mentiris; Ciceronianus, non Christianus. Mox plagis dirissimis coopertum, Iudicis misericordiam implorasse, & deinceps libros sæculares non lecturum spondisse: atque ita, deprecantibus etiam qui circumstabant, dimissum esse. Nec somnum, aut vanum fuisse somnium, oculos lacrymarum plenos, & lucentes scapulas indicasse. Hæc totius narrationis summa est. Quid vos duo, quid de ea sentitis? F. Recordor historiam hanc, à quibusdam doctis leuioris armaturæ, ut sic loquar, sæpius cantari solitam aduersus eos, qui se Ciceroni lectitando admodum dedidissent, eumque virgermanæ latinitalis parentem, & eloquentiæ perfectum exemplar scribendo imitari omni conatu conarentur. G. Hi vero mihi non magis vel accusandi, vel irridendi videntur, quam vniuersæ in studijs humanioribus, aut in certis quibusdam, ijsq; non sacris auctoribus terendis seduli atque assidui. Quorum tamen contentionem, & ardorem reprehensum it nemo probant omnes. C. Tota sancti viri expositio consideranda est attentius: unde iudicabitis ideo verbis, & verberibus castigatum, non quod illos legeret, quos legebat: sed quod monachum iam professus, eos legeret auidius, & maiore cum voluptate, quam eius statui conueniebat: ut sacras litteras velut inculto sermone horridulas, ac sordidas despiceret, easq; fastidiret, & profanis illis scriptoribus, potissimumq; Ciceroni ita in-

hæreret, ut sanctis, & melioribus locum non relinqueret, Christianum se oblitus. Hanc, inquam, illius mulctæ causam afferre non alienam possumus. Sic magnus ille Theologus, & diuinus Orator Greg. Nazianzenus ep. 43. Greg. Nyssenum reprehendit, qui depositis studiis sacris, & libris quos populo prælegebat, rhetoricæ, & eloquentiæ professionem susceperat. G. Probabiliter hæc abste dicuntur. F. Et plus quam probabiliter: nisi nobis eius exemplo omni genere profanorum studiorum in perpetuum interdictum censemus; quod nec sanctorum Patrum quidem quisquam aliquando putauit; quorum prout colendis, ac celebrandis & illustri exempla, & præclarissime dicta memorantur. G. Veruntamen hic scrupulus quidam me angit, quem tu, Calliste, ex animo mihi euellito. C. Si sciam modò, poterò quæ. G. Qui ad Eustochium soporem, & vanum fuisse somnium negat, quomodo Rufino antagonistæ suo, illud ipsum, & promissum apud tribunal de sæcularibus libris de cætero ab se non legendis obijcanti respondens, merum, & vanum fuisse somnium conitaret, nec semel tantum affirmat? *Hac diceret, inquit, si vigilans promississem. Nunc autem (nouum impudentie genus) obiicit mihi somnium meum: sed qui somnium criminatur, audiat Prophetarum voces, somnii non esse credendum: quia nec adulterii somnium ducit me ad tartarum: nec corona martyrii me ad celum leuat. Quoties vola-*

*re super terras, & montes, a c mariâ natatu trans-  
fretare? Cogât ergò me non viuere, & pennas ha-  
bere per latera, quia vanis imaginibus mens sepe  
delusa est. Quanti in somnis diuites, apertis ocu-  
lis repente mendici sunt? Sitientes flumina bibunt,  
& ex perrectis siccis faucibus astuant. Tu à me som-  
niū exigis sponsum. Quid hîc, amabo, dicemus?*

*Somnium vanum non fuit: somnium vanum fu-  
it? An in dialecticis contradicentia, siue aien-  
ria, & negantia simul vera sunt? Haud opinor.*

*C. Neutrobi eum vt falsum redarguere audeo,  
cum etiam post hoc somnium, siue non somni-  
um Gentilium scripta legisse, ex epistolis eius,  
& ea in primis, quæ est ad Magnum Oratorem,  
de Eloquentiæ laudibus, satis appareat. Quod  
si dum scriberet, ad profanos scriptores identi-  
dem respexit, eosdem & legisse consentaneum  
est: lectulo enim scriptioni alimentum. Nisi quis  
sentiat, tam excellenti memoria fuisse, vt sen-  
tentiarum, & locorum quos adducit obliuisci  
non potuerit. Sed demus ad legendum rediisse,  
sine controuersia moderationem adhibuit, & sa-  
cras lectiones profanis longè anteposuit. Legit  
autem, vt disertus, & eloquens euaderet; & lu-  
cubrationibus suis decus quoddam, & ornamen-  
tum adiungeret: quod Christiano non solum  
haud nefas, verum etiam honestum, & laudabi-  
le est: nisi quæ de externis litteris cum nostra  
philosophia coniungendis Clemens Alexand.  
Basilus, Nazianzenus, Theodoretus, ipsemet*

*Hh 4 Hiero-*

cumfusa semper, atque obsita meæ claritati parem te prædicare non vereberis? In malam rem cum ista arrogancia tua. Nihil nisi umbra terræ es, quam Sol parens meus, post occasum inferius hemisphærium decurrens, salsum emittit; qua, velut atro quodam velo interiecto, terrarum, cælique aspectus adimitur mortalibus. Et sic te Poetæ nominant. *ruit Oceano nox Inuoluens umbra magna terramq; polūq;.* Nox & *scaruleam terris infuderat umbrā.* Et medium luci, atq; umbris iā diuidit orbem. N. Ergo & ego Solem patrem habeo: siquidem eius occubitus me generat, ut tu te ais, D. Sicut Principis abitus, & absentia generat mala, quæ ipso absente in repub. oriuntur. Num tu eorum malorum verè patrem, & auctorem dixeris? Me aduentu suo producit quotidie, & effector meus est. Declarat autem vel appellatio tua, nihil esse in te commodi, imò multum incommodi: a nocendo enim Nocti est indicum vocabulum. Quis autem omnia tuā nocumenta enumerarit? Mater es otij, & inertiae. Nam dum tu vbes, & pagos obruis, agi tot horis fraud quidquam potest; nusquam pes promoueri sine lucerna, ac lumine, cui tu inimica es. Comestantium, compotantium, futurum, scortatorum, ac maleficorum denique præses, & patrona es. Nihil propemodum mali facinoris reperitur, quod hortante, & adiuuante nocte non perpetretur. Adeo tempus tuum ad malè agendum opportunum, & accommodatum est. Nemo enim

dum scelus aliquod obit, se conspici, & cognosci vult: tenebras quaerit, noctem quaerit. Luna, & stellis gratia habenda sunt; quae nonnunquam fulgore suo in hominum gratiam horrorem tuum imminuunt, & quippiam operis fieri sinunt. Non ab Oceano, quod poetae fabulantur; sed à caliginosis Erebi specubus videris emergere. Humida cum sis perpetuo, humor tuus infestus est hominibus; ijs maximè, qui aut scabie, aut febribus, aut alio demum morbo sunt impliciti: noctibus enim ingrauescit, & cruciat miseros amplius. Quid dicam de partibus, quos tibi antiquitas tribuit? Amor, dolus, metus, labor, fatum, somnus, rabies, rixa, inuidia, Parca, mors, senectus, fraus, pertinacia, querela, tenebrae; miseria haec sunt proles tuae: de istis quantum voles te iactato. N. Tu quidem mea dedecora, ut credi vis, recensuisti, & in me vituperanda profecto haud minus fuisti. Ego tibi quae nescis, aut scire dissimulas regeram de meis laudibus. C. Ohe laudes. N. Praetermitto illa, quae de Nocte poetae veteres cecinerunt: esse nimirum deorum antiquissimam, cum ante illorum ortum loca omnia repleuerit. Esse matrem ac nutricem siderum, matrem aetheris, & dei: illi quondam cantatos hymnos, facta sacrificia. Taceo nomina, quibus me honorant: de vno duntaxat pauca dicam. *Ἰννομένης*, quasi bene sapientem me nuncupant, quod nocturno tempore homines ad considerandum, & consultandum propter summum undique silentium

flum sint aptiores. Vnde illud, *In nocte confilium*.  
Lacedæmonij quoque conuentus de rebus gra-  
uissimis in noctem reijcebant. Ipsam tuam lu-  
cem excipientes mear tenebræ mortalibus gra-  
torem, & expectatiorem efficiunt; quibus &  
aurora quàm meridies magis in desiderio est. Su-  
bit eos lucis fastidium, ad nocturnam quietem  
cōhelantēs. Tædet laboris, & diurni operis: fef-  
sos artus somno teledare, & ad insequentem la-  
borem per noctis spatium reparare cupiunt. Sua-  
vis lux, suavis somnus. Et compellunt tenebræ  
næræ vel inultos labori finem imponere, vt vitæ,  
vt valetudini, vt viribus consulatur. Ego foris  
versantes domum reuocō, feras è latibulis ad li-  
berè, ac tutò pascendum educō. Et quoniam ho-  
mines certis temporum spatijs vitam definitam  
degunt, eos mensuras temporum, & partes sci-  
re opus fuit. Quod enim pacto, si absque vlla vi-  
cissitudine luxisset, vel annorum orbes, vel men-  
sium numerū discere, & cognoscere potuissent?  
Vnica, & continens dies totius spatij, quod in  
hæc vita decurrissent, mensura fuisset; nec cuiquā  
quot dies, menses, annos vixisset scire licuisset.  
Igitur nox diei succedens temporis mensura est.  
Quæ cum septies diem exceperit, hebdomadis mo-  
ram completam intelligitur. Denique nec sine  
die nox, nec sine nocte dies: vt spatium tempo-  
ris inuicem ad vsus hominum mutuemur, & be-  
nevolè reddamus. Ostendi quid prosum morta-  
libus ægris. Te quid accusem, non habeo. D. Vt  
tenebræ



tenebræ tuæ, sic lux mea est propria, qua accedente, rerum quarumcunque varietas cum delectatione agnoscitur: sine qua sepulta iacerent omnia. Non est aliquid luce, hoc est, die (quippe cum lux est, dies est: & cum dies est, lux est) acceptius, optatius; commodius, potentius, facundius. Nihil ad mundum exornandum decentius, cum qua, cum luce, inquam, per se pe coniungitur, comparaturque ipsa diuinitas. Quem quis luce, & aspectu dei prohibet, simul ei oculos effodiat. Per diem augescunt, & crescunt omnia. Dies aptus est negotijs. Dies desideratissimus afflictis mentibus, nec somnum capientibus corporibus. Dies est solis supra nos cursus: sol est mundi lampas. Quid multa? dies vna optatior, & melior quam centum noctes: & brevis lux gratior tenebris longissimis.

## VII. *Artes mendicorum.*

SYMPERTVS, OSVALDVS

RICHARDVS.

S. **H**Eu me. Quousque tandem nos mendicabula aut in vijs pratorijs, seu militari-  
bus sessitabimus; aut domos in urbibus perreptabimus, & stipem cogere cogemur? Spes melioris conditionis pro nulla affulget. Affulgeret forsitan, si ligonem, aut rastrum, aut securim, aut stiuam in manus sumere liberet. Sed ego iam vetulus sum. Præterea laborare mendicis taurus Phalaridis est. Otentium abiit, cum ex arte quæ  
factita-



fastidabam molitaria, ad hanc miseram, & inertem artē exercendam, infelici fato adactus sum: quam necdum perfectē dici: quia indocile ingenium nactus sum. O. Sed illam perfectē didiceras, opinor, ob quam vulgō male audiunt molitores. Sapienti pauca, S. Quin taces, furcifer? nifaxis, cōtinuū pugnus in mala hærebit. Oho ohe, bona verba. Remunerabor ego te mox simili-mo munere R. Pax sit rebus. O. ego, Symperte, ab adolescentulo mendicaui, parentesque, auos, & atavos mendicos habui: nec mihi mendicitatem adeo molestim vnquam sensi. R. Ergo tu utroq; nostrum longē es in hac exercitatio: nam ego annū abhinc tertium demum, euerſis rebus meis in hunc amplissimum ordinem cooperatus sum. Nec mihi tam esset grauis, & dura ista professio, si onus grande vxoris, & duorum parvorum liberū adiunctum non haberem. Vos me feliciores, si quisquam mendicus est felix, nisi cum moritur. S. Habemur tamen eō felices, quia de crastino nihil solliciti, in diem vivimus. O. Vivimus nos quidem, sed tantū vivimus. Nam panis, & aqua victus noster hoc solum prestat, quod fame, & siti nos mori prohibet. Ad alias necessitates quos accipimus nummulos haud sufficiunt. S. Quid de nummulis tuis facis, Richarde? R. Quid facerem? ubi summulam collegi, emo calceos, aut aliquid rei vestitiaræ è foro scrutario, cum ipsis sordibus, & pediculis, mendicorum ſidiffimis comitibus. O. Ego in  
præ

præsens possideo supra nongentos. Vbi numerus creuerit, maiore, ac solidiore moneta ut permu-  
tatem tentabo omnia, & mihi de thesauro meo  
beneficiam occultissimè. Quod reliquum erit,  
cognatis moriens relinquam. Idem vobis suadeo:  
ut quantumcunque collegeritis, semper vos pro  
egentissimis, & mendicissimis geratis ( nihil  
quippe in mendico odiosius, quàm suspicio  
nummi ) ut ita miserationem hominum ad tri-  
buendum alliciatis. R. Oh, non sinunt me mei  
conuictores thesaurum congerere, & simulare  
nescio. S. Quod das aliud consilium facilè impe-  
trandæ stipis? O. ut disertè precemini, non di-  
midiatís verbis, & hæsitante lingua. Ut formu-  
las, inquam, varias, plas, bene conceptas flagitan-  
di in promptu habeatis, cum verbis sanctissimis,  
& gratissimis. Per patrem misericordiarum. Per  
unicum dei filium Saluatorem nostrum. Per acer-  
bissimam Christi mortem. Per eiusdem sacrosan-  
cta, & salutifera vulnera. Per supremum iudicii  
diem. Per intemeratam Dei matrem. Per meri-  
ta omnium sanctorum. R. Vtimur quidem nos  
hisce, & similibus formulis: sed interim plurimi  
transeuntes non magis respiciunt nos quàm ca-  
nes. O. vox, & vultus eodem accommodanda, ut  
ex animo proficisci videantur quæ dicuntur: &  
eadem cum gemitu iteranda sæpius: nec desisten-  
dum, quamuis prætereant; sed à tergo sequen-  
dum, & suppliciter instandum, & clamandum; ut  
saltem propter importunitatem impendant te-  
runt.

Pauperum, quem propter Christum cruci affixum  
impendere noluerunt. Opus est audacia, & im-  
pudentia mendico: pudor, & verecundia nihil  
ei profunt. Memini cuiusdam mendici, qui Ale-  
xandriae Petrum quendam, hominem diuitem  
& avarum, seruum, qui canistrum plenum recē-  
tissimè coctis panibus portans præcedebat, se-  
quentem ita precibus aceruandis fatigauit, vt  
molestiæ impatiens, ac furibundus, arseptum  
canistro panem illi impegerit, & facessere iussit.  
Quemadmodum socios mendicis defe-  
rens & ostentans, admirationem mouit omni-  
bus: nemo enim quidquam ab illo triparco Eu-  
clione se vnquam retulisse dicere poterat: cum  
alios ciues ab eleemosynis nominatim laudaret.  
Plura vultis? S. Vtique. O. vt dent, & libentius  
dent, bene, & bona ijs quos appellamus precari  
necesse est: etiam postquam dederint, vt nos  
gratos experiantur, & dedisse gaudeant. Quid  
autem facilius, quàm optare illis clara voce cen-  
tuplum, millicuplum, bonaque cum huius vi-  
tæ, tum futuræ omnia? Hæc qui disertius, &  
clamosius fecerit, crebriorem, & maiorem ele-  
mosynam merebitur. R. Vix solent tamen in-  
dando ultra obolos procedere, quo minus in-  
numisnatis nihil est. O. Immo nonnunquam ad  
trientes, & cruciferos. Nec istuc mirum, quando  
impertiendum est alijs quoque; & mendicorum  
est infinitas: nec vnquam deficiens visa est illa  
ratio, secundum illud, *Pauperes semper habebitis*  
*vobiscum.*

*vobiscum.* Non parum inuitat etiam ad benefaciendum mendicis cantus, quo natura nostra delectatur. Quare ediscendæ sunt piæ cantilenæ. Videmus certè in urbibus egentes scholasticos ostiatim canentes vel panem accipere, vel pecuniam. Cur nos eorum similes fieri pudeat? Sed restat quoddam artificium, in quo stipis adipsiscendæ magna spes. R. Audire auemus istud quidquid est artificij. O. Obligare alterum cruce quasi grauitè vitiatum linteolo sordido, ac purulento, interrogatumque mendaciunculo fucum facere. S. Lepidum caput. Ad te mittemus discipulos, qui se ad numerum nostrum aggregare instituerint. O. Feci hoc, & profeci. Et quid tandem in hoc, aut quantum est mali? R. Laudemus, & bonis precationibus prosequamur benemerentes: & detestemur eum qui scripsisse dicitur in comœdia.

*De mendico male meretur, qui ei dat quod edat, aut bibat.*

*Nam & illud quod dat perdit: & illi producit vitam ad miseriam.*

O. Quid inhumanius hoc dicto? S. Quid immanius? Dignus erat hic veterator, qui ipse ad saccum iret. Quasi vero mendici vita ipsa indigni, & in ea quamuis infælici, ac misera conseruandi non sint, cum ditioribus virtutis sint materia, illisque æterna in cælo præmia concilient, iuxta illud, *Esurini, & dedistis mihi manducare, &c.*

VIII. *Pro Jesuitis contra obtre-  
tatores.*

FELIX, VRBANVS, MO-  
DESTVS.

F. Filium tuum, Urbane, adolescentem lectis-  
simum, & ornatissimum, mihi que charis-  
simum, litteris græcis, & latinis perpolitum, &  
in scholis Iesuitarum à puero versatum, in eorū  
Societate adscriptum audio, & nunc Romæ tiro-  
cinium ponere. Siccinè res habet? an falsus nun-  
tius aures meas occupavit? V. minimè falsus. M.  
Te sciente, an insciente? V. Scientè quidem;  
quanquam haud satis libente. Nam cum esset e-  
gregijs naturæ donis insignitus, & politiore lit-  
teratura instructus, &, quod caput est, vnicus, e-  
go eum ad ius civile cognoscendum in aliquam  
Academiam mittere, deinde vxori iungere co-  
gitabam: vt esset qui aliquando gerendis hono-  
ribus seruiret patriæ: qui cohonestaret nostram  
familiam; & ad generis nostri propagationem  
dulces mihi nepotulos generaret, quibuscum se  
oblectaret iam in senium flectens ætas mea. M.  
Expugnauit ergo te, idque vel precibus, vel ar-  
gumentis. V. vtrisque, Modeste. Et videbam a-  
nimi feruorem, ac desiderium adeo flagrans; vt  
quamuis ego non annuerem, ipse tamen quod  
semel decreuerat, ad exitum constanter perdu-  
cturus videretur. F. Si mundo valedicere, & Re-

ligiosorum amplecti militiâ statuerat, cur hanc potissimum elegit? Erant enim Sodales Dominicani, erant Franciscani, erant Carmelitæ, Benedictini, Capucini, quorum ordines multò hoc nouitio, & in vulgus odioſo antiquiores: Iesuitæ liquidè nondum annis abhinc septuaginta, auctore & parente quodam Ignatio Loyola Hispano prodierunt. V. Non ad alium, sed ad hunc Ordinem trahi à Deo, & impelli se affirmabat: qui etsi longè alijs recentior, tamen à Pontificibus Maximis receptus, & confirmatus; à Principibus, Monarchis, ciuitatibus florentissimis expetitus; toto orbe breui temporum spatio dilatus, & Ecclesiæ Catholicæ ad quoduis pium, & sanctum ministerium perutilis est. M. At isti boni Iesuitæ non præ se ferunt quod vocantur. Iesum enim parum imitantur, & specioso nomine se venditant. V. Quid ita? M. Ille mitis, & humilis corde est: isti duri, & arrogantes. Ille pauper: isti ingentes possident opes, & sunt pecuniosi. Bene vestiunt, bene edunt ac bibunt, bene habitant. Ille ignobili plebeculæ docendæ se dabat: isti magnatum, ac Principum familiaritates ambiunt, & culinas conſectantur. Reliquas dissimilitudines prætermitto. Nominarent se à duce suo Ignatianos, haud inuidia laborarēt. Vniuersi enim Christiani, quibus scilicet vita IESU ad imitationem, & exemplum est proposita, Iesuitæ aut sumus: aut vsimus, conari debemus. V. Cur à IESU Societatem suam nuncupant

parint, causas graues, & iustas habuerunt illi Patres, quas te docebit Iulius Nigronus, in accuratissimo suo super ipsorum Regulis, quas Communes vocant, Commentario. Scimus quoque à Trinitate, à Spiritu sancto, & Salvatore quosdam Ordines, & Sodalitates nominatas, quæ suo cognomento de reliquorum Christianorum dignitate nihil imminuunt. Quæ dixisti de eorundem duritia, superbia, diuitijs, solent ista ipsis obijci: sed à maleuolis, & maledicis, nullis solidis, ac veris probationibus, verum impudentissimè confictis mendacijs, quibus tot ià libellos aduersum eos impleuerunt, & in summum eos odium, contemptumque apud Catholicos adducere omni ope, sed incassū conati sunt. Cum viris principibus nō alio scopo, ac fine versantur, quàm cum olitoribus, & fabris: nempe vt eorum studia ad virtutem, & honestatem dirigant, salutique prospectum eant. Vestitus, & victus eorum ad necessitatem, & commoditatem, non ad luxum, & delicias accommodatur; quod testari possunt, qui eorum prandijs, & cœnis interfuerunt. Si alibi paulo elegantius habitant, non id ipsi quæsiuerunt; sed Principum liberalitatem, & erga Dei seruos amorem, ac reuerentiam impedire nequiverunt. Et plurimis locis incommodè, ac malè habitant, in male materiatis domicilijs. Denique *habitus, & tonsura, vt quidam ait, & externa cetera modicum conferunt: sed mutatio morum, & mortificatio*




tia: adeo, ut si sine offensione ulla diuinæ maiestatis, & absque proximi peccato foret, vellent contumelias, falsa testimonia, & iniurias pati, ac stulti haberi, & existimari (nulla tamen ad id per eos data occasione) eo quod exoptant assimilare aliquo modo creatorem ac dominum nostrum IESUM Christum, eiusq; vestibus, & insignibus indui: quandoquidem illa ipse, propter maiorem profectum nostrum spirituales induit: ut in omnibus, quoad eius fieri poterit, diuina gratia aspirante, eum imitari, & sequi, cum vera sit via, qua ducit homines ad vitam, velimus. F. Deus magne. Præclarissima, & religiosæ perfectionis plenissima sanctio, si seruaretur modò. V. De hoc Deus viderit: tu alienum seruum caue iudices. Quod si in illis querimus quæ foris cernuntur, longum faciam si omnia pia, & sancta eorum exercitia enumerare voluero. Quantos illi labores in iuuentute ad pietatem Christianam, & ad bonas litteras erudienda exhauriunt? quantos in habendis tot concionibus, in congressibus, in confessionibus audiendis, in conscribendis omne genus, ab ipso instituto haud abhorrentibus libris, in consolandis ægrotis, in pauperibus procurandis, in captiuis visendis, in precibus, & sacrificijs pro publicis necessitatibus faciendis, in alijs demum ad animarum salutem spectantibus subeundis? Extra orbem Europæum, qui illis nimium angustus est, ultra mare, in Africa, in Asia, in India querunt, quas cum Deo in gratiam

reducant animas: pro quibus nullum incommodum pertimescunt, nullum periculum reformidant, non frigus, non calorem, non famem, non sitim, non nuditatem, non naufragium, non gladium, non ullum mortis, ac tormenti genus.

M. Tu quidem eorum causam non ineptè agis. Vnde tibi hæc nota? V. Ex ipsorum historijs, quæ in publicum sunt editæ. Inde eos reuereor, obsecro, colo, valdeque diligo: hostiumque illorum stuporem, & amentiam detestor. F. In quonam? V. Quod de eorum vita domestica, ac disciplina libellos absurdissimorum, & prorsus incredibilium commentorum refertos euulgant, eorumque famam, & nomen omni ignominia deformare nituntur. Qui quanquam bene multi, omnes euanuerunt, manetque illorum honos, & gloria inconcussa. Scimus contrigisse familiæ huic ab ipsis natalibus suis, dum se proferre incipit, ut criminibus, & calumnijs variè appeteretur, incommodis, & iniurijs multis lætaretur, atque etiam ad sanguinem usque persecutiones ab improbis, ab hæreticis, à gentilibus pateretur. Cuius tamen propugnationem scriptis libris qui ultro susciperent, non defuerunt. Quibus indignissimum est visum, ut quos deus ceu recentes copias vitij extirpandis, hæresibus profligandis, virtutibus in animos inferendis, litterarum studiis profitendis, fide Christiana barbaris nationibus promulgandæ submisisset, ij cuiusvis ludibrio essent expositi: ac ve-

lut monstra vitarentur; velut inimici humani generis maledictis proscinderetur, fugarentur, mactarentur. F. In posterum obturabo aures aduersum calumniatores huius ordinis, & de eo sentiam melius. M. Idem ego faciam; & si genuero filios, non aduersabor in eundem transire volentibus: quandoquidem honestissimarum, ac nobilium virorum & principum liberos in eo viuentes comperio. V. Deus vos de hac laudabili voluntate multum amet, charosq; habeat.



## SYNTAGMA DECIMUM.

# VARIARVM LECTIONVM LIBER ADOPTIVVS.

Lectori.

**Q**uoniam perinde in hoc, ut in priore Volumi-  
ne quasita atque uti reor, idoneè distributa  
est rerum pulcherrimarum ad oblectandum varie-  
tas, in qua ipsa nihilominus persape cerneretur quod  
animum erudiret, & emendaret: & ego olim in eo  
genere commentandi, scribendiq; , quod commu-  
niore vocabulo VARIARVM LECTIONVM  
appellunt, nonnihil pro mediocritate mea experiri  
volueram, lectorem conatu illo meo, qualis qualis

dam scelus aliquod obit, se conspici, & cognosci vult: tenebras quærit, noctem quærit. Luna, & stellis gratiæ habendæ sunt; quæ nonnunquam fulgore suo in hominum gratiam horrorem tuum imminuunt, & quippiam operis fieri sinunt. Non ab Oceano, quod poëtæ fabulantur; sed à caliginosis Erebi specubus videris emergere. Humida cum sis perpetuo, humor tuus infestus est hominibus; ijs maximè, qui aut scabie, aut febribus, aut alio demum morbo sunt impliciri: noctibus enim ingrauescit, & cruciat miseros amplius. Quid dicam de parrubus, quos tibi antiquitas tribuit? Amor, dolus, metus, labor, fatum, somnus, rabies, rixa, inuidia, Parca, mors, senectus, fraus, pertinacia, querela, tenebræ; miseria hæ sunt proles tuæ: de istis quantum voles te iactato. N. Tu quidem mea dedecora, ut credi vis, recensuisti, & in me vituperanda profecto haudentus fuisti. Ego tibi quæ nescis, aut scire dissimulas regeram de meis laudibus. C. Ohe laudes. N. Prætermitto illa, quæ de Nocte poëtæ veteres cecinerunt: esse nimirum deorum antiquissimam, cum ante illorum ortum loca omnia repleuerit. Esse matrem ac nutricem siderum, matrem ætheris, & dei: illi quondam cantatos hymnos, facta sacrificia. Taceo nomina, quibus me honorant: de vno duntaxat pauca dicam. *in eorum*, quasi bene sapientem me nuncupant, quod nocturno tempore homines ad considerandum, & consultandum propter summum undique silentium

flum sint aptiores. Vnde illud, *In nocte consilium*.  
 Lacedæmonij quoque conuentus de rebus gra-  
 uissimis in noctem reijcebant. Ipsam tuam lu-  
 cem excipientes mæ tenebræ mortalibus gra-  
 tiorem, & expectatiorem efficiunt; quibus &  
 aurora quàm meridies magis in desiderio est. Su-  
 bit eos lucis fastidium, ad nocturnam quietem  
 anheliatēs. Tædet laboris, & diurni operis; fesi-  
 sos artus somno releuare, & ad insequentem la-  
 borem per noctis spatium reparare cupiunt. Sua-  
 uis lux, suavis somnus. Et compellunt tenebræ  
 nactæ vel inuitos labori finem imponere, vt vitæ,  
 vt valetudini, vt viribus consulatur. Ego foris  
 versantes domum reuoco; feras è latibulis ad li-  
 berè, ac tutò pascendum educò. Et quoniam ho-  
 mines certis temporum spatijs vitam definitam  
 degunt, eos mensuras temporum, & partes sci-  
 re opus fuit. Quo enim pacto, si absque vlla vi-  
 cissitudine luxisset, vel annorum orbes, vel men-  
 sum numerum discere, & cognoscere potuissent?  
 Vnica, & continens dies totius spatij, quod in  
 hac vitâ decurrissent, mensura fuisset; nec cuiquā  
 quot dies, menses, annos vixisset scire licuisset.  
 Igitur nox diei succedens temporis mensura est.  
 Quæ cum septies diem exceperit, hebdomadis mo-  
 ram completam intelligitur. Denique nec sine  
 die nox, nec sine nocte dies; vt spatium tempo-  
 ris inuicem ad vsus hominum mutuemur, & be-  
 neuolè reddamus. Ostendi quid prosum mortâ-  
 libus ægris. Te quid accusem, non habeo. D. Vt  
 tenebræ

tenebræ tuæ ; sic lux mea est propria , qua accedente, rerum quarumcunque varietas cum delectatione agnoscitur : sine qua sepulta iacerent omnia. Non est aliquid luce , hoc est, die ( quippe cum lux est, dies est : & cum dies est, lux est ) acceptius , optatius ; commodius , potentius , facundius. Nihil ad mundum exornandum decentius , cum qua, cum luce, inquam , per sæpe coniungitur , comparaturque ipsa diuinitas. Quem quis luce, & aspectu diei prohibet, simul ei oculos effodiat. Per diem augescunt, & crescunt omnia. Dies aptus est negotijs. Dies desideratissimus afflictis mentibus, nec somnum capientibus corporibus. Dies est solis supra nos cursus : sol est mundi lampas. Quid multa ? dies vna optatior, & melior quàm centum noctes ; & brevis lux gratior tenebris longissimis.

## VII. *Artes mendicorum.*

SYMPERTVS, OSVALDVS

RICHARDVS.

S. **H**Eu me. Quousque tandem nos mendicabula aut in vijs prætorijs, seu militari-  
bus sessitabimus ; aut domos in vrbib. perreptabimus, & stipem cogere cogemur ? Spes melioris conditionis pro nulla affulget. Affulgeret forsitan, si ligonem, aut rastrum, aut securim, aut stiuam in manus sumere liberet. Sed ego iam vetulus sum. Præterea laborare mendicis taurus Phalaridis est. Ottennium abiit, cum ex arte quâ  
factita-

fastidabam molitaria, ad hanc miseram, & inertem artē exercendam, infelici fato adactus sum: quam necdum perfectē dici: quia indocile ingenium nactus sum. O. Sed illam perfectē didiceras, opinor, ob quam vulgō male audiunt molitores. S. Quin taces, furcifer? nifaxis, cōtinuō pugnus in mala hārebit. Oho ohe, bona verba. Remunerabor ego te mox simillimo munere R. Pax sit rebus. O. ego, Sympertē, ab adolescentulo mendicaui, parentesque, auos, & atavos mendicos habui: nec mihi mendicitatione adeo molestam vnquam sensi. R. Ergo tu utroq; nostrum longē es in hac exercitatio: nam ego annū abhinc tertium demum, euerfis rebus meis in hunc amplissimum ordinem cooperatus sum. Nec mihi tam esset grauis, & dura ista professio, si onus grande vxoris, & duorum parvorum liberū adiunctum non haberem. Vos me feliciores, si quisquam mendicus est felix, nisi cum moritur. S. Habemur tamen ed felices, quia de crastino nihil solliciti, in diem vivimus. O. Vivimus nos quidem, sed tantū vivimus. Nam panis, & aqua victus noster hoc solū prestat, quod fame, & siti nos mori prohibet. Ad alias necessitates quos accipimus nummulos haud sufficiunt. S. Quid de nummulis tuis facis, Richarde? R. Quid facerem? vbi summulam collegi, emo calceos, aut aliquid rei vestlariæ è foro scrutario, cum ipsis sordibus, & pediculis, mendicorum fidissimis comitibus. O. Ego in  
præ



præsens possideo supra nongentos. Vbi nume-  
 rus creuerit, maiore, ac solidiore moneta vt per-  
 mutem tentabo omnia, & mihi de thesauro meo  
 benefaciam occultissimè. Quod reliquum erit,  
 cognatis moriēs relinquam. Idem vobis suadeo:  
 vt quantumcunq̃ collegeritis, semper vos pro  
 egentissimis, & mendicissimis geratis ( nihil  
 quippe in mendico odiosius; quàm suspicio  
 nutui ) vt ita miserationem hominum ad tri-  
 buendum alliciatis. R. Oh, non sinunt me mei  
 conuictores thesaurum congerere, & simulare  
 nescio. S. Quod das illud consilium facilè impe-  
 trandæ stipis? O. vt diserte præceminī, non di-  
 midiatīs verbis, & hæsitante lingua. Vt formu-  
 las, inquam, varias, plas, bene conceptas flagitan-  
 di in promptu habeatis, cum verbis sanctissimis,  
 & gratissimis. Per patrem misericordiarum. Per  
 vnicum dei filium Saluatorem nostrū. Per acer-  
 bissimam Christi mortem. Per eiusdem sacrosan-  
 cta, & salutifera vulnera. Per supremum iudicii  
 diem. Per intemeratam Dei matrem. Per meri-  
 ta omnium sanctorum. R. Vtimur quidem nos  
 hisce, & similibus formulis: sed interim plurimi  
 transeuntes non magis respiciunt nos quàm ca-  
 nes. O. vox, & vultus eodem accommodanda, vt  
 ex animo proficisci videantur quæ dicuntur: &  
 eadem cum gemitu iteranda sæpius: nec desisten-  
 dum, quamuis prætereant; sed à tergo sequen-  
 dum, & suppliciter instandum, & clamandum; vt  
 saltem propter importunitatem impendant re-  
 tur-

**Pauperum**, quem propter Christum cruci affixum  
impendere noluerunt. Opus est audacia, & im-  
pudentia mendico: pudor, & verecundia nihil  
ei profunt. Memini cuiusdam mendici, qui Ale-  
xandriae Petrum quendam, hominem diuitem  
& avarum, seruum, qui canistrum plenum recē-  
tissimè coctis panibus portans præcedebat, se-  
quentem ita precibus aceruandis fatigauit, vt  
molestiæ impatiens, ac furibundus, arreptum ē  
canistro panem illi impegerit, & facessere iusse-  
rit. Quem ad socios aptricantes mendicis defe-  
rens & ostentans, admirationem mouit omni-  
bus: nemo enim quidquam ab illo triparco Eu-  
clione se vnquam retulisse dicere poterat: cum  
alios ciues ab eleemosynis nominatim laudaret.  
Plura vultis? S. Vtique, O. vt dent, & libentius  
dent, bene, & bona ijs quos appellamus precari  
necesse est: etiam postquam dederint, vt nos  
gratos experiantur, & dedisse gaudeant. Quid  
autem facilius, quàm optare illis clara voce cen-  
tuplum, millecuplum, bonaque cum huius vi-  
tæ, tum futuræ omnia? Hæc qui disertius, &  
clamosius fecerit, crebriorem, & maiorem elec-  
mosynam merebitur. R. Vix solent tamen in-  
dando ultra obolos procedere, quo minus in-  
numismatis nihil est. O. Immo nonnunquam ad  
trientes, & cruciferos. Nec istuc mirum, quando  
impertiendum est alijs quoque; & mendicorum  
est infinitas: nec vnquam deficiens visa est illa  
ratio, secundum illud, *Pauperes semper habebitis*  
*vobiscum.*

*vobiscum.* Non parum inuitat etiam ad benefaciendum mendicis cantus, quo natura nostra delectatur. Quare ediscendæ sunt piæ cantilenæ. Videmus certè in vrbibus egentes scholasticos ostiatim canentes vel panem accipere, vel pecuniam. Cur nos eorum similes fieri pudeat? Sed restat quoddam artificium, in quo stipis adipsiscendæ magna spes. R. Audire auemus istud quidquid est artificij. O. Obligare alterum erus quasi grauitè vitiatum linteolo sordido, ac purulento, interrogatumque mendaciunculo fucum facere. S. Lepidum caput. Ad rem mittemus discipulos, qui se ad numerum nostrum aggregare instituerint. O. Feci hoc, & profeci. Et quid tandem in hoc, aut quantum est mali? R. Laudemus, & bonis precationibus prosequamur benemerentes: & detestemur eum qui scripsisse dicitur in comoedia.

*De mendico male meretur, qui ei dat quod edat, aut bibat.*

*Nam & illud quod dat perdit: & illi producit vitam ad miseriam.*

O. Quid inhumanius hoc dicto? S. Quid immanius? Dignus erat hic veterator, qui ipse ad saccum iret. Quasi vero mendici vita ipsa indigni, & in ea quamuis infælici, ac misera conseruandi non sint, cum ditioribus virtutis sint materia, illisque æterna in cælo præmia concilient, iuxta illud, *Esurini, & dedistis mihi manducare, &c.*

VIII. *Pro Jesuitis contra obtre-  
clatores.*

FELIX, VRBANVS, MO-  
DESTVS.

F. Filium tuum, Urbane, adolescentem lectis-  
simum, & ornatissimum, mihi que charis-  
simum, litteris græcis, & latinis perpolitum, &  
in scholis Iesuitarum à puero versatum, in eorū  
Societate adscriptum audio, & nunc Romæ tiro-  
cinium ponere. Siccine res habet? an falsus nun-  
tius aures meas occupavit? V. minimè falsus. M.  
Te sciente, an insciente? V. Scientem quidem;  
quanquam haud satis libente. Nam cum esset e-  
gregijs naturæ donis insignitus, & politiore lit-  
teratura instructus, &, quod caput est, vnicus, e-  
go eum ad ius civile cognoscendum in aliquam  
Academiam mittere, deinde vxori iungere co-  
gitabam: vt esset qui aliquando gerendis hono-  
ribus seruiret patriæ: qui cohonestaret nostram  
familiam; & ad generis nostri propagationem  
dulces mihi nepotulos generaret, quibuscum se  
oblectaret iam in senium flexens ætas mea. M.  
Expugnauit ergo te, idque vel precibus, vel ar-  
gumentis. V. vtrisque, Modeste. Et videbam a-  
nimi feruorem, ac desiderium adeo flagrans; vt  
quamuis ego non annuerem, ipse tamen quod  
semel decreuerat, ad exitum constanter perdu-  
cturus videretur. F. Si mundo valedicere, & Re-


ligiosorum amplecti militiā statuerat, cur hanc potissimum elegit? Erant enim Sodales Dominicanī, erant Franciscani, erant Carmelitæ, Benedictini, Capucini, quorum ordines multò hoc nouitio, & in vulgus odioſo antiquiores: Iesuitæ siquidē nondum annis abhinc septuaginta, auctore & parente quodam Ignatio Loyola Hispano prodierunt. V. Non ad alium, sed ad hunc Ordinem trahi à Deo, & impelli se affirmabat: qui etsi longè alijs recentior, tamen à Pontificibus Maximis receptus, & confirmatus; à Principibus, Monarchis, ciuitatibus florentissimis expetitus; toto orbe breui temporum spatio dilatus, & Ecclesiæ Catholicæ ad quoduis pium, & sanctum ministerium perutilis est. M. At isti boni Iesuitæ non præ se ferunt quod vocantur. Iesum enim parum imitantur, & specioso nomine se venditant. V. Quid ita? M. Ille mitis, & humilis corde est: isti duri, & arrogantes. Ille pauper: isti ingentes possident opes, & sunt pecuniosi. Bene vestiunt, bene edunt ac bibunt, bene habitant. Ille ignobili plebeculæ docendæ se dabat: isti magnatum, ac Principum familiaritates ambiunt, & culinas conſectantur. Reliquas dissimilitudines prætermitto. Nominarent se à duce suo Ignatianos, haud inuidia laboraret. Vniuersi enim Christiani, quibus scilicet vita IESV ad imitationem, & exemplum est proposita, Iesuitæ aut sumus: aut vt simus, conari debemus. V. Cur à IESV Societatem suam nuncupant

parint, caussas graues, & iustas habuerunt illi Patres, quæ te docebit Iulius Nigronus, in accuratissimo suo super ipsorum Regulis, quas Communes vocant, Commentario. Scimus quoque à Trinitate, à Spiritu sancto, & Salvatore quosdam Ordines, & Sodalitates nominatas, quæ suo cognomento de reliquorum Christianorum dignitate nihil imminuunt. Quæ dixisti de eorundem duritia, superbia, diuitijs, solent ista ipsis obijci: sed à maleuolis, & maledicis, nullis solidis, ac veris probationibus, verum impudentissimè confictis mendacijs, quibus tot iā libellos aduersum eos impleuerunt, & in summum eos odium, contemptumque apud Catholicos adducere omni ope, sed incassū conati sunt. Cum viris principibus nō alio scopo, ac fine versantur, quàm cum olitoribus, & fabris: nempe vt eorum studia ad virtutem, & honestatem dirigant, salutique prospectum eant. Vestitus, & victus eorum ad necessitatem, & commoditatem, non ad luxum, & delicias accommodatur; quod testari possunt, qui eorum prandijs, & cœnis interfuerunt. Si alibi paulo elegantius habitant, non id ipsi quæsiuerunt; sed Principum liberalitatem, & erga Dei seruos amorem, ac reuerentiam impedire nequiverunt. Et plurimis locis incommodè, ac malè habitant, in male materiatis domicilijs. Denique habitus, & tonsura, ut quidam ait, & externa cetera modicum conferunt: sed mutatio morum, & mortificatio

tia: adeo, ut si sine offensione ulla diuinæ maiesta-  
 tis, & absque proximi peccato foret, vellent con-  
 tumelias, falsa testimonia, & iniurias pati, ac stul-  
 ti haberi, & existimari (nulla tamen ad id per eos  
 data occasione) eò quod exoptant assimilare aliquo  
 modo creatorem ac dominum nostrum IESUM  
 Christum, eiusq; vestibus, & insignibus indui: quã-  
 doquidem illa ipse, propter maiorem profectum no-  
 strum spiritualem induit: ut in omnibus, quoad  
 eius fieri poterit, diuina gratia aspirante, eum imi-  
 tati, & sequi, cum vera sit via, qua ducit homines  
 ad vitam, velimus. F. Deus magne. Præclaris-  
 sima, & religiosę perfectionis plenissima sancto,  
 si seruarietur modò. V. De hoc Deus viderit: tu  
 alienum seruum caue iudices. Quod si in illis  
 querimus quæ foris cernuntur, longum faciam  
 si omnia pia, & sancta eorum exercitia enumera-  
 re voluero. Quantos illi labores in iuuentute ad  
 pietatem Christianam, & ad bonas litteras eru-  
 dienda exhauriunt? quantos in habendis tot cõ-  
 cionibus, in congressibus, in confessionibus  
 audiendis, in conscribendis omne genus, ab  
 ipsorum instituto haud abhorrentibus libris, in  
 consolandis ægrotis, in pauperibus procuran-  
 dis, in captiuis visendis, in precibus, & sacrifi-  
 cijs pro publicis necessitatibus faciendis, in alijs  
 demum ad animarum salutem spectantibus sub-  
 eundis? Extra orbem Europæum, qui illis ni-  
 mium angustus est, ultra mare, in Africa, in A-  
 sia, in India querunt, quas cum Deo in gratiam



lut monstra vitarentur; velut inimici humani generis maledictis proscinderetur, fugarentur, mactarentur. F. In posterum obturabo aures aduersum calumniatores huius ordinis, & de eo sentiam melius. M. Idem ego faciam; & si genuero filios, non aduersabor in eundem transire volentibus: quandoquidem honestissimorum, ac nobilium virorum & principum liberos in eo viuentes comperio. V. Deus vos de hac laudabili voluntate multum amet, charosq; habeat.



## SYNTAGMA DECIMUM.

VARIARVM LECTIONVM  
LIBER ADOPTIVVS.

Lectori.

**Q**uoniam perinde in hoc, ut in priore Volumi-  
ne quasita atque uti reor, idoneè distributa  
est rerum pulcherrimarum ad oblectandum varie-  
tas, in qua ipsa nihilominus persape cerneretur quod  
animum erudiret, & emendaret: & ego olim in co-  
genere commentandi, scribendiq;, quod commu-  
niore vocabulo VARIARVM LECTIONVM  
appellant, nonnihil pro mediocritate mea experiri  
volueram, lectorem conatu illo meo, qualis qualis

tandem foret, fraudandum non putavi. Cumq;  
Bellariorum quiddam eo etiam, quanquam pu-  
sillo, monumento complexum videretur, quod te  
iucundè, nec sine fructu aliquo afficere posset, id  
velut adoptivum huic familie inferendum, ac ne  
diutius iaceret in aduersariis, tanquam semel civi-  
tate donandum existimavi. Quod factum, meum  
te comprobaturum, certa est fiducia.

*Cap. I. Super vocabulis Servator, &  
Saluator dissertatiuncula.*

**L** Atinitali servandum esse in nostris scri-  
ptionibus, adhibendumq; verborum dele-  
ctum, & fugiendam barbariem norunt, & con-  
fidentur omnes. Reperiuntur autem, qui hæc  
nimium religiosè, & curiosè observantes, &  
voces quasdam haud secus quàm contagia deui-  
tantes, ignorantia, & iudicio labuntur. Id quod  
nunc quidem in vno verbo *Servator* demonstra-  
bimus; præ quo Ciceronis alumnuli, & conse-  
ctanei communissimum, tritissimum, maxime-  
que proprium *Saluator* aspernari, & calamo suo  
indignum ducere consueverunt. Demonstra-  
bimus verò quam licebit breuiter, & succinctè  
ex prælonga, & erudita digressionem Iulij Nigroni  
Societatis nostræ, de istoc nomine, Commē-  
tatio in Regulas Ordinis nostri communes, ut  
appellitamus. Itaque attende sis animum.

Vox Hebræa *I e s u s* à Græcis *σωτηρ*, latinè ab  
initio

initio nascentis Ecclesiæ verſa , & vſurpata eſt  
*Saluator*. Cic. in Verrem orat. IV. vno verbo la-  
 tine exprimi poſſe græcam vocem non putat:  
 quia iſ eſt nimirum Soter, inquit, qui ſalutem  
 dedit. Ne tu illi obijcias Seruatorem. Non enim  
 latinæ linguæ ſummus auctor hanc vocem ne-  
 ſciebat: ſed maiorem vim in græca, quàm in hac  
 latina ineſſe veriſſimè affirmat. Optimè Cicerò-  
 nem intellexit Paulus Manut. cuius in Commen-  
 tarijs hæc ſunt verba. *Patet hinc communis error*  
*eorum, qui Ieſum Chriſtum, cuius immortalia me-*  
*rita nullo ſatis vno verbo exprimi latine queunt,*  
*Servatorem appellant. Aliud eſt ſervare, aliud ſa-*  
*lutem dare: ſervat iſ, qui, ne ſalus amittatur aliqua*  
*ratione præſtat: ſalutem dat, qui amiſſam reſtituit.*  
*Et Chriſtus genus humanum afflictum non in eo-*  
*dem ſtatu ſervavit: ſed à ſempiterno interitu ad æ-*  
*ternæ vitæ bonâ perduxit, quod ſolus facere potuit.*  
 Hæc ille. Præterea Servator à ſervando dicitur:  
 ſervare militiæ verbum eſt. Vnde & ſervi appel-  
 lati, quod Imperatores captivos vendere, ac per  
 hoc ſervare, nec occidere ſolent. Quare ſervator  
 ex iure civili dicitur, qui hoſtes in prælio vi-  
 ctos non occidit: ſed captivos fecit, eos ſervitu-  
 ti reſervans, atque addicens. Quomodo ergo  
 Chriſtus, qui homines quos fecit ſaluos, liberans  
 eos iam captivos, ab hoſtium poteſtate aſſerens  
 in veram libertatem, cæloque inferens melius,  
 & verius *Servator*, quàm *Saluator* appelletur?  
 Tertulliano lib. de Reſurrect. carnis ſalvare plus

est quàm seruare : qui etiam *σωτήρ* *Saluificator* rem ausus est interpretari. Huic ergo voci tribuit, quæ Seruatori non conueniunt. Quod omni modo constat, inquit : quod perijt saluum faciens : quod mortuum est , viuificans : quod percussum est, sanans : quod languit, medicans : quod ereptum est, redimens : quod famulatum est, liberans : quod seductum est, reuocās : quod elisum est, suscitans. Tacit. Annal. 15. de Milicho delatore coniurationis, à Nerone præmijs dotato. Conseruatoris, inquit, sibi nomen græcius rei vocabulo assumpsit. Verisimile est, nomen illud græcum *σωτήρ* fuisse. Sed Tacitus Seruatorem non est ausus vertere, quia rem non exprimebat: voce igitur significantiore, vt putabat, Conseruatorem dixit. At ea deducta ex eodem fonte parum vincit Seruatorem : proinde *σωτήρ* non adæquat. Insuper Tertulliano doctissimo Seruatoris, & Conseruatoris nomina non erant incognita : qui tamen non semel Christum nō, & inusitato vocabulo Saluificatorem appellauit. Non vsurpauit ijs locis vocem Saluator: vel quia nondum in Africam ea vox peruenerat: vel, quod probabilius, quia nouandorum verborum studiosissimus erat, in rebus præsertim exprimendis, quarum vis & magna esset, & minimè vulgata, qualis est Soteris, & Iesv notio. Item viri latinæ linguæ peritissimi, cum Iesum, & *σωτήρ* vertere potuissent Seruatorem, dicere maluerunt Saluatorem. Mitto sacrorum Biblio-

rum interpretem vulgatum, quem proprietatis peritissimum fuisse constat. Lactant. Christianorum Cicero lib. 4. Sed Iesus, ait, qui latinè dicitur salutaris, siue saluator, quia cunctis gentibus salutifer venit. Augustin. lib. 3. de Trinit. cap. 10. Qui est Hebraicè Iesus, græcè σωτήρ, nostra autem locutione Saluator. Quod verbum antea lingua latina non habebat, sed habere poterat: sicut potuit quando voluit. Quod dicit, antea non fuisse *Saluator* in lingua latina, Ciceronis æuocape, & ante Euangelij prædicationem: sed postea fuisse, cum nouatum est, & factum, à verbo *saluare*, quod in Pisoniana nonnulli codices habere dicuntur, saluare inquam. Itaque religiosi isti Tulliani, & proprietatis Ciceronianæ amatores, dum superstitiosè metuunt barbarismum in Salvatore, in aliud vitium labuntur, quod Quintilian. lib. 1. cap. 5. improprium diceret: quia Seruatoris nomen IESU CHRISTI proprium non est: amplissimæ siquidem notioni, vt probatum est, non respondet. Erunt forte, qui ab utroque abstinendum putabunt: Seruatoris, quia non est proprium; Saluatoris, quia minus latinum: & vtendum circumscriptione, cum opus fuerit. Ridiculum effugium. Prudenter Manut. de circumscriptione, Ciceronis loco citato. *Qui salutem dedit.* Vt interdum, inquit, non commoda solùm, verum etiam necessaria videtur: sic iterata sæpius & dignitatem amittit, & satietatem parit. Christianus

orator

orator, aut scriptor, qui centies Salvatorem cogitur nominare, semper circumscriptionem adhibebit? Cur Ecclesiasticas, Christianasque voces homo Christianus, ecclesiasticus, & verò etiam religiosus reformidas? De Architectura differens, artis eius vocabula Vitruvio visitata non fugies, tamen si ea apud Ciceronem non reperias: voces Christianæ religionis fugies, quod eas Cæsar, Tullius, aut Sallustius non usurparint? Do lapidem vetustissimum, cuius ictum eludere non possis, exscriptum ex accurato collectore Romanarum omnium inscriptionum Iohanne Grutero, in Inscript. vet. pag. 19. n. 5.

I O V I. C V S T O D I

Q V I R I N O. S A L -  
V A T O R I

P R O. S A L V T E. C A -  
S A R I S. N E R V Æ  
T R A I A N I. A V G.

C O L.

S A R M I Z.

Repertus dicitur in Transilvania: in qua val-  
lis Sarmizensis ponitur ab auctore Thesauri  
Geograph. Diligebatur à militibus Traianus, qui  
fæliciter cum Dacis pugnauit: Daciæ autem pars  
Transilvania. Proinde cum ægotasset, colonia  
Sarmizensis votum pro ipsius salute nuncupa-  
uit, quod in hoc marmore, ut res publicè testata  
esset

esset, in scalpi iussit. Igitur Romani Salvatoris nomen Traiani æuo, in Christianæ religionis incunabulis, Ioue deorum principe dignum putant: nos Christo domino, deoque nostro vero, idem tot sæculis vñitatum, sacrumque nomen tribuere dubitemus? &c. Mihi secundum fidem, religionem, veritatem dixisse Nigronus, & Ciceronia-  
stros caussa cecidisse videtur.

II. De αὐτὸς ἔφα Pythagoreo, & Christiano. Greg. Nazianzeni laus. Quid Hieronymo solæcismus Christianus.

EX innumerabilibus qui hodie in vita sunt litteratum studiosis, neminem statuo reperi-  
tri, cui celeberrimum illud αὐτὸς ἔφα, ipse dixit, non sæpenumero ad aures acciderit, qui ué id ipsum non frequenter saltem legerit. Eius origi-  
nem hisce verbis i. de nat. deorum exposuit M. Tullius. Nec verò probare soleo id, quod de Pythagoricis accepimus: quos ferunt, si quid affirmarent in disputando, cum ex ijs quæreretur, quare ita esset, respondere solitos, *Ipse dixit*: Ipse autem erat Pythagoras. Tantum opinio præiudicata poterat, ut etiam sine ratione valeret auctoritas. Quæ narratio multum ab eo dissentit, quod Suidas tradidit, Pythagoram, ut orationi suæ, & vitæ auctoritatem conciliaret, in congressibus dicere solitum, *Ipse dixit*: hoc est, non meus, sed dei sermo est. Vide quæ ibidem annotarit Schottus noster, prouerbio 94. cent. 3.  
Tran.



Transiit in adagium, estque usus eius duplex, serius, & iocosus, seu ironicus. Serius de ijs, quarum est ijs in rebus, de quibus agitur auctoritas, & existimatio præcipua, quique sunt testes omni exceptione maiores, καὶ ὑπὲρ κατάλογον, qualis Plato diuinus M. Tullio, cuius verba damus ex Tuscol. 1. Ut enim rationem Plato nullam afferret (vide quid homini tribuam) ipsa auctoritate me frangeret. Eodem libro profiteatur, malè se errare cum Platone, quàm cum alijs verà sentire. Ait item Quintilianus, summi virorum auctoritatem haberi pro ratione. Iocosus, & irrisorius in eos, de quibus tam præclare non sentimus, vel etiam nihil, aut mediocria sentimus. Habent & Christiani suū αὐτὸς ἔφα, cum aut à Christo filio dei, aut à sanctis Apostolis, aut Prophetis, aut ab oeconomicis concilijs dicta, præcepta, & decreta in medium afferunt. *Spiritu sancto enim inspirati, locuti sunt sancti dei homines*, ut in epistola B. Petrus affirmavit. De Hæresiarcharum verò pronuntiatis, & dogmatibus falsiloquis rectè, & κατ' εἰρωνείαν dixeris, αὐτὸς ἔφα. De Gregorio Nazianzeno, cui soli post D. Ioannem Apostolum, & Euangelistam Theologi gloriosa appellatio contigit, idem αὐτὸς ἔφα cum laude usurpari solitum legi. Quem quidem Basilus testis grauiissimus, vas electum, puteum profundum, & os Christi nominauit. De eodem Rufinus, id obtinuisse apud deum, & ecclesias, ut quicumq; ausus fuerit doctrinæ eius in aliquo refra-

refragari, ex hoc ipso, quia ipse magis sit hæreticus, arguatur. Manifestum namque indicium est, non esse rectæ fidei omnem, qui in fide Gregorio non concordat. Calculum his adijcit in eius Officio Ecclesia Romana. *Scriptis multa*, inquit, *& soluta oratione*, *& versibus*, *mirabili pietate*, *& eloquentia*: quibus doctorum hominum, sanctorumq; iudicio id affectus est, ut nihil in illis, nisi ex vera pietatis, & catholica religionis regula reperiatur: nemo quidquam iure vocare possit in dubium. [Quid nunc me de solæcismo Christiano dicturum censes? Solæcismum definit Isidor. lib. 1. plurium verborum inter se inconuenientem compositionem: ut barbarismum vnius verbi corruptionem. Dare veniam sceleratorum pro sceletatis. Hoc verbi, cum metaphora quadam ad errorem varijs in rebust transferatur, Si Hieronymus lepidè ad mores & vitam transtulit, cum contra Heluidium scriberet. Apud Christianos, inquit, solæcismus magnus est, & vitiū, turpe quid narrare, vel facere. Tu pro corollario notabis, quod à Paulo turpiloquium, à Tertuliano de Resurrect. carnis spurciloquium dici. Præterea Cic. lib. 2. ad Att. ep. 11. dixisse: Ludos Antij spectare non placet. Est enim ἰποσολοικόν, cum velim vitare omnium deliciarum suspicionem. Lucian. περὶ ὀρχήσεως. Herculem in Σεπταμόρφειν ait videri συλοικίαν, cum in Andromacha, & Hecuba ferri possit. Sic Sidon. lib. 9. ep. 3. dixit. Ποτὶδὲ αὐτὸν αὖτις barbarismus est

est morum sermo iucundus, & animus affligens;  
Hæc ibidem in Notis Iacobus Sirmondus no-  
ster.

### III. *Due leges Atheniensium, vna hu- manitatis, altera grati animi.*

*Bos laudatus.*

**A**Lianus lib. 5. cap. 14. memoriæ tradit, At-  
henienses inter alia tulisse; *Si quis in cada-  
uer hominis insepulti inciderit; saltem ei terram  
inijcito, atque ita sepelito, ut ad occidentem spectet.*  
Non putarunt homines humanissimi sine labe,  
& macula vel simplicissimum hoc sepulturæ ge-  
nus, iniectionem terræ scilicet, aut pulueris præ-  
termitti posse. Naufragiomersum, & in litus  
eiectum Archytam Tarentinum, sic nautam lit-  
tus legentem hanc sepulturam rogantem facit  
lib. 1. Ode 28. Horatius.

*Attu nauta vagane parce malignus à cœ-  
ossibus, & capiti inhumato*

*Particulam dare.*

Magnæ siquidem infelicitati adscribebant ve-  
teres tumuli prorsus expertem iacere, atq; ideo  
yiui adhuc humationem petebant sibi. Id pluri-  
bus ex locis poetarum fit manifestum. Venio ad  
aliā legem, ex qua aduersus bene meritam, li-  
cet bestiam, elucet grata memoria. *Bonem ara-  
torem qui iugum trahit, vel cum aratro, vel cum  
plauastro, ne mactato: quoniam ille etiam agricola  
est, & humanogenere laborum socius.* Ob hanc  
causam

causam Pythagoras cum carnium vetaret esum, atque idcirco animantes admodum miseraretur, præcipuè ouium, ac bouum vicem dolebat, multis rationibus vtilissimarum animantium. Mitto iam oues; de bobus audi querimoniam ex XV. Metamorph.

*Quid meruere bonæ, animal sine fraude, doloq̃,  
Innocuum, simplex, natum tolerare labores?*

*Immemor est demum, nec frugum munere dignus,*

*Qui potuit curui dempto modo pondere aratri  
Ruricolam mactare suum: qui trita labore*

*Ille quibus toties durum renouauerat aruum  
Tot dederat messes, percussit colla securi.*

A quatuor rebus bos commendatur. *Incallidum animal.* Secus vulpes, & quædam alia, de quibus Aristoteles, Plinius, &c. *Innocens*, haud enim lædit quempiam. Sunt cornupetæ: sed illi fermè tauri, de his modo non est sermo. *Simplex*, paret quippe armentario, & quâ ducitur ambulat, suo qualicunque victu contentum. *Laboriosum*, in terra excolenda. Cic. 2. de nat. deor. Quid de bobus loquar? quorum ipsa terga declarant, non esse ad onus accipiendum figurata: ceruices autem natæ ad iugum: tum vires humerorum, & latitudines ad aratra extrahenda. Vide prouerb. Bos sub iugum. Varro 2. de re rust. Hic socius hominum in rustico opere, & Cereris minister. Legendus etiam Liban. in Progymnas. de laudibus bouis. Ergo non in-

iuria Pythagoras videtur virium magnum exprobrare mactatori, & deuoratori bouis, vt ingratissimo, & indigno pane ipso, qui ei absque bouis labore non suppeditaret. Quomodo enim sine aratione seges, sine segete messis, sine messis frumentum, sine frumento farina, sine farina panis? Atqui bos arat. Nam prisce equorum operam non ad arationem, sed ad bellum adhibebant. Exaggerat autem *γερωνίας* bouis, vt inde prauitas eum occidentis, & absumentis liqueat. Verat & Hesiodus bouem aratorem mactare. Quinimò Athenis, vt Leonicus in varia hist. prodidit, quotannis illius securis causa agebatur, qua primus bos ad aram, Erechtheo rege mactatus ferebatur. Misericors homo Ouidius, 4. Fast. ubi pacis, & agriculturę studium commendat, istis versibus mactationem à boue deprecatur.

*Abone succincti cultros remouete ministri:*

*Bos ares, ignauam sacrificate suam.*

*Apta iugo ceruix non est ferienda securi,*

*Vinat, & in dura sepe laboret humo.*

Consule insuper Plin. lib. 8. cap. 45. De *βουβουρία*, à quibus usurpata, & contra, à quibus religioni habita, Stuckius de sacris, & sacrificijs gentilium, pag. 44. & sequenti.

IV. *Exordium Partitionum oratoriarię ex Platone expressum apparere.*

Quod

**Q**Uod Cicero de Panætio Stolco philosopho  
Tuscul. I. eam adeo admirari, venerarique  
Platonem suum consueuisse, vt omnibus locis  
diuinum, sapientissimum, sanctissimum, Home-  
rum philosophorum appellaret, hoc idem verè  
etiam de ipso Cicerone dici potest: cuius φιλο-  
πλατωνία nihil notius. Plato est illi diuinus, vnus  
instar omnium; quasi quidam deus philosopho-  
rum: non intelligendi solum, sed etiam dicendi  
grauissimus auctor, & magister: ingenij, & do-  
ctrinæ princeps, &c. Hunc quin crebrius in scri-  
ptis suis, non solum quâ sententiis, & dogma-  
tis imitatus, verùm etiam quâ dictione æmula-  
tus, & ad verbum pæne interpretatus sit, cui  
dubium esse potest, qui ambos nouerit? Sanè i-  
nitium Partitionum, cum filius à patre sibi ra-  
tionem dicendi petit exponi, hoc quod dico tam  
non ambiguè prodit, quàm certum habetur lu-  
cis auctorem esse solem. Redditum enim liquet  
ex dialogo, qui est de Sapientia, & Theages in-  
scribitur. Vbi Demodocus super institutione fi-  
lij Theagis Socratem conuenit, atque consilium  
eius exquirat.

Cic. F. *Studeo, mi pater, latinè ex te audire ea,  
quæ mihi tu de ratione dicendi græcè tradidisti: si  
modò tibi est otium, & si vis.* Cic. P. *An est, mi  
Cicero, quod ego malim, quàm te quàm doctissi-  
mum esse? Otium autem primum summum est,  
quoniam aliquando Roma excedi potestas data  
est. Deinde ista tua studia vel maximis occupa-*

*tionibus meis anteferrem libenter. Cic. F. Vis ne igitur, ut tibi me gracè, &c. Cic. P. Sanè, si placet. Nunc Platonem audi, & de tribus quæ inducuntur personis, Demodocum puta Ciceron. filium, Socratem Ciceronem patrem.*

ΔΗ. Ω. Σώκρατες, ἐδέομην ἅπλᾳ σοι ἰδιολογήσασθαι, εἰ σχολή. καὶν ἀσχολία δὲ μὴ πάνυ τις μεγάλη, ὅμως ἐμὲ ἕνεκα ποιῆσαι σχολήν. ΣΩ. Ἀλλὰ καὶ ἄλλως τυγχάνω σχολάζων, καὶ δὴ σὺ γὰρ ἕνεκα καὶ πάνυ, ἀλλ' εἴ τι βύλει λέγειν, ἔξεις. ΔΗ. Βύλει ὅνδε ὕρο εἰς τὴν τῷ Διὶ τῷ ἐλευθερίῳ σοὶ ἀνέκποδὼν ἀποχωρήσομεν; ΣΩ. εἰ σοὶ δοκεῖ.

### Ex interpretatione Serrani.

DEM. *Sunt mihi, Socrates, quadam priuatim tibi communicanda, si quidem otium est: & si negotium etiam sit, modò ne planè magnum, velim ut mea causa otium agas.* [ Non hoc Cicero filius: non exigit; sed sub conditione tantùm, seruata erga patrem reuerentia, & modestia, si modo est otium, inquit, &, si vis ] SOC. *At enim aliàs otium quoque mihi est: tua verò causa maxime. Itaque quod volueris tibi licet dicere.* DEM. *Vis ne ergo ut illac in proximam Iouis Liberatoris porticum è vestigio secedamus?* SOC. *Esto, si quidem ita tibi videtur.*

V. *Quis sit Homero, & Hesiodo μέγας ὄρκος, magnum iusiurandum. Quis item Alexandro M. & Caio Calig. Imp.*

Quoniam



**Q**uoniam ipsa Styx flumen, seu palus inferorum, conspiratorum contra Iouem deorum, cum illum vincere voluerunt, insidias ei patefecerat; aut quia filiam Victoriam ei subsidio in eapugna miserat, hanc illi dignitatem concessit, ut dij iusiurandum per stygem conceptum, sanctissimum, ac prorsus inuiolabile haberent. Si quis eorum peierasset, anno vno, & diebus nouem ambrosia, & nectare careret. Testatur Homerus Odyss. 5. Natal. lib. 3. cap. 2. Sic iurat Iupiter 1. Metam. *per flumina iuro Infera, sub terras stygio labentia laco.* Et sub finem libri.

*Pone metus, inquit, nunquam tibi causa doloris  
Hæc erit: & stygias iubet hoc audire palades.  
Et Phæbus lib. 2. Phaethonti,*

*----- quod vis pete minus, & illud  
Me tribuente feres. Promissi testis adesto  
Diis iuranda palus, oculis incognita nostris.*

*Et infra.*

*Ne dubites, dabitur (stygias iurauimus undas)  
Quodcumq; optaris: sed tu sapientius opta.*

Hoc itaque iuramentum μέγας ὄρκος ( quia deorum, & sacrosanctum ) dicebatur. Homerus Odyss. β'. ὡς ἄρ' ἔφη, γρηῆνς δὲ θεῶν μέγαν ὄρκον ἀπώμω. Hesiod. Theog. vbi de Styge, αὐτὴν μὲν γὰρ ἔθηκε θεῶν μέγαν ἔμμεναι ὄρκον. Rursum apud Homerū hymno in Apollinem Latona Delo insulæ per cælum, terras, & stygias aquas iurans.

*Καὶ τὸ κατειβόμενον συγὸς ὕδαρ, ὅς τε μέγας  
Ὀρκος, δεινότατος τε πέλει μακάρεσσιν ἰθὺίοισιν.*

Alexander Hephæstionem amicum, & alterum se post obitum in deorum numero veneratus est: adeo, ut super omnia religiosissimū iusiurandum arbitraretur, quod per nomen Hephæstionis conciperetur. Lucian. de non cred. calum. C. Calignula, teste Sueton. cap. 24. nullum sanctius iuramentum dedit, quàm per nomen Drusillæ datum, sororis inquam suæ.

## VI. *Athenæ plures. Atticarum commendatio.*

**A**Thenas fuisse plures, à Pallade ædificatas, & educatas, ante ingentem terrarum eluvionem, ex Timæo quidam prodiderunt. Stephanus hoc nomine quinque, aut sex vrbes nūcupatas auctor est. Trinas fuisse testatur Varro de ling. lat. lib. 7. & ab vna dictos Athenæos, ab altera Athenienses, à tertia Athenopolitas. De illis nos agemus, quas Plantus sæpius Athenas Atticas nominat, ut ab alijs scilicet Athenis distinguat: de quibus & M. Tullius pro Flacco. Vrbs, inquit, vetustate ea est, ut ipsa & sese suos clues genuisse dicatur, & eorum eadem terra parens, & altrix. *ἄδριος* vocat Sophocles in Aiace. Quanquam gloriantibus aliquando Atheniensibus, quod indigenæ essent, Antisthenes ipse Atheniensis respondit, illos bruchis, & cochleis nihilo nobilliores. In Orat. perf. Itaque nobis monendi sunt ij, quorum sermo imperitus increbuit, qui aut dici se desiderant Atticos, aut ipsi

ipsi Atticè volunt dicere, vt mirentur hunc (Demosthenem) quo ne Athenas quidem ipsas magis credo fuisse Atticas. De ea Ouid. 2. Metamor. *Ingeniis, opibusq; & festa pace virentem*. A tribus rebus prædicatam vides hoc carmine, à studiis doctrinarum, à diuitijs, ab otio, & tranquilla pace, quam agitaret. De origine illius, laudibus, regibus, rebus gestis multa Iustin. lib. 2. Insuper Rhodigin. lib. 18. cap. 25. De Attica item, & Athenis Xenophon, principio libri de Vectigalibus. Omissis alijs, quantopere à studiis liberalibus laudata sit cognoscamus. Sanè philosophorum, oratorum, poetarum, rhetorum, etuditissimorum, ac sapientissimorum denique hominum, & omnium bonarum artium mater dici meritò potest. Alias eam primam reperisse, ac protulisse: alijs honorem, vim, & incrementum contulisse ait Plutarch. vbi quaerit, vtrum Athenienses virtute bellica, an sapientia magis excelluerint: Rectè igitur ac verè Cic. 1. de Orat. vt omittam filias omnium doctrinarum inuentrices Athenas. Et pro Flacco. Ad sunt Athenienses, vnde humanitas, doctrina, religio, fruges, iura, leges, ortæ, atque in omnes terras distributæ putantur. Doctas vocauit Propert. eleg. 6. lib. 1. *An mihi sit tanti doctas cognoscere Athenas*. Et rursum lib. 3. eleg. 21. *Magnum iter ad doctas proficisci cogor Athenas*. Quidam, vt obseruat Athenæus lib. 1. & Eustath. in Iliad. & repetit Muret. Comment. in 1. de rep. Plat. appel-

λαύει λαμπροτάτην πόλιν των πασών, ἃς ὁ Ζεὺς ἀναφαί-  
ρει. Alij ἐλλάδ' ὠκυμένην, ἐλλάδ' ὠκυμένην, ἐλλάδ' ὠ-  
κυμένην. Illustrissimam urbium quotquot Iupiter  
ostenderet. Græciæ musæum, Prytaneum, & a-  
sylum. Eloquentia potissimum ibi clarum, & il-  
lustre domicilium habuit, quare patriam com-  
munem eloquentiæ Iustin. lib. 5. quomodo &  
alterum Græciæ oculum nominavit, quod de  
Sparta, & Athenis ante ipsum Lysander Lacedæ-  
monius dixerat. Vellei locum appositum de ex-  
tremo lib. 1. adscribemus, ut à Lipsio correctum  
inuenimus. Vna urbs Attica, pluribus annis e-  
loquentia, quàm vniuersa Græcia, vberiusque  
floruit: adeò, ut corpora gentis illius separata  
sint in alias ciuitates: ingenia verò solis Atheni-  
ensium muris clausa existimes. Neque ego hoc  
magis miratus sum, quàm neminem Argium,  
Thebanum, Lacedæmonium oratorem, aut dum  
vixit auctoritate, aut post mortem dignum me-  
moriam existimatum: quæ urbes talium studio-  
rum fuere steriles, nisi Thebas vnum os Pinda-  
ri illuminaret. Nam Alcmana Lacones sibi fal-  
sò vindicant. Finiam, si eximium à Philone elo-  
giū addidero. ὅπερ ἐν ὀφθαλμοῖς κόρη, ἐν ψυχῇ λογισ-  
μὸς, τὴν ἐν ἐλλάδι Ἀθῆναι. Quod pupilla in oculo,  
in anima mens, siue ratio, hoc in Græcia Athenæ.

VII. *Quid Sirenes: tum quid sibi velit a-  
pud. D. Ambrosium filia  
passeram.*

Quam-

**Q**UAMOBREM Sirenes cum plumis, & pedibus autum facies gerant virgineas, quaestio-  
nem ponit Ouid. Metam. lib. 5. quam ita dissol-  
uit. Cum Proserpina flores legeret, quo tempore à Plutone raptâ est, eius illæ comites, ac sodales fuerunt. Eam amissam toto continente cum quaeritassent, sed frustra, per mare quoque investigare cupierunt; ac proinde pennas, & alas, quibus innatare aquis, & veluti remos ducere possent, quod in auibus quibusdam videmus, sibi optarunt. Responderunt dii optatis. Veruntamen, ne dulces illi cantus quos edebant, quique magno nauigantibus oblectamento essent, perirent, faciem illis, & vocem humanam reliquerunt. De his Auson. in Ternario festi-  
*Tres volucres, tres semideas, tres semipuellas.* Semiuolucres puellas Symmachus nominat, epist. 41. lib. 1. *Monstra maris Naso 3; de Arte.*

*Monstra maris Sirenes erant, qua voce canora  
Quaslibet admissas detinuerunt rates.*

De suauitate, & varietate cantus earum miranda prædicant poëtæ. A Græcis Grammaticis traditum inuenitur, Sirenas à pectore sursum habuisse passerum, infra pectus fæmineam speciem. Liquet hinc utcunque, quid S. Ambrosius voluerit de Fide ad Gratian. Aug. cap. 1. cum ait, Isaiam Sirenas, & filias passerum dixisse. Verba Prophetæ cap. 13. nulla mentione passerum sic habent: *Et respondebunt ibi ulula in adibus eius,*

*& Sirenes in delubris voluptatis.* Si locus Ambrosianus non est corruptus, memoria fortasse sanctum virum, non res ipsa sefellit. Hyginus partem superiorem corporis muliebrem, interiorē gallinaceam habuisse auctor est.

# VIII. *Sententia M. Tullij de domo viri honorati perpersa, & illustrata.*

**L**ib. 1. de Off. ubi de Temperantia præcipit Cicero, ne quid omitteret, quod ad argumentum consummatius pertractandum pertineret, etiam de hominis honorati, & principis domo quid in officio esset, demonstrandum putavit: nam in eam quoque partem peccari & potest, & solet. Vt ergo eius doctrinā, præceptumque summam proponam, vult descriptionem ædificandi accommodari ad usum, qui est cuiusque domus ædificandæ finis. Habendam nihilominus rationem dignitatis, & commoditatis quoque: ornandamque dignitatem domo, non ex domo totam querendam: nec domo dominum: sed domum domino honestandum. Hæc enus ille. Qui sunt igitur, qui dignitatem totam ex domo querunt, nisi qui carent ijs omnibus, quæ dignitatem pariunt? in quibus nulla vel à maioribus accepta claritudo, vel studio, & labore acquisita eruditio, vel prudentia, & rerum magnarum usus, vel virtus denique & auctoritas; sed diuitiæ duntaxat cernuntur; qui, quamvis sub purpura, simia, & sub leonina pelle manent

manent asini. Eadem est planè ratio domus ad habitaculum suum, quæ corporis ad animum, à quo incolitur. Quid quæso affert laudis seu viro, seu mulieri corpus elegans cum animo insipienti, ac fatuo? Contrà membris quamvis distortis, nec facie insignem, tamen ingeniosum, ac sapientem, qualis Æsopus fuit, quem Athenienses statua ante septem sapientum statuas posita honorarunt, quis non suspiciat? Quocirca qui vult splendide habitare, & domum ornare potius, quàm à domo ornari, prius semetipsum veris ornamentis exornare studeat. Vituperabat Socrates Archelaum Macedonem, quod in domum excitandam XL. minas impendisset, eamque à Zeuxide pictore nobilissimo mercede conducto egregijs picturis condecorandam curauisset: se autem penitus neglexisset, nec ullam sui excolendi impensum fecisset. E remotissimis terris aduentare complures, domum eius, non etiam ipsum Archelam contemplatum: nisi si forte quamplam pecunia & muneribus, (quibus tamen honesti, ac boni minimè caperentur) inescasset. Refert Ælianus var. hist. lib. 14. cap. 17. Lege item Philostrat. lib. 5. cap. 8. de vita Apollonij Tyanei, quo is cum Rhodio adolescente, & locuplete, super ædibus quas præclaras sumptuose edificabat, scitè sermonem miscet, cumque *ἀλογισίας* conuincit.



**IX.** *Quo pacto mens ad voluntatem, & sensus corporis sese habeat, trina similitudine ex tribus scriptoribus declaratum.*

**I**N Isocratea illa parænesi ad Demonium, saluberrimis morum præceptis ad vitam priuatam bene instituendam referta, quicunque tandem illius auctor sit (tres enim Isocrates inueniuntur, & cui potissimum adscribenda sit, à Mureto variat. lib. 1. cap. 1. Henrico Stephano Diatribe 1. disputatur) in illa, inquam, scholis notissima parænesi de conuiujs ita præcipitur; non esse ad eunda, nisi si quando tempus postulauerit. Ac tum ante ebrietatem surgendum, & abeundum. Causa subditur. ὅταν γὰρ ὁ νῦν ὑπὸ οἴνου διαφθάρῃ, ταυτὰ πάσχει τοῖς ἄρμασι τοῖς τῆς ἡνιόχου ἀποβάλλουσι. ἐκεῖνα τε γὰρ ἀτάκτως φέρεται, διαμαρτάνοντα τῶν εὐθυρόντων· ἢ τε ψυχὴ πολλὰ σφάλλεται διαφθορῆς τῆς διανοίας. Quum enim vino mens corrupta fuerit, idem ei quod curribus euenit, è quibus aurigæ sunt excussi. Nam vt hi temere feruntur: sic animus in multa delicta impellitur, mente subuersa. Prudenter, & eleganter hîc mens cum auriga, voluntas autem cum curru, & sensus corporis cum equis currum trahentibus conferuntur. Mens est, ad cuius præscriptum dirigendæ sunt functiones animi, quo nomine sæpius voluntas capitur. Plautus Trinum. *Tu si animum vicisti potius, quàm animus te, est quod gaudeas.* Horat. epist. 2. lib. 1. *animum rege, qui nisi paret,*  
Impe-

*Imperat.* Ipsa voluntas currui respondet, cuius ministri tanquam equi sunt sensus. In qua aula, & præcipitia hi currum non raptabunt, si rector officio suo defuerit? Planè ut quòdam Phaëthontem solis equi, ad quem locum Isocratis 2. Metamorph. allusum crediderim.

*Mentis inops, gelida formidine lora remisit;*

*Quæ postquam summo senserè iacentia tergo,*

*Exspatiantur equi, nulloq; inhibente per auras,*

*Ignota regionis eunt: quaque impetus egit,*

*Hac sine lege ruunt.*

Hanc ipsam comparisonem aduersus Iouinlanum scribens S. Hieronymus scitè tractauit. Sensus, inquit, corporum quasi equi sunt, sine ratione currentes: anima verò (mens) in aurigæ modum retinet fræna currentium. Et quomodo equi absque rectore præcipientes ruunt: ita corpus sine ratione, & imperio animæ in suum fertur interitum. Aliam continenter subiungit, petitam à philosophis, corpus puerum, animam pædagogum esse docentibus. Addit verba Sallustij de procemio coniurationis. Animæ imperio, corporis seruitio magis utimur. Vnde tu terriam similitudinem, siue comparisonem possis elicere, domini & serui, seu heræ & ancillæ videlicet.

X. *Aduersus amorem vetitum. Eius remedia, Locus Xenophontis.*

V Eriſſimè insanum est, & malum in hospitium diuerti ad cupidinem. Nam is hominum mo-  
res

*res morōs (stultos) & morosos efficit. Ubi is in cor  
aduenit, simul res, fides, fama, virtus, decusq; dese-  
runt. Hæc Plauti sunt, etsi non eodem loco posi-  
ta. Plautus amoris impuri, ac turpis descriptor,  
& depictor optimus. Pluſcula de eius signis, &  
argumentis Crinit. lib. 16. cap. 4. Multa de aman-  
tium infania, detrimentis, molestijs Lucret. lib.  
4. culus & hoc velut è cortina profectum respō-  
ſum; difficilem eius reperiri exitum, facilem in-  
grefſum.*

*Nam vitare, plagas in amoris ne iaciamur.*

*Hand ita difficile est, quàm captum retibus ipsis*

*Exire, & validos Veneris pervincere nodos.*

Ubi Lamb. pro *iaciamur* ex Festo emendat  
*laciatur*. *Lacit*, in fraudem inducit (inde est al-  
licere) delectat, oblectat. Idem, *lacit*, decipiendo  
inducit; lax enim fraus est. Nunc de hoc siue in-  
cendio restinguendo, siue morbo sanando, siue  
malo depellendo quid dici commodè possit vi-  
deamus. Crates Thebanus, vt meminit Laertius,  
tria auxilia proposuit, famem, tempus, laqueum.  
In fame & siti Venus, & cupido locum non ha-  
bent. Tempore molliuntur, extenuantur, flac-  
cescunt omnia: ipsæ quoque ægritudines ani-  
morum, doloresque quibus non carent aman-  
tes, minuuntur, & vanescunt. Mors siue ea gla-  
dio, siue laqueo, siue alio quodā modo *αὐτοχρεῖ*,  
aut ab alio afferatur, malum quidem est, sed se-  
mel tantum venit, & à malis liberum, ac securum  
præstat omnibus. Hæc se multare in quacunque  
cala-

salutatem nemo debet. Quibus ergo rationibus huic pernicioso morbo medebimur? quibus? fame, seu inedia, ut dictum est: assiduis, & ardentibus precationibus: *χεαμυριας*, seu humi cubationibus, flagellis, cilicijs, frequenti eucharistiae usu, alijsque sanctis actionibus, & exercitationibus. Optimum quoque faminarum, forma praesertim, excellentium aspectum fugere, omnemque occasionem vitare. Quod & Lucretij consilium est. *Sed fugitare decet simulacra, & pabula amoris.* Sic Hieronymus aduersus Vigilantium. Fateor imbecilitatem meam (dum fugio in solitudinem) nolo spe pugnare victoriae, ne perdam aliquando victoriam. Si fugero, gladium deitavi: si stetero, aut vincendum mihi est, aut cadendum. Quid autem necesse est certa dimittere, & incerta sectari? Aut scuto, aut pedibus mors vitanda est, &c. Quid de formolarum aspectu vitando Socrates Xenophonti suadeat in libro *ἀπομνημονεύ.* ne pigeat auscultare. *Anescis id animal quod pulchrum, & formosum vocant eò horribilius esse phalangijs (genus est aranea) quod hac tactu solum ledunt: illud verò etsi non tangat, sed eminus tantum videatur, immittit aliquid quod insanire faciat.* Et hinc est quod Cupido dicitur pharetratus, quoniam formosa etiam a longe vulnera infligunt. Quapropter tibi, ô Xenophon, consilium do, ut quam primum aliquam formosam conspexeris ita fugias, ut ne retro quidem respicias. Quid hoc dicto Christianum magis?

# XI. *Principium distichorum Catonis explicatum, & illustratum.*

**D**isticha moralia quæ vocantur, & duobus hexametris semper sententiam certam cōplectuntur, nec Catonis sunt, Romani illius Uticensis, viri optimi, & sapientissimi: nec Ausonij. Cuidam Dionysio, cognomento Catoni ex vetustissimo codice Simeonis Bosij attribuit in Notis Iosephus Scaliger. Cuiuscunque verò tandem sint, Catoni erubescenda non sunt: dignissima, inquam, illo, quia honestatis, probitatis, & sapientiæ plena sunt. Quia de causa Gnomologum ei Catonis nomen præscripsisse opinor. Maximus Planudes, monachus Constantinopolitanus, qui D. Thomam Aquinatem contra gentes, & Augustini de Trinitate, & Metamorphosin Ovidij in græcum transtulit, hunc etiam aureolum libellum græco carmine conuertit: quamquam sensum non ubiq; assecutus, ut censet Roterodamus, qui eundem Scholijs ornauit, dulcemque, atque vberem fructum in tam modica gleba inesse ostendit. Primi ergo duo versus hi sunt.

*Si Deus est animus, nobis ut carmina dicunt,  
Hic tibi præcipue sit pura mente colendus.*

In his declarandis virum quendam eruditum adeo hallucinatum demiror. Sic enim accipit prima verba, seu prius hemistichium, quasi auctor dicat, cum animus sit deus, faciens id animus

ὑποκείμετον siue subiectū, τὸ deus verὸ καὶ ἡγερέμα, attributum seu prædicatum, vt loquuntur Dialectici. Esse autem deum, seu habitum pro deo pluribus deinde variorum scriptorum auctoritatibus confirmat. Quo igitur pacto consistere potest, quod est in versu altero, de illo deo pure mente colendo? an quis animum suum ipsemet colere animo suo, & adorare debet? Germana, & vera, & contraria sententia hæc est. Quandoquidem deus est animus, hoc est, spiritus, seu, vt Cicero ait, mens soluta, & libera, segregata ab omni concretionem mortali, &c. par est, vt etiam spiritu, & mente, sed ea pura, casta, integra, nullis scelerum sordibus contaminata colatur. Huiusmodi enim cultu præcipuè, & maximè delectatur: & sine quo exterior cultus per ceremonias, & sacrificia apud eum pro nihilo est. Consentanea his Seneca epist. CX. Ex Nomentano meo te saluto, & tibeo te habere mentem bonam, hoc est, propitios deos omnes: quos habet placatos, & fauentes omnes, quisquis sibi se propitiavit. Sic Plin. Panegy. Animaduerto etiam, deos ipsos non tam accuratis adorantium precibus, quàm innocentia, & sanctitate lætari: gratioremque existimari, qui delubris eorum puram, castamque mentem, quàm qui meditatum carmen intulerit. Idem laudant, & consuadent poëtæ. Primi huius distichi versionem Planudis castigans Scaliger, ipse melius vertit hoc modo.

Ἐὶ θεός ἐστίνῃς, ὥς εἰσφατά φησι παλαιῶν;  
 Τόνδε μάλιστα νόφ καθαρῶ μέμνησο σεβίζειν.

## XII. *Gemina forma Dialogi. Locus in Lælio Ciceronis ex Theæteto Platonis*

*imitatus.*

**D**Vplex est forma Dialogorum. Aut enim personæ ipsæ colloquuntur, qui modus maiorem vim habet, & est ἐναργέστερος: aut collatus inter eas sermo seu ab una ipsarum, seu ab eo qui interfuit, seu demum ab aliquo alio, qui eundem accepit, exponitur. Prius genus δραματικὸν, posterius ἐξηγητικὸν appellamus: quæ duo etiam in Lælio constituit M. Tullius, cum in exponenda disputatione de Amicitia à C. Lælio cum Q. Mutio Scævola, & C. Fannio generis habita, ad vitandum ex crebritate verborum *Inquam*, & *Inquit* fastidium, priore se uti malle significat. Eius disputationis sententias, ait, memoriæ mandavi, quas in hoc libro exposui arbitrato meo. Quasi enim ipsos introduxi loquentes, ne, *Inquam*, & *Inquit* sæpius interponeretur: atque ut tanquam à præsentibus coram haberi sermo videretur. In præmio porro Theæteti, Euclides Terpsioni narrat, quomodo Socratis cum Theæteto adolescēte institutum colloquium, & ab eodem sibi commemoratum in Commentarium domi retulerit: & postea quoties Megaris Athenas venerit, Socratem de ijs, quæ non satis meminerat, interrogauerit, atque



ita sermonem pænè totum conscripserit. Quem librum mox puero recitandum portigit. De forma autem conscripti ab se huius dialogi eodem prorsus modo, quo Cicero de suo, loquitur Euclides: ut dubitari nequeat, quin quod scire, & perlibenter facit, πλατῶνίζει, hic quoque voluerit. In rem presentem veniamus, si placet.

ΕΥΚΛ. Τὸ μὲν δὴ βιβλίον, ᾧ Γέρσιον τυτί. ἔγραψάμην δὲ δὴ ὑποστὶ τὸν λόγον, ὑπέμοι Σωκράτη διηγέμενον, ὡς διηγείτο, ἀλλὰ διαλεγόμενον οἷς ἔφη διαλεχθῆναι. ἔφη δὲ τῷ τε γεωμέτρῃ Θεοδώρῳ, καὶ Θεαιτήτῃ. ἵνα ἔν ἐν τῇ γραφῇ μὴ παρέχοιεν πρᾶγματα, αἰμείαξὺ τῶν λόγων διηγέσεως περὶ αὐτῶ τε ὁπότε λέγουσι Σωκράτης, καὶ ὡς ἔφη, ἢ, καὶ ἐξ ὧς εἶπον, ἢ αὐτοὶ περὶ τῶ ἀποκρινομένου, ὅτι συνέφη, ἢ, ὅχ ὡμολόγη, τῶτων ἕνεκα ὡς αὐτὸν αὐτοῖς διαλεγόμενον ἔγραψα, ἐξελὼν τὰ τοιαῦτα. ΤΕΡΨ. καὶ ὑδέν γε ὑπὸ τῷ τρόπῳ, ᾧ Εὐκλείδῃ. ΕΥΚΛ. ἀλλὰ παῖ λαβὲ, καὶ λέγε. E U C L I D. Ecce tibi librum ipsum, Terpsion. Ego verò sermonem nō ita conscripsi, quasi Socrates eum mihi commemoraret, ut commemoravit: sed quasi cum ijs apud quos est habitus, colloqueretur, quos Theodorum, & Theætetum aiebat fuisse. Ne igitur molestiam exhiberent in ipsa conscriptione disputationis indicationes illæ repetitæ de Socrate locuturo, Et ego inqueiebam, aut, & ego dixi: vel de respondente, Assensit, item, Non concessit, ob hanc causam, his prætermisissis, vel ipsummet cum illis differentem feci. ΤΕΡΨ. Εὐκλείδῃ quidem. E U C L I D. Tolle librum, puer, & recita.

XIII. *Vox blandiloqua apud D. Hieronymum.*

**C**ENUS quoddam blandius appellandi, quo mulieres voluptuarię, & attriti pudoris ad alias honestiores molliter, & verę muliebritervterentur, si quando aut suadere, aut aliquid impettare vellent, apud S. Hieronymum, epistola ad Eustochium inueni: tametsi id Grammatica ratio non agnoscit. Sed cum illi sæculo, quo pessum ire incipiebat latinitas, tum sexui femineo solæcismus ignosci potest. Nam cum à veteri pronomine mius pro meus solus vocandi casus *mi* remanserit, genere virili nempe, & muliebri autem dicatur (vteram tum dicebatur) *mea*, illæ inuicem blandientes, pro mea catella, mi catella dicebant. Verba viri sancti appendam. Eas autem virgines, & viduas, quæ otiosæ, & curiosę domos circumeunt matronarum, quæ rubere frontis abstrito parasitos vincunt, animorum quasi quasdam pestes abijce. Nulla illis nisi ventris cura est, & quæ ventri sunt proxima. Istiusmodi hortari solent, & dicere, mi catella, rebus tuis vtère, vine dum viuus: &, nunquid filijs tuis feruas? Vinosæ, atque lasciuę quiduis mali insinuant, & ferreas quoque mentes ad delicias emolliunt. Apud Plaut. Asinar. simile quiddam extat in blanditijs. *Dic igitur me tibi anaticulam, columbam, vel catellam, hirundinem, passerculum.* Memoria dignum, matronas nobiles catellis,  
præfer-

præsertim Melitæis delectati plurimum solitas,  
eorumque curæ præfecisse seruas. Testatur ve-  
tus tabula marmorea in epitaphio.

O S S A

AVRELIAE. LIVIAE. AVG. SER.

A. CVR. CATELLÆ.

#### XIV. *Sermones, quæstiones, seu dispu- tiones conuiuales.*

**C**onuiuium quatuor rebus absolutum fore,  
ex satyra quadam Menippæa Terentij Var-  
ronis refert Gellius lib. 13. cap. 11. Si belli hominu-  
culi collecti sint: si lectus locus: si tempus lectû:  
si apparatus non neglectus. Præteritis cæteris  
de primo amplius hæc ibidem Varro. Nec lo-  
quaces, nec mutos legi oportere. Sermones ve-  
rò instituendos non super rebus anxiis, aut tor-  
tuosis: sed iucundos, atque inuitabiles, & cum  
quadam illecebra, & voluptate utiles, ex quibus  
ingenium nostrum venustius fiat, atque amœni-  
us. Optimum sanè condimentum conuiuiorum  
sermo, suauius utique delectans animos, si talis  
sit, qualem Varro descripsit, quàm fidium, aut  
vorum ullus super mensam concentus. Sin au-  
tem nugatorius, levis, detractorius, obscœnus,  
tum verò prudenter silere, quàm impudenter,  
& stultè loqui præstaret. Fuit sanè mos antiquis  
inter epulas recensere historias, quem morem

indicat Homerus Odyss. 9. ubi Vlysses in conuiuium Alcinoi regis rogatus suas calamitates præteritas exponit. Quod exemplum in Æneid suo Virgilius est imitatus, cum 2. & 3. libro & excidium Troiæ, & nauigationem suam enarrantem inducit; id quod Dido Regina eum rogauerat. Sese item eruditis colloquutionibus recreare, & citra fastidium, ac molestiam docere studebant, certabantque inuicem ponendis quæstionibus de rebus seu naturalibus, seu moralibus, seu medicis, seu historicis, seu quibuscumque demum, quibus ingenium, ut aiebat Varro, venustius, & amœnius fieret, vinoque florens animus, ut loquitur alicubi Gellius, lacefferetur. Qui lib. 15. cap. 2. narrat, iuvenes Athenis hebdomadibus lunæ, septimo videlicet quoquo die, huiusmodi conuiuia agitare consueuisse, in quibus utiles, & delectabiles sermones sererentur, simul atque epulis modus esset factus. Quare cum de huius generis sermonibus, & quæstionibus libros 9. confecit Plutarchus, ὁ πάντης σοφίας ἀγοστήτην, καὶ λύρα, omnis sapientiæ Venus & lyra, ut eum appellat Eunapius, plurimum studiis nostris commodauit. Securus est autem in eo labore Platonis, Xenonis, Aristotelis, aliorumque philosophorum prudens consilium, qui colloquia in conuiuijs habita conscribenda, & quidquid de rebus ad humanitatem (ἡμετέριαν) pertinentibus memoria dignum sparsim vel apud externos, vel in Græcia in mensa, & inter pocula disputa-

putatum sit, colligendum censuere, quod ait ipse lib. 1. quæst. 1. Nunc homini liberaliter erudito eadem prope conuiuiorum vitandorum causa debet esse, quæ Isocrati in iisdem tacendi. A Nicocreonte enim Cypriorum tyranno aliquando ad epulas inuitatus, cum à conuiliis rogaretur, ut ipse quoque differeret aliquid; Quarum rerum, inquit, ego peritus sum, hæ nunc locum non habent: quæ autem nunc locum habent, earum ego peritus non sum.

**XV.** *Sylua quod genus poematis, & Sylua Statiæ.*

**A** Materia nomē sortitur hoc genus scriptio-  
nis poëticæ, quod inter Latinos vnus, & so-  
lus Statius Papinius celebravit. Nam vnde  
latina vox sylua (non silua, quasi à fileo, quia si-  
lentium sit in syluis: nec scripturæ antiquorum  
codicum semper sunt emendatæ, ac sanæ) et-  
iam pro materia dicitur: quoniam infinitorum  
pæne vel operum, vel ædificiorum materia lig-  
nis, quæ à syluis suppeditantur, constat. Quo-  
circa quædam poëmata subito caleſcente animo  
celerius effusa vel à multiplici materia, vel à fre-  
quentia rerum inculcatarum, vel ab ipsis rudi-  
mentis, quemadmodum in syluis quoque mul-  
tas, diuerſas, lignis adhuc impolitis arbores in-  
tuemus, syluas nominabant. Ita fermè Scalig.  
Poët. lib. 2. cap. 100. facem sibi prælucente nimi-  
rum Quintiliano, atque adeo ipsomet Statio. Il-

lius verba de lib. 10. cap. 3. cuius index, *Quomodo describendum sit*, tibi annumerabo. Diuersum est huic eorum vitium, qui primò decurrere per materiam stylo quàm velocissimo volunt, & sequentes calorem atque impetum, ex tempore scribunt: hanc syluam vocant. Repetunt deinde, & componunt quæ effuderant: sed verba emendantur, & numeri: manet in rebus temerè congestis quæ fuit leuitas. Protinus ergo adhibere curam rectius erit, atque ab initio sic opus ducere, vt cælandum, non ex integro fabricandum sit. Ecquid cernis, lector, non probari in oratore syluam, propter res temere congestas, quam leuitatem appellat? Velocitatem styli, calorem repentinum, extemporalitatem *αὐτοσχέδια μὲν*, tria hæc de se concedit non dissimulante Statius. Sic enim legimus præfat. 1. Qui mihi (libelli quinque Syluarum) subito calore, & quadam festinandi voluptate fluxerunt. Et paulo post. Nullum enim ex ijs biduo longius tractum: quædam & singulis diebus effusa. Veruntamen, si Epigrammatario temerè multa congerenti, nullo ordine, nulla consecutione, quædam nec scripture digna fortasse, tamen datur venia, modò cætera non defint, arbitror nec Syluiographis poëtis eam negare oportere. Sanè qualescunque sint Statianæ Sylvæ, à pluribus prædicatas comperimus. Quos inter Politianus, præfat. Citra æmulum in his Syluarum poematis floruit, ac tam sese ipse post se reliquit.

quam

quam eundem Virgilius in superioribus (in Thebalde) antecessit. Statij Sylvas, egregium, atque in eo genere vnicum opus, quodq; auctori suo felicissimè omnium successerit, non solum publicè enarrandas, sed ediscendas etiam, & oratoribus æquè, poetisq; imitandas, exprimendasq; censemus. Pauca hæc de multis apud illum.

*XVI. De pluribus Thebis, deq; Bæotiis disertius.*

**N**Ouem vrbes *συνανύμνε*, seu 'cognonimes Stephanus recenset: omnes siquidem Thebæ dicuntur. Tametsi & *θήβη* Thebe legitur. I. Bæotix, à Thebe Promethei filia. II. Ægyptix, quas condidit Busirides. Portas habuit cētum, vnde & *ἑκατόμπολις*. Callimachus ait illic esse speluncam, quæ aliis quidem diebus plena sit vento: tricesimo autem quoque die mensis vento prorsus careat. Vicinæ regioni vocabulum Thebais. III. Thessalicæ, in ea parte quæ Phtiotis vocatur. IV. Cilissæ, in quibus nata Andromacha, vxor Hectoris. V. Ionice, propè Miletum. VI. Atticæ. VII. Cataonicæ. Cataonia Straboni Cappadocia. VIII. Italicæ. IX. Syriacæ.

Nullæ tamen harum Ægyptijs, & Bæotijs decantatiores. Atque harum, Bæotiarum puta, fundator, & primus ædificator Cadmus Agenoris Phænicum regis filius, ea occasione, & modo,



quem principio 3. Metamorph. exposuit Ouis-  
 dius: instaurator, & amplificator Amphion, lo-  
 ue & Antiope natus, musicus, qui Horatio ad  
 Pisone *Thebana conditor arcis*. Ad Ogygem ve-  
 rustissimum Thebanorum regem quidam, ut  
 Varro 3. de re rust. cap. 1. eius urbis originem re-  
 tulerunt. Idem Varro ibidem ab agri genere op-  
 pidum nuncupatum tradit his verbis. Nec mi-  
 nus oppidi quoque nomen Thebæ indicant an-  
 tiquorum esse agrum, quod ab agri genere, non  
 à conditore nomen ei est impositum. Nam lin-  
 gua prisca, & in Græcia Aeoles Bœotij sine affla-  
 tu vocant colles Tebas: & in Sabinis, quæ Græ-  
 cia venerunt Pelasgi, etiam nunc ita dicunt, &c.  
 Sunt, qui è Syriaca lingua nomen istius urbi da-  
 tum putent, *θήβη* arcam interpretantes: ut scias  
 colonos naui, in arcæ formam fabricata eò adue-  
 nisse. Conditam porrò ante Romam annis pro-  
 pemodum mille quingentis, cum septem por-  
 tis, unde & *ἐπταπύλος*. Nobilitauerunt eam nata-  
 libus suis Liber pater, Hercules, Pindarus poë-  
 ta, Pelopidas, & Epaminondas fortissimi duces.  
 Fons illi propinquus Dirce, culus frequens in  
 poëtis mentio. De eius bellica potentia, rebus-  
 que aduersus Lacedæmonios, & Athenienses  
 pro Græciæ principatu præclare administratis,  
 multa in Panegyrico Isocrates, & Diodorus lib.  
 16. Ab Alexandro tamen Macedone oppugna-  
 ta, occupata, & diruta est anno eius regni pri-  
 mo. Quid. XV. Metam. dum omnia orta occi-  
 dere

dere, & aucta senesceret trecentis exemplis demonstrat, etiam nobilissimas vrbes, & in illis hanc quoque per antithesin inducit.

*Clara fuit Sparte, magna vignère Mycene:  
Nec non & Cecropis, nec non Amphionis arces.  
Vile solum Sparta est: alta cecidère Mycene:  
Oedipodionia quid sunt nisi nomina Thebae*

## XVII. Tempus, & scriptores belli Thebani.

**B**ellorum omnium priscorum duo sunt fama, litterisque celebratissima, Thebanum prius, Troianum posterius. Assentitur & Ouid. 2. Trist. quo loco se præteritis grauioribus, & illustrioribus argumentis amatorias leuitates, atque nugas pertractasse etiam atque etiam lamentatur. Igitur inter cætera.

*Cur non Argolicis potius quæ concidit armis  
Vexata est iterum carmine Troia meo?*

*Cur tacui Thebas, & mutua vulnera fratrum,  
Et septem portas sub duce quamq. suo?*

In scriptis poetarum nihil his duobus bellis antiquius reperiri testatur Lucret. lib. 5.

*Cur superà bellum Thebanum, & funera Troia  
Non alias alij quoque res cecinere poeta?*

Et hoc quidem, Troianum inquam, bellatum in Asia, in Phrygia scilicet; illud alterum in Europa, quippe in Bæotia. Et hoc suscitauit veritas, atque insana libido: illud dira regnandi cupiditas, siue immoderata ambitio, duo exitiosa ma-

la humano generi, pestes populorum, euersiones urbium. Vtriusque exitus sanè flebilis, Troiani flebilior. Thebanum incidisse in annum mundi M M M X X V I. ante natalem Saluatoris circiter M. C C X V I. ante primam olympiadem C C C C L V I I. ante Romam conditam C C C C L X X X I. à Chronologis animaduersum est.

Cæterum de ijs qui tanti belli memoriam literis prodiderunt primus, & veterrimus in Græcis est Homerus. Testis in Bæotijs Pausanias. Et hoc quidem bellum aduersus Thebas, inquit, versibus perscriptum, quorum Calamus mentionem inducens, ab Homero factos arbitratur: cui multi, nec ignobiles auctores assentiunt. Ego quidem poësin illam secundum Homerilliadem, & Odysseam magni facio. Successit huic Antimachus, adeo diffusus & longus, ut libros XXIV. impleuerit, antequam duces illos VII. ad obsidionem Thebas perduceret. De huius Thebalde M. Tull. in Bruto hunc in modum. Nec enim dicere posset Demosthenes, quod dixisse Antimachum Clarium poëtam ferunt. Qui cum conuocatis auditoribus legeret magnum illud, quod nouistis, volumen suum, & legentem omnes præter Platonem reliquissent, legam, inquit, nihilominus, quoniam Plato est mihi instar omnium. Eius poëmatris hoc fuisse initium Græci Scholiastæ memorant. ἐννέπτε Κερνίδαο Διδε  
μεγάλου θυγατρει, Dicite Saturnidæ Iouis magni  
filie

filie. De eadem sine controuersia capiendus Plutarch. in Lysandro, ubi Colophonium vocat: sed Clarium cum Cicerone etiam Naso i. Trist. eleg. 5. Quod mœstius mortem Lydes vxoris lugeret, ad elegiacam humilitatem se demisit. Notatus est vt tumidus, & inflatus; proinde & Catull. epig. 96. *At populus tumido gaudeat Antimacho.* Quintilianus tamen lib. 10. cap. 1. vim in eo, & grauitatem, minimeque vulgare eloquendi genus commendans, adiungit. Sed quamuis ei secundas ferè (ab Homero) Grammaticorum consensus deferat, & affectibus, & iucunditate, & dispositione, & omnino arte deficitur. Vt planè manifestò appareat, quanto sit aliud proximum esse, aliud secundum. Nominat crebrò Thebaidem illius Arhenæus, ex qua & Pausan. in Arcadicis Arlonem Adrastii equum describit. Sequitur Menelaus Ægius, de quo præter nomen nihil comperimus. Æschylus tragœdiam docuit, cuius index *ἡ τὰ ἐπὶ θύβαις*, quam fœllicter latinam reddidit Q. Septimius Florens Christianus, & paucis abhinc annis in lucem prodijt. Vt de Latinis nunc dicamus, narratur & Attius Tragicus materiam hanc suscepisse, quod ex quibusdam eius apud Nonium reliquijs deprehenditur, etsi versu heroico, non tragico vsus est. Anonymus præterea quidam Thebaidem composuit, laudatam tragœdiam, quam sunt qui Senecæ adscribant, & vulgò pro Seneciana habetur, & cum alijs, non integralicet, circumfertur. Doctiores

Atiores negant. A Propertio lib. 1. eleg. 7. Ponticus numeratur in hoc ordine.

*Dum tibi Cadmee dicuntur, Pontice, Thebe,  
Armaq; fraterne tristia militia:*

*Atq; ita sim felix, primo contendis Homero,  
Sint modò fata tuis mollia corminibus.*

Meminit & Ouid. belli huius 9 Metamorph. In hæc verba.

----- nam iam discordia Thebe

*Bella mouent dixit : Capanensq; nisi ab Ione  
vinci*

*Haud poterit: flebuntq; pares in vulnera fratres:  
Subductaq; suos manes tellure videbit*

*Vivus adhuc vates, ultusq; parente parentem  
Natus eris factio pius, & sceleratus eodem, &c.*

Supetest Statius, qui id bellum libris XII. magna cum laude est persecutus, de quo poeta nobis plura dicenda sunt, hinc potissimum ducto initio.

# XVIII. Virgilij locus, item Horatij ad Statio adumbrati.

**M**VLtis versibus egregiè Domitiano Cæsari blanditur, eiq; palpum obtrudit Papinius in ingressu, & quasi vestibulo Thebaidos. In his eum hortatur, quamuis stellæ locum illi quem voluerit amplum cedant, & sol quoque pro se currum regendum tradat, ac Iupiter ex æquo cælum cum ipso partiti non recuset, ne conditionem accipere, sed supera superis relinquere, restorq;

Et quæ humani generis, & maris, ac terrarum dominus apud nos per manere malit.

----- licet arctior omnes

*Limes agat stellas, & te plaga lucida celi  
Pleiadum, Boreæq, & hinc fulminis experts  
Sollicitet, &c.*

Respexit utique ad Virgillum, qui i. Georgi secundum rusticorum deorum invocationem eodem honore dignatur Augustum, quem mox cælo successurum affirmans, dubitat terrarumne, an maris numen esse præoptet. De loco autem eius in cælo sic.

*Quæ locus Erigonen inter, chelæq, sequentes  
Panditur: ipse sibi iam brachia contrahit ar-  
dens*

*Scorpius, & celi iusta plus parte reliquit.*

Ad Horatium quoque, qui Ode 2. lib. 1. eundem Augustum à rebus humanis admodum se-  
rò demigrare cupit

*Serus in calum redeas, diu quo  
Latus intersis populo Quirini:  
Ne te nostris vitijs inquinum  
Ocyor aura.*

*Tollat: hic magnos potius triumphos,  
Hic ames dici pater, atq, princeps.*

Uterque vates beatius ducit in cælo degere quam in terris. Sed posterior patrem patriæ conservatoremque, & defensorem reipub. tardius vult eò proficisci, idque totius pop. Rom. nomine, Boni Principes, etsi quandoque suo, cum  
videll.

videlicet naturæ satis diu vixerunt, nunquam tamen reipub. ac suorum ciuium tempore moriuntur. Statius autem hoc loco præ monarchia orbis totius Domitiano hanc beatitudinem aspernandam censet, quamuis etiam cum Ioue, ut diximus, cælum diuidere possit. Deos, ut inane figmentum occultè deridet.

### XIX. *Pallor, & Verecundia Virginalis* à Papinio expressa.

**L**ibr. i. Thebaidos cum Adrastus Argiuorum Rex duos iuuenes nobilissimos, Polynicem Thebanum, & Tydeum Calydonium hospitio accepisset, quibus duas, quas habebat, filias Argiam, & Deiphilen viris tempestiuas matrimonio iungere oraculo iussus erat, mandauit earum nutrici, uti eas in eorum conspectum adduceret. Quatum illa Palladem, hæc Dianam pulchritudine referebat, cum terroris & grauitatis tamen tantum præ se non ferrent. Pallas enim armis, Diana arcu, & sagittis instructæ ingrediuntur. Primum oculos in patrem coniecerunt, quem sanctum vocat Poëta, illis scilicet sanctè enim liberis colendi sunt parentes, & tanquam dii quidam in terris venerandi; præsertim senes, ut tum erat Adrastus. Deinde conuersus est pudor, hoc est, pudicæ, & pudentes illæ virgines ad virorum illorum aspectum, qui illis visi sunt quod erant, nempe extranei, & aduenæ, hæc est enim illa noua facies. Ac primum quidem aduenarum illo-

rum



rum, & virorum aspectu expalluerunt: mox genas, cum antea modicè in candore ruberent, maior operuit rubor. Post auersæ à vultibus iuuenum peregrinorum, vt territæ, ad patrem intrandum redierunt. D. Cyprian: de habitu virginum. Virgo non tantum esse, sed & intelligi debet, & credi: vt nemo cum virginem viderit, dubitet an virgo sit. Nunquid non tales Argia, & Deiphile? Nunc poëtæ versus subijcio, quibus sententia subest quam attulimus.

*Arcano egressa thalamo (mirabile visu)*

*Pallados armifera, pharetrataq; ora Diana*

*Aqua ferunt, terrore minus; noua deinde pudori*

*Visa virum facies: pariter pallorq; ruborq;*

*Purpureas hausere genas, oculiq; virentes*

*Ad sanctum rediere patrem.*

Lib. 2. vbi de earum nuptijs agit, rursus verrecundi pudoris, & virginittis tantopere adamatæ meminit, vt sola illis per maritale consortium amittendæ cogitatio lacrymas excusserit, quam amissionem & pro culpa ducunt: sed modesta, ne genus humanum inde satum, & serendum reprehendere videantur. Iuuat versiculos ipsos adscribere.

*Ibant insignes vultuq; habituq; verendo,*

*Candida purpureum fusa super ora ruborem,*

*Deiectaq; genas, tacite subit ille supremus*

*Virginittis amor, primaq; modestia culpa*

*Confundit vultum. tunc ora rigantur honestis*

*Imbribus, & tenera lacryma iunero parentes.*

## XX. Mos vetus sub extremum conuiuii.

*Adraſti patera ex i. Thebaid. cum Virgilianis, & Onidiana collata.*

**R**Eges antiquiſſimi ſinito conuiuiulo conſueuerunt poculum ſingulare vino impletum poſcere, quod per conuiuias circumferretur, ſi prius modicum de eo vino in menſam cum precibus ad deum aliquem honoris cauſſa effudiſſent, ipſique primi de poculo guſtaſſent. Quem morem, ſeu ritum antiquitatis ſcientiſſimus Maro in Didonis conuiuiulo nobis repræſentauit i. *Æneld.*

*Hic regina grauem gemmis, auroq; popoſcit,  
Implemſq; mero pateram, quam Belus, & omnes  
A Belo ſoliti. tum facta ſilentia teſtis.*

*Iupiter (hoſpitibus nam te dare iura loquuntur)  
Hunc letum Tyriſiq; diem, Troiaq; profectis  
Eſſe velis, &c.*

*Dixit, & in menſa laticum libauit honorem,  
Primaq; libato ſummo tenus attigit ore.*

*Tum Bitia dedit increpitans, &c.*

Inſignem locum, vt alios mille, cum aliqua varietate æmulatus eſt Papinius, vbi receptis hoſpitio Polynice, & Tydeo Adraſtus Argiuorum rex ſacta, & epulas antegreſſi diei inſtaurat.

————— *poſtquam ordine menſa*

*Viſta fames, ſignis perfectam, auroq; nitentem  
Iaſides pateram famulos ex more popoſcit,*

*Qua*

*Qua Danaus libare deis, seniorq; Phoronem  
A sueti,*

Cælaturam, aut sculpturam Didonis pateræ nul-  
lam affingit Maro, contentus gemmis, & auro  
græcem, valde nimirum pretiosam dicere. Sta-  
tius contra suæ pateræ figuras, seu imagines inse-  
rit duas, quod sit eius aspectus iucundior, & admi-  
rabilior, Persei in sublimi amputatum à se caput  
Medusæ portantis: & raptum Ganymedis ab a-  
quila; aitq; summum fuisse in vtraque cælatura  
artificium, quod ex verbis præsentis temporis,  
quibus vitur, intelligi potest. Posteriores pe-  
tiuit ex 5. Æneid. vbi fabulam illam in limbo  
chlamydis auratæ opete Phrygiæ imitatum  
narrat Maro. Pergit Statius,

*Hanc undante mero fundens, vocat ordine cunctas  
Etas*

*Celicolas, Phæbum ante alios, Phæbum omnis  
ad aras*

*Lande ciet comitum, &c.*

Videtur in aram potius quàm in mensam fudisse,  
quod arguit vox *undante*. Nam in mensam  
vtique parcius fudisset. Porro 5. Æneid. Æneas  
Acestem Siciliæ regem extra sortem poculo au-  
reo donat (quanquam de auro tacet poëta) quod  
à signis generatim, & duobus magnis viris, qui  
eo vlu fuerint commendat, Cisseus Thraciæ rex,  
& Anchises. Discedentem autem Delo Æneam  
rex Anius munerans 13. Metam, dat ei craterem,  
quem longo, hoc est, vario argumento ab Alco-

ne fabro peritissimo cælatum ibidem affirmat Ouid. Cælatae illic visebantur Thebæ cum 7. portis, & Orionis filia, quæ se pro populo Thebano morti ultro obtulerant, &c. Quod exemplū sibi sumpsisse Statium est verisimile.

## XXI. *Dolor siue tristitia, & ira due pestes animi,*

**A**Ltero libro Thebaldos legitur Polynices finira nuptiarum celebritate ( duxerat autem Argiam Adraſti Argiuorum regis filiam ) de paterno Thebarum regno à fratre Eteocle, qui id ultra tempus debitum pertinaciter retinebat, recuperando admodum anxius fuisse, & iræ vehementius indulgisse, ita vt pænè ad amentiam reductus sit. *Exedere animum dolor, iraq; demens.* Quo verbo mœtoris, tristitiæ, doloris ( pro eodem enim hæc tria licet sumere ) vim maximè noxiam satis declarat. Eandem metaphoram habes in diuinis litteris Prouerb. 25. *Sicut tineæ vestimento, & vermis ligno, ita tristitia nocet cordi.* Exeditur porro animus, & quodammodo absumitur, cum vires, seu facultates eius, ingenium, intelligentia, memoria huiuscemodi cruciamētis minuuntur, & conciduntur. Vnde existunt hebetudo, stupor, amentia, obliuio, digna sanè meritum præmia. Horat. item. ep. 2. lib. 1.

*Qua ledunt oculos festinas demere: si quid*

*Est animum, differs curandi tempus in annum*  
Vbi notat Lamb. sic vtī Græcos verbo ἰδῶ, seu ἰ-

δομαι. Homer. Iliad. ὦ τέκνον ἐμὸν, τέο μέγρις ὀδυ-  
ρόμεναι, καὶ ἀχέων σὴν ἔδσαι κραδίην, id est, fili mi,  
quousque lamentans, & mœrens cor tuum edes?  
Cic. ex Homero Iliad. ζ'.

*Qui miser in campis mœrens errabat Aleis,  
Ipse suum cor edens, hominum vestigia vitans,  
Huc accersere locum Ouidij ex 1. de P. eleg. 1. ἰμ-  
φατικώτερον.*

*Estur ut occulta vitata terebine nanis,  
Æquoreos scopulos ut canat vnda salis:  
Reditur ut scabra positum rubigine ferrum:  
Conditus ut tinea carpitur ore liber:  
Sic mea perpetuos curarum pectora morsus,  
Fine quibus nullo conficiantur, habent.*

De ira frequenti, & immodica par est idem sentire. Quum enim ignis quidam sit, unde & accendi, & ardere ira quemplam dicimus: & ignis natura edax sit, omniaque consumens, non potest hic affectus tam vehemens, & impotens non obesse animo: cum amor etiam, affectio dulcis, propter magnitudinem multos de sanitate mentis defecerit. Nec immeritò iram dementem appellat Statius: vel quia dementium est: vel quia dementes facit, eo modo quo de tristitia, seu dolore diximus.

**XXII. Patefactum exemplis, quæ à Græ-  
sis ponerentur in vitio, apud Romanos fuisse in  
laude: atque alia aliis pulchra non pulchra,  
honestæ, aut inhonestæ videri.**

IN præfat. historiarum suarum Probus probè,  
 & conuenienter scripsit: non eadem omnibus  
 esse honesta atque turpia: sed omnia maiorum  
 institutis iudicari. Hinc Romanis vsurpatissimū  
 illud, *Mores maiorum*. Maiores etenim quid in  
 vnaquaque re inesset aut decorum & laudabile,  
 aut indecorum, & vituperatione dignum, sem-  
 per visi sunt posteris melius perspexisse, & incor-  
 ruptius iudicasse. Quare iudicium eorum pro  
 norma, & lege haberi solitum. In Græcia non  
 accumbebant in conuiuio cum viris mulieres,  
 quod etiam Cicero lib. 1. accusationum in Ver-  
 rem testatur. Rationem affert Muret. lib. 7. ca. 2  
 quod in conuiujs liberius, & hilarius fere loqui  
 homines solent: neque quisquam ita seuerus est,  
 qui non inter vinum, & epulas tum iocetur in-  
 terdum ipse, tum libenter locantes audiat. Fieri  
 autem vix potest, quin vacuo, & soluto animo  
 locantibus nonnunquam parum verecundum  
 aliquid excidat: ob id prudenter Græcorum con-  
 suetudine muliebris sexus aberat à conuiululo: ne-  
 que vlla in virorum symposijs accumbebat mu-  
 lier, nisi quæ quiduis non audire modò, verum  
 etiam perpeti possent. Videbant enim alioqui  
 fore, vt aut matronalem, virginalemuè pudorem  
 libertas locantium offenderet: aut iocandi liber-  
 tatem illius habita ratio retardaret. Hoc idem  
 Terentiano exemplo confirmat. Romanos au-  
 tem vxores secum in conuiuium adducere mihi  
 me pudebat: quemodo nec hodie Germanos  
 gentem

gentem candidam, ac minimè suspicacem puer. Præterea apud Græcos in publicum non prodibant virgines, & matresfamilias, nec se extragynæconitidè, aut foris conspiciendas præbebant. Clytemnæstra Electræ filia apud Senecam Agamem. *Quo more publicos virgo æternus petis?* Respondet illa, *Adulterorum deserui virgo domû,* notans matrem ipsam, & Aegisthum, qui absente apud Troiam Agamemnonis *depositorie* tractabant. In quem locum testes Euripidem, & alios Delrius noster in Aduersarijs, & Cômment. producit. Contra apud Romanos matresfamilias citra culpam tota domo vagabantur, & in atrium concedebant, & pro foribus stabant, & in locis celebribus versabantur. Solon. Atheniensibus nuptias cum vterinis sororibus interdixit, cum eodem patre genitis permisit. Contrarium Lacedæmonijs Lycurgus fecit. Aegyptijs utrauis ducere licitum fuit: Romanis neutras. Veteribus frons tenuis, siue angusta, & modica, qualem tamen commendat Horatius Ode 33. lib. 1. & ep. 7. lib. 1. honori erat; lata & ampla dedecori. Quin spatiosæ frontis vitium sic emendabant, ut etines à vertice collectos ad supercilia vsque adducerent; & hoc adminiculo arctiorem sibi, breuioremque frontem concinnarent, quod ex Luciano, & Seneca Doussa obseruat, Commentariolo in Horat. cap. 2. Contra à quibusdam feminis latæ frontes, etiam vultis capillis quærentur. Oculi *sterti*, in candida præsertim facie,



hodie quoque placent, & pulchri habentur, capilli nequaquam. At olim in utroque sexu probabantur. Olim Romæ vinum bibere feminis non permittebatur: at his temporibus conceditur: & in hisce nostris regionibus nonnunquam *Βακχολήπτες* videas, & euenire, quod Ouidio spectanti risum excussit, *Namque senem potum pota traherat anus*. Nostri sacerdotes barbam ponunt: aliarum gentium, quantam nature dedit, retinet. Et extat oratio Pierij Valeriani pro Sacerdotum barbis. Idem dicendum de capillis. Musices laus tota Græcia non mediocris fuit: nec ea iudicabatur indigna Imperatoribus. Quare & inter Epaminondæ virtutes, eum ad numerum scitè saltasse, nec inscitè cithara cecinisse, & Themistoclem, eum in conuiuio oblatam de more lyram recusasset indoctiorem habitum proditum est lit teris. Hanc scientiam Romani in suis ducibus, & Imperatoribus neutiquam quæsierunt. Licet in Germania honestam mulierem salutare porrecta dextera: cum ea consistere, & colloqui in publico: in Italia, ut audiui, suspicionem habet. Denique veritatem propositionis nostræ in primis demonstrant quæ de moribus, & ritibus gentium scripta sunt: de quibus & nostra Syntagmata in libris duobus, quos ATTICA BEL-  
 LARIA nominauimus.

*Sic voluenda etas immutat tempora rerum,  
 Pro capiti cuiusq̃, & moribus, ingenioq̃.*

XXIII. D. Hieronymus laudatur. Erasmi temeraria affirmatio. Theodori Gazeaculeus. Leo eidem sancto appietus.

**A**ugustinus lib. 1. contra Iulianum Pelagianum. Nec S. Hieronymum, inquit, quia Presbyter fuit, contemnendum arbitreris, qui Græco, & Latino, insuper & Hebræo eruditus eloquio, ex occidentali ad orientalem transiens Ecclesiam, in locis sanctis, atque in litteris sacris usque ad decrepitam vixit ætatem, cuius nobis eloquium ab oriente usq; ad occidentem ad instar lampadis resplenduit. Hic omnes, vel pæne omnes qui ante illum ex utraque parte orbis de doctrina ecclesiastica scripserant, legit, nec aliã de hac retinuit, prompsitque sententiam. Hieronymus Platus noster, qui de Bono status religiosi copiosissimè, & eruditissimè scripsit, lib. 3. quo loco de SS. Patribus iudicium suum sigillatim exponit, ita censet. Sermo doctus, antiquitatis exemplis abundans, multoque acumine: deinde, quod caput est, ad omnia exprimenda apprimè factus, siue scriptura ad verbum interpretanda, siue præcepta omni vitæ generi præscribenda, siue quippiam laudandum, aut vituperandum sit, siue denique aliquis ad virtutem cohortandus. In quibus omnibus ita valet, ut planè illa cælestis eloquentia videatur. Erasmo (qui etiam præ Augustino illum admirat, et ei; ad editionem Frobenianam corrigendo pæne

est immortalis) lib. 5. Epistol. est vis exlestis, omniumque Christianorum sine controuersia longè tum doctissimus, tum facundissimus: vnicus religionis nostræ pugil, illustrator, ac lumen. Quantum in illo antiquitatis, quantum græcarum litterarum, quantum historiarum? Tum quæ phrasis, quod dicendi artificium? quo non Christianos modo omnes longo post se intervallo reliquit, *verum etiam cum ipso Cicerone cœtare videtur.* Hoc nimium est laudare. *Sed περὶ μέγα λησὴν.* Ego certè, nisi me sanctissimi viri fallit amor. *Ita est omnino fallit te hic amor.* cū Hieronymianam orationem cum Ciceroniana confere, videor mihi nescio quid in ipso eloquentie principe desiderare. Papæ. Atqui tu, quod alibi in testimonijs de Cicerone ex ore tuo à me annotatum est, M. Tullij facundiam diuinam potius, quam humanum solebas arbitrari: palamque, & ex animo fatebare, omnes qui per se essent facundissimi, ad Ciceronem collatos obmutescere. Quæ est ista tua inconstantia, & mobilitas? Confecturum me confido, inquit, ut qui hætenus Hieronymianam eloquentiam sunt admirati, iam eloquentem esse, se nescisse fateantur. Hem. *Quid dignum tanto feret hic promissoribiæ? Parturiunt montes.*

Cum porro tanta sit facundia, & eloquentia huius sancti viri, quam vtrique ex fontibus Tullianis magnam partem hausit, licet eum natura quoque non parum adiuuerit, extrixit tamè, ut relatum

latum est à Petro Crinito lib. i. cap. 10. Theodor-  
 us Gaza (homo Græcus, sed latina item callens,  
 & ut sentiunt harum rerum boni æstimatores,  
 siue græca in latinum, siue latina in græcum cō-  
 uerteret, admodum fælix) qui audientibus Bes-  
 satione, & Plethone Gemisto Byzantio, item la-  
 tinæ linguæ gnaris, ausus est ad commemoratio-  
 nem historię de plagis pro Ciceronianismo ac-  
 ceptis, & laudem eius facundię ridere, ac ludere  
 in te seria, cum diceret: illi factam iniuriam, &  
 plagas illas immerentem pertulisse. Quia nimi-  
 rum non tam purè ac latinè semper, & Tullianè  
 loquitur: quod Christianus de rebus Christia-  
 nis differens, profectò, nisi ineptire velit, perpe-  
 tuò facere non potest, & qui id conantur, ludi-  
 brio sunt prudentioribus.

Addo corollarium ex Tomo IV. Annalium  
 Baronij. Leo appingitur, & adsculpitur imagini,  
 & statux eius, ut symbolum nempe infracti ro-  
 boris in hæreticis insectandis, cum rugitu & cla-  
 more, leonis instar. Leonem non ille, sed Gera-  
 simus vir sanctus in Palæstina cicurem habuit, ut  
 in prato spirituali scribit Sophronius. Nec Car-  
 dinalls fuit S. Hieronymus, quæ dignitas tum  
 non extabat. Scribit tamen in Cypriani episto-  
 lam 46. Iacobus Pamelius doctissimus Theolo-  
 gus his verbis. Veteribus non fuisse incognitum  
 hoc nomen, satis insinuat Silvester Papa, eius  
 nominis Primus, in Concilio Romano, Canone  
 6. Diaconi, inquit, non sint plures per parochia-

rum examen, nisi duo, & diaconi Cardinalis vrbis Romæ septem. Insignia tamen eorum sunt recentiora : vtpote illis adhibita primum circa annum Domini M C C L. ab Innocentio IV.

**XXIV.** *Vicissitudo litterarum inter amicos. Eruditiss. viri sententia confutata.*

**V**ix quisquam, disertus licet, verbis exequatur, quantum voluptatis ex mutuis epistolis amici percipiant. Vt ab vrbe discessi, inquit Cic. ad Att. lib. 7. nullum adhuc intermisi diem, quin aliquid ad te litterarum darem : non quod haberem magnopere quod scriberem: sed vt loquerer tecum absens : quo mihi, cum coram id non licet, nihil est iucundius. Et D. Ambrosius scriptum reliquit, hunc esse vsum litterarum, vt disiuncti locorum interuallis affectu adhaereamus : in quibus inter absentes imago refulget præsentiae : & collocutio scripta separatos copulat : in quibus etiam cum amico miscemus animum, & mentem ei nostram infundimus. Positum nosti in consuetudine, vt amici discedentes, & manentes inter se donent mnemosyna. Non potest autem certius, & optabilius amicitiae pignus, & indiuiduæ societatis monumentum relinqui, atque dari quàm epistolæ, in quibus ipsos quos diligimus, & à quibus diligimur & videre, & audire, & eos complecti, & coram assari, & intimos eorundem sensus perspicere videmur. Quid plura ? Per epistolas vt blandis-

sim 2,

Amas, fidissimasque internuntias, & conciliatrices, & contrahuntur amicitiz, & contractę confirmantur. Quocirca Ioannem Picum Mirandulanum impensę miror, hominē cætero qui scientijs liberalibus florentissimum, in ætate tam integra (annum siquidem vicesimum non superavit: quo iustius quàm Theophrastus olim octogenarius de natura conqueri potuit) miror, inquam, valde quid ita in epistola ad Hermolaum Barbarum scribere nō sit veritus. Damnaui semper eorum sententiam, qui ad amicos scribendum sentiunt: vt hoc quasi debitum pendatur amicitiz. Est enim hoc totum, scribere, & misitare litteras amicitiz quidem, sed infirmę, & frigidiusculę, quę sua vi subnixa non stet satis, quęratque aliunde, vnde consistat. At quę in ipsis animi recessibus iam penitus radicem egit, quid, amabo, adminiculis litterarum eger? Hem, quid ait? *ὅθεν παρὰ δόξιν* potuisset. Quid dicent quorum, vt Ciceronis, Plinij, & aliorum cum veterum, tum recentium extant tot epistolarum libri? Quid in ijs crebrius legas, quàm expostulationes de raritate litterarū? quę si non essent amicitiz vinculum, cur tā crebrę, quantūvis inanes etiā, & sine argumento exigèrentur? An affirmabimus, qui eas tā sollicitę requirunt, in amicitia esse infirmos, & frigidiusculos? immo firmissimos, & feruentissimos. Etiā breuibz, nēdum nullis amicorum litteris negare veniā, magni amoris videri argumentum contendit. Plin.

nus. Nunquid amicus qui præsentem non videri  
 subinde, non colloquitur? Quid autem aliud  
 facit epistola inter absentes? Ne se igitur Pyla-  
 dem, aut Theseum iactet, qui, cum potest com-  
 modè, absentem Orestem, aut Pirithoum litteris  
 non appellat. Quid tuus in me amor mihi pro-  
 dest, si eum non sentio? Quomodo verò absens  
 sentire potero, si taceas, aut penitus obmute-  
 scas? Quid amplius præstas, quàm qui me nec a-  
 mat, nec odit, nec utrum albus an ater sim curat?  
 Afferamus igitur licet, sine communicatione  
 litterarum mancam, mutilam, frigidam, vel nul-  
 lam potius esse amicitiam, testemque adhibea-  
 mus Magnum Basilium, cuius epistolinum subij-  
 cio. *ὅτι σε φιλῶ, οἷς ἐπιστέλλω μάλα· ὅτι μεμισῆς, οἷς  
 σιωπᾶς ἔγνω. γράφε δὲ καὶ τῷ λοιπῷ, καλᾶμαι καὶ  
 μέλανι, καὶ βραχὺ καὶ ῥῆφι φιλεῖν ἵκε φίλων.* Id est. Quod  
 ad te scribo, hinc amorem erga te meum cognos-  
 ce: ego me tibi odio esse ex silentio tuo cognovi.  
 Saltem in posterum fac scribas, & amantes tui  
 calamo, atramento, & charta vicissim ama. Et ad  
 Julian. in extrema epistola. *ὅθεν καὶ μέγα ποιεῖμεθα  
 τὸ ἐν λόγῳ σε τινὶ τὰ κατ' ἡμῶν τίθεσθαι, καὶ μὴ ἀπεῖναι  
 σε τῆς διανοίας, ἀλλὰ διηγεῖσθαι σοι συνεῖναι διὰ τῆς μνή-  
 μης, δεῖγμα δὲ τῆς μνήμης τὸ γράφειν. ὅπερ ὅσον αὖ  
 συνεχέειν ποιῆς, τοσούτῳ πλέον ἡμῖν χρεῖν.* Quare  
 magnopere curamus, ut apud te in aliquo præ-  
 stigio, & honore simus: nec unquam animo tuo ex-  
 cidamus: sed in memoria tua perpetuo hærea-  
 mus. Cuius rei argumentum nobis præbebunt  
 epistole.



epistolæ. Quas quò crebriores miseris, eò magis nobis gratificaberis. Locorum distantias non dicimere amicitias lib. 8. ἰδιῶς docet Aristoteles, sed vsum duntaxat. Quod si ea distantia diuturna fuerit, hoc est, si amici diu longo intervallo separati vixerint, amicitias quoque in obliuionem venire : quia videlicet officium epistolarum mutuum, quibus amor colitur, & renouatur, & recalescit, frequentari non potest : quod voluit Aristoteles, cum subdit. Vnde dictum est (proverbio puta) πολλὰς δὲ φίλας ἀπεργαζομένη διόλυσεν. Non compellare amicum, dissoluit multas amicitias. Carmine sic expressum reperi. Sape perisse  
*amor est per longa silentia visus,*

XXV. In epitaphio Plauti quid sint numeri innumeri.

Trium vetustorum Comitorum epitaphia, quæ sibi metipsi composuerunt, & sepulchris suis incidenda reliquetunt, affert Gellius lib. 1. cap. 24. Nævij, Plauti, Pacuvij. Plantinum hoc est.

*Postquam est morte captus Plautus,*

*Comædia luget, scena est deserta:*

*Deinde risus, ludus, iocusq. & numeri*

*Innumeri simul omnes conlacrumarunt.*

Dubitabunt multi, quem hinc habeat intellectum vox innumeri. Nam ut exponas innumerabiles, nimis vulgare est, & falsum. Marcellus Comment. in 1. Satyræ Persij accipit pro liberioribus numeris. Testem laudat ipsum Persium,

*Quæ*

Qui cum ait, *Scribimus inclusi, numeros ille, hic pedeliber*, duplex poetarum genus significat, vnum Epicorum, alterum dramaticorum: quorum illi numeris, & pedibus certis adstricti sunt: his maior libertas conceditur. Ego bona venia tanti viri vnum hoc quoque τῶν ὀξύμορων esse conijcio: qualia sunt, de græcis quidem δῶρον ἄδωρον, γάμος ἄγάμος, παρθένος ἀπαρθένος, &c. de latinis, via inuia, mentes amentes, insipiens sapientia, ingrata gratia, &c. vult. n. Plautus, se viuis exempto, iam numeros comicos non esse bonos numeros; vt risum, ludum, iocum, iam non esse risum, ludum, iocum, hoc est, comædiam (vt συγχεδοχικῶς explicemus) non amplius habere suum τὸ γνήσιον, quia patrem suum amiserit: & ideo lugere semet, collactrymantibus risu, ludo, ioco, numeris. Inest in hac interpretatione leporis aliquid, quod iam priore desideres.

**XXVI. Littera, seu manus elegans. Exemplum Theodosij iunioris. Manu sua quippiam conscribere quantum valeat.**

**S**imile propemodum in scriptura inculta ac deformi, quanquam non vitiosa, nec præceptis contraria, & ἀνορθογέγεσθαι, atque in mala & inepta vocum pronuntiatione contingit. Quippe vt hæc, sic illa barbariem quandam præ se fert: & quæ scripta est res, minus placet, legenti-  
que tædium creatur & molestia: eoque amplius,  
si le-

si lector est in negotio, aut res ipsa per se parum grata, & iucunda. Contra bellè efformati, & ducti characteres, siue elementa, & scriptura amussata, hoc est ad amussim æquata, & directæ, probeque interpuncta, & tota venusta, quæ nimirum ad formas, & munditiem, & elegantiam typorum æneorum, artemque typographicam proximè accedit, non mediocrem parit legenti voluptatem. Et hæc καλλιγραφία est, cui qui student καλλιγραφοὶ audiunt: quo de numero (rem miram in tam sublimi, & imperatoria persona) fuit Theodosius Aug. Arcadij F. Magni Theodosij nepos. Testis Nicephorus lib. 14. cap. 3. Manu ipse sua, inquit, pulcherrimè scripsit: ac multa scriptorum eius ad hoc usque tempus sunt conseruata, temporum vi superiora, Euangelia videlicet, & alia quædam, aureis omnino litteris distincta, quorum paginæ crucis formam referunt. Quo labore eum vitæ sumptus tolerare potuisse fama est. Sanè scita, nec inelegans littera non minus pæne quàm nobilis pictura nos delectat: etsi celeriter scribere cupientibus non conuenit, quam etiam plerique docti non curant: qui solent tam implicatè, & tortuosè scribere, mitto tam deformiter, vt ipsimet sua legere vix queant. Melius faciunt, qui librariorum, & amanuensium alunt. Sed in epistolis præsertim scribendis sæpe & ad auctoritatem, & ad gratiam, immo etiam ad multam delectationem proficit sua manu, qualiscunque tandem ea sit, scribere.

Quis enim aut Pontif. max. aut Cardinalis, aut Episcopi, aut Imperatoris, Principis, Dynastæ tales litteras non reuerenter accipiat? Quis non inter κημήλια sua reponat? Virum autem litteratum, ac sapientē de manu ipsius quis non amet? quis non aliquo apud eos loco se esse hoc argumento arbitretur? Ab amicis verò αὐτοχειρ exoratas exosculamur etiam, quos tum coram præsentibus videre, & veras audire, ac reddere voces videmur. Quid quod necessitas ipsa nos interdum compellit manu nostra scribere, quando quædam vel libetius, vel arcanius scribenda incidunt, quæ alienis auribus committi nequaquæ possunt. Subscriptionem qui imitarentur homines improbi inuenti sunt multi: qui totam manum, pauciores.

## XXVII. *Epistola qualis imago.*

**D**emetrius Phalerus, Theophrasti discipulus, cuius suauitatem orationis laudat in r. Off Cicero, inter alia quæ in aureo libello de Elocutione de epistola scribenda docet, & utiliter præcepit, πλεῖστον αἰετὶ ἐχέτω τὸ ἠθικὸν ἢ ἐπισολὴν, ὥσπερ ὁ διάλογος. σχεδὸν γὰρ εἰκόνα ἑκάστου τῆς αὐτοῦ ψυχῆς γράφει τὴν ἐπισολήν. Plurimum moralitatis habeat epistola, quemadmodum & dialogus. Ferme enim quisque imaginē animi sui scribit epistolam. Cum igitur hæc sit nota, & proprietas epistolæ aut præcipua, aut præcipuæ proxima, esse videlicet imaginem animi, eumque velut in conspectu ponere, ac repræsentare: soleant autem imagi-

imagines siue pictæ, siue sculptæ, siue in ceram  
 impressæ, siue cælata absentiũ desiderium le-  
 uare, videamus quanto id melius animi sensus  
 per litteras, quàm corporis effigies per artificẽ ex-  
 pressa consequantur? Conducet autem vniuer-  
 sè cognoscere, quid inter externã, & hanc non  
 aspectabilem, seu epistolarem imaginẽ inter sit.  
 In quo præstabit nobis operam suam Ioan. Picus  
 Mirand. ad Paulum Cortesium ita scribens. Mi-  
 hi inter imaginem, & epistolam hoc interesse  
 videtur. Hæc mentem, corpus illa effigiat. Illa  
 extrema tantum deliniat: hæc intima etiam pla-  
 nè exprimit, & effingit. Illa amici quasi tunicam,  
 & amictum: hæc verum nobis amicum repræ-  
 sentat. Illa carnis colores, figuramq; quod potest  
 æmulatur: hæc cogitationes, consilia, dolores,  
 gaudia, curas, omnes deniq; affectus. Et quæ ipse  
 sibi vix quisque præsens loquitur, secretã animi  
 ad amicum absentem fidelissimè transmittit.  
 Hæc deniq; viuum & efficax: illa emortuum, &  
 mutum simulacrum est. Missitemus igitur has  
 inuicem animorum imagines, tu quidem quas  
 potes aureas, & argenteas: ego vel æreas, vel io-  
 staceas: sic enim extra omnem erimus iniuriam  
 vel locorũ, vel temporũ: sicut nec ipsa animi vis  
 aut loci intercapedines, aut temporũ moras no-  
 nit. Hæc ego ex monumentis viri supra etatẽ do-  
 ctissimi (omniũ quippe disciplinarũ peritus, &  
 illius sæculi quoddã miraculũ fuit) excerpta, epi-  
 stolarũ scribendarũ studiosis proponenda existi-  
 maui.

# XXVIII. *Martialis epigramma enodatum.*

**E** Pigramma est 190. lib. 14. inscriptum, **L. I. VIVS IN MEMBRANIS.**

*Pellibus exiguis arctatur Liniu ingens,*

*Quem mea non totum bibliotheca capit,*

Sensus verus, ac germanus hic est, nisi me fallit sententia. Liulum & præstantia scriptoris, seu lactea fandi copia (quam illi D. Hieronymus tribuit) & librorum multitudine magnum (quadragesima enim duos supra centum historiæ Romanæ conscripsit, ut Carolus Sigonius in Castigationibus docere memini) Liulum ergo isto modo quo dixi ingentem, ait exiguis pellibus, id est, in membranaceis paginis, non ampla forma, in bibliotheca quam viderat contineri; quæ sua bibliotheca quanta quanta sit non capiat totum: quia videlicet non habebat totum: sed partem duntaxat, puta unam, vel alteram decadem tantum fortasse. Vides leporem in ambiguo. Qui alias interpretationes comminiscuntur, ij mihi argutiam in verbis, *non totum capit*, latentem odorati non videntur, & risum debent.

# XXIX. *Cognatio locorum Ovidij, & Xenophontis.*

**L** Ib. 10. Metamorph. Adonidi puero, qui venatione delectabatur, consultum cupiens Venus, de leonibus, apris, vrsis vitandis em-  
seire

ferid admonet : opponunt enim se , & acerrimè tuentur : ac nonnunquam venatorem necant.

*Hosti, chare mihi, cumq; his genus omne ferarum,*

*Quod non terga fuga, sed pugna pectora præbet,  
Effuge, ne virtus tua sit damnosa duobus.*

Totus locus persimilis est illi Xenophonteio i. de vita, & disciplina Cyri. Cum enim Cyrus puer apud auum Astyagem, regem Medorum educaretur, essetque campestris venationis cupidissimus, memorat Historicus ille, eam ipsi ab auo permissam, adiuncto auunculo, & custodibus nonnullis, & equitibus veteranis, qui à difficilibus, & periculosis locis eum seruarent: atque ab immanibus bestiis, si quæ apparerent, tuerentur. Quærente autem diligenter Cyro, quibusnam feris appropinquandum non esset, quæ uè fidenter possent agitari, dicebant illi, vrsi complures olim homines, qui propius ipsos accessissent, dilaniarunt: permultos etiam leones, & apri, & pardi: cerui autem, & capreæ, agrestesque oues, & onagri nihil nocent. Iam, quod post longam narrationem de Hippomene, & Atalanta apud Nasonem sequitur, Venerem monuisse quidem hunc adolescentem, cauere sibi ab omni genere atrociorum, & pugnacium belluarum: sed eum post discessum monitricis illa monita vel oblitum, vel non curantem, aprum à canibus excitum audacter aggressum iaculo fixisse, eiusque morsu interiisse, de eadem fidelia est.



# XXVIII. *Martialis epigramma en- datum.*

**E** Pigramma est 190. lib. 14. inscriptum, L  
VIVS IN MEMBRANIS.

*Pellibus exiguis arctatur Livius ingens,  
Quem mea non totum bibliotheca capit,*

Sensus verus, ac germanus hic est, nisi me fallat  
sententia. Livium & præstantia scriptiois, seu  
lactea fandi copia (quam illi D. Hieronymus tri-  
buit) & librorum multitudine magnum (qua-  
draginta enim duos supra centum historiae Ro-  
manæ conscripsit, ut Carolus Sigonius in Ca-  
stigationibus docere memini) Livium ergo isto  
modo quo dixi ingentem, ait exiguis pellibus,  
id est, in membranaceis paginis, non ampla for-  
ma, in bibliotheca quam viderat contineri; quæ  
sua bibliotheca quanta quanta sit non capiat to-  
tum: quia videlicet non habebat totum: sed par-  
tem duntaxat, puta unam, vel alteram decadem  
tantum fortasse. Vides leporem in ambiguo.  
Qui alias interpretationes comminiscuntur, si  
mihi argutiam in verbis, non totum capit, laten-  
tem odorati non videntur, & risum debent.

# XXIX. *Cognatio locorum Ovidij, & Xenophontis.*

**L** Ib. 10. Metamorph. Adonidi puero, qui ve-  
natione delectabatur, consultum cupiens  
Venus, de leonibus, apris, ursis vitandis em-  
seire

feriò admonet: opponunt enim se, & acerrimè tuentur; ac nonnunquam venatorem necant.

*Hos tu, chare mihi, cumq; his genus omne ferarum,*

*Quod non terga fuga, sed pugna pectora prebet,  
Effuge, ne virtus tua sit damnosa duobus.*

Totus locus persimilis est illi Xenophonteio i. de vita, & disciplina Cyri. Cum enim Cyrus puer apud auum Astyagem, regem Medorum educaretur, essetque campestris venationis cupidissimus, memorat Historicus ille, eam ipsi ab auo permissam, adiuncto auunculo, & custodibus nonnullis, & equitibus veteranis, qui à difficilibus, & periculosis locis eum seruarent: atque ab immanibus bestiis, si quæ apparerent, tuerentur. Quærente autem diligenter Cyro, quibusnam feris appropinquandum non esset, quæ uè fidenter possent agitari, dicebant illi, vrsi complures olim homines, qui propius ipsos accessissent, dilaniarunt: permultos etiam leones, & apri, & pardi: cerui autem, & capreae, agrestesque oues, & onagri nihil nocent. Iam, quod post longam narrationem de Hippomene, & Atalanta apud Nasonem sequitur, Venerem monuisse quidem hunc adolescentem, cauere sibi ab omni genere atrociorum, & pugnacium belluarum: sed cum post discessum monitricis illa monita vel oblitum, vel non curantem, aprum à canibus excitum audacter aggressum iaculo fixisse, eiusque morsu interiisse, de eadem fidelia est.

*Illam quidem monuit, iunctisq; per aera cygnis  
 Carpit iter: sed stat monitis contraria virtus.  
 Forte suam latebris vestigia certa secuti  
 Excitare canes, sylvisq; exire parantem  
 Fixerat obliquo veniens Cinyreius ictu.  
 Protinus excussit pando venabula rostro  
 Sanguine tincta suo: trepidamq;, & tuta petentē  
 Trax aper insequitar: totosq; sub inguine dentes  
 Abdidit, & fulva moribundum stravit arena.*

De eadem, inquam, fidelis est. Pergit enim Xenophon similia de Cyro suo dicere, hoc tantum discrimine, quod noster de apro, ille de ceruo: nec tam propter ceruum proflientē, pulchram, sanē, & magnam belluam, quam insecutus fuisset, quam quod nulla locorum habita ratione insecutus fuisset, ut equo cadente, ipsi propemodum ceruices contractæ essent. Contra Chiron centaureus Achillem, quem a teneris educandum susceperat, & rebus maximis olim gerendis præparabat, non nisi generosas feras lectari, & debellare iubebat, ut ipse lib. 2. Achilleid. apud Statium narrat.

— quid nunc prælia dicam  
 Sylvarum? & vacuos sæuo iam murmure saltus?  
 Nunquam ille imbelles Ossa per antra lynces  
 sectari, aut timidas passus me cuspide damat  
 Sternere: sed tristes turbare cubilibus ursos,  
 Fulmineosq; sues, & sicubi maxima tigris,  
 Aut subducta iugis fœta spelunca leone.  
 Ipse sedens vasto facta expectabat ab antro,

*Si sparsus multo remearem sanguine, nec me  
Ante, nisi inspectis admisit ad oscula telis.*

XXX. *Apollinis ars, & potestas  
multiplex.*

**A**pollo fugitantem se Daphnen, & aspernan-  
tem protus insequens i. Metam. multis  
blanditijs retinere, & ad sibi obsequendum in-  
ducere incassum conatur: ac ῥητορικῶς dilatans  
laudes suas, non solum qualis sit, sed etiam qua-  
lis non sit ostendit, idq; prius. Inter cætera verò,  
quibus gloriatur tanquam bonis, affirmat se  
μαρτυρῆς, μυστικῆς, ιατρικῆς, vaticinij, musicæ, rel  
medicæ inuentorē, ac præsidem esse. *Versus ad-  
duco.*

————— per me quod eritq; fuitq;  
*Estq; patet: per me concordant carmina nervis.  
Inuentū medicina meum est, opiferq; per orbem  
Dicor, & herbarum subiecta potentia nobis.*

Στοχαστικὴν quoque, hoc est, sagittandi peritiam  
ibidem, & paulò supra sibi potissimum tribuit,  
cum eam Cupidini adimit.

*Quidq; tibi, lascive puer, cum fortibus armis  
Dixerat, ista decent humeros gestamina nostros,  
Qui dare certa fera, dare vulnera possum⁹ hosti.*

Ita quadripartitam facultatem huius dei, eumq;  
vatem, musicum, medicum, sagittarium cer-  
nis. Quæ singula aliorum quoq; poëtarū auctori-  
tatibus confirmanda sunt. Ad vaticinatricē eius

facultatem quod attinet, Pindarus πῶδ. οἰδ. θ. rē-  
rum omnium euentum illi certum, fixum, ac  
notum esse ait. Stat. 1. Thebaid.

— in doctus iniquas

*Parcarum prænosse manus, fatiq; quod ultra est,  
Et summo placitura Ioui, quis leshifer annus,  
Bella quibus populis, mutant qua sceptrā come-  
ta, &c.*

Augurem appellat Horatius Ode 2, lib. 1. Et 6.  
lib. 4. *Doctor arguta fidicen Thalia, Phœbe.* In car-  
mine porro seculari vna strophe rotata tetradem  
artium illius sic expressit.

*Augur, & fulgente decorus arcu  
Phœbus, acceptusq; nouem Camœnis,  
Qui salutari lenat arte fessos  
Corporis artus.*

De eius medicandi scientia 3. Fast. *Vos quoque  
Phœbea morbos qui pellitis arte.* Et 4. Trist. *Si va-  
leant homines ars tua, Phœbe, iacet.* Et alibi. Car-  
minis, & medica Phœbe repertor opis. De quarta  
pericia iterum Horat. Ode 12. lib. 1. *nec te metu-  
ende certa, Phœbe, sagitta.* Homerus, & alij poë-  
tæ græci ἰκνηβόλον, ἰκατον, ἰκατηβελήην à sagittis  
eminus iaciendis nominarunt. Ac de hisce qua-  
tuor eius artibus etiam Virgilius lib. 12.

*Iamq; aderat Phœbo ante alios dilectus Iapis  
Iasides: acri quondam cui captus amore  
Ipse suas artes, sua munera latus Apollo  
Angurium, citharamq; dedit, celeresq; sagittas.  
Insuper vatem, cantorem, sagittarium creare  
voluit.*

Voluit. Quid lapis? vna contentus fuit.

*Scire potestates herbarum, vsumq; medendi*

*Maluit, & mutas agitare inglorius artes.*

Omnes recenset Callimachus quoque hymno in Apollinem.

## XXXI. Metaphoram in eadem sententia citra vitium commutari posse.

**C**Vm in exorsu Fastorum ait Poëta, & timida dirige navis iter, & interpositis aliquot versibus, vates rege vatis habenas, vtrumque in eadem re, favore scilicet Germanici exposcendo vsurpans, admonet nos falsę cuiusdam, & superstitiosę opinionis, quę apud imperitos inualuit, persistendum esse in eadem metaphora, nec ad aliam in eadem sententia, seu in eadem re subito transfiliendum. Sanè aliud longè visum Ouidio, qui cum Germanicum prius sibi quasi nauclerum, & magistrum navis suę, seu gubnatorem optasset, postmodum noua à re equestri sumpta translatione, petiuit suas habenas ab eodem regi: equi namque habenis reguntur. Sic in 2. Fast. cum dixisset. *Inq; suo nosler puluere currat equus*, deinde ait, *Nauiget hinc alia iam mihi linter aqua*. Et lib. 1. *Nunc teritur nostris area maior equis*. Et post pauca, *Dum licet, & spirant flamina, navis eat*. Et 2. de Pont. eleg. 6.

*Qua tu cum præsces, remo tamen utar, & aura:  
Nil nocet admissio subdere calcar equo.*

Virgil. item 4. Georg. cum partem de hortis à

mari, & velis incepisset, in circum, & equos de-  
sijt. Idem lib. 2. fecit. Obseruauit, & congeffit  
locos à me prolatos in Notis suis homo accura-  
tissimæ diligentiae Lud. de la Cerda noster, mo-  
nuitq; quod verissimum est, non pertinaciter  
hærendum vulgari præcepto, de quo supra dixi,  
cum nobis boni auctores præeant: nec poëtæ  
tantum. Quippe Synesius ep. 4. rem nauticam  
cum reCircensi coniungit ἀποβῆναι νεὸς ὡς ἐκ πρώ-  
της ἀφ' ἐλεφας, è naui descendere tanquam è primis  
carceribus. M. Antonius Muretus iam pridem  
Commentar. in Phaselum Catulli idem notauit,  
haud esse, inquam, vel inelegans, vel culpæ af-  
fine eandem metaphoram non ad exitum per-  
ducere: sed ab vna in aliam abire. Itaque Catul-  
lum in eo poëmatio tres vno carmine permiscu-  
isse, cum dixit *comā* pro frōdibus, & *comā loquē-  
tem*; & postremò *sibilū* à serpentib⁹ mutuatus est.

*Vbi iste post phaselus antea fuit  
Comata sylua. Nam Cythorio in iugo  
Loquente saepe sibilum edidit coma.*

Et paulò ante.

*Neq; ullius natantis impetum trabis  
Nequisse praterire, siue palmulis  
Opus foret volare, siue linteo.*

Notat & tertium exemplum in cārmine ad pas-  
serem. Vbi cum ardorem pro dolote posuisset,  
quod ab igne sumpserat, addidit epitheton *gra-  
uis*, non ab igne, sed ab ijs corporibus ductum, in  
quibus inest pondus. Cumq; ignem restinguere,

&



& quæ graua sunt leuari dicamus, ipse aliunde verbum accersit, *acquiescit*.

*Ut solatiolum sui doloris:*

*Credo, ut tum grauis acquiescat ardor.*

Obseruo & ego apud Horatium ad Pilon. metaphoram commutatam in eodem versu. *Et male tornatos incudi reddere versus*. Tornus, & incus diuersa instrumenta, ad diuersos opifices, ille ad tornatorem, hæc ad fabrum ferrarium, aut serarium pertinet. Et aliud est tornari, aliud fabricari. Hæc ad studiosos, bene, ornateq; scribendi cupidos scrupulo non necessario liberandos, & ad communem, ex inscitia tamen profectâ opinionem conuellendam è doctissimis viris recitanda mihi existimaui.

## XX XII. *Laudes Solis.*

**N**ihil profectò inter omnia quæ aspectu percipiuntur inueniri, aut excogitari potest ipso Sole excellenrius, & admirandum magis, & in quo diuina potestas, ac magnificentia liquidius elucescat. Nihil hoc nobilissimo, omniumque maximo fidere siue ad speciem venustius, siue ad efficientiam validius, siue ad utilitatem fecundius. Sol astrorum rex, mundi oculus, diuinitas, naturæ decus, cæli pulchritudo salutatem in primis, & vitalem maxime calorem, omnia augmentem, & nutrientem, & sensu impertientem stirpibus, & animantibus tribuit. Anni partes ita diuidit, ac temperat, ut quasi  
chorum

chorum efficiat. Radijs suis longè lateque diffusis tenebras discutit, supera & infera omnia collustrat, & in abditissimis terræ visceribus aurum, & gemmas producit. Stupenda eiusdem magnitudo: siquidem vnum aquæ, & terræ globum, vt mathematici ratlocinantur, centies sexagies sexies, lunam sexies millies, quingenties tricies nouies superat. Valeant ergo nugatores apud Plutarch. de placit. philosoph. lib. 2. ca. 21. è quibus Anaximander æqualem terræ, maiorem Peloponneso Anaxagoras, pedali latitudine Heraclitus, tantum quantus oculis nostris apparet, paulo etiam maiorem, minoremue Epicurus asseruit. Eiusdem amplitudinem ex immensa lucis copia deprehendas, quando vnus duntaxat, fugata ac dispulsa penitus nocte diem reducit, passimq; diffundit: quod reliqua quotquot sunt sidera, si operas in vnum omnia conferant, simul præstare nequeunt. Quin immo totius lucis, quæ in alijs inest sideribus cum fontem, originemque scriptores non ignobiles opinantur. Senecæ in Hercule Fur. lucis rector, mundi decus. Cic. 2. de nat. deorum, qui astro- rum obtinet principatum. Hic etiam maiestatis hostijs pro numine cultus est, à Persis præcipuè, qui celeri Deo non tardam victimam, equum puta, sacrificandum putauerunt, vt est 1. Fast. Plurima de Solis laudibus Pererius noster Comment. in Genesin libr. 1. & in Daniele libr. 4. Commendauit eum, & Plin. lib. 2. cap. 6. & Dio Chry-

Chrysoft. orat. 3. de regno. Suauiter item, & piè Dionysius Areopagita lib. de diuin. nominib. cap. 4. vbi diuinæ bonitatis imaginem esse asserit. De varia eiusdem virtute, & excellentia Macrobi. quoque Saturnal. lib. 1. cap. 17. & sequentibus. Rhodigin. lib. 21. cap. 14. Steuchus in Cosmopœla, Nazianzenus orat. 2. de Theolog. in extremo, vbi & illud Platonis memorat, in ijs quæ sentiuntur, solem esse, quod deum in ijs quæ sola intelligentia percipiuntur, Denique Lipsius lib. 2. Physiologiæ Stoicæ, Dissertat. 13.

### XXXIII. *Quæsitum de forma*

*Alex. M.*

**H**ABITUM oris, & decoram speciem gratiam, & amorem conciliare apud subiectos populos: nec vllam esse gentem, quæ hoc bonum Principi suo non optet, & omnes homines formosis subesse, ac seruire malle quam deformibus, inter omnes manifestò constat: & duo poetarum duces hoc decus, alter in Agamemnone, alter in Ænea minimè omiserunt, vtrumque enim à pulchritudine commendarunt. Quærimus itaque qualis Alexandri, regis omnium post homines natos maximæ, aspectus, & dignitas oris fuerit, si qua fuit. Hic ego aliud Aelian. lib. 12. cap. 14. & cum eo Solinum cap. 15, aperte docuisse, aliud Q. Curtium lib. 3. insinuasle, & lib. 6. affirmasle video. Ille cum ijs numerat, qui forma floruerunt: apud Græcos Alcibiade, Demetrio

metrio Poliorceta: apud Romanos Q. Scipio-  
 ne. Addit tamen, ὑπαναφύεσθαι δὲ τὴν τῷ εἶδός φε-  
 ρόντῳ Ἀλεξάνδρῳ λέγουσιν. Fertur porro ē facie  
 Alexandro quiddam formidabile eluxisse: quod  
 ita interpretor, fuisse in ea elegantem seuerita-  
 tem, & seueram elegantiam. Solini oratio hæc  
 est. Forma supra hominem augustiore, ceruice  
 celsa, latis oculis & illustribus, malis ad gratiam  
 rubescentibus, reliquis corporis non sine ma-  
 iestate quadam decoris. Quid Curtius? cum so-  
 lo Hephæstione amicorum omnium charissimo  
 assumpto ad Darij matrem, vxorem, filias capti-  
 uas inuisendas venisse. Mulieres Hephæstio-  
 nem, quod erat ætate par regi, & corporis ha-  
 bitu præstabat, ipsum regem esse existimantes,  
 suo, hoc est Persico, more veneratas esse. Inde  
 ex captiuis spadonibus quis esset Alexander mō-  
 strantibus, Sisygambin Darij matrem aduolutam  
 pedibus, ignorantiam nunquam visi regis ex-  
 cusasse. Non errassent utique reginæ, si quid-  
 quam regium in vultu Alexander prætulisset. Er-  
 go earum error pro coniectura sit, in Alexandro  
 pulchritudinem desideratam fuisse. Expressius  
 idem historicus lib 6. vt dixi. Narrans enim quo  
 pacto Thalæstris Amazonum regina cupidine  
 regis videndi, & ex eo sobolem concipiendi;  
 quam si fæminei sexus foret, retineret; si virilis,  
 illi redderet (non enim indignam se, ex qua il-  
 le regni hæretes generaret) ad eum magno co-  
 mitatu Amazonum venerit; interrito, inquit,

vultu regem intuebatur: habitum eiſus handqua-  
 quam rerum famæ parem oculis perlustrans;  
 quippe omnibus barbaris in corporum maiesta-  
 te veneratio eſt, magnorumque operum non  
 alios capaces putant, quam quos eximia ſpecie  
 donare natura dignata eſt. Vides à Solino discre-  
 pantiam? Huius hitorie meminit Iuſtinus  
 quoque lib. 2. 12. & 42. de corpore ta-  
 men Alexandri ne gry  
 quidem.

F I N I S.





Παῖς ἐργον.

SACRATISS. VIRGINI  
MATRI OETINGENSI, ACCE-  
PTI MEMOR BENEFICII I. P.  
Societatis IESV dedicabat.

ANNO M.DC.II.

**Q**ua sanctum cali, terra, pelagiq, parentem,  
Virgineo complexa utero, complexa lacertis  
Per scelus amissos prima genetricis honores  
Instaurare olim potuisti, & reddere vita  
Damnatos nullo moritura in tempore morti:  
Cuius opem assiduò supplex efflagitat orbis,  
Votorumq, reus suspendit plurima dona,  
Concelebratq, pio immortales carmine laudes:  
Me quoque testari mille inter, mille iterumq,  
Inter mille iterum, & numeroq, modoq, carentes  
Auxilium patiare tuum. Tua namque rogantem,  
Flebilibusq, alma onerantem vocibus aures  
Audiit, optatumq, dedit clementia finem,  
Aerumna, in longos male me qua presserat annos.  
Quapropter tantū ob meritū sine promere quantas  
Mens capere ipsa potest latanti pectore grates:  
Quamq, tibi caminus gracilem ne temne Camenā,  
O superis nimium, nimium mortalibus agris,  
Ante sed aeterno nimium dilecta Tonanti.

Hand

*Haud se componant tecum Collegia palmæ  
 Gestantum, dulciq; epinicia voce sonantum.  
 Fatidicis, Regina, choris tua gloria maior.  
 Grandæni assurgunt cali per limina Patres  
 Bis seni, quondam peragrantes extrema mundi,  
 Salvificisq; vagas subdentes legibus oras,  
 Vertice summisso & tibi cedere iure fatentur.  
 Quid memorem? millena acies pulcherrima fratrum  
 Agmina pennigerum Dominam venerantur, & u-  
 nam  
 Te contemplantes, cupide tua iussa sequuntur.  
 Deniq; Divorum quidquid per olympica regna,  
 Attonitum speciem, maiestatemq; stupefcit.*





# XXVIII. *Martialis epigramma enodatum.*

**E** Pigramma est 190. lib. 14. inscriptum, **L I-  
V I V S I N M E M B R A N I S.**

*Pellibus exiguis arctatur Linius ingens,*

*Quem mea non totum bibliotheca capit,*

Sensus verus, ac germanus hic est, nisi me fallit sententia. Liuum & præstantia scriptiois, seu lactea fandi copia (quam illi D. Hieronymus tribuit) & librorum multitudine magnum (quadraginta enim duos supra centum historiæ Romanæ conscripfit, ut Carolus Sigonius in Castigationibus docere memini) Liuum ergo isto modo quo dixi ingentem, ait exiguis pellibus, id est, in membranaceis paginis, non ampla forma, in bibliotheca quam viderat contineri: quæ sua bibliotheca quanta quanta sit non capiat totum: quia videlicet non habebat totum: sed partem duntaxat, puta unam, vel alteram decadem tantum fortasse. Vides leporem in ambiguo. Qui alias interpretationes comminiscuntur, ij mihi argutiam in verbis, non totum capit, latentem odorati non videntur, & risum debent.

# XXIX. *Cognatio locorum Ovidij, & Xenophontis.*

**L** Ib. 10. Metamorph. Adonidi puero, qui venatione delectabatur, consultum cupiens Venus, de leonibus, apris, vrsis vitandis em-  
seire

feriò admonet : opponunt enim se , & acerrimè tuentur ; ac nonnunquam venatorem necant.

*Hos tu, chare mihi, cumq; his genus omne ferarum,*

*Quod non terga fuga, sed pugna pectora præbet,  
Effuge, ne virtus tua sit damnosa duobus.*

Totus locus persimilis est illi Xenophonteio 1. de vita, & disciplina Cyri. Cum enim Cyrus puer apud auum Astyagem, regem Medorum educaretur, essetque campestris venationis cupidissimus, memorat Historicus ille, eam ipsi ab auo permissam, adiuncto auunculo, & custodibus nonnullis, & equitibus veteranis, qui à difficilibus, & periculosis locis eum seruarent; atque ab immanibus bestiis, si quæ apparerent, tuerentur. Quærente autem diligenter Cyro, quibusnam feris appropinquandum non esset, quæ uè fidenter possent agitari, dicebant illi, vñ complures olim homines, qui propius ipsos accessissent, dilaniarunt : permultos etiam leones, & apri, & pardi : cerui autem, & capreæ, agrestesque oues, & onagri nihil nocent. Iam, quod post longam narrationem de Hippomene, & Atalanta apud Nasonem sequitur, Venerem monuisse quidem hunc adolescentem, cauere sibi ab omni genere atrociorum, & pugnacium belluarum : sed eum post discessum monitricis illa monita vel obliu, vel non curantem, aprum à canibus excitum audacter aggressum iaculo fixisse, eiusque morsu interijisse, de eadem fidelia est.

*Ille quidem monuit, iunctisq; per aera cygnis  
 Carpit iter: sed stat monitis contraria virtus.  
 Forte suam latebris vestigia certa secuti  
 Exciuerunt canes, sylvisq; exire parantem  
 Fixerat obliquo veniens Cinyreius ictu.  
 Protinus excussit pando venabula rostro  
 Sanguine tincta suo: trepidamq; & tuta petentē  
 Traxit aper insequitar: totosq; sub inguine dentes  
 Abdidit, & fulva moribundum stravit arena.*

De eadem, inquam, fidelia est. Pergit enim Xenophon similia de Cyro suo dicere, hoc tantum discrimine, quod noster de apro, ille de ceruo: nec tam propter ceruum profilientē, pulchram, sanē, & magnam belluam, quam insecutus fuisset, quam quod nulla locorum habita ratione insecutus fuisset, ut equo cadente, ipsi propemodum ceruices contractae essent. Contra Chiron centaureus Achillem, quem a teneris educandum susceperat, & rebus maximis olim gerendis praeparabat, non nisi generosas feras lectari, & debellare iubebat, ut ipse lib. 2. Achilleid. apud Statium narrat.

*quid nunc praelia dicam  
 Sylvarum? & vacuos saeuo iam murmure saltus  
 Nunquam ille imbelles Ossa per antra lynces  
 Lectari, aut timidas passus me cuspide damat  
 Sternere: sed tristes turbare cubilibus ursos,  
 Fulmineosq; sues, & sicubi maxima tigris,  
 Aut subducta ingis foeta spelunca leana.  
 Ipse sedens vasto facta expectabat ab antro,*

*Si sparsus multo remearem sanguine, nec me  
Ante, nisi inspectis admisit ad oscula telis.*

### XXX. Apollinis ars, & potestas multiplex.

**A**pollo fugitantem se Daphnen, & aspernantem prorsus insequens i. Metam. multis blanditijs retinere, & ad sibi obsequendum inducere incassum conatur: ac *ῥητορικῶς* dilatans laudes suas, non solum qualis sit, sed etiam qualis non sit ostendit, idq; prius. Inter cætera verò, quibus gloriatur tanquam bonis, affirmat se *μαρτυρῆς, μυστικῆς, ιατρικῆς*, vaticinij, musicæ, rei medicæ inuentorē, ac præsidem esse. *Versus ad-  
duco.*

————— *per me quod eritq; fuitq;  
Estq; patet: per me concordant carmina nervis.  
Inuentū medicina meum est, opiferq; per orbem  
Dicor, & herbarum subiecta potentia nobis.*

*Στοχασικὴν* quoque, hoc est, sagittandi peritiā ibidem, & paulò supra sibi potissimum tribuit, cum eam Cupidini adimit.

*Quidq; tibi, lascivæ puer, cum fortibus armis  
Dixerat, ista decent humeros gestamina nostros,  
Qui dare certa fera, dare vulnera possum? hosti.*

Ita quadripartitam facultatem huius dei, eumq; vatem, musicum, medicum, sagittarium cernis. Quæ singula aliorum quoq; poetarū auctoritatibus confirmanda sunt. Ad vaticinatricē eius

facultatem quod attinet, Pindarus πῶς. ἰδ. θ. rerum omnium euentum illi certum, fixum, & notum esse ait. Stat. 1. Thebaid.

— tu doctus iniquas

*Parcarum prænosse manus fatigq; quod ultra est,  
Et summo placitura Ioui, quis lethifer annus,  
Bella quibus populis, mutant qua sceptra come-  
ta, &c.*

Augurem appellat Horatius Ode 2. lib. 1. Et 6. lib. 4. *Doctus arguta fidicen Thalia, Phæbe.* In carmine porro seculari vna strophe totam tetradem artium illius sic expresseit.

*Augur, & fulgente decorus arcu  
Phæbus, acceptusq; noxæm Camænis,  
Qui salutarî lenat arte fessos  
Corporis artus.*

De eius medicandi scientia 3. Fast. *Vos quoque Phæbaa morbos qui pellitis arte.* Et 4. Trist. *Si valeant, homines ars tua, Phæbe, iacet.* Et alibi. *Carminis, & medica Phæbe repertor opis.* De quarta pericia iterum Horat. Ode 12. lib. 1. *nec te metuende certa, Phæbe, sagitta.* Homerus, & alij poëtæ græci ἰκνηβόλον, ἰκᾶτον, ἰκᾶτηβελέτην à sagittis eminus iaculendis nominatiunt. Ac de hisce quatuor eius artibus etiam Virgilius lib. 12.

*Iamq; aderat Phæbo ante alios dilectus Iapis  
Iasides: acris quondam cui captus amore  
Ipse suas artes, sua munera latus Apollo  
Augurium, citharamq; dedit, celeresq; sagittas.  
Insuper vatem, cantorem, sagittarium creare  
voluit.*

Voluit. Quid lapis? vna contentus fuit.

*Scire potestates herbarum, vsumq; medendi  
Maluit, & mutas agitare inglorius artes.*

Omnes recenset Callimachus quoque hymno  
in Apollinem.

### XXXI. Metaphoram in eadem sententia citra vitium commutari posse.

**C**Um in exorsu Fastorum ait Poëta, & timida  
dirige navis iter, & interpositis aliquot versibus, vates rege vatis habenas, vtrumque in eadem re, fauore scilicet Germanici exposcendo  
surpans, admonet nos falsę cuiusdam, & superstitiosę opinionis, quę apud imperitos inualuit, persistendum esse in eadem metaphora, nec ad aliam in eadem sententia, seu in eadem re subito transiliendum. Sanè aliud longè visum Ouidio, qui cum Germanicum prius sibi quasi nauclerum, & magistrum navis suę, seu gubernatorem optasset, postmodum noua à re equestri sumpta translatione, petiuit suas habenas ab eodem regi: equi namque habenis reguntur. Sic in 2. Fast. cum dixisset. *Inq; suo nosler puluere currat equus*, deinde ait, *Nauiget hinc alia iam mihi linter aqua*. Et lib. I. *Nunc teritur nostris arca maior equis*. Et post pauca, *Dum licet, & spirant flamina, navis eat*. Et 2. de Pont. eleg. 6.

*Quæ tu cum præstes, remo tamen utar, & aura:  
Nil nocet admissis subdere calcar equo.*

Virgil. item 4. Georg. cum partem de hortis à

mari, & velis incepisset, in circum, & equos de-  
sijt. Idem lib. 2. fecit. Obseruauit, & congeffit  
locos à me prolatos in Notis suis homo accura-  
tissimæ diligentiae Lud. de la Cerda noster, mo-  
nuitq; , quod verissimum est, non pertinaciter  
hærendum vulgari præcepto, de quo supra dixi,  
cum nobis boni auctores præeant : nec poetæ  
tantum. Quippe Synesius ep. 4. rem nauticam  
cum reCircensi coniungit ἀποβῆναι νεὸς ὡς ἐκ πρώ-  
της ἀφ' ἐλεφας, è naui descendere tanquam è primis  
carceribus. M. Antonius Muretus iam pridem  
Commentar. in Phaselum Catulli idem notauit,  
haud esse, inquam, vel inelegans, vel culpæ af-  
fine eandem metaphoram non ad exitum per-  
ducere : sed ab vna in aliam abire. Itaque Catul-  
lum in eo poematio tres vno carmine permiscu-  
isse, cum dixit *comā* pro frōdibus, & *comā loquē-  
tem*; & postremò *sibilū* à serpentib⁹ mutuatus est.

*Vbi iste post phaselus antea fuit*

*Comata sylua. Nam Cythorio in iugo*

*Loquente sæpe sibilum edidit coma.*

Et paulò ante.

*Neg, ullius natantis impetum trabis*

*Nequisse praterire, siue palmulis*

*Opus foret volare, siue linteo.*

Notat & tertium exemplum in carmine ad pas-  
serem. Vbi cum ardorem pro dolore posuisset,  
quod ab igne sumpserat, addidit epitheton *gra-  
uis*, non ab igne, sed ab ijs corporibus ductum, in  
quibus inest pondus. Cumq; ignem restringere,

&



& quæ graua sunt leuari dicamus, ipse aliunde verbum accersijt, *acquiescit.*

*Ut solatiolum sui doloris:*

*Credo, ut tum grauis acquiescat ardor.*

Obseruo & ego apud Horatium ad Pilon. metaphoram commutatam in eodem versu. *Et male tornatos incudi reddere versus.* Tornus, & incus diuersa instrumenta, ad diuersos opifices, ille ad tornatorem, hæc ad fabrum ferrarium, aut serarium pertinet. Et aliud est tornari, aliud fabricari. Hæc ad studiosos, bene, ornateq; scribendi cupidos scrupulo non necessario liberandos, & ad communem, ex inscitia tamen profectâ opinionem conuellendam è doctissimis viris recitanda mihi existimaui.

## XX XII. *Laudes Solis.*

**N**ihil profectò inter omnia quæ aspectu percipiuntur inueniri, aut excogitari potest ipso Sole excellenrius, & admirandum magis, & in quo diuina potestas, ac magnificentia liquidius elucescat. Nihil hoc nobilissimo, omniumque maximo fidere siue ad speciem venustius, siue ad efficientiam validius, siue ad utilitatem fecundius. Sol astrorum rex, mundi oculus, dielæcitra, naturæ decus, cæli pulchritudo salutarem in primis, & vitalem maxime calorem, omnia augmentem, & nutrientem, & sensu impertientem stirpibus, & animantibus tribuit. Anni partes ita diuidit, ac temperat, ut quasi

chorum

chorum efficiat. Radijs suis longè lateque diffusis tenebras discutit, supera & infera omnia collustrat, & in abditissimis terræ visceribus aurum, & gemmas producit. Stupenda eiusdem magnitudo: siquidem vnum aquæ, & terræ globum, vt mathematici ratlocinantur, centies sexagies sexies, lunam sexies millies, quingenties tricies nonies superat. Valeant ergo nugatores apud Plutarch. de placit. philosoph. lib. 2. ca. 21, è quibus Anaximander æqualem terræ, maiorem Peloponneso Anaxagoras, pedali latitudine Heraclitus, tantum quantus oculis nostris apparet, paulo etiam maiorem, minoremue Epicurus asseruit. Eiusdem amplitudinem ex immensa lucis copia deprehendas, quando vnus duntaxat, fugata ac dispulsa penitus nocte diem reducit, passimq; diffundit: quod reliqua quotquot sunt sidera, si operas in vnum omnia conferant, simul præstare nequeunt. Quin immo totius lucis, quæ in alijs inest sideribus cum fontem, originemque scriptores non ignobiles opinantur. Senecæ in Hercule Fur. lucis rector, mundi decus. Cic. 2. de nat. deorum, qui astro- rum obtinet principatum. Hic etiam mactatis hostijs pro numine cultus est, à Persis præcipuè, qui celeri Deo non tardam victimam, equum puta, sacrificandum putauerunt, vt est 1. Fast. Plurima de Solis laudibus Pererius noster Comment. in Genesin libr. 1. & in Daniele libr. 4. Commendauit eum, & Plin. lib. 2. cap. 6. & Dio Chry-

Chrysoft. orat. 3. de regno. Suauiter item, & piè Dionysius Areopagita lib. de diuin. nominib. cap. 4. vbi diuinæ bonitatis imaginem esse asserit. De varia eiusdem virtute, & excellentia Macrobi. quoque Saturnal. lib. 1. cap. 17. & sequentibus. Rhodigin. lib. 21. cap. 14. Steuchus in Cosmopœla, Nazianzenus orat. 2. de Theolog. in extremo, vbi & illud Platonis memorat, in ijs quæ sentiuntur, solem esse, quod deum in ijs quæ sola intelligentia percipiuntur, Denique Lipsius lib. 2. Physiologiæ Stoicæ, Dissertat. 13.

### XXXIII. *Quæsitum de forma*

*Alex. M.*

**H**ABITUM oris, & decoram speciem gratiam, & amorem conciliare apud subiectos populos: nec ullam esse gentem, quæ hoc bonum Principi suo non optet, & omnes homines formosis subesse, ac seruire malle quam deformibus, inter omnes manifestò constat: & duo poetarum duces hoc decus, alter in Agamemnone, alter in Ænea minimè omiserunt, vtrumque enim à pulchritudine commendarunt. Quærimus itaque qualis Alexandri, regis omnium post homines natos maximæ, aspectus, & dignitas oris fuerit, si qua fuit. Hic ego aliud Aelian. lib. 12. cap. 14. & cum eo Solinum cap. 15, apertè docuisse, aliud Q. Curtium lib. 3. insinuasle, & lib. 6. affirmasle video. Ille cum ijs numerat, qui forma floruerunt: apud Græcos Alcibiade, Demetrio

metrio Poliorceta: apud Romanos Q. Scipione. Addit tamen, ὑπαναρίεσθαι δὲ τὴν τῷ εἶδός φε-  
 ρόντ τῷ Ἀλεξάνδρῳ λέγουσιν. Fertur porro è facie  
 Alexandro quiddam formidabile eluxisse: quod  
 ita interpretor, fuisse in ea elegantem severita-  
 tem, & severam elegantiam. Solini oratio hæc  
 est. Forma supra hominem augustiore, ceruice  
 celsa, lætis oculis & illustribus, malis ad gratiam  
 rubescentibus, reliquis corporis non sine ma-  
 iestate quadam decoris. Quid Curtius? cum so-  
 lo Hephæstione amicorum omnium charissimo  
 assumpto ad Darij matrem, vxorem, filias capti-  
 uas inuisendas venisse. Mulieres Hephæstio-  
 nem, quod erat ætate par regi, & corporis ha-  
 bitu præstabat, ipsum regem esse existimantes,  
 suo, hoc est Persico, more veneratas esse. Inde  
 ex captiuis spadonibus quis esset Alexander mô-  
 strantibus, Sisygambin Darij matrem aduolutam  
 pedibus, ignorantiam nunquam visi regis ex-  
 cusasse. Non errassent utique reginæ, si quid-  
 quam regium in vultu Alexander prætulisset. Er-  
 go earum error pro coniectata sit, in Alexandro  
 pulchritudinem desideratam fuisse. Expressius  
 idem historicus lib 6. vt dixi. Narrans enim quo  
 pacto Thalæstris Amazonum regina cupidine  
 regis videndi, & ex eo sobolem concipiendi;  
 quam si fæminei sexus foret, rerineret; si virilis,  
 illi redderet (non enim indignam se, ex qua il-  
 le regni hæres generaret) ad eum magno co-  
 mitatu Amazonum venerit; interrito, inquit,

vultu regem intriebat: habitum eius handqua-  
quam rerum famæ parem oculis perlustrans;  
quippe omnibus barbaris in corporum maiesta-  
te veneratio est, magnorumque operum non  
alios capaces putant, quam quos eximia specie  
donare natura dignata est. Vides à Solino discre-  
pantiam? Huius historiæ meminit Iustinus  
quoque lib. 2. 12. & 42. de corpore ta-  
men Alexandri ne gry  
quidem.

F I N I S.



*Hand se componant tecum Collegia palmarum  
 Gestantum, dulciq; epinicia voce sonantum.  
 Fatidicis, Regina, choris tua gloria maior.  
 Grandeni assurgunt cali per limina Patres  
 Bis seni, quondam peragrantes extrema mundi,  
 Salvificisq; vagas subdentes legibus oras,  
 Vertice summisso & tibi cedere iure fatentur.  
 Quid memorem? millena acies pulcherrima fratrum  
 Agmina pennigerum Dominam venerantur, & u-  
 nam  
 Te contemplant, cupide tua iussa sequuntur.  
 Deniq; Divorum quidquid per olympica regna,  
 Attonitum speciem, maiestatemq; stupescit.*



# INDEX ALIQVOT SYNTAGMATVM.

## Syntagmatis primi. HISTORIARVM.

- I. *Fulgineum urbs quomodo recepta.* pag. 7.
- II. *Oculorum consuetudo Alex. M. Valent. Iun. Imp.* 8
- III. *Amalasuenta Regina Italia laus, & mors indignissima.* 9
- IV. *De Theophylacti, Patriarche Constantinopolit. Schismatici, & Caligule Aug. hippomania. seu profano, & insano egnorū studio.* 11
- V. *Flavius Iosephus quam honorifice, & liberaliter Roma ab Imperatoribus, & Imperatrice habitus.* 13
- VI. *Menecratis Medici salsus, & arrogantia non ferenda. Philippi regis in eum techna Nestorii inflatio.* 14
- VII. *Adulatorum aliquot exempla.* 15
- VIII. *Clarissimarum ciuitatum occasus.* 19
- IX. *Cimonis Atheniensis liberalitas, & beneficentia predicanda. Item Pisistrati benignitas.* 21
- X. *De Rege Mithridate, eiusq; libris de remediis morborum, parricidii, & interitu. Martialis iocus.* 23
- XI. *Pocula de craniis hominum.* 24
- XII. *Reges qui illustres Bibliothecas collegerūt. Ty-  
porum utilitas. Cosmus M. Dux Etruria.* 26
- XIII. *S. Ludovicus Gallie Rex à Saracenis captus,*



<i>Redemptus. Eius in hostem iustitia.</i>	18
XIV. <i>Mirum de partu numeroso, &amp; de infan-</i> <i>tulo.</i>	30
XV. <i>Regina, &amp; Rex Persarum Constantinopoli</i> <i>Christiana sacra susceperunt.</i>	31
XVI. <i>Cupido immortalitatis apud Sinas.</i>	32
XVII. <i>Mulier ἀδύρβλωστος, seu incontinentis</i> <i>lingua.</i>	34
XVIII. <i>Divinator ludus factus.</i>	37
XIX. <i>DetraCTOR, &amp; loquax prudenter correctus. Ib. d.</i>	
XX. <i>Mors cuiusdam ventris.</i>	38
XXI. <i>Pretor pagani honore superbit.</i>	39
XXII. <i>Vinum aqua misum.</i>	40
XXIII. <i>Pauperis amici testamentum mirificum.</i>	41
XXIV. <i>Factum amici quantavis predicatione dig-</i> <i>num.</i>	43
XXV. <i>Othonis M. &amp; Othonis III. Imp. aduer-</i> <i>sus fontes iustitia memorabilis, &amp; huius</i> <i>exitium.</i>	45
XXVI. <i>De pugna Pharsalica.</i>	48
XXVII. <i>Trium seruatorum in heros, &amp; filii in patrē</i> <i>fides, &amp; charitas.</i>	50
XXVIII. <i>De diuite avaro.</i>	51
XXIX. <i>Clementia, &amp; largitio Maximil. I. Imp. in</i> <i>peculatore.</i>	53
XXX. <i>Per simile factum Alphonsi Regis in furem</i> <i>annulorum.</i>	55
XXXI. <i>Ludouicus XI. Rex Francorum, &amp; eius</i> <i>pediculus.</i>	56
XXXII. <i>De quodam plano, seu impostore.</i>	57

# INDEX.

XXXIII. De facinoroso, in cuius tergo per publicam virga moriebantur.	58	L. Cl.
XXXIV. Fatui responsum neutiquam fatuum.	59	LI. H.
XXXV. Leuissima de causa regno donatus.	60	LII. Z.
XXXVI. Contumelia sapienter tolerata, quin & be- neficio pensata.	61	LIII. C.
XXXVII. Factum & responsum memorabile S. An- tonii de Padua.	62	LIV.
XXXVIII. Caroli M. corpus, linguarum, & artium peritia, aliaq; nonnulla.	64	LV. S.
XXXIX. De Amasi Rege Aegypti, quid oraculis fecerit, & de lege quadam eiusdem capita- li.	66	LVI. LVII.
XL. Argiuorum, & Lacedamonum pro agro Thy- rea dimicatio.	67	
XLI. Aqua igne maior Deus.	69	
XLII. Vnde natum adagium, Nihil ad Parmeno- nis suum.	70	I.
XLIII. Apellis, & Protogenis pictorum concertatio Ibid.		II.
XLIV. Libussa Bohemorum Regina.	72	III.
XLV. De Gilimere Vandalo regni incubatore.	74	
XLVI. Quid Antiochia fecerit Iulianus ὁ παπά- της, & de ciuium in ipsum dictis, quomo- modo se ultum iuerit.	76	IV.
XLVII. Iouinianus Iuliani successor Christianis- mum restituit. De sacrarum virginum con- iugio quid sanxerit.	78	V.
XLVIII. Theophili Imp. iustum iudicium.	79	V.
XLIX. Poloni nobilis aduersus leonem magnani- mitas. 81.		L. Aegy.

# INDEX.

- L. Cleopatra Regina Aegypti cū summa iniquitate,  
& parricidiis. auaritia incredibilis.** 82
- LI. Herodis cōceptum, & praescriptum facinas cru-  
delissimum.** 84
- LII. Natura Chamaleontis.** 86
- LIII. De quodam qui colicum dolorē simulabat.** 87
- LIV. Ad locum M. Tullij ex IV. Catilinar. de ser-  
no scelerato historia memorabilis.** 88
- LV. Solimanni Imp. Turcarum in tres filios im-  
manitas.** 90
- LVI. De naso Rudolphi Caesaris,** 91
- LVII. De tribus histrionibus, Christum repente, &  
in speratō confēsis.** 92

## Syntagmatis sexti.

### Q V A E S T I O N V M.

- I. Quid pro Gracis litteris ex nuperis scriptoribus  
ἀξιωματικῶς, & praeclare dici potest?** 308
- II. Cur solus homo expetit ciborum diuersitatem?**  
310.
- III. Quare Pyrrhus Epirotarum Rex aliis prae-  
missis solam sanitatem à diis precabatur?**  
311.
- IV. Quomodo possunt grauiter, verè, & gloriose  
laudari Humanitatis studia?** 312
- V. Quam obrem hominum quidam naturā tristes,  
quidam letabundi?** 313
- VI. Quid sibi vult prosa oratio?** 314
- VII. Cur Baccho cornua tribuuntur à Poetis?** 315
- VIII. Quod est maximum ira remedium?** Ibid.
- IX. Quid**

- IX. Quid ita crudis, & lippis inimicum pila ludere? 316
- X. Quibus ex rebus ius civile constat? Ibid.
- XI. Cur nupta Roma non transcendebat limen domus, sed à pronubis transportsabatur? 317
- XII. Quare nautæ abundi vomunt, qui primum mare navigant? Ibid.
- XIII. Cur fructus, & olera non eque ut panis nutriunt? 318
- XIV. Cur Socrates interrogatus, an Rex Persarum esset felix, negavit se scire? Ibid.
- XV. Quidnam candor in vestibus angelorum, Christi transfigurati, martyribus, equis etiam significat? 319
- XVI. Quid? Vixit ne Seneca ut scripsit? 320
- XVII. Quandiu maria clausa, & ad navigandam intempestiva sunt? 322
- XVIII. Qualem se prebebit Imp. erga dedentes se civitates? 323
- XIX. Cur alia elixa, alia assa melius eduntur? Ibid.
- XX. Cur edenda bellaria, & utendum mensa secunda? 324
- XXI. Cur aurora frigidior quam vespera? 325
- XXII. Quomodo morbum simulantes deprehendendi, & quæ signa morbi? Ibid.
- XXIII. Cur tantopere deploramus nostra incommoda? 326
- XXIV. Unde factum, ut libri alieni: auctoribus tribuerentur? Ibid.
- XXV. Quot & quibus argumentis oï ymici deprehenduntur? 327
- XXVI. Cur in nuptiis plurimi ad cœnâ vocantur? Ibid.

# I N D E X

- XXVII. Cur Romani cognatas non ducebant uxores? 328
- XXVIII. Quibus de causis verba græca latinis rectè immiscentur? 329
- XXIX. Quo pacto ostenderet coram, quam scriptis agere plus conducere? 331
- XXX. Cur in hominibus tanta facierum discrepantia? Ibid.
- XXXI. Meminit ne, & æstimavit Societatem IESU Iustus Lipsius? 332
- XXXII. Cur poetica tenet globum, seu spheram in læna? 333
- XXXIII. Quid maximè oblectat animum? 335
- XXXIV. De tot Interpretibus, & Scholiasticis Virgilii & Horatii quid sentis? Ibid.
- XXXV. Cur literati pœnita, & atræ bili obnoxii? 338
- XXXVI. Vnde mos, ut proficiscentes ad bellum Imperatores munus gladiatorium, & venatus darent? Ibid.
- XXXVII. Quare multo maiora, & veriora æstate, quam hyeme contemplamur? 339
- XXXVIII. Equites an pedites bello utiliores? 340
- XXXIX. Qualis diæta præscribenda senibus? 341
- XL. Quis bonus in disputando index, & quomodo disputandum? 343
- XLI. Cur Alex. M. tantopere delectatus est Homero? 344
- XLII. Quamobrem matrem filia præcedunt, filii patrem sequuntur? 346
- XLIII. Cur qui oscitantem vident & ipsi oscitant? 347
- XLIV. Quæ

# INDEX.

- XLIV. *Quare pauperibus ad magistratus non pa-*  
*ter aditus?* 348
- XLV. *Nunquid poeta mentiuntur?* Ibid.
- XLVI. *Quare Deo nomen nullum congruit?* 349
- XLVII. *Sunt ne mala Delicta, siue à Deo?* 350
- XLVIII. *Quare Christiani mortuorum corpora la-*  
*uabant, & ungebant?* 351
- XLIX. *Quare post balnea ungebantur?* 352
- L. *Quam ob causam secessus, & montes Musis ad-*  
*scribuntur?* Ibid.
- LI. *Cur Deus animam tante dignitatis cum tam*  
*vili corpore coniunxit?*

Syntagmatis octau.

## ANTHOLOGIÆ.

EX S. HIERONYMO.

- I. *Periculum castitatis.* 408
- II. *Senum, & adolescentum in studiis sapientie col-*  
*latio.* Ibid.
- III. *Præceptum de tradenda elementorum notitia,*  
*ductūq; filie parvule.* 409
- IV. *De Nebriidii paruis liberis ἡδονόγως.* 410
- V. *Quare cantio adhibenda aduersus delicta quā-*  
*uis leuia?* 411
- VI. *Detractio.* 412
- VII. *Paula matris, & Eustochii filie laus.* Ibid.
- VIII. *Monachi & Clerici.* 413
- IX. *Brenium sententiarum Chaos.* 414

EX S. AMBROSIO.

- I. *Alium.* 416
- II. *Casti-*

I. <i>Castimonia Iosephi.</i>	Ibid.
III. <i>Humani capitis, &amp; capillorum decus.</i>	417
IV. <i>Quis vere dives.</i>	418
V. <i>Eua, &amp; Adamus in peccato communiter ad-</i> <i>misso comparati.</i>	Ibid.
VI. <i>Heretici.</i>	420
VII. <i>Ingenium coercendum.</i>	Ibid.
VIII. <i>Adolescentia prona in vitium.</i>	421
IX. <i>Mors non est malum, ideo nec fugienda.</i>	Ibid.
X. <i>Vsura.</i>	422

EX S. AVGVSTINO.

I. <i>Deus saltem redamandus.</i>	423
II. <i>Verus Christianus.</i>	Ibid.
III. <i>Θεολογία.</i>	424
IV. <i>Sancta ebrietas.</i>	425
V. <i>Encomium mulieris.</i>	426
VI. <i>In domino laudabitur anima mea.</i>	427
VII. <i>Sobrietatis praconium.</i>	428
VIII. <i>Duplex vita.</i>	429
IX. <i>Spicilegium sententiarum ex libris de Civi-</i> <i>tate Dei.</i>	430

EX S. GREGORIO MAGNO.

I. <i>Vite celestis cupido : rerum fluxarum contem-</i> <i>ptio.</i>	431
II. <i>Temperamentum Prelati in subditis castigan-</i> <i>dis.</i>	432
III. <i>Adversus delectationem carnis.</i>	433
IV. <i>Placandus Deus ante supremum iudiciū.</i>	Ibid.
V. <i>Extra Ecclesiam Catholicam non est martyri-</i> <i>rium.</i>	434



# I N D I X

*V. Ingratam Deo sacrificium.* 434

EX S. GREGORIO NAZIAN-

ZENO.

*I. Laus vite solitaria.* 435

*II. Vitiorm proclinitas.* 436

*III. Incarnatio filii Dei ex antithetis illustrata.*  
437.

*IV. Ad vite sanctimoniam hortatiuncula.* Ibid.

*V. Basilii simioli.* 438

*VI. Miscella sententia ex eodem. Greg.* 439

EX S. ATHANASIO.

*I. In bonum latronem.* 441

*II. In sepulchrum Christi, & sepulturam.* 442

*III. Unde cultus imaginum pro diis.* 443

*IV. Quamobrem Christus non honestiorem mor-  
tem elegerit.* 444

*V. Lectio S. Scriptura quid exigit.* Ibid.

EX S. BASILIO.

*I. Ieiunium.* 445

*II. Invidus descriptus.* 446

*III. De his qui filiis thesaurizant.* 447

*IV. Contra immodicam abstinentiam.* 448

*V. Masculorum, faminarumq; contactus.* 449

EX S. CHRYSOSTOMO.

*I. Similitudines ex Homil. ad pop. Antiochen.*  
450.

*II. Dissimilitudines.* 452

*III. Virginitas.* 453

EX AMPHILOCHIO.

*I. Coniugium.*

EX

## EX EPIPHANIO.

*Christi generatio ex Virgine, & regeneratio ex sepulchro comparata.* 454

*Syntagmatis decimi.*

## VARIARVM LECTIONVM.

*Cap. I. Super vocabulis Seruator, & Saluator disertatinnucula.* 474

*II. De auctoritate Pythagoræ, & Christiano. Greg. Nazianzenilam. Quid Hieronymo solacis- mus Christianus.* 499

*III. Due leges Atheniensium, una humanitatis, altera grati animi. Bos laudatus.* 502

*IV. Exordium Partitionum oratoriarum ex Platonis expressum apparere.* 504

*V. Quis sit Homero, & Hesiodo plurimum, magnum iudicandum. Quis item Alex. M. & Caio Calig. Imp.* 506

*VI. Athena plures. Atteicarum commendatio.* 508

*VII. Quid Sirenes: tum quid sibi velit apud D. Ambros. filia passerum.* 510

*VIII. Sententia M. Tullii de domo viri honorati perpensa, & illustrata.* 512

*IX. Quo pacto mens ad voluptatem, & sensus corporis sese habeat, trina similitudine ex tribus scriptoribus declaratum.* 514

*X. Aduersus amorem vetitum. Eius remedia. Locus Xenophontis.* 518

- XI. *Principium distichorum Catonis explicatum, & illustratum.* 518
- XII. *Gemina forma Dialogi. Locus in Lelio Ciceronis ex Theæteto Platonis imitatus.* 520
- XIII. *Vox blandiloqua apud D. Hieronymum.* 522
- XIV. *Sermones, questiones, seu disputationes conuiuiales.* 523
- XV. *Sylua quod genus poematis, & Sylua Statio-na.* 525
- XVI. *De pluribus Thebis, deq. Baotidis disertius.* 527
- XVII. *Tempus & Scriptores belli Thebani.* 529
- XVIII. *Virgilius locus, item Horatii à Statio adumbrati.* 532
- XIX. *Pallor, & verecundia virginalis à Papinio expressa.* 534
- XX. *Mos vetus sub extremum conuiuii. Adrastipatera ex I. Thebaid. cum Virgilianis, & Onidiana collata.* 536
- XXI. *Dolor, siue tristitia, & ira due pestes animi.* 538.
- XXII. *Patefactum exemplis, quæ à Græcis ponerentur in vitio, apud Romanos fuisse in laude: atque alia alius pulchra non pulchra, honesta aut inhonesta videri.* 539
- XXIII. *D. Hieronymus laudatur. Erasmi temeraria affirmatio. Theodori Gaze aculeus. Leo eidem sancto appictus.* 543
- XXIV. *Vicissitudo litterarum inter amicos. Eru-ditissimi viri sententia confutata.* 546
- XXV. *In epitaphio Plauti quid sint numeri innu-meri.* 549

# I N D E X.

XXVI. <i>Littera, seu manus elegās. Exemplū Theodosii iuueris. Mann sua quippiam conscribere quantum valeat.</i>	550
XXVII. <i>Epistola qualis imago.</i>	552
XXVIII. <i>Martialis epigramma enodatum.</i>	554
XXIX. <i>Cognatio locorum Ouidii, &amp; Xenophontis.</i>	554.
XXX. <i>Apollinis ars, &amp; potestas multiplex.</i>	557
XXXI. <i>Metaphoram in eadem sententia citra vitium commutari posse.</i>	559
XXXII. <i>Laudes Solis.</i>	561
XXXIII. <i>Quæsitum de forma Alex, M.</i>	563

Horum maximè Syntagmatum ex X. Indices postularum te ratus sum. Reliquorum propter immensam lemmatum varietatem, & copiam fuissent fastidio propiores. Sed cum hos, tum præterea rerum, & verborum conficiat, si lubet, qui Volumen forte recudendum suscepit. Materiam sanè, vel te ipso teste, vberem habebit.



# LECTORI.

Habes nunc geminata Bellaria : quæ si palato tuo fecerint, quod spero, lætus sum omnibus lætitijs. Voluminis mediocritas contra quam putavi, prioris magnitudini non responder. Verum adhuc in arca nummus est, unde, si Deus annuerit, nummatius prodeat in posterum. De erratis typographicis illud Plautinum dici potest. Qui cauet, vix cauet. Cum etiam cauet, sæpe is cautor captus est. Leuissimis prætermittis, præcipua licemendo.

**P** Ag. 15 f. mensam. 27. p. sua. 62 p. & cisci. 66 p. pro MDCC. Prestitue DCCCL. 83. & & lt. adde, lib. 1. 96. m. egerit. 93. p. gladijs. 111. p. decedens. 116. f. Palamonis. 119 p. gulam frege- ro. 129 m. ad Paulin 130. & 1. Principes. 139. & 1. patere. 171. p. palatinatu. 173 p. Turcicas. 186. f. mango. 217. f. Enagrium. 240. m. Vocauit. 275. p. & 1. Adriani. 282. f. Gorgia. 289. Ny- timenes 295. f. Silitatem. 308. f. dimidiata. 315. & & lt. hora. 353. follis 369. & 1. solent 387 p. audiatem. 408. m. clausum. 415. marcescit. 418 p. præminet. 424 & & lt. sua. 461. p. ult. Musaa. 462. m. chelyas. 511. f. honestandam. 513. f. impensam. 517. p. χαυυριας. 538. p. & 2. Theba.













